

**STORIA DEL
PONTIFICATO DI
CLEMENTE 14.
SCRITTA SOPRA
DOCUMENTI...**

Clemens 14.>, Augustin
Theiner





5.0.++0

CLEMENTIS XIV

PONT. MAX.

EPISTOLÆ ET BREVIA

SELECTIORA

AC NONNULLA ALIA ACTA PONTIFICATUM EJUS

ILLUSTRANTIA

QUÆ EX SECRETIORIBUS TABULARIIS VATICANIS DEPRŌMSIT

ET NUNC PRIMUM EDIDIT

AUGUSTINUS THEINER



FLORENTIÆ

TIPIS ALOYSII NICCOLAI

SUMPTIBUS EDITORUM

1854

3.8.778

3.8.778

CLEMENTIS XIV

PONT. MAX.

EPISTOLÆ ET BREVIA



CLEMENTIS XIV
PONT. MAX.
EPISTOLÆ ET BREVIA
SELECTIONA
AC NONNULLA ALIA ACTA PONTIFICATUM EJUS
ILLUSTRANTIA
QUÆ EX SECRETIORIBUS TABULARIIS VATICANIS
DEPROMSIT ET NUNC PRIMUM EDIDIT
AUGUSTINUS THEINER

Congregationis Oratorum romanus presbyter, consultor SS. Congregationum Indidis librorum prohibitorum, Episcoporum et regularium ac Sancti Officii, socius Congregationis specialis de Immaculata B. M. V. Conceptione, Collegii theologorum Archigymnasi romani et Academiæ pontificiæ Archæologiæ, Prefectus-Coadjutor secretariis Archivi sanctæ romanæ sedis, etc., etc.

FLORENTIÆ

TIPIS ALOYSII NICCOLAI

SUMPTIBUS EDITORUM

1854



PRÆFATIO.

Validissimis rationibus permoti consilium inivimus annales gloriosissimi pontificatus Clementis XIV Pontificis Maximi separatim edere ac vernaculo idiomate conscribere, quarum illa praecepta fuit, ut ita utilitati omnium magis consuleretur. Satis disseruimus hac de re in praefatione, quam ipsis annalibus praemisimus, quo sit ut supervacaneum omnino esset quae ibi diximus denuo repetere.

Consilium hoc nostrum exigit et rationi rerum prorsus consentaneum esse videtur ut singulare volumen quod dicunt Documentorum adornaremus, quae mirifice faciunt ad corroboranda quae in Annalibus Clementinis narravimus nec non ad degustandum magis magisque il-

lum pietatis, mansuetudinis ac caritatis spiritum quem omnes Clementis XIV Pontificis Optimi Maximi epistolae singulari quodam modo redolent, quique vere seraphicus dici potest.

Subjunximus denique alia quaedam haud adspernanda documenta, quae historiam istius temporis adprime dilucidant.

Utere itaque, humanissime lector, hac qualicunque documentorum suppellectili, quae tibi et Pontificis Opt. Max. et sui temporis imaginem summa fide depingunt.

Dabamus Romae ex Museo Vallicellano presbyterorum Congregationis Oratorii S. Philippi Neri, idib. februar. A. Dom. M.DCCC.LII.

CLEMENTIS XIV

PONT. MAX.

EPISTOLÆ ET BREVIA SELECTIORA.

I.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO
CLEMENS PAPA XIV.

Romæ, 14 junii 1766.

Carissime in Christo Fili noster, salutem et apostolicam benedictionem. Dilectum filium nobilem virum Josephum Henricum marchionem de Aubeterre Majestatis tuæ apud hanc apostolicam sedem oratorem, et semper antea propter egregias illius virtutes plurimi fecimus, et nunc ad pontificiam dignitatem divina clementia evecti ob singularia ejusdem in nos perspecta studia mirifica benevolentia complectimur. Hinc facile Majestas tua potest cognoscere quam aegre feramus tam cito a nobis eundem discedere, quem diutius penes nos commorari maxime cuperemus. Verumtamen, cum suæ ipsum rationes isthuc revocent, atque idcirco postulanti Majestas tua redeundi facultatem concesserit, Nos et illi luculentissimos paterni animi nostri sensus declaravimus, et Majestati tuæ testatum esse volumus cunctas in amplissimo obeundo munere integritatis, fidei, prudentiæ, ac in Nos etiam pietatis partes esse ab illo præclare cumulatas. Idem dum humanissimas tuas redderet litteras, quibus Nos de illi concessa redivis venia certiores fecisti, demandatum sibi tuæ

filialis erga Nos atque apostolicam hanc sedem declarandae observantiae officium accuratissime peregit. Nos invicem illi summo opere commendavimus ut nostri in te paterni amoris magnitudinem tibi quam uberissime explicaret. Persuasissimum enim illud esse Majestati tuae vehementer optamus, nullum officii genus, nullum singularis benevolentiae testimonium proficisci a Nobis posse quod non libentissime in te conferre cupiamus, ut ita nostrum summum studium atque eximiam erga te voluntatem reipsa in omnibus tibi comprobemus. Demum a Deo optimo maximo enixe petimus, ut faustos rerum tuarum, consiliorumque omnium successus esse velit, nosque caelestium munerum auspiciem apostolicam benedictionem tibi, carissime in Christo fili noster, universaeque regiae domui tuae amantissime imperitumur. *Datum Romae apud S. Mariam Majorem sub annulo Piscatoris, die 14 junii 1769, pontificatus nostri anno primo.*

 II.

CARISSIMO IN CHRISTO FILIO NOSTRO

 JOSEPHO IN ROMANORUM IMPERATOREM ELECTO
 CLEMENS PAPA XIV.

Romae, 21 junii 1769.

Carissime, etc. Ob egregias animi dotes ac singulares virtutes quibus Majestatis tuae apud nos oratorem, consiliarium actua-lem, inctum camerarium dilectum filium nobilem virum Ernestum comitem de Kaunitz Rittberg instructissimum esse cognovimus, vehementer sane cuperemus ut idem post gratulationis ac filialis observantiae tuo nomine praestitae officia praeclare nobiscum peracta diutius penes Nos commoraretur. Quoniam autem eundem Neapolitanae, qua perfungitur, legationis rationes illuc revocant, quemadmodum venientem ad Nos libentissime excepimus, ita tuo jussu proficiscentem luculentissimis pontificiae benevolentiae testimoniis prosequimur, et Majestati tuae, quas uberores dare possumus in commisso obeundo munere illius fidei, prudentiae, ac in Nos pietatis significationes universas reddimus. Porro confidimus fore ut idem Majestatem tuam certiore faciat de nostri in te studii atque amoris magnitudine, tibi que significet quam ingentem spem de tua satis

omnibus perspecta religione, atque in Nos ac sanctam hanc sedem peculiari studio habeamus. Dilecto filio nostro Alexandro S. R. E. diacono cardinali Albano demandatum esse ut Majestatis tuæ rerum curationi præesse pergeret, Nobis est jucundissimum; illum enim et plurimi facimus, et magnopere diligimus, et diligenter curabimus ut in egregia sacerdotio ac imperio navanda opera nullas paternæ nostræ benignitatis partes desideret. Interim Majestati tuæ a Deo bonorum omnium largitore, ad sacrosanctæ religionis incrementum ac christianæ reipublicæ tranquillitatem fausta ac felicia omnia deprecantes, apostolicam benedictionem tibi, carissime in Christo fili noster, amantissime impertimur. *Datum Romæ, etc., die 21 junii 1769, pontificatus nostri anno primo.*

III.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO

CLEMENS PAPA XIV.

Romæ, 21 junii 1769.

Carissime, etc. Perspectissimæ Augustæ Caesarææ domus pietati eximiaeque in hanc apostolicam sedem observantiae ea plane consentiunt quæ retulit Nobis dilectus filius nobilis vir S. R. I. comes de Kaunitz Rittberg, actualis consiliarius, intimus camerarius et orator apud Nos tuus, quæque Majestas tua perscribit de ingenti gaudio quod ob Nos ad Christi in terris vices obeundas divino consilio in supremo Ecclesiæ culmine constitutos percepit. Hi pii religiosique animi tui sensus neque novi Nobis, neque inexpectati fueruat, cum Nos ipsi paucis ante mensibus Majestatem tuam nostra S. R. E. cardinalium comitia invisentem aspexerimus atque allocuti simus, et coram excelsam virtutem ac sapientiam tuam ore, vultu, oculis emicantem multa cum jucunditate admirati. Tanto igitur magis hoc tuæ in Nos filialis observantiae testimonio laetamur, eamque, quam ad hoc gravissimum sustinendum munus in nostris viribus non habemus fiduciam, ex tuo in nos studio cupimus, quo de primi Ecclesiæ filii supremique ejusdem advocati et defensoris munus nunquam defuturum polliceris. Nos quidem hæc egregia tua vo-

luntate vehementer innititur, contraque ita comparati animo sumus ut non solum eam quae inter sacerdotium et imperium intercedit conjunctionem fovere, sed arctioribus etiam amoris ac officiorum omnium vinculis semper magis adstringere cupiamus. Luculenter hanc animi nostri sententiam exprompsimus eidem oratori tuo, dum diligenter mandatum tibi a Majestate tua manus apud Nos perageret, quo ita graviter magnificeque functus est ut splendore prudentiaeque sua et plurimum sibi a Nobis gratiam conciliaverit, et omnium ordinum voluntates mirifice devinxerit. Demum, incredibili Majestatem tuam studio nostro paternaeque cumulativissima caritate prosequentes, apostolicam benedictionem tibi, carissime in Christo fili noster, amantissime impertimur. *Datum Romae, etc., die 21 junii 1769, pontificatus nostri anno primo.* *

 IV.

CARISSIMÆ IN CHRISTO FILIÆ NOSTRÆ

MARLÆ THERESIÆ, HUNGARLÆ REGINÆ APOSTOLICÆ,

NEC NON BOHEMIÆ REGINÆ ILLUSTRİ,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romae, 21 junii 1769.

Carissima in Christo filia nostra, salutem et apostolicam benedictionem. Dilectus filius nobilis vir camerarius et consiliarius actualis intimus Majestatis tuae, Ernestus comes a Kaunitz Rittberg, imposito a te sibi legationis apud Nos munere egregie est perfunctus. Siquidem amplissimis verbis Nobis ad pontificiam sedem divina clementia recens evectis tuae gratulationis officia detulit, et quam praeclara sint tua erga Nos atque hanc apostolicam sedem studia declaravit. Nos quidem perspecta jamdiu Majestatis tuae pietate ac religione freti, nunc vero his eximiis tuae voluntatis significationibus confirmati, in gravissimarum rerum procuracione sustinenda, maxima Nobis in te tuaeque augusta domo adjumenta ac praesidia constituta esse non dubitamus. Ex eodem tuo christianis virtutibus ornatissimo animo, unde nostra haec de te praeclare sperandi argumenta sup-

peditantur, summae etiam ac singularis paternae nostrae in te caritatis rationes emanant. Haec amplissima nostra de te judicia atque intimos animi sensus eundem oratorem tuum prolixè explicaturum tibi confidimus, cujus et splendorem et prudentiam in obeundo munere, et multam etiam in Nos pietatem magnopere collaudamus. Interim in luculentius devinctissimi nostri erga te studii ac pontificiae benevolentiae pignus omnem tibi a Deo optimo maximo veram solidamque felicitatem implorantes, apostolicam benedictionem Majestati tuae, carissima in Christo filia nostra, amantissime impertimur. *Datum Romae, etc., die 21 junii 1769, pontificatus nostri anno primo.*

V.

DILECTIS FILIIS

VEXILLIFERO ET PRIORIBUS

CIVITATIS NOSTRÆ URBINI

CLEMENS PAPA XIV.

Romae, 24 junii 1769.

Dilecti, etc. Neque iberiora, neque nobis cariora officia ulla esse possunt quam quae a vobis fuerunt ob pontificiam dignitatem ad Nos divina clementia delatam litteris fidei ac filialis observantiae plenissimis Nobiscum peracta. Ampliores etiam nobisque jucundiores has laetitiae vestrae significationes reddiderunt venerabilis frater noster Joannes Franciscus S. R. E. cardinalis Albanus, et dilectus filius noster Benedictus S. R. E. cardinalis Veteranus, cives Vestri, quos ob eorum eximias laudes ac praeclara in Nos merita plurimi facimus ac mirifice diligimus, qui vestro nomine luculentissime vestrorum animorum sensus vestraeque in Nos fidei ac pietatis magnitudinem nobis declararunt. Haec igitur vestrorum in Nos studiorum tam praeclara testimonia gratissimo animo excipimus, Vobisque invicem profitemur, erga vos ac civitatem istam, quam patriam ac parentem nostram nuncupare jure possumus, nunc ut carissimam filiam complectimur, singularem nostram esse benevolentiam; Nosque summopere laetari quod eximiae nunc opportunitates suppeditari poterunt ornamentis ac commodis vestris amplificandis, nostraeque paternae in vos reipsa confirmandae voluntatis.

Sacrae ac gloriosissimae mem. Clementis XI praedecessoris nostri cum ceteras virtutes imitari maxime vellemus, tum certe studia in vobis ornandis ac omni beneficiorum genere proseguendis aemulari satagemus. Verum haec vobis cardinales amplissimi cives vestri fusius perscribent, quorum litteris nostrae in vos benevolentiae vim perspicue cognoscetis. Interim certissimum pontificiae in vos caritatis argumentum apostolicam benedictionem vobis peramanter impertimur. *Datum Romae, etc., die 24 junii 1769, pontificatus nostri anno primo.*

VI.

DILECTIS FILIIS

AC DILECTIS IN CHRISTO FILIABUS, CONFRATRIBUS ET CONSORORIBUS

REGIAE SOCIETATIS ALBORUM DE SPIRITU SANCTO

NUNCUPATORUM SUB INVOCATIONE

SANCTAE MARIAE REGINAE SANCTORUM OMNIUM

CIVITATIS NEAPOLITANAE

CLEMENS PAPA XIV.

Romae, 30 junii 1769.

Dilecti filii ac dilectae in Christo filiae, salutem, etc. Nihil Nobis gratius ac jucundius obvenire existimamus quam cum accipimus pias utriusque sexus christifidelium sodalitates ubique terrarum erectas iis pietatis caritatisque operibus et exercitationibus sedulam operam dare, quibus et ad propriam cujusque sodalis aeternam salutem consequendam atque aliis christifidelibus procurandam excitantur. Quoniam autem, sicut Nobis nuper exponi fecerunt dilecti filii eques Scipio Pigala, Joseph Persico et Andreas Sabattini, moderni sodalitatis vestrae superiores sive gubernatores sive officiales, ipsa vestra sodalitas summopere exoptat ut Nos quoque non solum nostrum nomen eidem sodalitati adscribi patiamur, verum etiam caelestium munerum thesauros viris confratribus dumtaxat per fel. rec. praedecessores nostros Gregorium papam XIII et Clementem VIII aliosque Romanos Pontifices alias elargitos ad dilectas in Christo filias ejusdem sodalitatis consorores extendere dignaremur. Nos itaque quibus

supremum sacrosancti apostolatus munus per ineffabilem divinae bonitatis abundantiam impositum, et totius catholicae ecclesiae cura demandata est, maximopere gaudentes piis vestrarum apud omnipotentem Deum, atque beatissimam Virginem Mariam immaculatam obsecrationum suffragiis participes fieri vestrisque optatis obsecundare, libenter annuimus nostrum nomen eidem sodalitati vestrae dare atque inter confratres numerari. Fore enim in Domino confidimus ut, suffragantibus meritis precibusque vestris, ea, qua majori potest, sollicitudine, cura et vigilantia ministerium nostrum apostolicum adimplere valeamus. Præterea pari apostolica benignitate et auctoritate, quibuscumque contrariis non obstantibus, omnes et singulas indulgentias, peccatorum remissiones, poenarumque relaxationes quas viris confratribus vestrae sodalitatis dumtaxat laudati praedecessores nostri concesserunt, ad dilectas pariter in Christo filias consorores extendimus, hac tamen conditione ut, cum quaelibet ex consororibus ea opera praestare, iisque exercitationibus interesse non poterit et quibus confratres intersunt, et quae praestare solent, recitans rosarium quinque decadam beatissimae Virginis Mariae, et illud pro majori divini honoris cultu, sanctae matris ecclesiae exaltatione, haeresum extirpatione, christianorum principum concordia, et sodalitatis vestrae in christianis virtutibus incremento applicans, easdem, quas confratres lucrantur, indulgentias, peccatorum remissiones, poenarumque relaxationes lucrari et consequi possit. Interim ad coelestis praesidii auspiciam et studiosae nostrae erga vos voluntatis pignus adjungimus apostolicam benedictionem quam vobis peramanter impertimur. *Datum Romae, etc., die 30 junii 1769, pontificatus nostri anno primo.*

VII.

DILECTO FILIO NOBILI VIRO

LUDOVICO EUGENIO DUCI WIRTEMBERGENSI

CLEMENS PAPA XIV.

Romae, 1 Julij 1769.

Dilecte fili nobilis vir, salutem etc. Neque uberiora neque Nobis cariora ulla erga Nos officia esse possunt quam quae fuerunt a nobilitate tua ob nostram ad Summum Pontificatum eve-

ctionem Nobiscum luculentissime peracta. Litteris enim singulari in Nos pietate refertis tantam laetitiae nostrae causa a te susceptae vim ac tam apertis inditiis declaras ut expressam inde possimus amantissimi nostri atque orga hanc S. Sedem observantissimi animi tui effigiem clarissime intueri. In eo vero praesertim studia in Nos tua agnoscimus, quod in gravissimo gerendo munere, cui impares omnino sumus, tuis ad Deum precibus adjuves, ac ad communem Ecclesiae utilitatem faustis auspiciis prosequaris. Quare de hac egregia tua in Nos voluntate mirifice laetamur, et peculiari benevolentiae sensu has amoris significationes excipimus, atque illud invicem profiteamur his officii ac pietatis tuae partibus parem pontificiae in te caritatis esse magnitudinem, Nosque nihil tantopere cupere quam ut opportunitates suppeditentur propensissimi animi in te nostri declarandi. Quantum enim te ob praeclarum tuum in catholicam Ecclesiam obsequium atque ob ceteras eximias animi dotes diligamus, quantique apud Nos sit tua ac generis tui, tuaeque inclitae domus amplitudo, reipsa egregie poteris, cum paternae nostrae benevolentiae opera uti voles, cognoscere. Siquidem nihil potest a patre amantissimo in obsequentissimum filium proficisci quod in te conferre non libentissime cupiamus. Interim certissimum nostri in te amoris pignus apostolicam benedictionem tibi, dilecte fili nobilis vir, ac amplissimae domui tuae peramanter impertimur. *Datum Romae, etc., die prima julii 1769. pontificatus nostri anno primo.*

VIII.

DILECTO FILIO NOSTRO

STEPHANO RENATO

TITULI SANCTÆ AGNETIS EXTRA MUROS PRESBYTERO

S. R. E. CARDINALI DE GESURES

CLEMENS PAPA XIV.

Romae, 5 julii 1769.

Dilecte, etc. Quod scribis a Domino factum esse istud, ut Petri naviculae his temporibus regendae Nobis commissum sit munus, Nos ipsi prae caeteris agnoscimus, cum nullis meritis no-

stris, nullis prorsus viribus inniti valeamus. Sed ipsum, qui coepit opus esse suum perfecturum minime ambigimus, ac nostra consilia omnia, atque actiones ita directorum ut et ipse gloriam atque honorem, Ecclesia sua decus atque utilitatem consequatur. Id Nos quidem effusissimis precibus ab eo impetrare quotidie contendimus, id pios omnes conjunctis votis efflagitare laetamur, id a te, dilecte fili noster, praestari pro tua fide ac pietate non dubitamus. Quod igitur et facis ut debes, et te imposterum facturum esse polliceris, in eo perspicimus tuum erga Nos studium cum filiali plurima erga hanc apostolicam sedem observantia conjunctum. Hanc igitur voluntatem tuam, haec in Nos officia a te diligenter praestita ita excipimus ut nihil magis optemus quam locum dari nobis aliquem propensissimi nostri vicissim in te paterni animi tibi reipsa declarandi. Interim in pontificiae erga te peculiaris benevolentiae pignus apostolicam benedictionem tibi, dilecte fili noster, peramanter impertimur. *Datum Romae, etc., die 5 julii 1769, pontificatus nostri anno primo.*

Eodem fere modo Aloysio Constantino S. R. E. presbytero card. de Rohan Episcopo argentinensi.... die 24 junii; Joanni Francisco Josepho Tit. S. Eusebii presbytero S. R. E. card. de Rochovartio.... et cardinali de Choiseul.

 IX.

DILECTO FILIO

BERGIERO, PRESBYTERO

ATQUE IN SACRA TEOLOGIA DOCTORI

CLEMENS PAPA XIV.

Romae, 5 julii 1769.

Dilecte fili, salutem, etc. Tua gratulandi officia ob pontificiam Nobis delatam dignitatem eo jucundiora fuerunt quod tuum erga Nos ac sanctam hanc apostolicam Sedem obsequium ac observantiam missis etiam ad nos libris pro tuenda religione a te conscriptis comprobasti. Has tam luculentas tum fidei ac pietatis tuae significationes, tum doctrinae indicia perlibenter sane excepimus, ac magnopere laetamur hos a te et ad impiorum repellendos impetus tam opportunos et ad fidelium incolumita-

tem tam utiles susceptos esse labores, teque, dilecte fili, vehementer hortamur ut quam inde consequutum te putamus laudem non ut operis ac vigiliarum mercedem, sed ut incitamentum potius ad novos hujusmodi subeundos labores existimes, deque Nobis, ac catholica Ecclesia benemereri pergas, et quam recepisti a Domino ingenii facultatem, eam ad illius laudem et honorem vindicandum adhibere nunquam intermittas. Nos idcirco gratissimo erga te semper animo futuros profitemur, nec in Nobis minora experturum te studia, quam sa. mem. Clementis XIII praedecessoris nostri fuissent. In cujus erga te pontificiae caritatis argumentum apostolicam benedictionem tibi, dilecte fili, peramanter impertimur. *Datum Romae, die 3 julii 1769, pontificatus nostri anno primo.*

X.

DILECTO FILIO NOBILI VIRO

AUGUSTO MARCHIONI BADENSI

CLEMENS PAPA XIV.

Romae, 8 julii 1769.

Dilecte fili, nobilis vir, salutem, etc. Quod in tanta omnium ecclesiarum sollicitudine inscrutabili Dei judicio Nobis imposita tantam gratulandi copiam invenire potueris, tuum facit erga Nos utque apostolicam Sedem studium, cujus a majoribus tuis tamquam haereditario jure tibi transmissi praeclarum exhibes specimen per litteras officii ac observantiae plenissimas. Nos certe luculentius hujus tuae pietatis argumentum habere non possumus quam quod fusis ad Deum precibus infirmitatem nostram fulciro ac roborare contendas. Quemadmodum igitur grati animi nostri sensus tibi esse testatos, ita et vehementer esse persuasum cupimus, nihil Nobis prospera tibi omnia cupientibus jucundius unquam futurum quam ut opportunitates paternae in te voluntatis nostrae rebus ipsis declarandae Nobis suppeditentur. Interim nobilitati tuae apostolicam benedictionem peramanter impertimur. *Datum Romae, etc., die 8 julii 1769, pontificatus nostri anno primo.*

XI.

VENERABILI FRATRI

CAROLO EPISCOPO LEODIENSI

CLEMENS PAPA XIV.

Romæ, 12 juli 1769.

Venerabilis frater, etc. Maximo gaudio et civitatem tuam, et ecclesiam et teipsum, venerabilis frater, affectos fuisse ob nuncium de pontificia ad Nos divino consilio delata dignitate luculenter declararunt tuæ observantia, pietate ac omnium in Nos officiorum genere plenissimæ litteræ, et qui eas Nobis reddidit dilectus filius marchio Anticcius, tuæ hujusmodi voluntatis diligentissimus interpres. Sed ita perspecti jam antea Nobis erant Fraternitatis tuæ in Apostolicam hanc Sedem sensus ut eosdem nunc cumulatis significationibus testatos non sane nobis probaveris quam magis magisque confirmaveris. Itaque gratissima Nobis fuerunt atque acceptissima officia hæc tua, quæ a te etiam magis amplificari putamus fuis ad misericordiarum Patrem precibus, ut nostrarum virium imbecillitatem in gravissimo sustinendo munere suo ipse praesidio fulciat ac corroboret, Nos quidem vocanti obsequuti Deo ad regendum Petri naviculæ gubernaculum ita accessimus ut etsi ventos tempestatesque videremus, modica tamen esse fide ac de ejus praesentia certissimaque ope dubitare non possemus. Quo enim infirmiores Nos sumus, eo perspectiorem fore ipsius miserentis Ecclesiae suæ potentiam, in eumque tantummodo gloriam ac honorem omnem redundaturum esse intelligebamus. A Deo igitur petendum et expectandum est quidquid faustum Nobis ipse felix atque auspicatum exoptas et auguraris: in judicio vero de Nobis tuo nihil ipsi, nisi humanitatem, pietatem ac vehemens in Nos animi tui studium agnoscimus. Nos invicem ita in te, venerabilis frater, animati sumus ut nihil cupiamus magis quam aliquam suppetitari Nobis opportunitatem declarandi tibi quanti te faciamus, quam praeclare de te, de pastoralis virtute tua, deque obsequentissima in apostolicam Sedem voluntate sentiamus. Interim apostolicam benedictionem tibi, tuæque fidei commisso populo peramanter impertimur. *Datum Romæ, etc., die 12 juli 1769. pontificatus nostri anno primo.*

XH.

DILECTIS FILIIS

DUUMVIRIS ET DECURIONIBUS

OPPIDI NOSTRI SANCTI ARCHANGELI

CLEMENS PAPA XIV.

Romae, 15 julii 1769.

Dilecti, etc. Litterae vestrae obsequii, fidei ac observantiae erga Nos significationibus plenissimae, quibus de pontificia dignitate ad Nos delata luculenter gratulati estis, jucundissimae Nobis acciderunt. In memoriam enim revocant veterem omnium vestrum, inter quos nati sumus, praeclaram in Nos voluntatem atque merita ab ipso paene ortu tot indicii perspecta, ex quibus nunc et vestrorum in Nos studiorum tamquam effigiem intuemur, et laetitiae nostra causa a vobis perceptae magnitudinem cognoscimus. Gaudium hoc vestrum etiam dilecti filii Joannes Felix Garatoni et Cajetanus Marinius cives vestri, quos cum litteris ad Nos delegare voluistis, luculentissimis officiis et ipsorum itidem causa nobis acceptissimis explicarunt. Gratissimo igitur animo haec patriae nostrae, quam nunc ut carissimam filiam complectimur, pietatis in Nos testimonia excepta fuisse profiteamur, vobisque invicem spondemus peculiarem semper paternam nostram erga vos resque vestras benevolentiam futuram, ad quam vobis reipsa uberius testandam dignitate nostra facultatem amplificatam esse magnopere laetamur. Vos interim praeclarius in dies de Nobis merituros confidimus, quod maxime facturos vos esse existimate, si Deum Opt. Max. pro nostra imbecillitate in gravissimo gerendo munere, cui impares omnino sumus, divinis praesidiis munienda assidue deprecari non intermittetis. Demum certissimum in vos caritatis pignus apostolicam benedictionem vobis, dilecti filii, peramanter impertimur. *Datum Romae, etc., die 15 julii 1769, pontificatus nostri anno primo.*

XIII.

DILECTIS FILIIS

VEXILLIFERO ET PRIORIBUS

CIVITATIS NOSTRÆ S. ANGELI IN VADO

CLEMENS PAPA XIV.

Romae, 15 julii 1769.

Dilecti, etc. Quae vos luculentissimis litteris exhibuistis laetitiae vestrae ob pontificiam Nobis delatam dignitatem indicia et gratulationis officia, eadem etiam uberrime vestro nobis nomine a dilectis filiis comite Alexandro Fagnano, et Angelo Clavario civibus vestris fuerunt explicata. Hujusmodi devotionis ac observantiae in Nos vestrae significationes quam libenti ac grato animo exceperimus, intelligere facile potestis ex pristina nostra benevolentia erga vos civitatemque vestram, ex qua originem ducimus, et quam proinde patriam nostram jure nuncupamus, et nunc ut carissimam filiam singulari benevolentia complectimur. Verum paternam hanc dilectionem nostram deinceps vos melius intelligetis, cum opportunitas etiam reipsa declarandae praeclaræ nostrae in vos resque vestras voluntatis accesserit. Curabimus enim nostrum in vos animum magnopere propensum in vos esse, nec frustra gavisos vos nostra causa fuisse sentiat. Interim pontificiae caritatis testem apostolicam benedictionem vobis, dilecti filii, peramanter impertimur. *Datum Romae, etc., die 15 julii 1769, pontificatus nostri anno primo.*

XIV.

DILECTO FILIO NOBILI VIRO

CARLO ALBERTO PRINCIPI AB HOHENLOHE

CLEMENS PAPA XIV.

Romae, 15 julii 1769.

Dilecte, etc. Ex perspecta tua in hanc Sanctam Sedem filiali observantia facile Nobis persuademus quod scribis plurimam

esse laetitiam a te perceptam ob nostram ad supremam divi Petri cathedram divinitus factam evectionem. Id etiam prolixè Nobis coram confirmavit dilectus filius Abbas Calixtus de Gentilibus, quem libenter tuo praesertim nomine audivimus, et in posterum de tuis agentem rebus audiemus. Grata hæc fuere Nobis officia tua, teque ob hoc in Nos studium, et ob caeteras etiam animi tui virtutes plurime paterna caritate prosequimur, quod reipsa etiam pro opportunitate cupidissime declarati sumus. Interim in hujus pontificiae benevolentiae pignus apostolicam benedictionem tibi, dilecte fili, nobilis vir, peramanter impertimur. *Datum Romae, etc., die 15 julii 1769. pontificatus nostri anno primo.*

XV.

DILECTIS FILIIS

. RECTORIBUS UNIVERSITATIS STUDII

CIVITATIS NOSTRÆ URBINI

CLEMENS PAPA XIV.

Romae, 15 julii 1769.

Dilecti, etc. Inter commissae Nobis nuper universae ecclesiae et maximorum negotiorum, quibus vehementer distinemur, sollicitudines peculiaris nostra caritas in vos vestramque civitatem, quam pridem et patriam ac parentem nostram reputavimus, nunc ut carissimam filiam complectimur, facit ut perlibenter ad vos animum cogitationesque nostras revocemus, et paternam nostram erga vos benevolentiam aliquo non obscuro indicio testatam perpetuo facere cupiamus. Hanc nostram semper in vos mirifice propensam voluntatem magis etiam excitant atque inflammant venerabilis frater noster Joannes Franciscus S. R. E. cardinalis Albanus, et dilecti filii nostri Alexander S. R. E. Cardinalis Albanus, et Benedictus S. R. E. cardinalis Veteranus cives vestri amantissimi, quos ob egregias animi laudes plurimi facimus, et ob maxima in Nos merita unice diligimus. Hi cum vestram in Nos observantiam ac pietatem diligenter declararunt, tum ejusdem optimum ac optatissimum nobis argumentum retulerunt, nimirum compositam et sublatam jam esse controversiam

illam quae inter vos ac inter dilectos filios minores conventuales istius urbis seraphicos patres jamdiu intercedebat, eamque nostri demerendi gratia potissimum initam fuisse concordiam. Quam ingentem indo voluptatem animo ceperimus, facile perspiciet quicumque intelliget quam singulari studio erga seraphicum ordinem, in quo aliti atque educati plurima eidem a nobis accepta referenda esse proliitemur, animati esse debeamus, quamque item affecti erga vos vestramque urbem simus, cujus in nos familiarumque nostram plurima nobisque acceptissima amoris monumenta semper extiterunt. Itaque quantum antea molestiarum hujusmodi controversiae inter partes Nobis carissimas afferebant, tantumdem nunc voluptatis in Nos et concordia vestra redundavit, praesertim cum nostra non jam divideuda ob dissensionem sit, sed ob consensionem cumulanda in utrosque benevolentia. Persuasissimum igitur vobis esse cupimus, nihil jucundius accidere Nobis potuisse hac vestra demerendi nostri alacritate qua haec initia nostri Pontificatus tamquam optimis ac laetissimis auspiciis prosequi voluistis. Ilanc in rem et consilium suum, quo plurimum valent, et operam contulisse cum eodem S. R. E. cardinales, cives vestros, et venerabilem fratrem Dominicum archiepiscopum Urbini, cujus pastoralis ministerii praeclara apud Nos extat opinio, tum ipsam dilectum filium nostrum Flavium S. R. E. cardinalem Chisium, universi illius seraphici ordinis protectorem, de quo egregie semper mereri studuit, non sine eorum omnium plurima laude ac commendatione et agnoscimus et testamur. Quare quod illi opera, consilio atque auctoritate sua perfici curaverunt, vosque ac seraphici patres tam alacri consensu suffragioque comprobastis, quodque in utilitatem istius urbis publicam rectamque adolescentium vestrorum institutionem certissime cessurum esse non dubitamus, nostra etiam auctoritate comprobari par esse maxime arbitramur. Ne itaque incidere in posterum quidpiam possit quod decretum illud a vobis die decima proxime praeteriti mensis junii factum ulla ratione infringere, abrogare ac abolere valeat, utque idem semper et illaesus servetur et vigeat, omnisque renovandarum controversiarum ac litium tollatur locus, Nos apostolicae confirmationis robur adjungimus, ac omnem varie ipsam interpretandi rationem nostra hac perspicua declaratione prorsus praecidimus. Proinde volumus ac declaramus ut theologica istius vestrae studiorum universitatis cathedra, quotiescumque ipsam vacare contigerit, semper in posterum a vobis vestrisque in regenda eadem universitate successoribus pro tempore uni conferatur ex tribus re-

ligiosis seraphici minoris conventualis ordinis viris, qui ab ejusdem ordinis praefecto generali electi, nominati ac praesentati vobis vestrisque successoribus fuerint. Ab eodem vero praefecto generali pro tempore volumus ut diligentissimo acerrimoque judicio haec fiat electio, audito etiam procuratore generali ordinis, provinciali Piceni et patribus istius conventus Urbini. Atque haec, dilecti filii, quae in nostri gratiam a vobis gesta esse ultro fatemur, faciunt ut eo studiosius nostram in vos gratissimam voluntatem conferamus, quo major exinde ac certior publicae vestrae perpetuaeque utilitatis stabiliendae spes efflorescit. Proin nostrae hujus plurimae erga vos paternae benevolentiae fructus in posterum Nobis etiam uberiores, si qua opportunitas tulerit, prolixè pollicemur. Interim, in luculentius pontificiae erga vos caritatis argumentum, apostolicam benedictionem vobis, dilecti filii, peramanter impertimur. *Datum Romae, etc., die 15 julii 1769, pontificatus nostri anno primo.*

XVI.

CARISSIMÆ IN CHRISTO FILIÆ NOSTRÆ

MARIÆ THERESIÆ, HUNGARIÆ REGINÆ APOSTOLICÆ,

NECNON BOHEMIÆ REGINÆ ILLUSTRİ

IN ROMANORUM IMPERATRICEM ELECTÆ, VIDUÆ,

CLEMENS PAPA XIV.

Romae, 15 julii 1769.

Carissima in Christo filia nostra, salutem, etc. Humanissimas Majestatis tuae litteras, quas reddidit nobis dilectus filius noster Alexander S. R. E. cardinalis Albanus, libentissimo animo excepimus; rem enim Nobis jucundissimam renunciaverunt, nimirum celebratas fuisse jam nuptias inter dilectissimos in Christo filios nostros Ferdinandum Borbonium Hispaniarum infantem et Mariam Amaliam regiam Hungariae et Bohemiae principem, archiducem Austriae, naturæ filiam tuam, ad quas maturandas studium nostrum operamque in ipso pontificatus nostri exordio adjunctam esse vehementer laetamur. In vestri itaque gaudii partem intimo animi nostri sensu accedimus, pro quo Nobis a Majestate tua communicato ingentes gratias habemus,

ac honorum omnium largitorem, et regem regum obsecramus ut suarum benedictionum copia faustas ac secundissimas easdem efficiat nuptias, ac illam regiae domus propaginem multa optimae prolis soboles muniet ac amplificet. Quod ad Nos pertinet, dilectissimos filios nostros regios sponso omnium bonorum auspice apostolica benedictione prosequimur, quam itidem in nostri singularis erga te studii ac paternae voluntatis argumentum Majestati tuae omnique carissimae nobis austriacae domui amantissime impertimur. *Datum Romae, etc., die 15 julii 1769. pontificatus nostri anno primo.*

XVII.

DILECTO FILIO

PETRO BUSENELLO, C. R. EX-GENERALI,
CLEMENS PAPA XIV.

Romae, 22 julii 1769.

Dilecte, etc. Gratulationis officia quae Nobiscum peragis ob pontificiam ad Nos delatam dignitatem cumulatione fuerunt ejus libelli accessione quem de veteri et nova forma pontificis romani eligendi a te olim perscriptum tertio nuper, cum in comitiis essemus, edidisti. Id nobis utrumque fuit jucundissimum; primum enim praesefert animum tuum obsequii, fidei et observantiae erga Nos ac apostolicam hanc sedem plenissimum, alterum declarat studia atque eruditionem tuam earum praesertim rerum quae ad Nos quodammodo ob ipsam hanc rei et temporis opportunitatem referuntur. Proinde nostra invicem tibi paterna benevolentia respondentes, eandem, si quid a Nobis opus erit, praesto tibi semper futuram pollicemur. Interim, ut te nostro desiderio cum ceterorum fidelium votis tuas etiam ad Deum optimum maximum pro nostra munienda imbecillitate preces conjungendi satisfacere non dubitamus, ita nos in pontificiae caritatis pignus apostolicam benedictionem tibi, dilecte fili, peramanter impertimur. *Datum Romae, etc., die 22 julii 1769, pontificatus nostri anno primo.*

XVIII

DILECTO FILIO

PETRO FRANCISCO BOUDIER.

BENEDICTINORUM CONGREGATIONIS S. MAURI

SUPERIORI GENERALI,

CLEMENS PAPA XIV.

Romae, 2 augusti 1769.

Dilecte, etc. Magno gaudio te tuamque congregationem affectos fuisse ob nostram ad pontificium culmen evectionem luculenter declarant tuae observantia in Nos, fide ac pietate refertae litterae. Sed ita perspecti jam antea Nobis erant tui in hanc apostolicam Sedem sensus ut eosdem nunc cumulatis significationibus testatos non tam Nobis probaveris quam magis magisque confirmaveris. Itaque gratissima Nobis fuerunt officia haec tua, quae a te etiam tuaque congregatione magis amplificantur fuis, ut scribis, ad misericordiarum patrem precibus, ut nostrarum virium imbecillitatem in gravissimo gerendo munere suo ipse praesidio fulciat ac corroboret. In iudicio vero de Nobis tuo nihil ipsi nisi humanitatem, pietatem ac vehemens in nobis animi tui studium agnoscimus. Nos invicem ita in te animati sumus, ut aliquam suppeditari nobis opportunitatem maxime cupiamus declarandi reipsa tibi quam prolixè te tuosque benevolentia complectamur. Interim in hujus paternae caritatis pignus apostolicam benedictionem tibi, dilecte fili, tuisque fratribus peramanter impertimur. *Datum Romae, etc., die 2 augusti 1769, pontificatus nostri anno primo.*

XIX.

DILECTIS FILIIS

RECTORI ET UNIVERSITATI STUDII GENERALIS

OPPIDI LOVANIENSIS,

CLEMENS PAPA XIV.

Romae, 5 augusti 1769.

Dilecti, etc. Vestrum gratulationis officium de collata Nobis divinitus pontificia dignitate per litteras observantiae, pietatis ac

fidei in apostolicam hanc Sedem plenissimas luculenter peractum nobis gratissimum, et quod ex animo fieri ac a vobis perspectum habeamus, et quod ad nostram muniendam imbecillitatem tam gravi ministerio plane imparem preces ad misericordiarum patrem adjunxeritis, neque eas pro vestro in Nos singulari studio, quod vehementer petimus, unquam intermissuri sitis. Illud porro humanitati ac pietati vestrae tribuimus, quod de Nobis tam ample benevoleque judicetis, ac libentissime excipimus vestra de Nobis vota atque auspicia, quae ut rata sint a Dei Optimi Maximi benignitate dumtaxat est et postulandum et expectandum. Quod vero de nostra in optimas artes ac litteratos viros benevolentia atque amore sentitis, id ita verum esse existimate ut in nullos majori animi nostri propensione feramur quam qui ingenii sui conatus omnes ad sanctissimae Religionis incolumitatem ac incrementum converterunt. Id vos cum egregie praestare, ac pristinam illam universitatis vestrae in benemerendo de Ecclesia ac de apostolica hac Sede tueri gloriam intelligamus, perspicere facile potestis paternam nostram in vos caritatem parem esse ei, quam da meritis vestris habemus, existimationi, quam quidem maximam esse et amplissimam profitemur. Agite igitur, dilecti filii, morem hunc vestrum retinete, novisque semper laboribus, et laudem vestram, et nostram in vos benevolentiam amplificate. Nos sene, quantum in Nobis erit, expromendorum ejusdem in vos immolatissime fructuum opportunitati defuturi non sumus, neque inanem vestram de paterna nostra benignitate fiduciam unquam reddituri. Ac in hujus prolixi in vos animi pignus apostolicam benedictionem vobis, dilecti filii, ac celeberrimae universitati vestrae peramanter impertimur. *Datum Romae. etc.. 5 augusti 1769, pontificatus nostri anno primo.*

XX.

DILECTO FILIO

BOÛDAERT, ORDINIS GUILLELMITARUM

PRIORI GENERALI,

CLEMENS PAPA XIV.

Romae, 9 augusti 1769.

Dilecte, etc. Pristinis vestri ordinis in Nos studiis consentint ea quae nobiscum luculenter peragis gratulationis officia ob pon-

tificiam divinitus Nobis delatam dignitatem, quae quin fusis ad Deum Opt. Max. pro sustinenda nostra imbecillitate precibus cumuletis dubitare minime possumus, atque idcirco vehementer a vobis petimus ut id ipsum pro vestra in Nos pietate in posterum praestare nunquam intermittatis. Quid vero de nostra erga vos voluntate polliceri vobis valeatis, intelligere facile potestis ex perspecta nostra vetere benevolentia, quam ex hujus dignitatis accessione non solum non imminutam, sed valde etiam auctam atque amplificatam esse existimate; praesertim cum tui ordinis monasteria a te diligenter lustrata, ut scribis, instituti sui leges vita et moribus tueri reperta sint. De quo quidem certiores a te fieri Nobis fuit jucundissimum. Tanto igitur magis pristinam erga vos caritatem cumulamur, ac in ejusdem luculentius argumentum apostolicam benedictionem tibi, dilecte fili, universoque ordini tuse fidei commisso peramanter impertimur. *Datum Romae, etc., 9 augusti 1769, pontificatus nostri anno primo.*

 XXI.

CARISSIMÆ IN CHRISTO FILIÆ NOSTRÆ

MARIÆ THERESIÆ, HUNGARÆ APOSTOLICÆ,

ET BOHEMIÆ REGINÆ ILLUSTRIS IMPERATRICI, VIDUÆ,

CLEMENS PAPA XIV.

Romae. 12 augusti 1769.

Carissima, etc. Il vivo e veramente cordiale interesse che prendiamo in tutto ciò che appartiene a Vostra Maestà, che ben lo merita in particolare maniera dal capo della Chiesa non tanto per la sua grandezza, quanto per quella illustre pietà che forma nella sua Augusta Persona il maggiore di tutti i suoi pregi, non ei può trattenere di entrar a parte di quella somma consolazione che avrà provata la Maestà Vostra nel ritorno dal viaggio d'Italia dell'Augustissimo Imperatore suo diletteissimo figlio. Un tale ritorno, accompagnato massimamente da tanti applausi che gli hanno guadagnato per tutto la prontezza del suo spirito, l'ampiezza della sua mente, l'amabilità delle sue maniere, e sopra tutto la sua esemplar religione, premio in lui di tutte quelle virtù che lo rendono l'oggetto dell'ammirazione de' popoli, consideriamo che avrà prodotto in Vostra Maestà altrettanta compia-

cenza nel riabbracciare un figlio che ha tanto accresciuto il ricco patrimonio delle sue lodi, quanta ne avrà prodotta nel figlio a risabbracciare quella madre dalla educazione e dagli esempi della quale dee in gran parte riconoscerlo. L'immagine appunto che si rappresenta a' nostri occhi di una sì tenera scambievole soddisfazione ne fa tanta sentire al nostro paterno cuore che non possiamo a meno di non aprirlo dolcemente a Vostra Maestà per dimostrargliela, e per darle insieme una nuova sicurezza che non lasciamo nè mai lascieremo di pregare l'Altissimo Iddio che si degni di conservar lungamente nelle virtù della madre e in quelle del figlio due non meno validi appoggi alla religione ed alla Chiesa, che ampie sorgenti della felicità de' lor regni. Persuasi che l'amoroso sfogo che non sappiamo in Noi contenere sia per incontrare nella Cesarea Maestà Vostra il più favorevole accoglimento, diamo con tanto maggiore effusione di cuore a Lei ed alla sua augusta famiglia l'apostolica benedizione. *Datum Romae, etc., 12 augusti 1769, pontificatus nostri anno primo.*

XXII.

DILECTIS FILIIS

RECTORI ET UNIVERSITATI SALAMANTINÆ

CLEMENS PAPA XIV.

Romae, 12 augusti 1769.

Dilecti, etc. Pristinam vestram in hanc sanctam sedem observantiam ac fidem praesefert gratulatio quam nobiscum ob nostram ad b. Petri cathedram evectionem divino plane consilio factam luculenter peregistis. Vestrum itaque hujusmodi officium tanto Nobis fuit jucundius, quanto majora vestra in catholicam religionem, ac proinde et in apostolicam Sedem merita semper extitisse cognoscimus. Quae ut magis magisque cumuletis, nihil opportunius hoc tempore facere Nobisque acceptius potestis, quam ut ad praeclaros vestros studiorum labores non intermissas preces adjiciatis, quibus Deum Opt. Maximum pro fulciendis viribus nostris huic tanto ministerio plane imparibus deprecemini. Hac enim ratione illa vestra de nobis plena pietatis ac humanitatis judicia ac vota, ut rata sint, maxime, quantum in vobis erit, praestabitis. Nos vero eo in vos animo semper orimus ut

defuturi nunquam sinus ulli, si qua inciderit, opportunitati qua paternam erga vos plurimam benevolentiam testatam vobis ac reipsa perspectam faciamus. In cujus nunc certissimum pignus apostolicam benedictionem vobis, dilecti filii, peramanter impertimur. *Datum Romae, etc., 12 augusti 1769, pontificatus nostri anno primo.*

XXIII.

DILECTIS FILIIS

DECANO ET FACULTATI ARTIUM STUDII GENERALIS

OPPIDI LOVANIENSIS,

CLEMENS PAPA XIV.

Romae, 16 augusti 1769.

Dilecte, etc. Gratulationis officia quae ob pontificiam Nobis delatam dignitatem luculenter persolvitis tanto nobis gratiora fuerunt, quanto perspectior est vestra in nos atque apostolicam hanc Sedem fides atque observantia. Qui quidem vester in Nos animus eo fit pluri a Nobis quo major est laborum ac studiorum vestrorum apud Nos existimatio. Nos sane semper plurimi fecimus litteras ac praeclaras artes, ad quas vos isthac edocendas multa cum laude incumbitis, easque maxime conferre posse ad sacrarum rerum vel ornanda vel amplificanda studia jure censemus. Ex quo judicio vos facile perspicitis quam simus in vestras artes animati; quibus nunquam a Nobis et merita laudes et, si opus sit, praesidia et patrocinia sunt defutura. Interea vos, qui tam amanter pieque vestras obsequii partes Nobiscum peregistis, date operam ut easdem etiam precibus ad Deum Opt. Max. pro munienda nostra imbecillitate fuis cumuletis. Nostrum porro erit ne pontificiae benevolentiae fructus unquam pro opportunitate a vobis desiderentur; in cujus pignus apostolicam benedictionem vobis, dilecti filii, peramanter impertimur. *Datum Romae, etc., 16 augusti 1769, pontificatus nostri anno primo.*

XXIV.

DILECTISSIMO IN CHRISTO FILIO NOSTRO
PETRO LEOPOLDO, ARCHIDUCI AUSTRIÆ.
ET ETRURIAE SIBI SUBIECTÆ MAGNO DUCI,
CLEMENS PAPA XIV.

Romæ, 19 augusti 1769.

Dilectissime, etc. Post venerabilem fratrem Joannem archiepiscopum Philippensem, qui apud te apostolici nuncii munere multa cum laude aliquot annis perfunctus est, mittimus isthuc venerabilem itidem fratrem Marcum Antonium archiepiscopum Thessalonicensem, pontificio soli assistentem, qui nobilitatem suam majorumque suorum decora propriis etiam Nobisque perspectissimis virtutibus exornat, fide scilicet, integritate, prudentia, doctrinae præterea ac exculatissimi ingenii commendatione singulari. Has animi sui dotes cum egregie Nobis in eorum, quibus hactenus auctus hic fuit, honorum perfunctione probasset, inducti facile sumus ut eundem eligeremus, qui, apud te, dilectissime in Christo fili noster, esset apostolicus noster et sanctæ Sedis nuncius, cum ipsum carum, tibi etiam fore atque acceptum non dubitarem. Hominem itaque et suo merito et imposito præsertim a Nobis munere clarum commendamus pietati tuæ, ac ut eundem ea humanitate excipias quæ Augusti generis tui splendori et præstantissimi animi laudibus est consentanea, vehementer petimus ac obsecramus. Illi præterea de nostris ac hujus apostolicæ Sedis rebus tecum agentem eam haberi a te fidem cupimus quam Nobis ipsis coram tecum loquentibus adhiberes. Illud vero potissimum credi a te eidem volumus quidquid ipse de nostra eximia in te pontificia caritate animoque omni pietatis genere cumulatissimo confirmabit; in cujus certissimum pignus apostolicam benedictionem tibi, dilectissime in Christo fili noster, intimo nostri cordis affectu amantissime impertimur. Datum Romæ, etc., die 19 augusti 1769. pontificatus nostri anno primo.

XXV.

DILECTIS FILIIS NOBILIBUS VIRIS
DUCI ET REIPUBLICÆ VENETIARUM
CLEMENS PAPA XIV.

Romæ, 20 augusti 1769.

Dilecti, etc. Venerabilem fratrem Bernardinum archiepiscopum Sidensem ad Nobilitates Vestras mittimus, ut apud inclitam istam rempublicam nostri et apostolicæ Sedis ordinarii nuntii obeat munus. Virum spectatissimo genere et ipsa, quam gerit, persona commendatum, præterea pietate morumque integritate rerumque gerendarum prudentia præditum non est cur longiore sermone Vestris Nobilitatibus commendemus. Ipse enim virtutibus suis eximiam humanitatem vestram facile sibi devinciet, vestraque erga Nos pietas ac vetustissima qua in catholica ecclesia jam inclaruistis erga hanc sacram b. Petri Sedem observantia sponte sua homini faverit in iis præsertim rebus quæ ad Dei honorem et gloriam animarumque salutem maxime pertinent. Illi autem, quam Nobis ipsis coram haberetis, petimus a vobis, dilecti filii, nobiles viri, eandem ut fidem adhibeatis; vobisque omnibus et universæ vestrae reipublicæ, quam in paternæ caritatis nostræ gerimus sinu, apostolicam benedictionem peramanter impertimur. *Datum Romæ, etc., 20 augusti 1769, pontificatus nostri anno primo.*

XXVI.

ILLUSTRI AC POTENTISSIMO
HERACLIO, PRINCIPI GEORGIÆ,
CLEMENS PAPA XIV.

Romæ, 23 augusti 1769.

Illustris ac potentissime princeps, salutem et lumen divinæ gratiæ, etc. Magnopere Nobis gratum accidit in hoc nostri pontificatus exordio nactos Nos esse opportunitatem Celsitudini Tuæ scribendi, cujus generosi ac præstantis animi laudes nostrorum

virorum litteris, ac ipsa etiam fama et rumore assidue ad Nos perferuntur. Primum igitur tibi maximae sunt a Nobis, ut ex animo facimus, agendae gratiae quod homines qui in eadem nobiscum fidei conjunctione sunt, Nobisque obsequium ac obedientiam praestant, tuae benignitatis, quod plurimum commendaris, gratia joves ac protegas. Deinde hac ipsa tua animi nobilitate freti fidenter a te petimus, teque etiam atque etiam rogamus ut, qui in tua dictione sunt catholici, ac praesertim cappuccini patres, qui isthic religionis ergo versantur, tuo praesidio in posterum ab adversantium oppugnatione tegere ac tueri pro tui animi magnitudine velis. Illi quidem nihil adversus quempiam moliuntur mali, virtutem colunt, Dei praecepta legemque promoveant, caritate in omnes afficiuntur, publicae paci ac tranquillitati student; nihil tamen minus inimicorum vel vi vel fraude saepe solum vertere sunt coacti, neque unquam reverti isthuc potuissent, nisi tuo humanitatis ac patrocinii spe revocati. In qua quidem re decepti minime sunt; vident enim se isthic pacate posse sub tutelae tuae auctoritate consistere. Quare majorem in modum Celsitudinem Tuam obsecramus ut eosdem tueri ac favere pergas, quorum probitati fuisse numquam te poenitere poterit. Illud praeterea certum tibi esso debet, nullum in eos erga te conferri beneficium posse quod in Nos etiam collatum esse non putemus; quodque quam grato ac memori excipiamus animo, si quid in posterum inciderit quo id testari tibi valeamus, reipsa facile intelliges. Interim persuasum tibi maxime hoc cupimus eximias animi tui dotes et agnosci a Nobis et plurimi aestimari, obsecrarique Deum Opt. Max. ut te omnibus bonis cumulare, ac ad incolumitatem atque amplitudinem verae ac solidae felicitatis accessionem fieri velit, *Datum Romae, etc., die 23 augusti 1769, pontificatus nostri anno primo.*

XXVII.

DILECTO FILIO NOBILI VIRO

WILHELMO PRINCIPI PALATINO

CLEMENS PAPA XIV.

Romae, 9 septembris 1769.

Dilecte, etc. Incredibile plane gaudium attulerunt Nobis tuae eximiae in Nos et apostolicam hanc Sedem filialis observantiae

significationibus insignes litterae, quibus divina ope agnovisse te refers protestantium errores, atque unam veritatis et salutis arcem catholicam esse Ecclesiam, eoque ipso die quo tam fausta de te, tam laeta ac jucunda Nobis perscribebas, qui dies invictissimi martyris Laurentii, cujus nomen Nos gessimus, pugnam pro fide ac triumphum recolit, abjurata rite Lutheri secta, ad hujus sanctissimae nostrae Matris sinum omnibus humanis posthabitis rationibus confugisse. Quid Nobis exoptatius, quid acceptius accidere unquam potuit, quam suscepta catholicae veritatis persuasione animae tuae incolumitati egregie a te consultum, verumque Nos ac a Deo constitutum visibile Ecclesiae caput coli, ac in parentem tuum agnosci, teque invicem a Nobis nostrum compelliari filium, in te pontificiam pietatem, benevolentiam, caritatemque omuem collocari? Mirifica idcirco animi jucunditate perfusi, primum omnium bonorum largitori Deo, qui te vocavit in admirabile lumen suum, summas habemus ac reddimus gratias, tam et commissae Nobis Ecclesiae, quae dum in suum te redeuntem gremium cupidissime excipit, tali tantaque accessione auctam se gaudet, et Nobismetipsis vehementer gratulamur, qui a tam fausta fortunataque re exordientis pontificatus Nostri auspicia ducimus. Gratulamur etiam de te dilecto filio nobili viro Carolo Theodoro S. R. I. principi electori palatino inclitae tuae domus capiti, eique idcirco maxime obstrictos Nos esse profitemur, qui pro ea, qua viget, sapientia, proque summa in Deum pietate ac catholicae religionis studio divini in te Spiritus afflatum deprehendit, fovit, provexit, opem, operam, praesidia omnia, ut te ad veritatis lumen induceret, contulit, et cui tu meritissimo, quod tamquam a morte ad vitam revocatus sit, post Deum, acceptum referendum esse arbitraris. Sed cui prolixius ac uberius quam ipsi tibi gratulemur, dilecte fili nobilis vir, in cujus cor divinae gratiae semen tamquam in terram bonam cecidit, ac eos extulit fructus qui aeternae salutis et initia essent et pignora? Verum ad haec cumulatissima, quae tecum peragimus, gratulationis officia paternae etiam hortationis accessionem fieri volumus, qua maxime a te contendimus ac flagitamus, ut in suscepta vocatione non solum permanear, sed ut eandem etiam nunquam intercepto coelestis gratiae cursu, morum honestate, sanctitate vitae, ac virtutum omnium laude et splendore comprobare. Est otiam animi tui generisque nobilitati valde consentaneum, si in suscepti semel consilii ratione perseverans catholicae religionis tuendae promovendaeque opera tuam declarare in credendo agendoque constantiam. Nos certe pro plurimo-

paternae in te caritatis officio perpetuum tibi a misericordiarum patre per obsecrationes nostras praesidium implorare nunquam intermittemus, ac omnia Pontificiae gratiae testimonia nobilitati tuae ex animo deferentes, atque ipsa, si quid a Nobis opus erit, libentissime confirmaturi, apostolicam benedictionem quam tibi primum, dilecte fili nobilis vir, peramanter impertimur, cupimus esse divinae in te benignitatis auspicem, ut est nostrae ac apostolicae hujus Sedis singularis benevolentiae argumentum. *Datum Romae, etc., die 9 septembris 1769, pontificatus nostri anno primo.*

XXVIII.

DILECTO FILIO NOBILI VIRO

CAROLO THEODORO DUCI SULTZBACENSI.

COMITI PALATINO RHENI S. R. I. PRINCIPI ELECTORI,

CLEMENS PAPA XIV.

Romae, 9 septembris 1769.

Dilecte, etc. Ex quo ad Summi Pontificatus dignitatem evecti fuimus, nullus Nobis laetior neque jucundior illuxit dies quam quo nuper optatissimus nuncius de dilecti filii nobilis viri Wilhelmi principis palatini ad catholicam Ecclesiam reditu et ab ipsius principis litteris, et a dilecto filio marchione Anticio nobilitatis tuae ministro plenipotentiaro ad Nos fuit delatus. Laetitiae a Nobis ea causa susceptae magnitudinem neque inclusam tacite animi sensu continere possumus, neque habemus quicum convenientius ac libentius quam cum Nobilitate tua communicemus. Te enim praecipuum egregii consilii auctorem ac suasorem principi extitisse, te adiutorem, ducem ac comitem divini perficiendi operis fuisse praeclare novimus. Quapropter gaudii nostri per sapientiam tuam summumque in catholicam fidem studium porcepti vim ac copiam tecum praesertim dividimus, tibi mirum in modum gratulamur, ac de tam singulari tuo in Nos et Ecclesiam universam merito gratias quam maximas possumus et reddimus et habemus. Existimare sane debes, nihil eare ad veram ac solidam gloriam comparandam majus a te fieri potuisse, nihil ad decus inclitae palatinae domus illustrins, nihil denique quo de catholica religione melius mereri posses. Ac magna Nobis spes inest Deum

Opt. Max., cum tua opera hoc beneficio suam Ecclesiam ornaverit, divinae gratiae ubertatem alio simili munere per te etiam amplificaturum, Nosque de cumulatione industriae tuae fructu in hujus principis palatini fratre pariter ad Ecclesiae veritatem reducendo gavisuros. Hos tibi eximios successus ex animo cupimus, usque nostri pontificatus tempora illustrari vehementer optamus atque a misericordiarum Patre flagitemus. Qua de re quidem te prolixius cohortari supervacaneum ducimus, cum eo studio mirifice te esse incensum compertissimum habeamus. Post haec singularia tua in Nos Ecclesiamque merita facile perspicis quo animo in te simus, quantaque te caritatis magnitudine prosequamur, cujus vim declarare magis non possumus quam apostolica benedictione, quam tibi, dilecte fili nobilis vir, peramanter impertimur. *Datum Romae, etc., die 9 septembris 1769, pontificatus nostri anno primo.*

 XXIX.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO

CLEMENS PAPA XIV.

Romae, 14 septembris 1769.

Carissime, etc. Gratissimum Nobis fuit ex humanissimis Majestatis Tuae litteris intelligere celebratas esse jam nuptias inter dilectissimos in Christo filios nostros Ferdinandum Borbonium regium Hispaniarum infantem tui fratris filium, et Mariam Amaliam archiducem Austriae. Quam proinde laetitiae tuae Nos in partem vocas perlibenter accedimus, tuamque pariter ac nostram gaudemus vicem; neque enim non magnopere nostra interest quaecumque ad Majestatem Tuam pertinent, neque non Borboniam domum semper magis propagari vehementer optandum Nobis esse expetendumque arbitramur. Quara summas habemus tibi pro tam luculento nobiscum peracto officio gratias, et Majestati Tuae majorem in modum gratulantes, eas nuptias laetis fortunatisque prosequimur auspiciis ac votis, quae Deum Opt. Maximum precamur ut sua benignitate rata faxit, quamque regis sponsis apostolicam benedictionem intimo paterni amoris sensu largimur, eandem ipse omnium bonorum accessione confirmet

ac cumulet. Nostram itidem benedictionem Majestati Tuæ in singularis erga te studii ac paternæ voluntatis argumentum, omnique pariter carissimæ Nobis regiae domui amantissime impertimur. *Datum Romæ, etc., die 14 septembris 1769, pontificatus nostri anno primo.*

XXX.

DILECTO FILIO NOBILI VIRO

FRIDERICO LANTGRAVIO HASSIÆ-CASSEL

CLEMENS PAPA XIV.

Romæ, 16 septembris 1769.

Dilecte, etc. Tam ex nobilitatis tuæ litteris filiali observantia et devotione in Nos et apostolicam hanc Sedem plenissimis, quam ex dilecto filio Bernardo Giordani, qui eas Nobis reddidit, facile intelleximus quantum perceperis ob summi pontificatus dignitatem ad nos divinitus delatam gaudium. De quo dum Nos certiores facis, Nobisque luculenter ex animo gratularis, tuam præsters jamdiu perspectam Nobis pietatem ac in catholicam religionem studium, cujus hoc ad caetera opportunissimum accedit Nobisque jucundissimum testimonium. Perlibenter igitur excepi-mus ejusmodi officium tuum cum tam piis de nobis optatis ac votis conjunctum, Deumque Opt. Maximum precamur ut quam Nobis de tui animi religione jucunditatem affert, eandem in posterum ipse semper amplifcet ac confirmet, suaque benignitate facilius ex iis radicibus christianas in te virtutes omnes proferri magis in dies ac efflorescere gaudeamus. Ita porro singularem tibi nostram paternam caritatem deferimus ut eandem cumulatius etiam testari, ac reipsa comprobare pro opportunitate maxime parati simus. Interim in ejusdem certissimum pignus apostolicam benedictionem tibi, dilecte fili nobilis vir, peraman-ter impertimur. *Datum Romæ, etc., die 16 septembris 1769, pontificatus nostri anno primo.*

XXXI.

CARISSIMÆ IN CHRISTO FILIÆ NOSTRÆ
 MARIE THERESIÆ, HUNGARIÆ REGINÆ APOSTOLICÆ,
 NECNON BOHEMIÆ REGINÆ ILLUSTRI,
 IN ROMANORUM IMPERATRICEM ELECTÆ, VIDUÆ,
CLEMENS PAPA XIV.

Romæ, 20 septembris 1769.

Carissima, etc. Maximum Nobis attulere gaudium humanissimæ litteræ Majestatis Tuæ die VII mensis augusti proxime elapsi datæ, quibus scribis dilectissimo in Christo filio nostro Ludovico Galliarum Delphino dilectissimam item filiam nostram Mariam Antoniam, regiam principem, archiducem Austriae, tuamque secundum carnem filiam, esse desponsam. Nihil hoc novo atque optatissimo Augustæ Austriacæ Domus cum regia Borbonia vinculo nisi laetum utrique ac fortunatum. catholicoque orbi. Nobisque etiam ac sanctæ huic Sedi faustum atque utile extitutum auguramur. Quare majorem in modum laudamus consilium hoc tuum, quo tuis maxime virtutibus ornatae ac dotatae soboli tam opportunas tamque splendidas nuptias comparasti. libentissime igitur, quæ a Nobis pestulas, quidquid impedimenti huic conjugio sacri canones opponunt, per alias litteras nostras apostolica auctoritate extemplo submovimus, ne quid tanto tuo nostroque ac communi gaudio inferatur morae, neve publicum bonum, quod exinde redundaturum est. retardetur. Nos certe obsecrationibus nostris vehementer a Deo Opt. Max. contendimus ut id bene foliciterque utrique carissimæ Nobis familiae vertat, tibiue praesertim constantem ac perpetuam animi jucunditatem semper afferat. Interim regiae Majestati Tuæ omnium bonorum auspicem apostolicam benedictionem in praecipuae erga te nostrae caritatis pignus amantissime impertimur. *Datum Romæ, etc., die 20 septembris 1769, pontificatus nostri anno primo.*

XXXII.

CARISSIMÔ IN CHRISTO FILIO NOSTRO

CAROLO EMMANUELI SARDINIÆ REGI ILLUSTR
CLEMENS PAPA XIV.

Romæ, 23 septembris 1769.

Carissime, etc. Serius rescribimus humanissimis litteris Majestatis Tuæ die VIII julii proxime elapsi ad Nos datis, quod et prius de iis quao postulabas deliberari diligenter a Nobis oportuit, et deinde perfectam jam rem maluimus tibi quam susceptam inchoatamque nunciare. Id nunc libentissime facimus, cum, expeditis jam a Nobis consiliis de ecclesiasticis nonnullis rebus in tuo Sardiniae regno ordinandis, duæ propterea encyclicæ nostræ ad illos episcopos perscriptæ ad Majestatem Tuam proferrentur. Conati quidem in iis Nos sumus et muneri satisfacere nostro, et singulari ac vere regio desiderio tuo, quo pro Dei gloria animarumque utilitate exardescis, minimeque dubitamus quin utrumque simus assequuti. Operam igitur laboremque hunc nostrum gratum fore Majestati Tuæ et confidimus et laetamur. cujus perspectissimam jamdiu nobis regnandi sapientiam cum mirifice hujusmodi de sacris rebus studio tantaque animi religione ac in Nos et sanctam hanc Sedem pietate conjunctam majorem in modum suspicimus ac commendamus. Plurima idcirco alacritato et suscepimus et prosequuti hæc omnia sumus quæ a te delata Nobis erant per dilectum filium nobilem virum comitem de Rivera, tuum apud Nos et apostolicam Sedem ministrum plenipotentiarium, fide, consilio, prudentia ac diligentia præstantem, ab eoque deductum ad Nos libenter excepimus dilectum item filium abbatem Sineum, presbyterum multa doctrina præditum ac de ecclesiasticis Sardiniae negotiis instructissimum, cujus Nos testimonio, lide atque experientia in capiendis consiliis usi sumus. Quod reliquum est, Deum Optimum Maximum obsecramus ut has a Nobis ad illius gloriam susceptas rationes secundet ac provehat, animarumque bono recte prospectum reipsa fuisse a Nobis velit, eique una enixis precibus Majestatem Tuam totamque nobis carissimam regiam domum commendamus, omniumque bonorum auspiciem apostolicam benedictionem intimo paterni amoris no-

stri sensu amantissime impertimur. *Datum Romae, etc., die 23 septembris 1769, pontificatus nostri anno primo.*

XXXIII.

DILECTÆ IN CHRISTO FILIÆ

JULIÆ SOPHIÆ DE PARDAILLAN D'ANTIN,

ABBATISSÆ ORDINIS DE FONTEURAUULT,

CLEMENS PAPA XIV.

Romae. 26 septembris 1769.

Dilecta, etc. Valde propensi sumus ad iis omnibus gratificandum quorum preces filiali de Nobis fiducia nituntur; eorum vero quos meritis etiam ac virtutibus præstare cognoscimus postulationes tan libenter admittimus, ut easdem beneficiis nostris prorsus explere cupiamus. Proinde redditæ Nobis litteræ tuæ, dilecta in Christo filia, majorem in modum nostrum animum excitarunt, ut in tuis excipiendis precibus plurimorum etiam meritorum, quæ luculentissimis indiciis Nobis in te sunt perspectissima, pietatis scilicet, constantiæ in sectanda tuendaque religiosi instituti sanctitate, prudentiæque ac fidei in commisso tibi moderando ordine, atque in Nos et hanc sanctam Sedem devotionis ac observantiæ rationem haberemus; præsertim cum quæ a Nobis postulas ea sint quibus conscientiae tuæ, quæ accuratissima et suorum munerum est studiosissima, consulatur. Ejusdem igitur anxietatem aliquam ac in dubitando molestiam remove cupientes, visitatori apostolico canonice electo nostramque vicem erga vestrum ordinem S. Sedis immediato subiectum fungenti facultatem concedimus permittendi ingressum in vestram abbatiam mulieribus quarum quotidie opera indigetis, quæ ibidem etiam, si necessitas tulerit, pernoctare possint, ac personis itidem dignitate, nobilitate muneribusque conspicuis, quarum patrocinium conciliare abbatiae vestrae vehementer intersit, earumque consanguineis et affinibus, iisque qui in ipsorum sint comitatu, juxta illam consuetudinem quam hactenus ab abbatissis quæ te præcesserunt servatam fuisse scribis; quam omni prorsus reprehensione caruisse nobis facile persuademus, cum ejusmodi ingressus perraro accidant ob abbatiam vestram ab urbibus et

locorum frequentia longe sejunctam, et non mediocris semper extiterit visitorum apostolicorum prudentia, et superiorissarum etiamstrarum vigilantia. Quapropter tanto Nos minus ullum exinde abusum veremur, quanto magis in tuâ fide ac in regendo isto ordine sedulitate ac diligentia conquiescere posse judicamus. Quare dubitare amplius non debes quin admittere in tui ordinis abbatiam eos omnes possis quorum ingressum visitor apostolicus a Nobis praesertim hac facultate munitus concesserit. Vides ex hoc, dilecta in Christo filia, quam merito nostra in vos benignitate confisa sis, quamque imposterum possis ab eadem tibi polliceri quidquid ad tui ordinis commoda atque ornamenta, quantum a Nobis in Domino fieri poterit, augenda ac promovenda pertinebit. Demum in singularis nostrae erga te paternae caritatis pignus apostolicam benedictionem tibi, dilecta in Christo filia, tuoque universo ordini peramanter impertimur. *Datum Romae, etc., die 26 septembris 1769, pontificatus nostri anno primo.*

XXXIV.

VENERABILI FRATRI

ALOYSIO ARCHIEPISCOPO CÆSAREÆ NOSTRO

ET APOSTOLICÆ SEDIS NUNTIO APUD HELVETIOS

CLEMENS PAPA XIV.

Romae, 27 septembris 1769.

Venerabilis frater, etc. Etsi vehementer antea fidem tuam in peragendo isto apostolicae legationis munere studium ac prudentiam probaremus, ea tamen recentia consilia ac facta tua extiterunt ut mirum in modum delectati ista virtute simus, ac ad te ipsum hos nostros de te sensus perscribere, hisque litteris merita te laude prosequi atque ornare decreverimus. Tua enim opera, labore atque industria factum esse agnoscimus ut primum libellus ille *Reflexionum* contra regulares ordines isthic editus a senatu lucernensi proscriberetur, neque quidquam contra eosdem, de quo valde verendum erat, moliri in communi Fravenfeldensi consilio adversarii potuerint, neque ullos fortasse habituri imposterum successus sint in proximo consilio Luganensi, eorum conatibus jam mature per te fractis ac labefactatis. Alia etiam Ec-

clesiae jura, ac praesertim ea quae ad immunitatem pertinent, quibus isthic intentabatur vis, praeclare sustines ac tueris, istorumque civium ac senatorum pietatem tuis consiliis excitas atque instruis, ne quid ejusmodi fieri patiantur quod bonorum offensionis sit, quodque pessimo exemplo protestantium posset ad diripiendas ecclesias incitare audaciam ac cupiditatem. Ex ista etsi brevi actionum ac laudum tuarum commemoratione facile perspicis, venerabilis frater, quam gratae Nobis atque acceptae res fuerint, quantique te ob egregia merita tua et aestimemus et diligamus. Ac luculentae hae nostrae de te animi significationes, ut tuae virtutis interim esse praemio possunt, ita minime dubitamus quin tibi ad similia ac majora etiam pro opportunitate capessenda atque agenda sint incitamenta. Nos certe quae de te sentiremus, ita tibi nunc exponenda duximus ut non solum tuorum meritorum testes has haberes litteras, sed pignus etiam pontificiae in te egregiae voluntatis. Quod reliquum est, hoc nunc tibi inagnopere mandamus, ut eximios illos viros, praesertim dilectos filios plebanum Gloggnier, Scultettum Balthasar, deputatos ad consilia Fravenfeldense et Luganense, caeterosque pios senatores, quorum opera, auctoritate ac sapientia usus es in tuendo Ecclesiae jure, quique tam praeclare de Nobis deque apostolica hae Sede sunt meriti, ita nostro nomine collaudes ut iisdem una persuadeas de gratissima nostra ac singulari in eos voluntate, cujus uberrimi fructus, si quis locus erit, nunquam ipsis per Nos sunt defuturi. Atque in hujus pontificiae paternae caritatis pignus eisdem apostolicam benedictionem nostris verbis peramanter imperties, quam tibi etiam, venerabilis frater, aequè luculenter ac peramanter elargimur. *Datum Romae, etc., die 27 septembris 1769, pontificatus nostri anno primo.*

XXXV.

CARISSIMO IN CHRISTO FILIO NOSTRO

LUDOVICO FRANCORUM REGI

CLEMENS PAPA XIV.

Romae, 30 septembris 1769.

Carissime, etc. Le dernier projet nous manifesté au nom de Votre Royale Majesté par le cardinal de Bernis, touchant la commune connue affaire, a été par nous avec agrément accueilli ;

nous semblant beaucoup à propos, pour le bien conduire à sa fin avec satisfaction réciproque. Cependant nous serons en attention de recevoir par le même cardinal ces mémoires, lesquelles sont nécessaires pour cela, afin de pouvoir après examiner l'affaire; ce qui ayant été accompli, nous donnerons une marque constante de notre paternelle affection, avec laquelle nous donnons à Votre Majesté et à la royale sa famille l'apostolique notre bénédiction. *Datum apud Sanctam Mariam Majorem pridie kalendas octobris (30 septembris) 1769, pontificatus nostri anno primo.*

XXXVI.

VENERABILI FRATRI

CLEMENTI ARCHIEPISCOPO TREVIRENSI

ET EPISCOPO AUGUSTANO S. R. E., PRINCIPI ELECTORI

CLEMENS PAPA XIV.

In arce Gandulphi, 14 octobris 1769.

Venerabilis frater, etc. Perlatum ad Nos est perniciosum Justinii Febronii librum novis clam typis Francofurti recudi, eumque multo auctiorem aliisque ad pristinos congestis ac undique compilatis erroribus refertum iterum esse proditurum. Nos sane pro ea qua esse debemus pastorali sollicitudine vehementer veremur ne nova exinde in universam Nobis commissam Ecclesiam detrimenta inferantur, aut jam illata latius propagentur. Tua igitur perspectissima Nobis pietate freti, ac egregii de Ecclesia studii plane memores, cujus illustre exstat monumentum in praeclara famosi illius operis proscriptione quam, dum episcopus Frisingensis esses, plurima cum laude peregisti, novum nunc tibi hujusmodi tui decoris amplificum argumentum proponimus, ac a te, venerabilis frater, majorem in modum petimus et flagitamus ut pro tua, qua polles, dignitate, tantique nominis auctoritate, omnem curam, operam ac diligentiam ponas, ut venenatus ille ac pestifer foetus, antequam iterum in lucem prodire possit, suffocetur. Magna isthic viges apud omnes existimatione, praeclara sunt multorum erga te studia, plurimum tibi quisque et pro nobilitatis et pro virtutis tuae splendore defert. Quae quidem accepta a Deo munera ad Dei ipsius

causam conferre debes, ad tuendam scilicet Ecclesiae tranquillitatem et pacem, ac ad veterem quae in ipsa Ecclesia est integram atque incolumem retinendam conservandamque doctrinam. Ad id egregie praestandum opportunitates vigilantiae tuae minime deerunt, cum easdem non solum arripere, sed inducere etiam ac excitare, si opus sit, industria atque auctoritate possis. Feceris igitur non solum pro episcopali quo eximie fungeris munere, sed pro tui etiam animi ac generis splendore proque illa quae in te potissimum enitescit pietate ac religione, si erupturam iterum tantam errorum pestem mature oppresseris. Confirmabis tum praeclaram nostram de singulari virtute tua opinionem, ac ita nostrum erga te animum devincies ut nullum sit pontificiae benignitatis genus, quod in te conferre ac cumulare non maxime cupiamus. Ac in hujus luculentissimae erga te nostrae voluntatis pignus apostolicam benedictionem tibi, venerabilis frater, peramanter impertimur. *Datum in arce Gandulphi albanensis dioecesis etc., die 14 octobris 1769. pontificatus nostri anno primo.*

XXXVII.

DILECTO FILIO

EMMANUELI PINTO,

HOSPITALIS S. JOANNIS HIEROSOLYMITANI MAGNO MAGISTRO,

CLEMENS PAPA XIV.

In arce Gandulphi, 20 octobris 1769.

Dilecte etc. Solliciti Nos quidem pro nostri apostolici ministerii munere vehementer sumus ne ullum omnino ad animarum salutem praesidium in iis pietatis operibus constitutum, quae olim sacerdotibus soc. Jesu in isth insula Melite degentibus commissa fuerant, post eorum discessum desiderari posset, quin ut magis ea omnia in dies augeantur; cum tamen nequeamus per Nosmetipsos, qui multiplicibus hoc nostri pontificatus initio curis distinomur, tam celeri ac tam certa quam cupimus ratione consulere, ad te, dilecte fili, idcirco convertimur; tuum enim plurimum esse ad ea vel retinenda, vel etiam augenda pietatis opera studium nobis declarasti, tuaque hujusmodi voluntate maxime freti nostras has pastoralis sollicitudinis partes per ope-

ram, vigilantiam ac sedulitatem tuam exequi ac complere decernimus. Ut igitur illa omnia ad divinum cultum ac fidelium aedificationem spectantia, praesertim quae attinent ad veri Dei praedicationem, quae tam italico quam melitensi idiomate peragebatur, ad sacras missiones quae per totam insulam quolibet excurrerant triennio, ad exercitia spiritualia ad quae pluries quotannis in certam domum conveniebatur, ad pias varii ordinis hominum congregationes ac ad sacramentorum administrationem, rite compleri ac perfici facias, tibi nostris his litteris committimus administrationem ecclesiae, collegii, domorum ac bonorum omnium quibus isthic utebantur sacerdotes soc. Jesu, ut una cum tuo ac istius Hierosolymitani ordinis consilio inire rationes possis quibus omnia et singula a Nobis commemorata opera constituentur stabilianturque, ut nullum unquam imposteriorum eorum deesse valeat quae et ad Dei majorem gloriam et ad spiritualem fidelium utilitatem maxime conducere judicamus. Ac praeter ea quae jam dicimus ad pietatem spectantia cum regendis etiam scholis informandaeque disciplinis ac doctrina instituendae Melitensi juventuti sacerdotes illi darent operam, vehementer optamus ne haec etiam non mediocris publicae utilitatis pars praeterita nunc isthic ac neglecta esse videatur. Proinde postquam rite constituta erunt singula illa pietatis opera, ac his praeterea satisfactum oneribus quae bonis, ecclesiis ac domibus tuendis utendisque necessarie inhaereant, nec non et pensionibus, quae quotannis debentur, dum superstitibus erunt, his e societate Jesu qui Melitae degebant, quidquid tum ex initis in dicto concilio acceptorum expensarumque quovis anno rationibus superfuisse reperietur, potestatem tibi concedimus id omne erogandi impendendique in subsidium et usum tam universitatis generalis studiorum quam collegii educationis pro tyronibus aut professis vestri ordinis, quod nunc collegium isthic est instituendum ad normam aliarum nostrarum in forma brevis litterarum, quae una cum hisce nostris ad te dantur, quibus tam universitas illa quam collegium apostolica auctoritate comprobantur. Dum vero Nos hujusmodi te, dilecte fili, facultatibus augemus, constrictam tuam ac tui consilii conscientiam esse existima, qua ad haec omnia quae declaravimus omnibus numeris et partibus complenda, atque huic pontificiae voluntati accuratissime satisfaciendum tenemini. Hac tamen voluntate nostra nequo detrahimus quidquam neque derogamus aliorum juribus, praesertim episcopalis mensae, aut seminarii clericalis super ecclesiasticis beneficiis, vel aliis bonis quibus hactenus

fructi sint societatis Jesu sacerdotes: quin intacta illa ac illaesa servari volumus, et si quae de iis controversia inciderit, eandem jam nunc ad nostram cognitionem ac apostolicum judicium avocamus. Haec sunt, dilecte fili, quae ad te perscribenda, tuaeque fidei per Nos committenda esse duximus, ex quibus intelligere facile potes quam persuasum nobis sit de tuo in sacras res, divinum cultum ac animarum salutem studio, quantumque in his rebus, quae Nobis maximam injiciunt sollicitudinem, diligentiae, sedulitati ac industriae tuae tribuamus. Quam nostram de te existimationem cum plurima pontificia benevolentia coniungi, ut tibi magis persuasum esse possit, in ejusdem pignus apostolicam benedictionem tibi, dilecto fili, tuoque nobilissimo ordini peramanter impertimur. *Datum in arce Gandulphi albanensis dioecesis, die 20 octobris 1769, pontificatus nostri anno primo.*

XXXVIII.

DILECTIS FILIIS NOBILIBUS VIRIS

ANTIANIS ET VEXILLIFERO REIPUBLICÆ LUCENSIS

CLEMENS PAPA XIV.

Romae, 25 novembris 1769.

Dilecti, etc. Ut ex superioribus nobilitatum vestrarum litteris permoleste intelleximus repentino obitu ereptum esse vobis venerabilem fratrem Joannem Dominicum Mansium archiepiscopum vestrum, quem praeter religiosam vitae ab ipso actae rationem singularis doctrinae laude praestitisse agnoscimus, ita a Nobis percepta istius praesertim Ecclesiae causa molestia omnis est postremis litteris depulsa quibus curas nostras ad novum ipsi ecclesiae praeficiendum pastorem conversas sapientia vestra sublovari laetati sumus; eos enim acerrimo judicio vestro tres viros propositos Nobis ad deligendum esse voluistis ex quibus quemcumque ad archiepiscopatum eveheremus, quin idem dignissimus esset, dubitare minime possemus. Quod Nos quidem cum diligentiae nostrae partem in tam gravi re completeremus, ac summo proinde studio quis eorum ad tantum suscipiendum munus, omnibus rite expensis, maxime opportunus esset, investigaremus, multa cum jucunditate vestraque laude cognovimus. Neque diu haerendum fuit quem sententia nostra praeferremus, cum eas in dilecto filio Martino Bianchi istius cathedralis cano-

nico theologo animi dotes ac virtutes depraehenderemus, quæ ad pastorale onus egregie sustinendum plane factæ esse viderentur. Eundem igitur in archiepiscopum vestrum designamus et eligimus; quod tanto etiam cumulatione animo facimus quod vosmetipsi vestrae potioris in eum voluntatis argumenta præferatis. Dum hanc itaque vobiscum electionem nostram communicamus, ac nobilitatibus vestris de certissima spe fore ut optimum consequuti sitis pastorem, vehementer cupimus ut plurimum nostrum fuisse cum pontificio muneri satisfaciendi, tum vobis etiam gratificandi studium existimetis. Valde Nos delectat, quod scribitis, vestri agentis officio auctum a vobis esse dilectum filium Dominicum Pauli, quem Nos suo merito diligimus, quemque vestra etiam causa sumus libentissime semper excepturi. Ut ille pro sua fide ac diligentia vestram erga Nos ac apostolicam hanc Sedem observantiam luculentissime nobis declaravit, ita paternam nostram in vos caritatem testabitur. In cujus certissimum pignus apostolicam benedictionem vobis, dilecti filii, nobiles viri, ac reipublicæ vestrae peramanter imperitur. *Datum Romæ, etc., 25 novembris 1769, pontificatus nostri anno primo.*

XXXIX.

CARISSIMO IN CHRISTO FILIO NOSTRO

CAROLO EMMANUELI SARDINÆ REGI ILLUSTR
CLEMENS PAPA XIV.

Romæ, 27 novembris 1769.

Carissime, etc. Multo ante reverti isthuc cogitantem dilectum filium nostrum Carolum Victorium Amadeum S. R. E. cardinalem de Lanceis apud Nos hactenus detinuimus; quem enim prius ob singulares animi generisque dotes plurimi faciebamus, ejusdem præsentis virtute, doctrina, omnisque generis laudum præstantia majorem in modum delectati sumus. Hanc illius in urbe moram nostra causa prorogata a Majestate Tua comprobare minime dubitamus. Idcirco plurimas tibi gratias nos habere profitemur, eoque uberiores quo et perspectiora nobis egregia illius merita, et majores nostri in eum amoris cumulandi rationes extiterunt. Quod nostram erga ipsum eximium studium ut illi magis confirmemus, a te vehementer postulamus, carissimo in

Christo fili noster, ut cum illum humanissime, prout soles, ad te redeuntem exceperis, ad usitatum clementiam tuam nostra etiam causa quidpiam addas, ex quo intelligere possit nostram hanc in illum voluntatem tibi fuisse jucundissimam. Id ipse honorificentissimi muneris loco et a Majestate Tua et a Nobis pro tua in utrumque observantia habebit. Interea Nos ejusdem aequiore animo ferimus discessum quod et tuam tibi sedulam gratamque in praeclaro, quo jamdiu apud te fungitur, magni eleemosynarii munera operam praestare poterit, et in ista insigni S. Benigni abbatia, erga quam plurimum nostrum est studium, pro tua cura ac vigilantia ea praesertim provehet ac amplificabit commoda quae ad divinum cultum augendum, christianasque virtutes populi sibi commissi animis inserendas fovendasque pertinent. In quo quae illius sollicitudo atque industria hactenus fuerit, illa praesertim declarat frequentissima Seminarii domus praeclara legum ac disciplinarum omnium institutione florens, et ipsius potissimum informata cum pietatis exemplis tum imitatione doctrinae. Sed haec caeteraque ab eo isthic ad Dei gloriam praeclare gesta cum optime tibi perspecta sint, non tam ipsius laudandi quam tibi de illius abbatiae bono gratulandi causa commemoramus. Quod reliquum est, ille optime de Nobis mereri perget, si uberrime studiosissimum nostrum erga Majestatem Tuam animum, quod ipsi diligenter mandavimus, tibi referet, quantumque te totamque regiam domum ac dilectissimos Nobis in Christo liberos tuos amemus, quibus laeta ac prospera omnia a Deo Opt. Max. deprecantes. ejusdem munerum auspicem apostolicam benedictionem, quam ille etiam nostro nomine deferet, tibi, carissime in Christo fili noster, tuisque omnibus amantissime impertimur. *Datum Romae, etc. die 27 novembris 1769, pontificatus nostri anno primo.*

 XL

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO

CLEMENS PAPA XIV.

Romae, 30 novembris 1769.

Carissime, etc. Stumiamo nostro preciso dovera di ragguagliare la sacra reale Maestà Vostra delle nostre intenzioni sempre

disposte a darle evidenti riprove dell'adempimento delle nostro obbligazioni. Ci siamo presa la cura di radunare quei monumenti dei quali dobbiamo prevalerci per formare il concertato *Motu proprio*, con cui giustificheremo presso tutto il mondo la savia condotta tenuta dalla Maestà Vostra nella espulsione degl'inquieti e turbolenti gesuiti. Siccome siamo soli a faticare e siamo oppressi da tante altre brighe, quindi ne deriva, non già la trascuratezza ma la dilazione, rendutasi necessaria per la buona condotta di un affare tanto interessante. La sacra Maestà Vostra è supplicata di non prenderci in diffidenza, mentre siamo intenzionati e ci andiamo preparando a darne al pubblico irrefragabili testimonianze della nostra veracità. Sottoporremo poi un nostro piano alle savie riflessioni della Maestà Vostra toccante la totale abolizione di questa società, e non passerà molto tempo dalla trasmissione che le faremo. Daremo ancora compimento ad altri affari, per i quali l'amatissimo Azpuru Ministro plenipotenziario della Maestà Vostra è stato incaricato. Daremo in somma continue e sincere testimonianze della nostra benevolenza alla M. V., alla quale con pienezza del nostro paterno affetto diamo l'apostolica benedizione, da diffondersi sopra tutta la reale famiglia. *Datum Romae, apud Sanctam Mariam Majorem, pridie kal. decembris (30 novembris) 1769. pontificatus nostri anno primo.*

XLI.

ILLUSTRI AC POTENTISSIMO

DRUSIORUM PRINCIPI, ALI SCEAB,

CLEMENS PAPA XIV.

Romae, 9 decembris 1769.

Illustris, etc. Inter plurima ac gravissima negotia quibus hoc nostri ministerii pastoralis initio destinemur, istam gregis nostri Graccorum Melchitarum portionem oblivisci non possumus, ad quam quoties animum convertimus (quod quidem persaepe ac libenter facimus), toties obversantur Nobis ante oculos non vulgaria illa a Celsitudine Tua in eandem collata beneficia. Eo enim perdifficili tempore quo de patriarchatu venerabilis fratris Theodosii, deque dilectis filiis monachis Basilianis congregationis Soaritae agebatur, plurimum extitit studium ut praesidium tuum ut tua vis apostolicae Sedis decretis esset, tuaeque operae, con-

silio atque auctoritati referri maxime debet quidquid ab illustri et potentissimo principe Emiro Mansur fratre tuo gestum tunc fuit ad reducendos in officium ac in concordiam contumacis ac dissidentis partis animos, ad tuendum ab intentata praesidium vi eundem patriarcham, et ad illos Soairitas monachos ab illatis per eosdem praesides injuriis vindicandos. Haec Nos probe cognoscentes, quantum Celsitudini Tuae debeamus, declarare statuimus, quod luculenter per hasce nostras litteras facimus, unaque maximas habemus gratias, vel ob id etiam quod ex antea actis a te rebus plurimam in Nobis spem excitas fore ut imposterum pari singularis patrocini tui gratia tueri ac fovere pergas tam ipsum patriarcham Theodosium et monachos istos Soairitas, quorum plurimus est pro salute animorum labor, quam omnes qui isthic in Chesroano degunt christianos, de quibus vehementer solliciti ac studiosi et esse debemus et sumus. Majorem igitur in modum eos omnes Celsitudini Tuae commendamus, ac illa pro iisdem a te petimus praesidia quae rerum ac temporum opportunitates postulare videbuntur. Id a te cumulatissime praestitum iri ita confidimus ut, egregie de perspecta summa humanitate ac animi tui magnitudine et sapientia sentimus. De Nobis vicissim illa te existimare cupimus, ut libentissime facturi simus quidquid tibi gratum tuisque rebus opportunum unquam futurum sit, neque ulli defuturos esse occasione qua hunc nostrum erga te luculentissimum animum reipsa testemur et confirmemus. Interim Celsitudini Tuae intimo nostri cordis sensu a bonorum omnium auctore Deo coeleste lumen ac verae felicitatis consequutionem precamur. *Datum Romae etc., die 9 decembris 1769, pontificatus nostri anno primo.*

XLII.

VENERABILIBUS FRATRIBUS

PATRIARCHIS, PRIMATIBUS, ARCHIEPISCOPIS
ET EPISCOPIS

UNIVERSAE ECCLESIAE CATHOLICAE,

CLEMENS PAPA XIV.

Romae, 12 decembris 1769.

Venerabiles, etc. Cum summi apostolatus impositum Nobis munus cogitatione comprahendimus, tantique oneris vim ac gravi-

tatem intuemur, non possumus, vœuerabiles fratres, et rei ipsius magnitudine et perspecta Nobis virium nostrarum imbecillitate, non vehementer commoveri. In altitudinem maris venisse atque e tranquillae vitae securitate tamquam e tutissimo portu ad regendam Beati Petri naviculam evocati, maximis repente Nos abripi atque agitari fluctibus videmur ac tempestatis vi pene demergi. Verum a Domino factum est istud et est mirabile in oculis nostris. Neque enim ullis humani consilii rationibus, sed illius inscrutabili iudicio Nobis nihil tale opinantibus delatam tanti muneris procuracionem apertissime intelligimus. Proinde in certissimam spem erigimur, eum ipsum, qui Nos ad summi ministerii sollicitudinem adduxit, timorem ac infirmitatem nostram praesidio suo sublevaturum, et exauditorium Nos esse in abscondito tempestatis. In eadem fiducia praeclare Nos confirmat Petri trepidantis in mari, ac Domini modicam ejusdem fidem increpantis recordatio. Qui Nobis in apostolorum principe totius Ecclesiae curam et claves regni coelorum tradidit, qui suas oves pascere ac fratres confirmare jussit, idem certe omnem sui obtinendi auxilii dubitationem a Nobis depellere, Nosque suae gratiae spe magis voluit quam timore nostrae imbecillitatis moveri. Illius itaque qui est robur ac fortitudo nostra voluntati obsequimur, illius fidei potestatique Nos permittimus. Ille consilio suo inchoatum in Nobis opus etiam perficiet, atque ex ipsa humilitate nostra illius potentiae ac misericordiae vis perspectior omnibus elucescet. Nam si quid, hac temporum conditione, nostra, qui inutiles servi sumus, opera ad Ecclesiae suae incolumitatem moliri ac efficere constituit, illum unum omnes auctorem atque effectorem perspicient, et propterea ipsi honorem ac gloriam esse tantummodo tribuendam cognoscent. Quare alacri animo ad maximum sustinendum onus accedimus, et quo potentiore auxilio fidimus, eo majore studio connitimur, et ob ipsam muneris, ad quod appellati sumus, praestantiam, nullas, quae a Nobis in eo perfungendo conferri possunt, sedulitatis ac industriae partes nimias esse judicamus.

Quam quidem administrationis nostrae rationem dum assidue versamus animo, atque ex hac altissima apostolicae Sedis specula in omnes christiani orbis regiones oculos convertimus, vos potissimum, venerabiles fratres, excelso et illustri loco positos intuemur, vestro conspectu recreamur, vos adjutores nostros, vos dominici gregis custodes ac evangelicae vineae operarios summa animi nostri jucunditate agnoscimus. Qui igitur nostrae sollicitudinis partem sustinetis, in ipso apostolatus nostri exordio alloqui

vos maxime cupimus, atque in sinum vestrum intimos mentis nostrae sensus effundere; et si quid vos in Domino hortari ac commonere videbimur, id vel nostro de Nobis ipsis timori tribuite, vel profectum a vestrae virtutis ac in Nos pietatis fiducia existimate.

Ac primum rogamus vos, vv. ff., ac obsecramus ne unquam misericordiarum Patrem pro imbecillitate nostra divino praesidio munienda deprecari intermittatis. Reddite hanc Nobis amoris erga vos nostri vicem, atque ita inutua precum vestrarum subsidia Nobiscum conjungite ut alteri ab alteris quodammodo sustentati firmiori gradu omnes possimus in sua quisque statione consistere. Hac potissimum animorum conjunctione illam, in qua Nobiscum coagmentati estis, unitatem comprobabitis. Unum quippe totius est Ecclesiae aedificium, cujus in hac Sede a beato Petro positum est fundamentum. Multi ad illud construendum conjuncti sunt lapides, sed omnes super una petra firmantur ac innituntur. Unum est Ecclesiae corpus, cujus Christus est caput, ac in illud omnes coalescimus. Nos ipsius potestatis vicariam procuracionem gerentes coeteris altius illo volente praesidemus. Vos vero una Nobiscum colligati tamquam cum visibili Ecclesiae capite potiores ejusdem corporis partes estis. Quid proinde singulis accidere potest quod universos non afficiat, neque ad unumquemque promanet? Quemadmodum itaque nihil potest peculiarem cujusque vestrum vigilantiam exposcere quod nostris item curis compraeberi, ad Nosque referri non debeat, ita arbitrari debetis magnopere vestra interesse quidquid ad Nos pertinet, nostramque operam ac diligentiam desiderat. Quapropter, una voluntatum consensione conjuncti, uno eodemque animati Spiritu, qui a mystico illo capite profluens ac per universa membra diffusus vitam omnibus dispertit, contendere omnes ac dare operam praesertim debemas, ut Ecclesiae corpus integrum atque incolume sit, ut, nulla ruga ac macula contracta, omni christianae virtutis laude instruat ac vigeat. Quod quidem divina ope praestari a Nobis poterit, si pro virili sua quisque commissi sibi gregis studio exardescet, si illa una singulis insidebit cura populi sui ab omni malorum contagione atque errorum insidiis removendi, ac omnibus doctrinae sanctitatisque subsidiis diligentissime muniendi.

Hujusmodi animarum salutis cupiditate si unquam eos qui tuendae vineae Domini praesunt excitatos esse oportuit, hoc praesertim tempore illos inflammari est pernecessarium. Quando enim tam multiplices, tam noxias sive ad labefactandam, sive

ad tollendam religionem exoriri fere quotidie et circumferri opiniones, quando novitatis illecebra magis inductos homines et quadam peregrinae scientiae aviditate pertractos ad hanc confluere atque eandem libentissime conquirere vidimus? unde animarum pestem et perniciem extendi latius in dies ac miserrime propagari dolemus. Quare eo acrius vobis erit laborandum, venerabiles fratres, omnesque vel diligentiae vel auctoritatis vires exerendae ut hanc tantam ac de divinis et sanctissimis rebus grassantem temeritatem atque insaniam repellatis. Non in corruptibilibus ac vanis humanae sapientiae praesidiis, sed in simplicitate doctrinae ac in verbo Dei penetrabiliore omni gladio ancipiti dumtaxat vos illud conscuturos confidite. Tum hostium impetus coercere facile poteritis atque adversariorum tela retundere, cum in omnibus sermonibus vestris Jesum Christum crucifixum praeferetis ac praedicabitis. Suis ille legibus atque institutis sanctam hanc civitatem, suam nimirum Ecclesiam, condidit et communivit. Suae fidei tanquam depositum caste pieque custodiendum huic tradidit. Suae doctrinae ac veritatis hanc esse voluit firmissimum munimentum, adversus quam portae inferi nunquam praevalerent. Nos igitur, venerabiles fratres, civitatis sanctae praesides ac vigiles hanc ejusdem conditoris Domini ac magistri nostri legum ac fidei praeclarissimam haereditatem Nobis per majores nostros integerrime traditam diligenter tueamur, ac ad posteros nostros puram atque incolumem transmittamus. Ad hanc in Sacris Litteris acceptam normam facta et consilia nostra omnia dirigentes, praeterea Patrum nostrorum certissimis inhaerentes vestigiis instructissimos Nos futuros putemus ad omnes vitandas offensiones quae christiani populi fidem debilitare possint ac infringere, atque Ecclesiae unitatem nulla ex parte dissolvere. Ab illis divinae sapientiae fontibus scripta scilicet traditaque doctrina, quaecumque sive ad credendum sive ad agendum requiruntur, tantummodo hauriamus.

In gemino enim hoc locupletissimo veritatis ac virtutis cunctis instrumento continentur quaecumque ad religionis cultum, ad morum disciplinam recteque vivendi institutionem pertinent. Hinc mysteriorum altitudinem, hinc pietatis, honestatis, justitiae, humanitatis officia ediscimus. Quid Deo, quid Ecclesiae, quid patriae, quid civibus, quid cæteris hominibus debeamus, intelligimus. Unde nullis praeclarius quam his verae religionis legibus civitatum etiam ac societatem jura stabilita esse cognoscimus. Ac propterea nemo fere unquam divinis Christi sanctionibus bellum intulit, quin idem continuo, quantum in se est, populo-

rum tranquillitatem perturbabit, regum obsequium detrectarit, infesta ac incerta omnia fecerit. Magna est enim inter divinae ac humanae potestatis jura conjunctio; ac proinde qui christianae legis auctoritate regum imperia munita esse norunt, alacri animo iisdem obtemperant, verentur potentiam, dignitatem observant et colunt.

Atque hanc quidem divinarum praescriptionum partem non minus cum populorum tranquillitate quam cum animarum salute conjunctissimam considerantes, magnopere vos hortamur, venerabiles fratres, ut post Deum ac divini cultus constitutas in Ecclesia rationes, omnem sollicitudinem vestram ad populum regum obedientia ac obsequio rite imbuendum convertatis. Illi nimirum ad publicam incolumitatem tuendam, ac homines in juris aequitate continendos in altissimo gradu prae caeteris sunt constituti. Ministri enim Dei sunt in bonum, nec sine causa gladium portant, vindices in iram ei qui malum agit; carissimi praeterea Ecclesiae filii sunt, ac patroni, quorum est eandem, ut parentem, diligere, ejusque causam ac jura custodire. Quos igitur instruendos in Christi lege suscepistis, mature divino illo praecepto imbuendos curate: fidem regibus sancte esse servandam ab ipsis incunabilis percipiant, parendum auctoritati, legibus obsequendum non solum propter iram, sed etiam propter conscientiam. Cum ita populorum animi fuerint opera vestra excitati, non solum ut regibus dicto adientes sint, sed etiam ut eos colant ac diligant, tum optime et civium tranquillitati et Ecclesiae utilitati, quae inter se disjunctae esse non possunt, consulatis. Eas vero officii vestri partes uberius cumulabitis, si ad quotidianas pro populo preces, peculiare etiam pro rege obsecrationes adjungatis, ut incolumes illi sint; ut suos in aequitate, pace ac justitia regant, ut Deum ipsum in regno hominum dominum dominantem cognoscentes, ejusdem causam sancte pieque tueantur ac provehant. Ita a vobis erit non minus episcopali vestro muneri quam omnium commodis satisfactum. Quid enim justius ac opportunius quam pro auctore publicae pacis ac civium salutis custode ab illis perpetuo Dominum obsecrari qui pro hominibus constituuntur in iis quae ad Deum sunt, et tanquam interpretes ac sequestri suis conjuncta precibus omnium vota Domino repraesentant?

Jam vero ceteras pastoralis officii partes diligentius vobis per censere supervacaneum ducimus. Quid enim singula persequamur, vosque de iis cohortemur, quorum intelligentia praeclare instructos esse novimus, diuturno insuper usu et quadam animi

inductione vestro muneri consentanea confirmatos? Illud tantummodo non omittemus, ut quo uno compræhendi omnia credimus, vobis ante oculos non subjiciamus, vestram scilicet virtutem excitantes ad ducis nostri ac pastorum principis consecrandum in omnibus exemplar, atque illud sanctitatis, caritatis, humilitatis specimen in vobis ipsis exprimendum. Si cum ille, cum Patris sui gloriæ splendor esset et figura substantiæ ejus, assumpta carnis nostræ infirmitate, homines a servitute per humilitatem et caritatem vindicatos in Dei filios adoptari et coheredes suos fieri voluit: quam in re gloriosius ac præstantius cogitationes et labores nostri versari possint quam ut hujus hominum cum Christo conjunctionis ac necessitudinis tuendæ auctores ceteris simus, et in illa imitanda bonitatis, elementariæ, mansuetudinis divina forma exemplo nostro omnibus faciem præferamus? Quia enim alia ratione super montem excelsum ascendit qui evangelizat Sion? Vobis hujus consecrandæ similitudinis desiderio semel incensus fieri non potest quin idem ardor ad vestri universi populi mentes conflagrandas dimanet. Mirifica siquidem pastoris vis est atque auctoritas ad sui gregis animos commovendos. Qui cum illius cogitationes actionesque omnes ad hoc veræ virtutis specimen conformatas noverint, cum in illo nihil asperum, nihil arrogans, nihil elatum, verum omnia caritatis, mansuetudinis, humilitatis ollicius plena viderint, tum vero acerrime ad easdem æmulandas laudes incitatos esse sentient. Præterea cum eundem omnis privatae utilitatis oblitum, ceterorum commodis inservientem, opibus egentes, solatio afflictos, doctrina rudes, omnes officio, consilio, pietate sollevantem, populi denique salutem suæ ipsius vitæ præferentem intelligent, hoc pastoris sui amore, studio ac sedulitate illecti libentissime docentis, cohortantis, obsecrantis, arguentis etiam atque increpantis voces audient. Nam si qui privatarum rerum enipuitate obstricti sint, ac terrena divinis præferant, quo pacto poterunt alios ad Dei caritatem ac mutuam inter se benevolentiam, divitius, voluptatibus, honoribus inhiantes ad rerum humanarum contemptum, fastu ac superbia elati ad mansuetudinem atque humilitatem inducere? In Jesu Christi igitur disciplina erudiendi populi cum munus sit a vobis susceptum, in ejusdem potissimum sanctitate, innocentia, lenitate vobis erit inhaerendum. Tum vestra vos potestate præclare tantummodo esse usuros reputate, cum potiora vobis erunt caritatis atque humilitatis quam dignitatis insignia. Maximum statuite vestrum hoc esse atque ad vos unice pertinere populi vobis crediti hunc in modum instituendi

negotium; ab illo recte gerendo omnes vestras derivandas esse laudes ac fortunas, a negligendo calamitatem ac turpitudinem. Quare hae vestrae sint a vobis tantummodo expetendae divitiae, ut Christi sanguine redemptas animas Christo lucrificatis, ea sincera ac solida gloria ut in divino promovendo cultu, in domus Dei decore amplificando, in vitiis extirpandis, ac virtutibus excolendis fidelem ac sedulam operam vestram Domino semper exhibeatis. Haec assidue cogitare, haec agere, hic ambitiosi, hic cupidi esse debetis.

Neque vero, cum dia multumque eritis in hac laborum contentione versati, defutura unquam vobis arbitremini virtutis exercendae spatia. Ea quippe est muneris vestri conditio, ea episcopalis vitae ratio, ut nunquam debeat curarum cessationem, nunquam otium consequi. Nullis possunt eorum actiones circumscriptae esse terminis, quorum caritatis amplitudinem nulli debent fines comprahendere. Sed immortalis atque infinitae mercedis vobis constitutae expectatio facile molestias omnes leniet ac levissimas efficiet. Quid enim grave ac molestum esse poterit cogitantibus beatissimam illam retributionem ob servatum ac multiplicatum gregem a Domino, cum rationem pastoralis munoris exposcet, recipiendam? Praeter hanc pulcherrimam immortalitatis spem in ipsis etiam sustinendis pastoralis vitae laboribus plurimam jucunditatem inesse sentietis cum, Deo conatus vestros adjuvante, populum vestrum mutua inter se caritatis conjunctione devinctum, integritate ac pietate florentem, ceteros denique omnes egregios vigiliarum ac laborum vestrorum fructus in Ecclesia exortos conspicietis. Utinam nostrum omnium unanimi hujusmodi voluntatum ac studiorum consensione reductam his nostri apostolatus temporibus praeclaram hanc religionis felicitatem ac antiquae illius aetatis similem formam videamus, ac gratulari vobiscum, venerabiles fratres, et congaudero possimus in Christo Domino nostro, qui suae gratiae praesidio Nos sustentet, et cor nostrum in illa quae ei sunt placita, semper accendat.

Quo tempore hasce litteras ad vos, venerabiles fratres, perscribimus, eodem per alias nostras universis christifidelibus jubilaum de more ad implorandam initio nostri pontificatus divinam opem pro solutari sanctae Ecclesiae catholicae regimine transmittimus. A vobis igitur majorem in modum petimus ac flagitamus ut commissos vestrae fidei populos ad eas rite faciendas in fide, pietate ac humilitate precesiones dirigatis, ac sicut monitis et consiliis vestris, ita etiam exemplo ad curandas

tam suae salutis, quam publicae christianae utilitatis rationes inflammetis.

Ac in nostrae caritatis pignus apostolicam benedictionem vobis, venerabiles fratres, ac vestrarum ecclesiarum fidelibus populis amantissime impertimur. *Datum Romae, apud Sanctam Mariam Majorem, die 12 decembris 1769, pontificatus nostri anno primo.*

XLIII.

DILECTO FILIO

JOACHIMO AB OXOMA, ORDINIS MINORUM S. FRANCISCI,

DESIGNATO ARCHIEPISCOPO THEBARUM

REGIS CATHOLICI CONFESSARIO,

CLEMENS PAPA XIV.

Romae, 14 decembris 1769.

Dilecte, etc. Magnopere laetamur ut, cum te ob praeclaras animi virtutes accuratissimamque vel in ipsa regia aulae magnificentia religiose sancteque vivendi formam, ac ob eximium, quo penes carissimum in Christo filium nostrum Carolum Hispaniarum regem catholicum fungeris, confessarii munus episcopali dignitate ornare ac ad Thebanam metropolitanam ecclesiam evehere ultro decreverimus, idem esses pristinae amicitiae jure conjunctissimus. Ex quo percommode accidit ut egregiorum meritorum tuorum rationem habere et una nostrae propensissimae erga te voluntati satisfacere possimus. De hac igitur actione nostra, de qua conficienda ac expedienda omni cura exsolutum te esse volumus, ut ex folio his litteris adnexo intelliges, non magis tibi quam Nobismetipsis gratulamur, dilecte fili, quod hujusmodi non solum nostri in te singularis amoris, verum etiam cumulatissimi de te judicii ac existimationis testimonium publice dederimus, unaque nostrum tibi declaraverimus gratum animum ob perspectissima tua erga Nos studia, quae opportunis tuis officiis abunde vobis sunt hactenus confirmata. Caeteras de tuo archiepiscopatu apostolicas litteras propediem, cum omnia perfecta erunt, ad te transmittemus. Vehementer etiam gaudemus, aliam quoque Nobis suppeditari laetitiae tuae cumulandae rationem, dum te nimirum certiores facimus, causam venerabilis servi

Dei Joannis de Palafox, de qua nuper est actum, illum habuisse exitum qui ex voluntate nostra fuit, et toae in eum pietati futurus sit maxime consentaneus, cum, quid decretum sit, ex altero huiusce litteris adnexo folio cognoscas. Id a te vehementer petimus, ut nostro nomine Catholicae Majestati deferas ac ostendas, cui certi sumus idem fore acceptissimum. Quod dum facies eidem carissimo in Christo filio nostro apostolicam benedictionem a Nobis, quam cum ardentibus ac nunquam intermissis de ipsius et regiae totius familiae salute ac felicitate votis coniungimus, amantissime impertieris. Cetera quae hac in causa supersunt, fore plane ex nostra sententia facilia nempe ac expedita speramus. Nostram certe in eadem causa operam, diligentiam ac studium desiderari a quoquam posse nunquam patiemur. Reliquum est ut tibi, dilecte fili, maiorem in modum persuadeas nihil Nos magis cupere quam ut nova Nobis semper suppetant argumenta, quibus tibi luculentissimum nostrum in te animum magis in dies testatum faciamus. Ac in singularis pontificiae caritatis pignus apostolicam benedictionem tibi, dilecte fili, peramanter impertimur. *Datum Romae, etc., die 14 decembris 1769, pontificatus nostri anno primo.*

 XLIV.

DILECTO FILIO

GABRIELI GAÜCHAR, CANONICO LINGIENSI.

CLEMENS PAPA XIV.

Romae, 20 decembris 1769.

Dilecte, etc. Nullum acceptius esse Nobis a te potest quam quod appellas tuae cum religionis, tum erga S. Sedem observantiae ac devotionis monumentum, illi scilicet libri tui, quibus contra falsam philosophiam utique nunc grassantem conscribendis viginti et amplius annos versaris, tuumque animum studio veritatis accensum, et doctrina tanquam solidissimis argumentis instructum, illius audaciae ac temeritati opponis. Ea nondum ad Nos perlata sunt volumina; quae quidem, si quid nobis in tanta negotiorum mole vacui temporis erit, cupidissime perlegemus. Interea tibi vehementer persuasum esse cupimus gratissimo eadem nos animo accepturos esse, habiturosque tanquam locupletissimos tui zeli ac sapientiae testes atque indices. Studium itaque huiusmodi tuum, dilecte fili, dum Nos maiorem in modum

commendamus, teque hortamur etiam, ut in eo tuæ laudis curriculum semper insistas, una de paterna plurima nostra caritate securum esse te iubemus, ac in ejus certissimum pignus recipere apostolicam benedictionem, qua te tuæque studia prosequimur, quamque ut divinæ benedictionis auspicem ex animo tibi ac peramanter impertimur. *Datum Romæ, etc., die 20 decembris 1769. pontificatus nostri anno primo.*

XLV.

VENERABILI FRATRI

ANGELO ARCHIEPISCOPO ANCYRANO.

NOSTRO ET APOST. SEDIS NUNCIO APUD REGEM POLONIC,

CLEMENS PAPA XIV.

Romæ, 23 decembris 1769.

Venerabilis, etc. Cum ad venerabiles fratres universos christiani orbis episcopos hoc nostri pontificatus initio epistolam encyclicam de more scribendam duxerimus, eam ad te, venerabilis frater, transmittimus, ut, quemadmodum fieri solet, distribuendam istis totius regni episcopis nostro nomine diligenter cures. Eadem perfecta facile intelliges quale nostrum sit studium de regum cultu atque obedientia ex divina lege populorum animis inserenda. Dum itaque ipsam encyclicam istius regni episcopis reddes, volumus ut nostro nomine peculiariter etiam eosdem excites ad consulendum eum religionis tum carissimi in Christo filii nostri Stanislai Augusti Poloniae regis illustris rationibus, qui præterquam quod ex regio munere tueri orthodoxam religionem debet, hujusmodi suæ voluntatis perspicuum dedit in postremo senatus consilio testimonium ad ea scilicet avertenda quæ isthic in ultimis comitiis in religionis detrimentum acta fuerant. Igitur praelare, venerabilis frater, tuo erga Nos muneri satisfacies, si eosdem episcopos, etsi sua sponte satis propensos, proposita tamen catholicae religionis utilitate et huic consentaneo nostro erga ipsum regem studio, magis magisque iuflammabis. Id tantopere tuæ diligentiae ac sedulitati commendamus ut ea re nostram te maxime amplificaturum benevolentiam polliceamur. In cujus pignus apostolicam benedictionem tibi, venerabilis frater, peramanter impertimur. *Datum Romæ, etc., die 23 decembris 1769. pontificatus nostri anno primo.*

XLVI.

CARISSIMO IN CHRISTO FILIO NOSTRO

STANISLAO AUGUSTO POLONÆ REGI ILLUSTR
CLEMENS PAPA XIV.

Romæ, 23 decembris 1769.

Carissime, etc. Etsi Majestas Tua dubitare minime possit de paterna nostra voluntate, qua sumus erga omnes carissimos in Christo filios nostros reges, qui nobiscum sunt in catholica fide conjuncti, peculiare tamen hujus animi nostri documentum dandum esse existimamus tibi, qui præterquam quod ex regio munere tueri orthodoxam religionem debes, hujus studii tui perspicuum dedisti testimonium in postremo senatus consilio, quo avertenda ea omnia decrevisti quæ isthuc in ultimis comitiis in religionis detrimentum acta fuerant. Quare dum venerabili fratri Angelo archiepiscopo Ancyrano nostro apud Majestatem Tuam ordinario nuncio transmittimus encyclicam epistolam nuper ad univrsos christiani orbis episcopos perscriptam, in qua eosdem præsertim hortamur ut populos ad regum suorum cultum atque obedientiam diligenter excitent, ac dñm ipsi committimus ut eam universis istius regni episcopis de more distribuat, una etiam acuratissime mandamus ut eos omnes pro suo munere ad consulendum cum tuis, tum religionis ipsius rationibus inflammet. Quod tibi præcipue et gratum et opportunum fore judicamus; ita enim inclytæ tuæ nationis animi novo hoc stimulo magis excitati tecum arctius conjungentur ad luctuosa illa omnia reparanda damna quæ ex dictorum comitiorum actis summo omnium bonorum dolore in orthodoxam religionem redundarunt. Certi quidem Nos sumus nostro huic studio diligentissime responsurum esse ipsum nostrum nuntium; nec dubitamus quin omnes regni istius episcopi etsi sua sponte satis propensi, proposita tamen catholice religionis utilitate et nostro huic consentaneo erga te studio, magis magisque accendantur. Quod reliquum est, Deum Opt. Max. obsecramus ut voluntatem tuam ad ejusdem gloriam regnique tui incolumitatem conversam, ratam ipse faxit, ac ejusdem gratiæ auspicem, nostræque singularis erga te caritatis pignus, apostolicam benedictionem Majestati Tuæ amantissime impertimur. *Datum Romæ, etc., die 23 decembris 1769. pontificatus nostri anno primo.*

XLVII.

DILECTIS FILIIS

MICHAELI D'ANDREA GUBERNATORI ET CONFRATRIBUS

CONGREGATIONIS *DELLI BIANCHI* VULGO NUNCUPATÆ

IN ECCLESIA SUB INVOCATIONE

SANCTÆ MARIE SUCCURRE MISERIS CIVITATIS NEAPOLITANÆ,

CLEMENS PAPA XIV.

Romae, 23 decembris 1769.

Dilecti, etc. Dum praedecessorum nostrorum datas jam dudum ad vos litteras perlegeremus, quibus sua illi in vos pro vestra pietate conferunt pontificiae benignitatis monumenta, Nos etiam et vestris meritis et petitione permoti, et eorum erga vos aemulari caritatem volentes, ad vos haec conscribere duximus, dilecti filii, ut nostrum etiam illis non imparem paternum erga societatem vestram animum agnosceretis. Quas jampridem itaque sa. mem. Clemens XIII ad vos in forma brevis dedit litteras, eae sunt hujusmodi: « Venerabili fratri Francisco episcopo Sarnensi gubernatori, ac dilectis filiis confratribus, etc., Clemens papa XIII. Venerabilis frater, etc. » (*Inseratur breve datum die 24 novembris 1758 usque ad verba Cajetanus Amatus*). Haec idcirco praedecessorum nostrum erga vos caritatis monumenta commemorare, dilecti filii, voluimus ut eadem, quae ibidem vobis indulta sunt, Nos etiam apostolica auctoritate non solum confirmare, verum etiam, quatenus opus sit, concedere cognoscatis. Illud certe officium in Nos vestrum Nobis vehementer acceptum fuit, quo nomen nostrum in vestro tabulario describi, nosquemetipsos inter vos censi ac numerari petiistis, atque ita hujusmodi postulato vestro assentimur ut maxime confidamus Nobis in istam societatem adscitis valde profuturas esse obsecrationes vestras, ac de piis laboribus quos in animarum salutem peragitis redundaturos in Nos etiam aliquos esse fructus, quibus in fungendo gravissimo hoc apostolatus munere sublevemur. Utque magis benignitatem ac caritatem erga vos nostram percipiat, alteri etiam postulato vestro libenter annuimus, vobisque indulgemus ut quoties procul Neapoli peregre ad vestri instituti subeundos labores sacerdotes confratres vestri excurrent, si ita necesse sit, in do-

mibus, ubi hospitati fuerunt, altare erigere possint, in eoque missam celebrare valeant, quae eorum missa, si in diebus festis contigerit celebrari, suffragetur in praecepti adimplementum pro omnibus et singulis aliis confratribus qui associationi intererunt, ac praeterea ut sacerdotes confratres ad excipiendas confessiones in civitate ac dioecesi Neapolitana approbati eadem facultate, quae ipsis in dicta civitate ac dioecesi competit vigore approbationis, in itineribus pro exercendo instituti ministerio susceptis ad id solummodo uti valeant ut alter alteri sacramentum Poenitentiae vicissim administrare licite ac valide possit. Haec, dilecti filii, vobis idcirco clargimur ut et nostrae in vos propensissimae voluntati pietatiquo satisfaciamus, et vos etiam hisce beneficiis nostris excitemus ad eos aequo animo ac alacriter subeundos labores qui ad animarum salutem conducunt, ac istius instituti rationi maxime consentiunt. Atque ut nostram imbecillitatem in universa Ecclesia regenda distentam ac occupatam Domino semper in vestris obsecrationibus commendetis, majorem in modum a vobis petimus, ac in cumulatus nostrae pontificiae caritatis argumentum apostolicam benedictionem vobis, dilecti filii, vestraeque societati peramanter impertimur. *Datum Romae, etc., die 23 decembris 1769, pontificatus nostri anno primo.*

 XLVIII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO

CLEMENS PAPA XIV.

Romae, 2 januarii 1770.

Carissime, etc. Quod praedecessoribus nostris in more positum fuit, ut sui pontificatus initio ad Dei omnipotentis implorandum auxilium pro salutari universae sibi commissae Ecclesiae regimine omnem catholicum populum apertis divinae misericordiae thesauris excitarent, id Nobis studiosissime faciendum esse nostrae praesertim maximae infirmitatis consocii existimamus. Jubilaeum igitur pro universis christifidelibus indicentes, episcopos omnes vehementer hortamur ut suae fidei creditum gregem ad eas rite faciendas preces dirigant, ac ad curandas tam salutis suae quam publicae christianae utilitatis rationes inflamment. Quo consentientium nundique precationum subsidio dum valde

confidimus, Majestatem Tuam majorem in modum obsecrandam censemus, ut sua nobiscum studia conjungens regii favoris opem omnibus sui amplissimi regni praesentibus impertiat, suoque praesidio tam necessarium, Nobis, ac universim saluberrimum futurum opus adjuvet, sustentet ac provehat. Quod dum a te fidenter petimus, una etiam significamus in apostolicis jubilaii litteris nullam nos mentionem habendam duxisse eorum qui isthic constitutioni, quae incipit *Unigenitus*, refragantur. De quibus illa retinenda est ratio quam sa. mem. Benedictus XIV praedecessor noster in celeberrima illa encyclica epistola die 16 octobris anni 1756, ad Galliae episcopos in comitiis cleri congregatos data, teneudam esse sapientissime censuit ac declaravit. Neque enim indulgentiarum participes esso possunt qui in ejusmodi obfirmato animo perseverant. Eos quidem Nos putamus pauciores in dies existere, de iisdem tamen illud ipsum, quod praedecessores nostri ad te antea in commendandis jubilaii litteris perscripserunt, Nos etiam confirmamus, teque, carissime in Christo fili noster, pro tuo erga apostolicae Sedis decreta studio enixe rogamus ut regiae potestatis auctoritate animarum pastores fulcire non desinas, ut omnes tandem in eundem sensum eandemque sententiam adducantur. Interim quod a te nunc ad publicarum precum promovenda pro Nobis subsidia flagitamus, id a te perspectus tuus in religionem zelus, id filialis erga Nos pietas postulat, id tuorum etiam regnorum utilitati ac felicitati praecipue conducturum esse facile pro tua sapientia perspicis, quae nimirum a Dei protegentis auxilio repeti debent in eoque subsistere. Hoc ipsum enixis Nos precibus ab eodem omnium bonorum largitore tibi regiaeque familiae tuae deprecari nunquam intermittentes in paterui nostri singularis amoris laetaque tibi et fausta omnia exoptantis apostolicam benedictionem Majestati Tuae amantissime impertimur. *Datum Romae, etc., die 3 januarii 1770, pontificatus nostri anno primo.*

 XLIX.

DILECTO FILIO

ANTONIO VALSECCHIO, ORDINIS PRÆDicatorum,

CLEMENS PAPA XIV.

Romae, 6 januarii 1770.

Dilecte, etc. Nullum sane exhibere Nobis potuisti neque luculentius tuae in Nos ac apostolicam sedem observantiae, neque

laetitiae ob pontificiam dignitatem ad Nos delatam praeclarius Nobisque jucundius testimonium, quam nunc a te est praestitum, cum librum tuum, quo religionem tanta cum tua laude ac ceterorum utilitate defendis, ad Nos misisti. Cum operis hujus tui praestantiam jampridem perspectam haberemus, eo ipsum etiam libentius excepimus, ac proinde nostrum tibi gratissimum animam profitemur. Cumque sa. mem. Clementi XIII, praecessori nostro, illud dicatum atque inscriptum a te fuerit, idcirco ad Nos ipsos pertinere etiam eodem jure reputamus, tum argumenti quod agitur, tum auctoris ipsius causa ad religionis, cui vigilandum Nobis est, veritatem vindicandam tam bene animati ejusdemque studiosissimi. Sed tuus eximius hic religionis tuendae ardor non eo loci te constitutum, sed novis iterum susceptis hujusmodi laboribus uberius in dies in recentibus quibusque confutandis erroribus de divino promovendo cultu, de Ecclesia atque adeo do Nobis bene meritum pollicetur. Ad quod praeclaros pro Domino confidenter prosequendos cursus cum te magnopere exhortemur, in pontificiae nostrae benevolentiae argumentum apostolicam benedictionem peramanter impertimur. *Datum Romae, etc., 6 januarii 1770, pontificatus nostri anno primo.*

XLIX bis.

DILECTO FILIO

MARTINO GERBERTO,

ABBATI CONGREGATIONIS SANCTI BLASII IN SYLVA NIGRA,

CLEMENS PAPA XIV.

Romae, 6 januarii 1770.

Dilecte, etc. Ex litteris tuis omni officiorum erga Nos genere refertis abunde nostra Nobis confirmata est opinio jamdudum de tuo in Ecclesiam studio coterisque virtutibus ac de singulari sacrarum praesertim rerum doctrina percepta. Quae quidem decora tua, dum eam perlegeremus epistolam, ita Nobis in mentem venerunt ut valde laetati sumus de filiali tua in nos observantia ac fide, neque quidquam acceptius ex te esse posset quam tuorum egregiorum laborum meritorumque recordatio. Libentissime proinde excipimus Theologica Opuscula tua, quae ad nos defers tamquam tuae eximiae in Nos voluntatis testimonia. quaeque ipsi

penes Nos habituri sumus etiam tamquam praeclara tuarum laudum monumenta. Quae in epistola tua de Nobis interseris iudicia, benevole quidem pieque id facis, sed nostrae uos infirmitatis consilii eadem in optatis ac votis de Nobis tuis ponenda esse reputamus, quae ut Dei benignitate rata fiant, vehementer a te petimus, ne eundem enixe, ut facis, deprecari unquam interinitas. Nos invicem omnia tibi paternae nostrae benevolentiae argumenta numquam pro opportunitate defutura pollicemur, ac, ut a calamitatibus monasterii tui, quas describis, vindicem ac auxiliatorem Deum ipsum habeas industriae tuae, qua ipsius reparare damna ac pristinum inducere in restituendis etiam doctrinarum studiis ornamentum contendere te putamus, eundem magnopere obsecramus, divinae non minus gratiae auspicem quam pontificiae caritatis pignus, apostolicam benedictionem tibi, dilecte fili, peramanter impertimur. *Datum Romae, etc., die 6 januarii 1770 pontificatus nostri anno primo*

L.

DILECTO FILIO

BENEDICTO BONELLI A CAVALESIO

ORDINIS MINORUM OBS. REF.,

CLEMENS PAPA XIV.

Romae, 6 januarii 1770.

Dilecte, etc. Consilium tuum ac laborem a te susceptum in adornanda nova collectione operum s. Bonaventurae, prout in prodromo ad Nos misso atque in epistola tua Nobis significasti, etiamsi nullae aliae rationes insuper accederent, ob singularem tamen nostram erga s. Doctorem devotionem ipsiusque doctrinae promovendae studium, magnopere probaremus. Cum autem nostro nomini inscribere egregium illud opus velis, et hoc tuae in Nos ac s. Sedem observantiae testimonium, et nostram etiam erga tantum doctorem pietatem palam omnibus per te fieri Nobis erit acceptissimum. Pergrato itaque animo excipiemus in duabus collectionibus Nobis dicandis et dilecti filii ministri generalis, et tuae in Nos voluntatis tam praeclarum pignus atque eximium id munus eo pluris a nobis aestimari profitebimur quo uberius

de te ac praestante tua doctrina ac in tam ingenti opere perficiendo industria ac diligentia iudicium facimus. Et quoniam laborem hunc tuum profuturum non mediocriter speramus non solum ad s. Doctoris honorem, sed ad divinarum rerum studium Deique gloriam amplificandam, Deum ipsum precamur ut in eo quamprimum ad exitum perducendo pares tibi vires gratiaeque suae praesidia suppeditet. Interim tibi divini hujus doni auspiciem apostolicam benedictionem in nostrae etiam erga te caritatis argumentum peramanter impertimur. *Datum Romae, etc., die 6 januarii 1770. pontificatus nostri anno primo.*

 LI.

CARISSIMO IN CHRISTO FILIO NOSTRO

JOSEPHO PORTUGALLIAE ET ALGARBIORUM

REGI FIDELISSIMO,

CLEMENS PAPA XIV.

Romae, 19 januarii 1770.

Carissime, etc. Mittimus ad Regiam Majestatem Tuam venerabilem fratrem Innocentium de Comitibus archiepiscopum Tyri, nostrum et apostolicae sedis ordinarium apud te futurum nuncium, atque ita mittimus ut id cumulatione animi nostri studio ac voluptate facere nequeamus. Mutuae enim inter Nos concordiae atque amoris hoc tempore atque hunc in modum facta reintegratio tanto Nos jucunditatis afficit sensu, quanti Te, carissime in Christo fili noster, ob regias singulares virtutes tuas fieri debere intelligimus, quantoque arctiori nexu quam unquam fortasse fuit hanc inter nos pietatem adstrictam iri imposterum confidimus. Eum igitur ad te delegamus virum qui ad antiquissimae domus decora animi etiam nobilitatem adjungit, neque magis majorum suorum meritis quam propriis ipse laudibus innitur, inter quas illud praeceptum habet ut Te tuamque regiam domum mirifice observet ac colat, ac invicem Majestatis Tuae erga te singulari humanitate gaudeat. In quem itaque propensam habes regiam voluntatem tuam ut idem nostra etiam causa tibi commendatissimus atque acceptissimus sit, majorem in modum a te petimus, teque praeterea rogamus ut ipsi nostra ac religioni-

negotia tecum gerenti eandem fidem habere quam si Nos ipsi coram loqueremur velis. Illud præ caeteris cupimus, ut persuasum tibi maxime sit, quod ipsi præcipue mandandum duximus, quodque idem ad Te diligentissime nostro nomine deferet. cum scilicet paternum nostrum erga Regiam Majestatem Tuam esse animum ut ad amorem, studium, pietatem, caritatemque qua inflammati in Te sumus. quaque regiam domum tuam, tuaque omnia complectimur, nulla fieri possit accessio. Cum ipsum, si nostrae voluntati obsequi, nostramque erga se amplificare gratiam cupit, sua erga Te observantia omniumque olliciorum constantia magis in dies confirmaturum id esse non dubitamus. Atque ut paternam benevolentiam nostram in subjectos etiam Tibi populos declarare possit, eidem plurimas largiti sumus in spirituale animarum subsidium facultates. Demum in singularis paternae erga Te caritatis pignus apostolicam benedictionem, quam divinae praescripti gratiae auspiciem esse volumus, Tibi, carissime in Christo fili noster, tuaeque regiae familiae amantissimo impertimur. *Datum Romae, etc., 19 januarii 1770. pontificatus nostri anno primo*

 LII

DILECTO FILIO NOBILI VIRO

COMITI DE OEYRAS

REGIS FIDELISSIMI SECRETARIO STATU,

CLEMENS PAPA XIV.

Romae, 19 januarii 1770.

Dilecte, etc. Quam eximiam Nobis ac apostolicae huc sedi navasti operam tuam ad ineundam cum carissimo in Christo filio nostro Josepho Portugalliae et Algarbiorum Rege fidelissimo concordiam, imo ad multo arctius quam unquam fuit amoris vinculum, quod maxime cupimus adstringendum, eadem nunc vehementer ianitur ad commendandum Tibi venerabilem fratrem Innocentium de Comitibus archiepiscopum Tyri, quem ordinarium nostrum et apostolicae Sedis nuncium isthuc mittimus. Quae in eodem sint, quam praeclarae animi dotes, quaeque ad antiquissimae nobilitatis splendorem accedant merita, facile potes vel ex eo cognoscere quod regiam istam domum, majorum

suorum sequutus exempla, semper summo studio coluit ac observavit. Eum igitur Tibi vehementer commendamus, ut commissi sibi ministerii munus obeunti opem consiliumque exhibeas, quo expeditiora ipsi sint nostra ac religionis quae geret negotia, et carissimo in Christo filio nostro Regi Fidelissimo fiat in dies carior et acceptior. Eidem in mandatis dedimus ut Te isthic statim conveniens ita de nostra voluntate certiore faciat ut non solum tuarum virtutum existimatione cumulatum, sed et erga te gratissimam declaret, Tibique persuadeat, Nos vehementer sperare, cui plurimum jam debemus, fore ut multo etiam magis imposterum debitori simus. Tua itaque in Nos pietate magnopere freti pontificiam Tibi deferimus singularem benevolentiam, in cujus pignus apostolicam benedictionem tibi, dilecte fili, nobilis vir, peramanter impertimur. *Datum Romae, etc., die 19 januarii 1770, pontificatus nostri anno primo.*

 LIII.

VENERABILI FRATRI

THEODOSIO,

GRÆCORUM MELCHITARUM PATRIARCHÆ ANTIOCHENO,

CLEMENS PAPA XIV.

Romae, 20 januarii 1770.

Venerabilis, etc. Gratissimae Nobis acciderunt luculentae vestri gaudii significationes ob pontificiam dignitatem divinitus ad Nos delatam percepti. Quod vero debita et observantiae vestrae et obedientiae Nobis tamquam Christi vicario et supremo Ecclesiae capiti ac omnium fidelium pastori desertis officia, eo ipso apertissima religionis vestrae ac pietatis exhibetis documenta, quae paternum animum nostrum mirifica jucunditate afficiunt, ac nostram in Te istumque commissum Tibi gregem majorem in modum augent cumulantque benevolentiam. Deum igitur Opt. Max. quod in vobis est, pro munienda imbecillitate nostra oxorare non intermittite, unaque exhibete eam ipsam hactenus a vobis declaratam in laboribus quos pro Domino sustinetis constantiam; neque putate Nobis ex animo excidero unquam posse memoriam vestri vel in iis obsecrationibus quas pro concrediti Nobis universi gregis incolumitate misericordiarum

Patri deferimus, vel in aliis quibuscumque rerum opportunitatibus quibus nostra vobis opera, auctoritate praesidioque prodesse valeamus. Nos profecto ab illo cujus sustinemus vicem magnopere petimus ac flagitamus ut sua ope ac gratia res vestras sustentet ac tueatur, ac nobis etiam eas vires eaque suppeditet consilia quibus et vestro de Nobis desiderio et plurimao nostrae erga vos caritati abunde satisfaciamus. Ac in ejusdem pignus apostolicam benedictionem Tibi, venerabilis frater, tuaeque fidei commisso populo peramanter impertimur. *Datum Romae, etc., die 20 januarii 1770, pontificatus nostri anno primo.*

LIV.

DILECTÆ IN CHRISTO FILIÆ

MARIE CATHERINÆ ARCHAMBAULT

CLEMENS PAPA XIV.

Romae, 24 januarii 1770.

Dilecta, etc. Relatum Nobis fuit a dilectis in Christo filiabus priorissa et monialibus carmelitanis civitatis Biturgensis te earum inopiae misertam plurima liberalitate usam esse, ac amplam etiam quotannis pensionem, quoad vita suppetat ipsis, collaturam. Nos propterea, plurima commendatione paternaque caritate tuam hanc pietatem prosequentes, nostris te beneficiis ornare cupimus, gratoque illarum erga te animo faventes annuentesque precibus, benefactricis earundem monasterii titulum tibi conferimus cum omnibus eidem annexis spiritualibus ac temporalibus privilegiis, ac facultatem etiam damus in idem monasterium, cum pietati tuae obsequi voles; ingrediendi. Quod utrumque ea ratione tibi largitos Nos esse intelligimus, qua ratione antea sa. mem. Benedictus XIV praedecessor noster alteri dilectae filiae idipsum ibidem ob easdem causas largitus fuit. Ac in pontificiae caritatis pignus apostolicam benedictionem tibi, dilecta in Christo filia, peramanter impertimur. *Datum Romae, etc., die 24 januarii 1770, pontificatus nostri anno primo.*

LV.

CARISSIMO IN CHRISTO FILIO NOSTRO

CAROLO EMMANUELI SARDINÆ REGI ILLUSTR
CLEMENS PAPA XIV.

Romæ, 28 januarii 1770.

Carissime, etc. È ben nota a Vostra Maestà l'Istruzione che dalla S. M. di Benedetto XIV, con sua lettera particolare del 6 gennajo 1742, fu a Lei comunicata, e rispettivamente' trasmessa all' arcivescovo di Atene, cho di quel tempo avea l'onore di risedero presso la Maestà Vostra col carattere di ministro apostolico, acciocchè, riportatone il convenevole assenso da Lei, la distribuisse agli ordinarj di cotesti suoi stati, ai quali siccome ai suoi regj tribunali, doveva poi servire di norma nei casi in essa contemplati.

Noti sono altrettanto a V. M. gli officj che in appresso fece Ella pervenire nel suo real nome per mezzo del conte di Rivera suo ministro plenipotenziario all'immediato nostro antecessore Clemente XIII, di pur santa memoria, per riportarne rispetto all'immunità locale altre provvidenze che col progresso del tempo sembrarono alla Maestà Vostra adattate a combinar meglio colla generica preservazione delle prerogative de' templi a Dio consacrati il pur essenziale bene della pubblica tranquillità in certi particolari casi degni di speciale attenzione.

Ora, giacchè la considerazione, nella quale il sopra lodato nostro predecessore presi avea gli accennati rispettabili officj di Vostra Maestà per regolare quella deferenza ai medesimi, alla quale era disposto, non potè produrre il suo effetto rimasto in sospeso a cagione del passaggio di esso pontefice agli eterni riposi, ed è toccata a Noi la cura di subentrare nelle di Lui provvide e religiose mire, ripigliatosi la negoziazione col predetto suo regio ministro, dopo la matura conveniente discussione abbiamo in oggi il contento di achiudere a questa nostra lettera una nuova Istruzione, pel di cui mezzo abilitiamo i vescovi dei di lei dominj a prestarsi a quei temperamenti che si desideravano dalla Maestà Vostra, ed abbiain potuto consentire.

Speriamo che del tenore di essa Istruzione sia per rimaner paga Vostra Maestà, e per ravvisarvi gli autentici documenti

della paterna nostra dilezione sempre pronta a secondare le pie e plausibili sue intenzioni. Con l'appoggio di questa fondata speranza la preghiamo a compiacersi d'impiegare la regia sua autorità acciocchè il prescritto nella suddetta Istruzione venga dai suoi ministri e tribunali puntualmente osservato ed eseguito. e Noi ne facciamo trasmettere dal nostro segretario di Stato cardinal Pallavicini una copia simile a codesto monsig. Arcivescovo, acciocchè, supplendo in ciò a quello che fece già il sunnominato arcivescovo d'Atene, dopo d'essersi assicurato del gradimento della Maestà Vostra, la faccia tenere ai rispettivi Ordinary de' di Lei felicissimi Stati, e possa Egli pure uniformarvi il proprio contegno.

So i nostri pensieri e la compiacenza, colla quale ben volentieri ci prestiamo in questo caso, siccome ci presteremo in qualsivoglia altra opportuna congiuntura ai suoi reali desiderj. avranno presso di Lei quel favorevole incontro di cui ci lusinghiamo, piena sarà la soddisfazione nostra, siccome lo è quella che proviamo intanto nel pregare l'Altissimo a felicitare sempre più la Maestà Vostra, e la reale sua famiglia, nell'atto di dare all'una ed all'altra con pienezza di paterno affetto l'apostolica benedizione. *Datum Romae, etc., apud Sanctam Mariam Majori, die 28 januarii 1770, pontificatus nostri anno primo*

LVI.

ISTRUZIONE DI SUA SANTITÀ

CLEMENTE XIV,

IN AGGIUNTA A QUELLA

DELLA S. M. DI BENEDETTO XIV,

SOPRA L'IMMUNITÀ LOCALE.

Romae, 28 januarii 1770.

Per sopire le controversie altre volte eccitate fra la Santa Sede e la Maestà del *Re di Sardegna* sopra la giurisdizione ed immunità ecclesiastica, fu dalla Sa. Mem. di *Benedetto XII* mandata al signor cardinale Merlini, allora nunzio e commissario apostolico in Torino, una istruzione da comunicarsi ai vescovi di quegli Stati, in cui non solo restavano appianate varie diffi-

CLEMENTIS XIV Epistolae et Brevia.

5

coltà insorte nell'intelligenza del progetto d'accomodamento fatto in tempo del pontificato della Sa. Mem. di *Benedetto XIII*, ma si davano ancora alcune altre regole appartenenti all'esercizio e buon governo di essa immunità e giurisdizione.

Piacque alla Maestà del *Re* in ogni sua parte il provvedimento, che fu tosto eseguito, e da' Magistrati laici con tutta esattezza e religione osservato; anzi in ciò che riguarda il punto dell'immunità locale fu ancora ad istanza della Maestà Sua esteso con Breve della Sa. Mem. di *Clemente XIII* de' 3 settembre 1763, alle altre Provincie in vigore degli ultimi trattati smembrate dallo Stato di Milano: ma siccome col tratto del tempo si erano intanto introdotti sul detto punto dell'immunità locale nuovi inconvenienti o disordini che per la loro frequenza e gravità avevano mosso il zelo e la pietà del *Re* a chiederne l'opportuno riparo, non lasciò quindi le stesso *Clemente XIII* di secondare con egual zelo così pie e rette intenzioni, condescendendo di prestare con l'autorità sua tutta la mano per rimuovere ogni abuso e disordine; e già, sentito il parere di alcuni cardinali zelanti e pratici di questa materia, si stava trattando intorno al modo di farlo il più efficace e il più conforme alle regole della Chiesa, quando sul punto di concludere essendo sopraggiunta la morte improvvisa del Santo Padre, restò l'affare interrotto e sospeso.

In tale stato di cose pertanto, eletta la Santità di nostro signore papa *Clemente XIV*, e riassunto il trattato, è venuta S. B. in determinazione, a norma di quello che fu praticato da *Benedetto XIV* e sulle tracce di quanto era già stato stabilito da *Clemente XIII* suo predecessore, di aggiungere a detta Istruzione Benedettina altre poche dichiarazioni e provvidenze adattate al bisogno, ed alle circostanze particolari degli Stati di S. M., onde si tolga da una parte ai malviventi ogni motivo di delinquere e abusarsi del luogo sacro, senza ledere dall'altra il rispetto e la venerazione al medesimo dovuta.

Primo. E primieramente, essendosi riconosciuto che l'origine principale degli abusi è derivata perchè negli atrii delle chiese, detti volgarmente *piazzati*, si fanno lecito i malviventi di piantare a loro talento capanne, baracche ed altri ripari con uscio chiuso a forma di case di cui poi si servono non tanto per aver ivi un sicuro e stabile ricovere, quanto per ricettarvi e nascondervi ogni specie di armi e di robe furtive, introdurvi donne di mal affare, assalir quelli che di là passano e commettere impunemente altri eccessi con grave danno d'ella quiete pubblica e

manifesta profanazione de' luoghi sacri, sarà cura dei vescovi e rettori delle chiese di fare subito da'detti atri e luoghi rimuovere, qualor vi sieno, e rigorosamente proibire che più non si costruiscano simili baracche, capanne e ripari, i quali, oltre al dare ai rifugiati un ricovero, quanto indecente altrettanto dannoso, non può a meno che non guastino e deturpino la maestà e decoro esterno de' sacri tempi.

Secondo. Per lo stesso fine d'impedire l'abuso del confugio, fu in detta Istruzione data a' vescovi la facoltà di trasportare da uno in altro luogo immune quei rifugiati che per la prima volta si abusano del sacro asilo, per poi dichiararli decaduti da ogni beneficio d'immunità, caso che seguitassero la seconda volta ad abusarne: ma perchè, anche ad effetto di ordinar questo semplice trasporto, alcuni vescovi han creduto che sia necessario un processo formale per la verificazione dell'abuso, cosa che molte volte rende inutile il provvedimento preso nell'Istruzione, a motivo delle difficoltà che s'incontrano nel compilare detto processo, perciò trattandosi nel primo caso non di privare il rifugiato del beneficio dell'asilo, ma soltanto di trasportarlo da una chiesa in un'altra, e così permutarli il confugio da un luogo in un altro egualmente immune, si dichiara che a questo effetto non sarà altrimenti bisogno di processo: ma basterà, che senza alcuna forma di giudizio per le circostanze rilevate o dal regio Fisco o da altri, oppure *ex informata conscientia* costi al vescovo dell'abuso, lasciando alla sua prudenza di ordinare il trasporto dove sia minore il pericolo e dove abbia il rifugiato minor comodo e facilità di commettere nuovi abusi.

Terzo. Bensì nel secondo caso, in cui si tratta di dichiarare decaduto il rifugiato dal beneficio dell'asilo, resta fermo che il nuovo abuso debba provarsi nelle solite forme col processo: e siccome in detta Istruzione è stato ordinato che a coloro che si rifugiano in luogo immune, i vescovi ed altri superiori ecclesiastici facciano subito togliere le armi, con implorare, quando vi sia di bisogno, il braccio della curia secolare, così dovrà intendersi commesso abuso di confugio da chi riterrà o nasconderà nel luogo immune quelle armi che nel rifugiarsi gli sarebbero state tolte, o che se gli sarebbero dovute togliere, come anche da chi riterrà o nasconderà chiavi false e adulterine grimaldelli o altri stromenti atti di loro natura a commettere furti; da chi terrà mano ai ladri con ricettare robe furtive o introdurrà nel luogo immune donne di mala vita, e da chi in-

sulterà ed offenderà i passeggeri, o uscito dal luogo immune avrà commesso qualche furto o altri simili eccessi.

Quarto. Cadea dubbio se fra i delitti che in detta Istruzione furono eccettuati dal beneficio dell'asilo dovessero intendervisi compresi alcuni che non meno per la loro gravità che per esser divenuti troppo frequenti e perniciosi meritano egualmente anch'essi di eccettuarsi, perlochè a scanso di ogni difficoltà, in vista del bisogno e delle circostanze, che specialmente concorrono in quegli Stati, si dichiara che neppure goderanno per l'avvenire del beneficio dell'asilo.

I plagiarij, o siano quelli che negli Stati di S. M. ingaggeranno soldati per portarli al servizio di altri principi esteri, come rei di delitto che, secondo le leggi regie, viene considerato e punito come delitto di lesa maestà.

I falsarij che a danno del pubblico e del privato falsificheranno il sigillo e le lettere o apostoliche o regie.

Quelli che in qualunque tempo commetteranno *armata manu* ruberie, purchè la cosa rubata ascenda alla somma per cui secondo le leggi comuni e municipali il reo meriti la pena della morte.

E coloro finalmente che, facendo violenza alla onestà delle donne, le rapiranno, purchè il ratto secondo le leggi della provincia sia punibile colla pena della morte, e la donna rapita sia onesta, nè vi abbia prestato il suo consenso.

Quinto. Si è inoltre rilevato dalla nota esibita, che da qualche tempo in qua negli Stati di S. M. moltissimi omicidj ed anche atroci si vedono commessi dai minori di 20 anni, ai quali la nota Bolla di *Clemente XII In supremo justitiae solio*, estesa già ai medesimi Stati, non toglie, ma anzi preserva il beneficio del sacro asilo. In vista pertanto della molteplicità o frequenza di così enorme delitto, e sulla traccia di quello che nei casi particolari ha praticato più volte la Santa Sede qualora è stata ricercata dell'opportuno provvedimento, si accorderà che in avvenire per gli omicidj atroci anche il minore di anni 20 immune, e consegnarsi alla curia laica nel modo e con le cautele che detta Bolla Clementina ha disposto per i maggiori di 20 anni; dichiarando che per omicidio atroce s'intenderà il parricidio, il fratricidio, l'uxoricidio, il proditorio, il premeditato od appensato, tanto se sia, quanto se non sia insidioso, o quello commesso per causa affatto irragionevole e bestiale, come ancora l'omicidio che, sebben derivato dalla rissa, è stato però commesso dopo sei ore dal tempo della medesima rissa, o quando



la rissa sia stata affettata e mendicata per causa come sopra affatto irragionevole e bestiale.

Sesto. E perchè possa speditamente venirsi a questa estrazione e consegna senza dovere, in ogni caso che succeda, ricorrere alla Santa Sede per dimandare la deroga della immunità, si potrà liberamente procedere alla medesima estrazione e consegna, sol che venga verificata e decisa non meno in prima che, occorrendo, in seconda istanza la surriferita qualità gravante dell'omicidio, e segua rispettiva consegna nelle forme prescritte dalla Istruzione Benedettina per le declaratorie di delitti eccettuati, e per le successive consegne alli §§ 44 e 43, i quali dovranno esattamente osservarsi: ma essendo conveniente che nel presente caso più speciale apparisca ancora in modo più individuo della espressa delegazione della Santa Sede sì per la prima che per la seconda istanza, perciò tanto il presente quante ogni futuro arcivescovo *pro tempore* di Torino dovranno chiedere al Sommo Pontefice e per sè e per gli altri apostolici delegati la facoltà di procedere nelle forme suddette, che sarà data una volta per sempre ad ogni arcivescovo per sè e per gli altri a seconda della suddetta istanza e petizione.

Settimo. Finalmente, inerendo alla dichiarazione fatta nella costituzione di *Benedetto XIV Officii nostri ratio*, ed estendendola in ogni sua parte ai dominj della Maestà del *Re di Sardegna*, si dà facoltà ai vescovi di poter estrarre dai luoghi immuni i rei di ferite riconosciute, e giudicate da perito con grave pericolo di vita, anche prima che succeda la morte dei feriti, con la condizione che se le ferite saranno casuali o fatte a giusta ed incolpata difesa, come pure se il ferito non venisse a morire nel termine dalle leggi prefisso, debba l'autore delle ferite restituirsì alla chiesa.

LVI.

VENERABILI FRATRI

EMMERICO JOSEPHO, ARCHIEPISCOPO MOGUNTINO
ET EPISCOPO WORMATIENSI, S. R. I. PRINCIPI ELECTORI,
CLEMENS PAPA XIV.

Romae, 7 februarj 1776.

Venerabilis, etc. Apostolici ministerii, quod Deo volente sustinemus, a Nobis postulat sollicitudo ut paterna charitate, qua

Christifideles omnes in Domino complectimur, eorundem etiam temporalium commodorum rationem tum maxime habeamus cum majori alacritate ad spiritualia consequenda possint excitari. Quapropter propensi semper sumus ad illa venerabilium fratrum excipienda postulata quae, cum sint ad divinum cultum animarumque salutem conversa, in hoc potissimum versantur, ut opportuniore ad eum finem, sublati etiam, si qua forte sint, periculis, adjumenta ac praesidia per apostolicae Sedis gratiam comparentur. Ex quo facile intelligere potes, venerabilis frater, quo animo exceperimus tuas litteras, quae et eximiis erga Sanctam hanc Sedem devotionis et observantiae significationibus sunt refertae, et pastorem curam, sollicitudinem ac vigilantiam tuam maxime praeseferunt; in iis enim diligenter exponis non mediocria quae a dierum festorum numero in commissum tibi populum emanant incommoda. Capere exinde grave damnum fideles cum acatholicis commixtos ais, atquo in id magis etiam eos incidere qui opera ac labore in colendis praesertim agris vitam aegro sustentant; distantia enim plerumque loca sunt ad quae, ut intersint sacro, accedere necesse est, asperae ac difficiles viae, ac vix ferenda per magnam anni partem instabilis ac saevi aëris inclementia. Quare hujusmodi permotus istius gregis incommodis postulas a Nobis (quod alii etiam nonnulli Germaniae episcopi similibus inducti causis fecerunt) ut commisso tibi populo opportuna dierum festorum imminutione ex apostolica benignitate consulamus. Nos itaque postulationibus tuis rationumque aequitate permoti et commissi tibi gregis utilitatibus, absque aeternae salutis suae dispendio, consulere volentes, fraternitati tuae per praesentes litteras committimus ut, habita rerum quas exposuisti ratione, omnibus utriusque sexus fidelibus in *diocesi tua existentibus*, exceptis omnibus diebus dominicis, Natalis D. N. J. C. et sequente s. Stephani, Circumcisionis, Epiphaniae, Resurrectionis et sequente, Ascensionis, Pentecostes et sequente, sanctissimae Trinitatis; itidem diebus Corporis Christi, s. Iosephi, s. Joannis Baptistae, ss. Apostolorum Petri et Pauli, et Commemorationis omnium Sanctorum: praeterea quinque dicatis beatae Virginis Mariae, scilicet Purificationis, Annuntiationis, Assumptionis, Nativitatis et Conceptionis, necnon sancti patroni aut tutelaris cujuslibet loci, pro hominibus ejusdem loci dumtaxat, in quibus integra maneat praecepti obligatio; in reliquis diebus festis sive per hanc Sanctam Sedem, sive per dioecesanās constitutiones, sive quacunque alia de causa praeceptis, tum servilium operum exercitium permittere,

tum ab onere audiendi sacrum dispensare, si et quatenus necessarium duxeris (super quibus conscientiam tuam oneramus) auctoritate apostolica possis et valeas. Quia tamen vehementer optamus ut ii qui hoc paternae benignitatis Nostrae beneficium sunt consequuturi aliquo studeant externo pietatis opere compensare quidquid ita fuerit ab externa itidem celebritate imminutum, committimus idcirco fraternitati tuæ ut iisdem vel aliquot preces, vel aliae quodpiam externum pium exercitium injungas, cui vacare debeant iis diebus quibus imminuta festa recurrunt. Ceterum per hanc festorum dierum imminutionem non intendimus aliquid innovari circa ritum et servitium chori, circa celebrationem divinarum officiorum et circa obligationem jejunii in feriis quae praecedunt festa eorum Sanctorum qui peculiari hac cultus praerogativa potiuntur. Quod si alicubi opportunum duxeris, ad fovendam pietatem et devotionem fidelium, externam solemnitatem sive festum quod fori nuncupatur, ad subsequenter vel alium dominicum diem transferre, uti per te fiat, libenter annuimus. Cupimus autem ac in Domino magnopere hortamur ut fraternitas tua populos tibi commissos quam saepissime edocendos curet quae ad justam legitimamque dierum festorum celebrationem pertinent; quo ardore quaque humilitate spiritus adstare sanctissimo Altaris sacrificio; quo studio, qua frequentia divinis officiis, sacris concionibus et christianae doctrinae institutionibus interesse debeant: et ne per eos dies christifidelium corda graventur crapula et ebrietate et secularibus cogitationibus, quam diligentissimam operam dare debebis ut profana quaeque, ludicra et minus religiosa a publicis locis amoveantur; contra vero in conspectu illa sint abundeque suppetant quae ad fovendam devotionem pietatemque plurimum prodesse possint. Quae quidem cuncta a perspecta pastorali vigilantia tua Nobis maxime pollicentes, in pontificiae caritatis pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 7 februarii 1770, pontificatus nostri anno primo.*

Eodem fere exemplo mutatis mutandis electori Trevirensi cardinali de Hutten, episcopo Bambergensi et Herbipolensi, electori coloniensi, episcopo Monasteriensi, episcopo et abbati Fuldensi.

LVIII.

VENERABILI FRATRI

ADAMO FRIDERICO,

EPISCOPO BAMBERGENSI ET HERBIPOLENSI,

CLEMENS PAPA XIV.

Romæ 10 februarii 1770.

Venerabilis, etc. Dilectus filius Carolus Emmanuel de Lütgendorff per suas ad Nos datas litteras exposuit nobis, jam septimum ac decimum esse annum ex quo divino lumine collustratus ab heterodoxis ad catholicos transierit, constanterque in vera recepta fide, nulla detrimentorum quae exinde in suam rem familiarem emanarunt habita ratione, non solum ipse perstiterit, sed in eadem diligentissime plurimos, quos suscepit, liberos instituerit et educarit. Maximos porro fructus se suamque familiam semper percepisse scribit ex suorum principum benignitate, ac praesertim fraternitatis tuae, quae unum ex ejus filiis in inopum Nobilium collegium receperit, ac pro tua beneficentia brevi fore sperat ut recipiat et alterum. Nihilominus tamen a Nobis vehementer petit ut eundem tibi omnemque eam familiam paterna caritate commendemus, tuamque in eum voluntatem, etsi valde propensam ac benignam, propensiolem tamen benignioremque faciamus. Vides, venerabilis frater, Nos minime potuisse haec eidem officia denegare, praesertim apud te, qui cum ipsam optime noveris, tuorum beneficiorum expertem esse non sinis. Gratissimum itaque Nobis feceris si addas ex quo intelligere possit et sedulam fuisse ac ex paterna voluntate perfectam commendationem. Nostram, et eandem apud te plurimum ponderis habuisse; praecipue vero illam esse tuae in eum beneficentiae causam percipiat, quod quam antea Christo Domino fidem dederit, eandem caste pieque servare studeat ac in familiam suam liberosque transmittat. Haec sunt, venerabilis frater, quae dum a te poscimus, cupimus ut exinde etiam cognoscas quae tuae in Nos pietatis ac observantiae fiducia simus, quamque eandem cum singulari conjungamus pontificia caritate. in cujus pignus apostolicam benedictionem tibi, venerabilis frater, peramanter impertimur. *Datum Romae, etc., die 10 februarii 1770, pontificatus nostri anno primo.*

LIX.

VENERABILI FRATRI

MAXIMILIANO FRIDERICO ARCHIEPISCOPO COLONIENSI

ET EPISCOPO MONASTERIENSI, S. R. I. PRINCIPI ELECTORI,

CLEMENS PAPA XIV.

Romæ, 14 februarii 1770.

Venerabilis, etc. Libenter intelleximus tum ex litteris fraternitatis tuæ, cum ex dilecto filio canonico Friderico barone de Droste, quem ad nos ideo allegasti, praeclarum studium tuum, quo maiorem in modum inflammari ut in tua Monasteriensis civitate cum severiori cleri disciplina bonarum artium ac doctrinarum institutio (quod quidem vicinarum dioecesium ac totius etiam Westphaliæ utilitati futurum sit) constituatur ac efflorescat. Nos sane animum hunc tuum dignasque tua virtute curas ea laude ac prædicatione prosequimur, ut vehementer ad tantum provebendum ac perficiendum opus nostras etiam apostolicæ auctoritatis partes conferre cupiamus. Sed eodem tempore cum potiores ad id opportunioreque rationes eligi debere videamus, necessario interponendam moram esse aliquam ducimus. quo quædam, de quibus agitur, adhuc magis declarari Nobis ac perspectiora esse atque exploratiora possint. Ea cujusmodi sint cognosces ex venerabili fratre archiepiscopo Iconii nostro et apostolicæ Sedis nuntio, ad quem de hoc ipso diligenter perscribi ac mandari iussimus. Interèa illud tibi velimus maxime persuadeas, propensiorè quam sit alacrioremque esse non posse pontificiam voluntatem nostram ad ea omnia sibi præstanda apostolicæ auctoritatis subsidia, quæ et sacrorum canonum regulis consentiant, et Ecclesiæ præsertim sint profutura. Hanc animi nostri sententiam suo tibi testimonio confirmabit idem canonicus de Droste, quem ad Nos accedentem ut singulari benevolentia excepimus, et suorum meritorum et tua aliorumque causa, quorum ad Nos commendationes detulit, ita discedenti a Nobis illud in mandatis præcipue dedimus, ut omnia tibi studia erga te Nostra diligentissime perferat, eximiamque declaret pontificiam, qua te complectimur, caritatem. In cuius pignus apostolicam benedictionem tibi, venerabilis frater, peramanter impertimur. *Datum Romæ, etc., die 14 februarii 1770, pontificatus nostri anno primo.*

LX.

VENERABILI FRATRI

WILHELMO ANTONIO EPISCOPO PADERBONENSI

CLEMENS PAPA XIV.

Romae, 14 februarii 1770.

Venerabilis, etc. Quo animo exceperimus venerabilis fratris electoris Coloniensis pro Monasteriensi civitate postulata, ac tua etiam quae iisdem conjungis studia, facile perspicere vel ex eo potes quod quae a Nobis petitis, ad ecclesiasticam disciplinam constituendam vicinarumque istarum dioecesium utilitatem conductura esse videantur. Quare et vehementer commendamus vestras hujusmodi curas, et paratissimi sumus Nostras etiam apostolicae auctoritatis partes interponere. Quod quidem tum perficiemus, cum perspectiora Nobis nonnulla facta fuerint quae ad eam rem plane perspicui a Nobis necesse esse judicamus. Mandavimus itaque venerabili fratri archiepiscopo Leonii nostro et apostolicae Sedis nuntio, ut ea ipsa cum venerabili fratre electore Coloniensi communicet, accurate cognoscat, ac ad Nos statim pro sua fide ac diligentia perscribat. Cetera ex ipso dilecto filio canonico barone de Droste intelliges, quam scilicet in eundem ad Nos accedentem et suorum meritorum et tuae aliorumque commendationis causa propensi fuerimus, et qua paterna benignitate isthuc revertentem prosequamur; praeterea et quam luculenta voluntate simus erga vos vestraque omnia, quae quidem eo studio complectimur, quo maximo desiderio de Nobis vestro satisfaciamus. Ac in pontificiae caritatis pignus apostolicam benedictionem tibi, venerabilis frater, peramanter imperitur. *Datum Romae, etc., die 14 februarii 1770, pontificatus nostri anno primo.*

LXI

DILECTO FILIO NOBILI VIRO

LUDOVICO PHILIPPO DUCI AURELIANENSI

CLEMENS PAPA XIV.

Romae, 28 februarii 1770.

Dilecte, etc. Acceptissimum nobis fuit officium Nobilitatis tuae. quo dum certiores Nos facis de constitutis ex regia voluntate nuptiis inter dilectam in Christo filiam nobilem mulierem Ludovicam filiam per carnem tuam, ac dilectum pariter filium nobilem virum Ludovicum ducem Borbonium, declaras tuam paterni nostri in te tuosque studii ac pietatis fiduciam, unaque praetefers plenam filialis in Nos observantiae ac devotionis voluntatem. Tanto igitur libentius in tuae laetitiae partem accedimus, quodque carissimus in Christo filius noster Ludovicus Francorum rex christianissimus sanxit conjugium, ut laetum fortunatumque vobis vestrisque liberis sit, Deum Opt. Max. obsecramus, ab eoque vehementer petimus ut paterna auspicia nostra, quibus eas prosequimur nuptias, sua ipse benignitate rata faxit; ac in singularis pontificiae caritatis pignus apostolicam benedictionem tibi, dilecte fili nobilis vir, universaeque domui vestrae ac praestantissimis sponsis intimo paterni animi sensu impertimur. *Datum Romae, etc., die 28 februarii 1770. pontificatus nostri anno primo.*

LXII

VENERABILI FRATRI

ANTONIO PETRO ARCHIEPISCOPO PRAGENSI

CLEMENS PAPA XIV.

Romae, 7 martii 1770.

Venerabilis, etc. Retulit ad Nos dilectus filius noster Ferdinandus tituli Sanctae-Caeciliae presbyter S. R. E. cardinalis de

Rubeis, Congregationis concilii praefectus, ea quae in epistola tua istius tibi commissae Ecclesiae statum accurate describente continentur. Ex iis plurimam in te pastorem vigilantiam, industriam ac fidem perlibenter agnovimus, meritisque laudibus labores tuos prosequuti sumus. Etsi ille tibi singillatim ad omnia quae opus erunt ejusdem Congregationis nomine pro suo munere suoque more diligenter rescribet, Nos tamen, iis cognitis quae de comitatus Glacensis visitatione per tuum vicarium generalem et suffraganeum peracta significas, facere minime possumus quin peculiare ad te demus perceptae exinde jucunditatis testes litteras. Dum id igitur ex animi sensu luculenter peragimus, ac maximam tuae laetitiae partem ad Nos permanasse declaramus, mirum in modum gratulamur, venerabilis frater, quod non solum copia tibi facta fuerit comitatus illius tuae episcopali curae subjecti per generalem vicarium, quod jamdiu exoptabas, libere lustrandi, sed plurima etiam praestita sint commoda atque auxilia, ac ipsius principis auctoritate ac benevolentia ita fulta ac munita fuerit tota illa visitatio, ut incredibiles extiterint in divino exercondo cultu, in curanda animarum incolumitate, ac in omnigenis pietatis et religionis muneribus peragendis opportunitates ac fructus. Cum tam bene igitur utiliterque tua cesserit pastoralis in eo posita sollicitudo, hortamur te, venerabilis frater, tibi quae etiam sponte incitato, tamen a Nobis etiam stimulos addimus omnem des operam ut gratum te sibi esse pro tanto beneficio princeps ille sentiat, tuaque in eum ita cumules officia ut majorem semper in te tuosque ejusdem benignitatem, quod catholicae religionis incolumitati ac incremento futurum sit, excitare ac experiri possis. Id gratisimum Nobis feceris, ac amplificaveris eam qua erga te pro tuis meritis sumus existimationem et gratiam, in cujus pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 7 martii 1770, pontificatus nostri anno primo.*

LXIII.

DILECTO FILIO

EMANUELI PINTO,

HOSPITALIS S. JOANNIS HIEROSOLYMITANI MAGNO MAGISTRO.,

CLEMENS PAPA XIV.

Romae, 9 martij 1770.

Dilecte, etc. Quidam ad Nos rumor detulit opinari isthuc non-nullos dilectum filium Jacobum Laurum de Breteuil oratorem apud Nos vestrum minus quam vos velletis in fungendo ministerio vobis satisfacere. Nos quidem induci minime possumus. ut hoc te vel suspicari credamus; magnopere enim miraremur ullis tibi rationum conjecturis id ipsum vel leviter unquam suaderi potuisse, cum optime noveris nihil eorum quae a Nobis hactenus per eundem oratorem tuum postulaveris, te non esse facillime consequutum; quod sane etiamsi et tuorum postulatorum aequitati et nostrae erga te tumque inclitum ordinem benevolentiae referas, dubitare tamen non potes quin, quod in agendis negotiis valet plurimum, maxima illius diligentia, prudentia ac fides, et singulare erga vos studium cum perspecta jamdiu in apostolicam Sedem observantia conjunctum intercesserit. Recte igitur utiliterque ab ipso geri ministerium vestrum res ipsa persuadere vos debet, eundemque idcirco valde Nobis satisfacere ac probatum etiam atque acceptum esse. Vehementer itaque cupimus ut eae si quae sunt isthic de illo suspensiones aboleantur; quodquo id magis declarari Nobis possit, dandum esse a te aliquod egregiae tuae grataeque in eum voluntatis testimonium existimes; quod profecto luculenter facies, si eundem in hujus apud Nos legationis munere confirmaveris, in qua praeter caeteras fidei, prudentiae ac integritatis dotes, diuturnum habet rerum tractandarum usum; et praeterea si ipsum nova aliqua commenda in Prioratibus Franciae, Campaniae, Provinciae et Alverniae pro proximo quinquennio anni 1774 auxeris, cum hac liberalitate usus antea sis in eos praesertim qui vestra apud hanc apostolicam Sedem legatione functi sunt, cumque ipsius merita longa jam splendidaque soi muneris perfunctione confirmata id ad te tamquam praemium jure postulare videantur. Ex hoc etiam habes, dilecte fili, non mediocre documentum quo

studio de his omnibus simus quae ad vestrum ordinem pertinent; ac in luculentius itidem nostrae erga te caritatis pignus apostolicam benedictionem tibi, dilecte fili, tuoque inclito universo ordini peramanter impertimur. *Datum Romae, etc., die 9 martii 1770, pontificatus nostri anno primo.*

LXIV.

DILECTISSIMO IN CHRISTO FILIO NOSTRO

MAXIMILIANO JOSEPHO

DUCI BAVARIAE, S. R. I. PRINCIPI ELECTORI,

CLEMENS PAPA XIV.

Romae, 10 martii 1770.

Dilectissime, etc. Allatus ad Nos fuit per dilectum filium Joannem Franciscum Catena tuorum hic negotiorum gestorem supplex monialis Paumanin libellus, quo valde de suo recenti statu sollicita (cum positam se extra sui monasterii clausuram videret, nec religiosis illius instituti legibus subesse posse cui se irrevocabili voto obstrinxerat) a Nobis enixo petiit ut facultatem sibi benigne concederemus in eo imposterum vitam ducendi monasterio in quod nuper deducta et collocata jam fuit. Nos etsi cognosceremus quam grave hujusmodi postulatum sit, et nequaquam inanem ac negligendam esse hanc ipsius conscientiae anxietatem, quae nostra revera ope indigeret, tamen, animadvertentes te ipsum praesertim id cupere, ut apostolica scilicet auctoritate sanaretur illa ex uno in alterum monasterium ejusdem monialis translatio, tanto magis permoti sumus ad eam quae postulabatur a Nobis largiendam gratiam, quao proinde ut statim expediretur, diligenter mandavimus. Id Nos quidem tua potissimum causa perlibenter fecimus. Verum, dum totam hanc rem expendere-mus, multa quao sub tuo nomine atque auctoritate gesta feruntur induci nullo modo potuimus ut a te, dilectissime in Christo fili noster, facta esso arbitraremur. Probo enim pietatem tuam novimus, ejusque plurima habemus indicia ex quo te diligere coepimus tuoque invicem amore perfrui. Libentissime siquidem nunc recordamur illius quae antea non semel intercessit mutuum inter Nos officiorum conjunctionis; nam ille ipse amor in te noster, cum ad hanc b. Petri Cathedram evecti in universos chri-

stidelicis paternum animum suscepimus, mirifice crevit, ac pristina illa de virtute tua fiducia majorem in modum est amplificata. Summa proinde cupiditate incendimur ut aliqua Nobis sese offerat opportunitas ad voluntatem hanc erga te nostram singularibus quibusque pontificiae caritatis testimonius revera comprobandam, neque dubium esse Nobis potest quin tu peculiari genere filialis observantiae atque amoris Nobis sis responsurus. Id ipsum tamen ut persuasum Nobis maxime esse possit, a te summo opere ac studio petimus, dilectissime in Christo fili noster, teque etiam atque etiam obsecramus, ut quae grata ac jucunda de te Nobis allferri cupimus, eadem ipse cumulare plurima erga Nos voluntate velis, ac majoribus semper animum hunc in Nos tuum pietatis monumentis confirmare. Et quid uberius in hoc genere ac luculentius facere hoc tempore poteris, quam si omnes in florentissima tua ditione, qui in sortem Domini vocati sunt, favore ac patrocinio tuo foveas, ac praesertim qui animarum curam gerunt venerabiles fratres episcopos ea prosequaris benevolentia, ea gratia quae ad te referunt excipias. ut jura sua suaeque ecclesiae res omnes tibi commendatissimas esse cognoscentes, commissum sibi pastorale munus libere alacriterque possint ad Christi gregis salutem ac utilitatem exercere? Quod quidem non minus ad tui nominis laudem ac gloriam quam ad imperii auctoritatem et ad publicam populi tibi subjecti tranquillitatem conducturum esse facile perspicere pro tua sapientia potes. Id a te ea animi contentione ac sollicitudine flagitamus qua maxima possumus, ac certissime Nobis pollicemur fore ut ad Nos isthinc optatissimis nunciis illa porferantur, ex quibus eximie laetari Nos ac Nobismetipsis placere quodammodo possimus quod singularem in te posuerimus paternum amorem nostrum, ac pristinam illam plurima de tua pietate fiduciam exinde confirmari in Nobis atque augeri videamus. Demum apostolicam benedictionem tibi, dilectissime in Christo fili noster, intimo nostri cordis sensu amantissime impertimur. *Datum Romae, etc., die 10 martii 1770, pontificatus nostri anno primo.*

LXV.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO

CLEMENS PAPA XIV.

Romæ, 21 martii 1770.

Carissime, etc. Nunquam fortasse incidere quidquam poterit de quo acriore animi nostri studio ad te scribamus, neque rem ullam putamus fore qua proposita magis ipse pro tua sapientia commoveri ac excitari debeas. Proinde etsi minime ambigemus quin peculiarem aliquam nostram Sanctæque Sedis causam pro pietate in Nos tua facile, si necesse foret, suscepturus esses, tanto tamen magis id a te factum iri confidimus cum de communi quadam maxima gravissimaque re, quæque tua etiam vehementer intersit, tecum nunc acturi simus. Deferimus ad te, carissime in Christo fili noster, Dei ipsius ac religionis causam, quam jamdiu per impios homines novis quotidie errorum machinis impeti atque oppugnari incredibili cum dolore intuemur. Quadam inter se conspiratione plane conjurasse hoc tempore illi videntur ut nihil adeo sanctum ac divinum sit quod intactum esse sinant, quodque per summam audaciam temerare et convellere non conentur. Nova in dies impune proferunt suæ non jam doctrinæ, sed insanix monumenta, quibus initia ipsa morum, religionis fundamenta, unaque humanitatis ac societatis jura porturbant, ac dicendi quodam lenocinio usi facile in simplices præsertim animos teterrimam perniciem inferunt, et contagionem propagant. Quam quidem miserrimi hujus seculi licentiam adeo progressam esse mirari satis ipsi non possumus; atque idcirco nihil Nobis potius agendum existimamus quam ut omni opera, consilio atque auctoritate ejusdem compescendæ rationem aliquam ineamus. Ac dum omnes illuc curas intendimus, publicæque execramur ac iterata proscriptione, quantum in Nobis est, extorquere e legentium manibus quidquid ex illa impietatis officina prodit et procul eliminare conamur, aliorum etiam qui usquam sunt venerabilium fratrum episcoporum studia ac subsidia omnia Nobiscum conjungi cupimus, ut unanimi pro fide consensu roborati ad hoc tantum bellum profligandum omnes insurgamus. Atque hoc ipso tempore, quo ad laborem hunc nostrum quamplurimum operam

accedere maxime necesse est, peropportune accidit ut tui florentissimi atque amplissimi regni praesides Parisios ad celebranda pro suis publicis rebus gallicani cleri comitia convenerint. Minime Nos quidem latet eos ipsos quorum in peragendo pastoralis ministerio sollicitudinem ac fidem, quorum instructam Dei zelo scientiam optime novimus, nunc de hac rerum summa consultaturos in medium esse, ac strenuam pro virili sua quemque inter se collaturos operam et laborem, ut aliquid in commune afferant quo prorumpentem ac grassantem undique illam pestem divina ope tutius aggrediantur ac repellant. Iisdem pro Christi fide, pro sanctitate, pro Deo laboraturis spiritum consilii ac fortitudinis adfuturum a Domino vehementer confidimus. Proinde nullis nostrae hortationis stimulis eisdem pro suo munere sua sponte concitatos indigere laetamur. Tuo vero auxilio, si quid illi proficere volent, magnopere indigebunt. Sed et potissimam post Deum suorum inceptorum spem et perspectissima animi tui religione repetent, carissime in Christo fili noster, ac in regio praesidio tuo praecipue conquiescent. In hoc etiam imitaturi Nos erunt qui has fiduciae nostrae plenissimas damus ad te litteras, teque quanta maxime possumus apostolici animi contentione obsecramus, ut eisdem tibi quam commendatissimos esse velis, ut religionis causam pertractantium zelum tuo nunc maxime in Deum intento studio secundes, ut incepta et consilia omnia regia voluntate tua sustententes ac fulcias. Facile tum suum illi animum in Deum, in commissas sibi oves, in patriam etiam, in te regnumque tuum inflammatum comprobabunt. Cum enim pietate ac religione publicae res potissimum constituentur et vigeant, Deoque obsequentes populi in regum auctoritate perfacile contineantur, vides, carissime in Christo fili noster, eorum huiusmodi curas ac sollicitudines in tuae potestatis vim, in regni tui tranquillitatem esse praecipue redundaturas. Cum igitur Dei ac religionis causam suscipies, tibi etiam tuoque regno magnopere consulens, reque ipsa animadvertens non tam ullis opum armorumque praesidiis quam legitimo Dei cultu revelataeque doctrinae stabilitate humanam societatem salvam atque incolumem retineri. Quid, quod et divinam in te tuosque benignitatem maxime demereberis. si fidei pietatisque integritatem publice praestes, et si qua regnandi arte majores tui christianissimos se esse semper exhibuerunt, eadem tu praecellentem et tui ipsius et illorum gloriam illustrioribus semper religionis tuae monumentis tuearis? Gravissima haec pontificia animi nostri sollicitudo postulare a Nobis, carissime in Christo fili noster, ut pluribus etiam tecum

ageremus hanc non minus sanctissimae fidei nostrae quam regni vestri et publicae tranquillitatis causam, nisi supervacuum futurum id esse Nobis certissime persuaderet nostra christianae veraeque regiae tuae probitatis opinio. Dum itaque a Majestate tua, quod pari studio quam jure petimus expectamus, omnipotentem Deum, per quem regnas, pro tua regionumque liberorum tuorum incolunitate deprecantes, apostolicam benedictionem ejusdem gratiae ac verae felicitatis auspicem Regiae Majestati tuae intimo paterni animi sensu amantissime impertimur. *Datum Romae, etc., die 24 martii 1770, pontificatus nostri anno primo.*

 LXVI.

VENERABILI FRATRI

IGNATIO EPISCOPO VILNENSI

CLEMENS PAPA XIV.

Romae, 21 martii 1770.

Venerabilis, etc. Dilectae in Christo filiae Angela Patenchinowa et quatuor ejusdem sociae, post visitata bb. apostolorum Petri et Pauli limina, ad quae illas plurima pietas per tam longinquum iter deduxerat, dum reditum nunc parant, postulant a Nobis ut commendatitias sibi ad te, venerabilis frater, in cujus dioecesi degunt, demus litteras, quibus tuam caritatem ad easdem et humaniter excipiendas, et in eo vitae genere quod pie sancteque instituere cupiunt adjuvandas excitemus. Illuc enim cogitationes suas omnes atque operam intendunt, ut, una congregatae ac sub legitima suorum superiorum auctoritate constitutae, Domino inservire possint, eique praecipue vacare curae quam ad animarum salutem ac Dei gloriam maxime conducturam esse putant; ut scilicet colligant, custodiant atque instruant puellas et mulieres omnes quae a judaismo aut paganismo ad christianam fidem convertuntur, vel ejuratis haereticarum sectarum erroribus ad catholicae ecclesiae septa veniunt, quae si coelibem una secum vitam, te consentiente ac probante, ducere volent, iisdem pariter teneantur legum institutis quibus Jesu Christo in spiritu veritatis ac sanctitatis, conjuncto simul studio, famulentur. Nos itaque pro paterna nostra pietate in eos omnes vehementer propensi qui filiali ad Nos fiducia confugiunt, ac praecipue animati

erga inclitam nationem vestram, quae praeclara semper catholicae religionis argumenta praesefert ac apostolicam hanc Sedem singularibus devotionis officiis observat, cum Nobis mulieres illae modestiam pietatemque suam comprobassent, easdem passi non sumus hic commorantes aliquo pontificiae caritatis fructu carere, et nunc ad te redeuntis prosequi volumus hoc nostrarum litterarum testimonio, ex quo intelligas, venerabilis frater, easdem tibi, prout postularunt, a Nobis vehementer commendari, ut nostra etiam causa paterno animo exceptas esse per te atque adjutas velis, et, si utile ac opportunum quod suscipere cupiant vivendi genus tibi pro tua prudentia visum fuerit, idem promoveas, atque ad exitum consilio tuo atque auctoritate perducas. Sin obstare aliquid tam piaearum voluntati videris, ac nihil in eo quod cupiant agendum esse censueris, ut ita ipsarum vitae rerumque rationes tua ope atque opera constituas, ut suscipere tam longa ac tam imbecillis viribus periculosa itinera in animum amplius non inducant. Haec ad te, venerabilis frater, ita perscribimus ut magnopere confidamus te pro prudentia tua plurimoque animarum zelo nulli defuturum esse opportunitati quae ad gloriae Dei sanctaeque fidei nostrae incrementum faciat, ac nostra etiam hujusmodi studia tuis in praefatas dilectas in Christo filias collatis beneficiis esse prosequaturum. Id Nobis erit a te gratissimum, confirmabitque eam quam de pastoralis virtute tua gerimus opinionem, cujus cum pari pontificia benevolentia conjunctae argumentum etiam habere possis ex apostolica benedictione, quam tibi, venerabilis frater, tuaeque fidei commisso populo peramanter impertimur. *Datum Romae, etc., die 21 martii 1770. pontificatus nostri anno primo.*

LXVII.

DILECTO FILIO NOBILI VIRO

COMITI DE OËYRAS,

REGIS FIDELISSIMI SECRETARIO STATUS,

CLEMENS PAPA XIV.

Romae, 5 aprilis 1770.

Dilecte, etc. Ex duabus nostris in forma Brevis litteris, quas isthuc transmittimus, venerabilem fratrem Joannem archiepisco-

pum Eborensem esse, a Nobis in generalem istius regni Inquisitorem constitutum et confirmatum, eidemque necessarias ipsique muneri opportunas impertitas facultates intelliges. Quod quam libenter alacriterque fecerimus causa praesertim carissimi in Christo filii nostri Josephi Portugalliae et Algarbiorum regis fidelissimi suo eundem judicio exornantis, Nobisque proinde proponentis ac praesentantis, potes ex aliarum nostrarum exemplo cognoscere, quas ad regem fidelissimum damus, quasque hac ipsa opportunitate paternae nostrae in eum cumulatissimae voluntatis testes adjungimus. Id nunc ad te etiam perscribere volumus, dilecte fili nobilis vir, nostrumque plane perspectum tibi animum uberius adhuc confirmare, ut quae mutua, te interprete, inita est inter Nos ac eundem carissimum in Christo filium nostrum singularis gratiae amoris pietatisque conjunctio, eadem magis in dies consilio, studio atque opera tua provehatur. Quo praeclaro sane officio tuo tuaeque pietati maxime consentaneo mirum in modum et hanc sanctam Sedem demereri, et paternam nostram plurimam in te atque eximiam benevolentiam amplificare perges, in cujus certissimum pignus tibi, dilecte fili nobilis vir, apostolicam benedictionem peramanter impertimur. *Datum Romae, etc., die 5 aprilis 1770, pontificatus nostri anno primo.*

 LXVIII.

CARISSIMO IN CHRISTO FILIO NOSTRO

JOSEPHO PORTUGALLIAE ET ALGARBIORUM

REGI FIDELISSIMO,

CLEMENS PAPA XIV.

Romae, 5 aprilis 1770.

Carissime, etc. Regia Majestas Tua cum pro singulari sua sapientia venerabilis fratris Joannis archiepiscopi Eborensis animum iis exornari virtutibus videret quae opportuna maxime essent ad sustinendam generalis in isto regno Inquisitoris munus, se vehementer cupere significavit Nobis ut illum ad vacantem nunc eam provinciam auctoritate apostolica promoveremus et confirmarem. Nos itaque, pro eximia qua in te sumus caritate, quanta maxima possumus pontificiae voluntatis propen-

sione studia tua prosequentes, carissime in Christo fili noster, ejusdem venerabilis fratris a te Nobis propositi ac praesentati statim eam quam postulasti rationem habendam esse duximus, quemadmodum ex perfecta jam re ex duobus scilicet, quae nunc una transmittimus, Brevibus cognosces, in quorum altero ipsum in generalem regni tui Inquisitorem constituimus, declaramus et confirmamus, in altero vero eas omnes quae ad exercendum id munus requiruntur facultates impertimur. Ex hac nostra gratificandi ac obsequendi tibi alacritate satis etiam perspicere potes, carissime in Christo fili noster, quam mirifice in tui amorem inflammemur, delectemurque fiducia in Nos tua, ac novas quotidie opportunitates dari Nobis mutuae hujusmodi inter Nos confirmandae pietatis exoptemus. Fac igitur ut, quod vehementer cupimus, maxime persuasum esse Regiae Majestati Tuae intelligamus, uberrima semper constituta tibi et cumulatissima quaeque paterni singularis in te animi nostri testimonia. Quam loculentissimam voluntatem ut adhuc testatiorem nunc tibi faciamus, enixe petimus a Deo Opt. Max. ac precamur ut suam ipse coelestis benedictionis gratiam largiri semper velit Regiae Majestati tuae, regisque tuis liberis, tuaeque carissimae Nobis ac religiosissimae domui, regnoque universo, et devinctissimis tibi populis; ejusdemque auspicem apostolicam benedictionem Nos tibi intimo nostri cordis sensu, carissime in Christo fili noster, tuisque omnibus, amantissime impertimur. *Datum Romae, etc., die 5 aprilis 1770, pontificatus nostri anno primo.*

LXIX.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

CLEMENS PAPA XIV.

Romae, 5 aprilis 1770.

Carissime, etc. Regia plane teque digna tuaeque eximiae pietati par liberalitas est illa qua dilectis filiis religiosiis viris seraphicam vitae regulam profitentibus, qui nuncupantur Excalceati, domum ecclesiamque in Aranvezia magnifice aedificari, omnique praesertim sacra suppellectile exornari tuo aere, carissime in Christo fili noster, voluisti, dotatam praeterea utramque ita con-

stituto a te censu esse vis, ut perpetui suppetere reditus possint tam ad alendos quotquot habitaturi ibidem erunt religiosos viros, quam ad domus Dei decorem retinendum, tuendamque divini cultus pie ac splendide peragendi rationem. Verum cum magis id regiae pietati ac magnificientiae tuae quam sacris seraphicae paupertatis institutis consentire videatur, pro animi tui religione postulas a Nobis ut arctissimum illud ejusmodi legum vinculum apostolica auctoritate relaxemus. Quid jucundius unquam Nobis esse potest quam in eo Regiao Majestati tuae morem gerere, in quo hujus modi egregiae liberalitatis ac in b. Franciscum, quo Nos etiam parente gloriamur, devotionis tuae extare monumenta possint illustria? Libentissime itaque viros religiosos Excalceatos, qui in illa adeo instructa victumque suppetitura domo degent, illique tam ornatae inservient ecclesiae ab omni conscientiae anxietate exemptos esse volumus, ac pontificia dispensatione solvimus ab ea regulae severitate qua cautum est ut omni expertes temporalium bonorum possessione, ac ostiatim quotidianum victum quaerentes et emendicantes, sanctissimam illam paupertatis haereditatem a seraphico institutore sibi relictam diligentissime tueantur. Dum illis igitur ut hoc tuae munificentissimae pietatis fructu semper uti possint potestatem facimus, eosdem magnopere hortamur ut beati Patris spiritum semper retineant tam religiosa vivendi humilitate et divini cultus studio, quam illarum precationum assiduitate quibus gratos se tibi praesertim exhibeant, te scilicet tuamque regiam domum universumque regnum omnipotenti Deo semper commendantes. Hoc modo poterunt ipsi et suo erga te muneris et Nostro de tua tuique catholici regni felicitate desiderio praeclare satisfacere; neque enim quidquam optamus magis, carissime in Christo fili noster, quam ut omnium coelestium benedictionum copia semper affluas. Hanc te magis in dies promeriturum tuo pro divina gloria Ecclesiaeque utilitate promovenda studio minime dubitamus. Quam de te maxime capimus ex perspectis regiis virtutibus tuis fiduciam, eamque cum singularis erga te paternae pietatis constantia ita conjungimus ut cupidissimi simus ejusdem novis semper ac uberioribus amoris nostri indiciis tibi comprobandae. Ac in hujus pontificiae voluntatis argumentum apostolicam benedictionem tibi, carissime in Cristo fili noster, totique regiae familiae tuae intimo cordis nostri sensu amantissime impertimur. *Datum Romae, etc., die 5 aprilis 1770, pontificatus nostri anno primo.*

LXX.

DILECTO FILIO

EMMANUELI PINTO,

HOSPITALIS S. JOANNIS HIEROSOLYMITANI MAGNO MAGISTRO,

CLEMENS PAPA XIV.

Romae, 7 aprilis 1770.

Dilecte. etc. Dolorem a te perceptum ob ea quae isthic immoderate gesta esse aignificas, offensionesque inter vos omnes ac perturbatum rerum vestrarum statum permolestē, ut par erat; accepimus, dilecte fili, pro nostro paternae caritatis erga te tuumque ordinem studio, quem suis niti pristinis legibus rectaque servandorum institutorum ratione vigere vehementer optamus. Majorem itaque in modum excitati sumus ut opera, consilio atque auctoritate nostra ejusmodi dolori tuo, vestrisque occurramus incommodis, tantaque contentione disruptam animorum tranquillitatem inter vos redintegrari curemus. Proinde dilecto filio apostolico Inquisitori diligenter in mandatis damus ea quae desiderio tuo praesentique vestrarum rerum tempori maxime convenire ac vobis opportuna fore prae ceteris arbitramur, minimequo ambigimus quin eidem de ineunda concordia nostris verbis accurate vobiscum agenti libenter aitis auscultaturi. Si enim in modum Nobis et de vestro universim statu sollicitis et dignitatis tuae rationem habentibus alacri accesseritis animo, tum potissimum tali vestro erga vos ipsos studio praeclare comprobabitis Nobis debitos obsequii in Nos ac observantiae sensus, et multo cumulationem efficietis eam qua erga vos semper fuimus paternam benevolentiam nostram, in cujus pignus apostolicam benedictionem tibi, dilecte fili, tuoque inclito ordini peramanter impertimur. *Datum Romae, etc., die 7 aprilis 1770, pontificatus nostri anno primo.*

LXXI.

VENERABILI FRATRI

SIGISMUNDO ARCHIEPISCOPO SALISBURGENSI,

CLEMENS PAPA XIV.

Romae, 18 aprilis 1770.

Venerabilis, etc. Plurimis et certissimis perspectum Nobis est argumentis quae tua sit, venerabilis frater, in commissum tibi gregem pastoralis fides ac vigilantia, quamque sedulam uaves operam iis omnibus quaecumque ad animarum curam incolumitatemque pertinent; uberius tamen in hac jamdiu percepta de virtutibus tuis opinione confirmarunt Nos litterae tuae die prima martii ad Nos datae, in quibus nobiscum diligenter agis de applicatione Missae a parochis, vicariis, ceterisque animarum curam actu exercentibus pro populo singulis dominicis et festis diebus facienda, expositisque dubitationibus tua ac iis difficultatibus quae relaxationem hujus legis in nonnullis istius diocesis locis tibi videntur exposcere, postulas a Nobis ut iisdem apostolica auctoritate medeamur, tibi que facultatem ea applicationum onera pro rerum necessitata minuendi reducendique tribuamus. Magnopere permoti Nos fuimus postulatis hujusmodi tuis, quod et valde te diligeremus ob eximia tua in Nos studia ac singularem in apostolicam hanc Sedem observantiam, et plurimam habendam esse episcopalis tam egregiae sollicitudinis tuae a Nobis rationem duceremus. Tuas proinde in Nos ejusmodi curas suscipientes, accuratissime perquirere voluimus si quo modo possemus animum nostrum ad praestandum quod tam enixe petis tibi que gratificandum inducere. Sed facile statim perspicere Nobis fuit quid pontificii muneris postularet ratio, qua divinis inhaerere praeceptis, sacras canonicarum legum custodire sanctiones, ac praedecessorum nostrorum decreta tueri ac servare praecipue constringimur. Atque haec quidem quemadmodum Nobis maxime cordi esse debent, ita integrum esse non sinunt ut optatis tuis nostraeque de te voluntati satisfaciamus. Optime nosti, venerabilis frater, quid Tridentini patres sess. XXIII, cap. 4 de reform. senserint, praecepto divino nempe mandatum esse omnibus quibus animarum cura commissa est oves suas agnoscere, pro bis sacrificium offerre. Spiritualis igitur curae pars est sacrificii a

parochis facienda pro populis oblatio, in eaque necessario hæc per divinum jus continetur; proinde quænam satis esse causa possit ut ab eadem disjungatur ac abscindatur? mancam enim tunc illam quodammodo ac imbecillem, remanere necesse esset. Quid etiam doctissimus ac sacrarum ejusmodi rerum experientissimus prædecessor noster Benedictus XIV de hoc ipso iudicavit ac sanxerit in sua illa encyclica anni 1744 quæ incipit *Cum semper*, latere te, venerabilis frater, non potest. Ita sacrificii applicationem animarum curam gerentibus pro suo populo impositam esso cum ex Tridentini concilii tum ex apostolicæ Sedis decretis confirmat, ut eorundem vim aliquo modo infirmam aut declinandi nullum statuatur esse relictum locum, teneri proinde vicarios etiam, etsi amovibiles illi sint aut ad breve tempus ejusmodi curæ addicti, pronuntiat, excusarique vel redditum tenuitate vel immemorabili contraria consuetudine posse neminem. Non nihil tamen indulgentior in illos est qui paupertate pressi eleemosynam die festo pro applicatione missæ privatim faciendâ recipiunt. Cum iis enim opportunè dispensandi facultatem concedit Episcopo, ita tamen ut totidem missas infra eandem hebdomadam pro populo applicare teneantur quos in diebus festis ad peculiarem cujuspiam intentionem obtulerint. Hæc ipse etiam uti, venerabilis frater, si opportunum visum fuerit, temperamenti lenitate per Nos potes. Sed præsertim intendere animum in ea remedia par est quæ scilicet a sacrosancta Tridentina synodo sess. VII, cap. VII, et sess. XXIV, cap. XIII, sapientissime præscribuntur, quæque sa. mem. Pius V, prædecessor noster, in sua constitutione quæ incipit *Ad exequendum pastoralis officii debitum*, anni 1567, pro assignatione fructuum vicariis faciendâ mandavit, confirmavitque superius laudatus pontifex Benedictus XIV, ac necessarias omnes idcirco atque opportunas facultates in eadem illa sua encyclica concessit. Quam Nos etiam, tibi, venerabilis frater, apostolicam concessionem dum impertimur, prodesse eandem multum posse tuâ sapientia freti non dubitamus. Eam item tibi libenter potestatem damus ut tuæ diocesis parochos ac vicarios omnes quicumque hactenus die quolibet de præcepto sacrum pro populo facere omiserunt ab illius quod exinde, ex præterito scilicet tempore, contraxerunt oneris aliqua parte liberes atque absolvas, aliam vero partem, quam ab iisdem adhuc deberi volumus tuoque statuendam iudicio pro cujusque census ratione relinquimus, suo quam minime pensent incommodo, atque idcirco nonnisi unum quolibet mense pro populo sacrum, eoque quo libitum magis fuerit die reponere te-

neantur. Qua quidem pontificia gratia eosdem imposterum valde cupimus ad id ipsum quod populo suoque muneri debent accurate persolvendum excitari. Atque haec ideo fusius agere tecum volumus, venerabilis frater, ut propensissimam in te voluntatem nostram ex hoc ipso intelligeres, quod tantum videlicet rationum vim Nobis obstare necesse fuit ne simul et postulatis tuis et nostrae gratificandi tibi cupiditati obsequeremur. Tua itaque in Nos studia majorem in modum confirmabis, si ad tuendam earundem legum auctoritatem obfirmes sollicitudinem tuam, summaque ope connitaris ad aliquam pro zelo, sedulitate ac prudentia tua incundam, Deo juvante, viam illius inculcandi praecepti atque animis omnium qui animarum curam exercent inserendi. Demum de nostrae erga te benevolentiae magnitudine ita certum esse te cupimus ut ejusdem fructus paratissimos tibi fore semper existimes. Ac in pontificiae caritatis pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 18 aprilis 1770, pontificatus nostri anno primo.*

LXXII.

DILECTO FILIO

PAULO DE CRUCE,

GENERALI CONGREGATIONIS PASSIONIS JESU CHRISTI,

CLEMENS PAPA XIV.

Romae, 21 aprilis 1770.

Dilecte, etc. Ex aliis nostris erga te paterni amoris argumentis facile perspicere potes, dilecte fili, quam libenter tuas exceperimus litteras singularis in Nos ac apostolicam hanc Sedem fidei, devotionis atque observantiae testes, ac praesertim confirmantes gratam tuam tnaeque congregationis erga Nos voluntatem, cum omnipotentis Dei clementiam pro nostra imbecillitate in gravissimo summi apostolatus munere regenda ac fulcienda deprecari nunquam vos intermittere significes. Nulla re uberius comprobare vestram erga Nos pietatem, nequo opportunius quidquam facere potestis et vestri instituti rationis et nostris hisce rebus, quae divina tantummodo ope praesidioque nituntur. Age

igitur, dilecte fili, benemereri semper magis eum in modum de Nobis deque universa Ecclesia pergas, conjunctisque tuorum omnium votis ejusmodi Nobis auxilium, quo maxime indigemus, exorare non desistas. His praecipue officiis paternae nostrae de te fiducia, praeclare respondebis, excitabisque adhuc magis eximiam illam qua in te tuosque sumus benevolentiam, cujus cumulatissimos fructus nunquam tibi pro opportunitate defuturos esse pollicemur. Ita enim animo erga te tuamque congregationem comparati sumus ut eandem christianis virtutibus in dies auctiorem, meritisque cumulationem fieri summopere cupiamus. Jucundissima proinde Nobis fuit a te factastrarum, quae isthic sunt, rerum descriptio, quas cum sanctitatis odore propagari ac excrecere ita gaudemus ut, quo id magis efflorescere possit, opem, auctoritatem ac gratiam erga vos meam paratissimam semper habituri simus. De qua etsi perspecta vobis nostra voluntate dum certiores adhuc vos facimus, hasque litteras tamquam singularis nostrae in vos pietatis monumentum extare cupimus, invicem a vobis etiam atque etiam contendimus ut et qua coepistis virtutis via insistentes, et nostris Nos assidue precationibus adjuvantes, hujusmodi paternum de vobis studium cum plurima vestri profectus jucunditate conjunctum fovere semper ac amplificare nitamini. Ac tuae congregationis initia atque incrementa votis omnibus ac divinae benignitatis auspiciis prosequentes, apostolicam benedictionem tibi, dilecte fili, tuisque tecum in humilitatis ac caritatis spiritu sociatis peramanter impertimur. *Datum Romae, etc., die 21 aprilis 1770, pontificatus nostri anno primo.*

LXXIII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,
CLEMENS PAPA XIV.

Romae, 9 maji 1770.

Carissime, etc. Dum ad dilectissimam in Christo filiam nostram Aloysiam Mariam, regiam Galliarum principissam, tuam per carnem filiam, damus litteras, eique tanta quantam maximam capere animus noster potest laetitia gratulamur de divini spiritus gratia quae illam ad suscipiendum sanctissimae vitae in-

stitutum excitavit, facere minime possumus, carissime in Christo fili noster, quin hos uberrimos animi nostri sensus in paternum quoque Regiae Majestatis Tuae sinum effundamus, nostraeque hujus jucunditatis cumulum tecum communicemus, ad quem satendū quidem est tantae rei tantaeque laudis partem longe maximam merito pertinere. Duplex siquidem nostri gaudii causa duplicem item a Nobis officii perfunctionem exposcit: cur enim non tibi etiam mirifice gratulemur, cum, ad verae sapientiae normam rem expendens, non solum optimam esse partem a regia filia tua electam videris, sed etiam (quod summopere delectati sumus) singularem praestantiam et christiani animi magnitudinem reipsa praetuleris? Nam etsi pro eximiis illius dotibus carissimam ipsam haberes, aegerrimeque a te divelli ferres, exorari tamen passus es, ejusque religionis atque erga Deum pietatis rationes summo amoris et necessitudini erga illam tuae anteponendas esse existimasti. Atque illa sane, ab his humanae vitae fluctibus ac periculis in tranquillissimam virtutis ac sanctitatis stationem confugiens, expeditam sibi ad immortale illud coelestis patriae regnum viam aperuit, ac egregium exemplum ceteris dedit omnibus quam inanes, fragiles ac fugaces, quamque pro nihilo reputandae sint omnes hujus mundi deliciae, opes, amplitudines prae aeternae gloriae felicitate, et quam eadem luctuosissimae miseriae ac malorum omnium causae esse possint, si beatae illi comparandae aeternitati impedimentum offerant. Sed cum in perficiendo egregiae filiae tuae consilio tam magnae partes laudesque tuae sint, minime te certe unquam poenitere poterit quod hujusmodi indulgentia tua de religione tam praeclare mereri volueris, cum vel idcirco de omnipotentis Dei erga te benignitate confidere plurimum valeas, et praeterea eximium tibi comparaveris praesidium in assiduis amantissimae gratissimaeque erga te filiae orationibus, quae tuam regiam domum tuumque universum regnum, sed praecipue te tuaeque animae incolumitatem, quod tua maxime interesse debet, Christo Domino commendare non intermittet. Religionis tuae ac sapientiae erit, carissime in Christo fili noster, ut ex hujusmodi summo optimae filiae tuae de te studio veram ac solidam utilitatem, Deo juvante ejusque adspirante gratia, consequaris. Interea, luculentissima haec atque ex paterna voluntate deprompta erga Majestatem Tuam officia eo excipias animo cupimus, ut ab amantissimo tui, tuaeque gloriae ac verae felicitatis perinde ac suae cupidissimo profecta esse existimes. Quod ut tibi persuadeas magis, in pontificiae singularis caritatis argumentum apostolicam

benedictionem tibi, carissime in Christo filii noster, amantissime impertimur. *Datum Romae, etc., die 9 maji 1770. pontificatus nostri anno primo.*

LXXIV.

DILECTISSIMÆ IN CHRISTO FILIÆ NOSTRÆ

ALOYSIÆ MARLÆ REGLÆ GALLIARUM PRINCIPISSÆ

CLEMENS PAPA XIV.

Romae, 9 maji 1770.

Dilectissima, etc. Ex allato Nobis praeclaro de te nuntio, dilectissima in Christo filia nostra, tantam jucunditatem percepimus, et tam incredibilis plane laetitiae vi affecti sumus, ut quamvis magna curarum ac sollicitudinum mole premeremur in hoc summi apostolatus munere sustinendo, levare molestiae nostrae omnes ac amoveri prorsus viderentur. Nam, sive intueamur consilii-factique tui praestantiam in commutando regalis aulae splendore cum paupere atque humili Carmelitarum virginum domicilio, sive carissimi in Christo filii nostri Ludovici Francorum regis christianissimi parentis tui pietatem atque indulgentiam consideremus, sive utilitatem inde in Ecclesiam redundaturam perpendamus, magnas undique atque uberes exoriri nobis immensi sano gaudii causas intelligimus. Itaque immortales largitori tanti muneris Deo gratias habemus quod singulare hic christianae virtutis specimen, quo magis conspicuum esset omnibus, elucere in te voluerit, et Nostri pontificatus initia illustribus hujusmodi exemplis exornarit. Quare non minus Nobis quam tibi ipsi, dilectissima in Christo filia nostra, in Domino gratulamur de his ubertim in te effusis divinae misericordiae divitiis, deque Spiritus Sancti virtute, qui te ad illam quam maturo animo concupisti assequendam coelestis vitae similitudinem et quasi inchoationem perduxit. Cui enim nisi Deo ipsi accepta referenda est tam sancti consilii aut suscipiendi voluntas, aut perficiendi constantia? Nimirum illius divinae lucis radiis collustrata facile perspexisti fluxa et caduca esse omnia quae in terris reputantur amplissima, fallaces mundi delicias atque illecebras, inanes spes ac cogitationes omnes; in Deo solo amando atque inserviando veram inesse animorum pacem ac jucunditatem. Proin-

de, illi um inservientem te vere regnaturam arbitrata, vitae in atriis Domini Dei nostri degendae suavitatem ceteris rebus omnibus praetulisti. Nunc optatissimum tranquillitatis portum cum assequuta jam sis, reipsa nunc senties hujus divinae voluntatis ubertatem, atque in mundi fuga victoriam ac triumphum, in paupertate internas spiritus opes, in tui abnegatione veram animi libertatem, in humilitate magnitudinem ac gloriam experieris. Quid enim altius, quid praestantius esse potest quam in illo summo bonorum omnium fonte desideria sua omnia cogitationesque ponere, cum illo uno vivere, illius caritate inflammari, in illius spe conquiescere? Age igitur, dilectissima in Christo filia nostra, divinae erga te gratiae thesauros agnosce; urge quod suscepisti sanctitatis propositum; assidue animo revolve quem amare, cui servire omnibus diebus vitae tuae elegeris, infinitam esse mercedem quam expectas, immarcescibiles fructus quos nec aerugo nec tinea corrumpit. Omnes religiosi instituti labores jucundissimos efficiet haec una cogitatio, atque in ipsis hujus vitae angustiis non mediocrem coelestis illius patriae suavitatem percipiendam ac praegustandam asferet. Beatissima haec optimae, quam elegisti, partis conditio cum Nobis obversetur animo, non possumus non iterum ac saepius tecum gaudere; tuoque isto tam excellenti bono mirifice laetari; quae quidem gaudii Nostri ratio eo uberior est et cumulator quod actionem hanc tuam plurimo salutis emolumento ceteris etiam futuram non dubitamus. Cum enim tam singulare religionis ac virtutis exemplum magnam in omnibus admirationem commoverit, confidimus in Domino fore ut plurimum etiam conferre possit ad imitationem excitandam, atque ad aeternitatis curam, religionis studium, Deique cultum in ceterorum animis inducendum. Sed quoniam in egregio tuo perficiendo consilio tam praecipuae tamque admirabiles partes fuerunt amantissimi parentis tui, ut omnes domesticae consuetudinis ac paterni erga te amoris rationes religioni tuaeque utilitati posthaberet, tuo vicissim pietatis tuique officii esse debet ut in referenda pro tanto beneficio gratia nullam curam, nullam diligentiam intermittas. Cui quidem muneri praeclare tam satisfacturam te esse existimato, cum a coelestis tui sponsi divina clementia veram illi felicitatem assidue atque enixe fueris deprecata. Illud praeterea valde Nos recreat, quod pro perspectissimo tuo in Ecclesiam studio, in hanc s. Sedem devotione ac in Nos pietate, de qua praecipue certiores facti sumus a venerabili fratre Bernardino archiepiscopo Damasceno nostro amico, numquam defutura pariter sint tuarum precationum sub-

sidia, quibus et Ecclesiae utilitati, et apostolicae Sedis firmitati, et imbecillitati praesertim Nostrae consulatur. Quare dum ea vehementer a te officia postulamus, invicem tibi omnes paterni in te studii ac pontificiae caritatis fructus ita deferimus, ut nihil esse possit in quo non obsequi desiderio tuo tuaeque ad virtutem alacritati summopere cupiamus. Interea etsi minime dubium Nobis sit quin sanctissimas istius instituti leges tamquam suave jugum ac onus leve pro tui animi voluntate subitura sis, tamen, cum fieri interdum soleat ut exinde in spiritus angustias, ac nimios animi timores incidatur, confessario tuo tam praesenti quam futuro pro tempore facultatem Nostra sponte damus ut ea regularum relaxatione ac dispensatione tecum uti possit prout ipsi videbitur conscientiae tuae expediens atque opportunum fore. Apostolica itidem auctoritate, quo tuae devotioni magis faveamus, quotiescumque ad sanctissimum Eucharistiae sacramentum percipiendum accesseris, toties tibi plenariam a Nobis indulgentiam concedi declaramus. Demum et dilectas in Christo filias sacras istas virgines, tuas in Domino socias, quarum precibus valde confidimus, paterna caritate prosequimur, eisdemque pariter plenariam indulgentiam, quoties post peccatorum confessionem sacra Corporis Christi communione refectae fuerint, benigne largimur, quod perspectae eorum pietati tribuimus, et plurimae in eas benevolentiae nostrae argumento esse volumus; ac praeterea participes ejus apostolicae benedictionis facimus, quam tibi, dilectissima in Christo filia nostra, intimo paterni cordis sensu amantissime impertimur. *Datum Romae, etc., die 9 maji 1770. pontificatus nostri anno primo.*

LXXV.

CARISSIMÆ IN CHRISTO FILIÆ NOSTRÆ

MARIAE THERESIÆ HUNGARIÆ REGINÆ APOSTOLICÆ,

NECNON BOHEMIÆ REGINÆ ILLUSTRÆ

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romae, 12 maji 1770.

Carissima, etc. Quae renunciat Nobis Regia Majestas Tua peracta esse nuptiarum sollemnia inter dilectissimam in Christo filiam

nostram Mariam Antoniam archiducem Austriae, tuam per carnem filiam, et dilectissimum itidem in Christo filium nostrum Ludovicum Augustum Franciae Delphinum, plurimo Nos eadem affecerunt gaudio; nam et Nostras esse arbitramur quae tuae sunt laetitiae causae, et ex tantarum familiarum conjunctione maximas in christianae reipublicae bonum Ecclesiaeque catholicae incrementum exituras opportunitates non dubitamus. Quare magnas tibi de luculento hujusmodi nobiscum peracto officio habemus gratias, et divinam benignitatem enixe obsecramus ut hoc suis initum auspiciis conjugium uberiori semper coelestium benedictionum copia prosequatur, auctioresque exinde ac multo cumulatiores faciat in dies cum tuae, tum nostrae jucunditatis rationes. Ac regiae Majestati Tuae intimo cordis nostri paterni sensu, totique augustae familiae apostolicam benedictionem amantissime impertimur. *Datum Romae, etc., die 12 maji 1770. pontificatus nostri anno primo.*

LXXVI.

VENERABILI FRATRI

LUDOVICO JOSEPHO EPISCOPO FRISINGENSI

CLEMENS PAPA XIV.

Romae, 19 maji 1770.

Venerabilis, etc. Nunquam Nobis quidem in animo fuit, venerabilis frater, ut quae in alteros conferimus beneficia alteris ullo modo obessent; ac si quid hujusmodi forte accidisse videri possit, operam in eo ponimus ut opportunum aliquod temperamentum adhibeamus, ac aequitatis normam sine ullorum molestia consectemur. Hujusmodi nunc ratio Nos cogit, ut cum pridem canonicis ac capitulo collegiatae ecclesiae beatae Mariae Virginis Monachii, quae ordinariae tuae jurisdictioni subest, nova vestium ornamenta concesserimus, et ornare tanto magis cupiamus capitulum istud tuae cathedralis Frisingensis Ecclesiae, ne scilicet ex sublato pristino vestium inter utrumque discrimine detractum aliquid per Nos esse videatur ab hujus, quam potior rem esse agnoscimus, dignitate. Proinde, quo magis intelligas quantum rationes vestrae Nobis sint cordi, tibi, venerabilis frater, ac dilectis filiis istius cathedralis ecclesiae canonicis optionem

facimus ut aliud quoddam eligatis ac proponatis Nobis aptum et conveniens ecclesiastici ornamenti genus quo canonicos istos ita decoremus, ut neque cujusquam querelae excitari exinde possint, et illi ipsi sibi restitutum putent, quo antea fruebantur, honoris grs dum. Id tanto libentius ac liberslius tibi tuisque Frisingenaibus canonicis praestabimus, venerabilis frater, quanto magis vestrum erga Nos ac apostolicam hanc Sedem plenum pietatis, studii ac observantiae cognoscimus animum, cui prolixa et cumulata respondentes benevolentia, in ejusdem pignus apostolicam benedictionem tibi, venerabilis frater, persinanter impertimur. *Datum Romae, etc., die 19 maji 1770, pontificatus nostri anno secundo.*

Eodem fere exemplo: Dilectis filiis Scholastico, Seniori, caeterisque capitularibus cathedralis Ecclesiae Frisingensis.

LXXVII.

VENERABILI FRATRI

CLEMENTI WENCESLAO ARCHIEPISCOPO TREVIRENSI.

ET EPISCOPO AUGUSTANO, S. R. I. PRINCIPI ELECTORI,

CLEMENS PAPA XIV.

Romae, 19 maji 1770.

Venerabilis, etc. Jucundissimam Nobis rem nuncias, dum te ad coadjutoriam praepositurae principatus Elwanciensis unanimi suffragantium consensu electum esse scribis, super quo quemadmodum prolixa erga te animi nostri per impertitum eligibilitatis Breve praecessit declaratio, ita nostrae non solum consequetur per legitimam confirmationem voluntatis accessio, sed ejusmodi etiam adjungetur peculiaris in te amoris testimonium, quod opportunum atqno acceptum tibi fore ex dilecto filio comite de Legnasco ministro tuo intelleximus. Is cum Nobis diligentissime, ut solet, gratos idcirco tuos erga Nos ac erga apostolicam Sedem sensus retulerit, minime ambigimus quin fraternitati tuae invicem de perspecto tibi singulari nostro erga te studio perscripturus accurate sit, eoque modo magis adhuc tuum inflammatus animum ad ea omnia persequenda officia quae et pietati in Nos tuae et eximiae nostrae erga te caritati sunt maxime consentanea.

CLEMENTIS XIV *Epistolae et Brevia.*

7

In cujus pignus apostolicam benedictionem tibi, venerabilis frater, peramanter impertimur. *Datum Romae, etc., die 19 maji 1770, pontificatus nostri anno secundo.*

LXXVIII.

VENERABILI FRATRI

EMMERICO JOSEPHO ARCHIEPISCOPO MOGUNTINO,

S. R. I. PRINCIPI ELECTORI,

CLEMENS PAPA XIV.

Romae, 19 maji 1770.

Venerabilis, etc. Statim rescribimus litteris fraternitatis tuae die IX hujus mensis ad Nos datis, in quibus diligenter a Nobis postulas, ut eligibilitatis indultum tibi pro episcopatu Spirensi apostolica auctoritate largiamur. Ex caeteris nostrae erga te voluntatis indiciis facile cognoscere potes, venerabilis frater, quam libenter hac etiam opportunitate uteremur animum nostrum novo hoc beneficio tibi confirmandi. Sed ne in eo fraternitati tuae gratificari valeamus vehementer obstat, quod declaratam a te minime videamus eam, quae maxima ac gravissima esse debet, causam ut tanto intervallo recedere Nos posso a severissimis sacrorum canonum legibus in animum inducamus. Quae quidem tuendarum legum ratio coegit Nos nuper ut altoris etiam eligibilitatis jus a Nobis flagitantibus morem gerere non possemus. Id Nos quidem tua causa permolestè ferimus, tantoque molestius quanto cupidius et desiderio tuo et nostro de augenda tua dignitate studio satisfecissemus. Quam quidem voluntatem nostram testationem tibi facere, cum res tulerit, semper paratissimi sumus, ac in ejusdem nunc pignus apostolicam benedictionem fraternitati tuae peramanter impertimur. *Datum Romae, etc., die 19 maji 1770, pontificatus nostri anno secundo.*

LXXIX.

DILECTO FILIO

JOANNI CHRYSOSTOMO TROMBELLIO,

CANONICO REGULARI SANCTI SALVATORIS,

CLEMENS PAPA XIV.

Romae, 26 maji 1770.

Dilecte, etc. Dissertationum tuarum liturgicarum secundum volumen perlibenter accepimus tanquam novum ac illustre tuæ non minus doctrinæ quam observantissimæ in Nos voluntatis testimonium. Quod utrumque a te Nobis eum in modum confirmari fuit sane jucundissimum. Nos itidem confirmamus idcirco tibi et plurimam illam, qua te semper prosequuti sumus, estimationem, et paternam, qua te singulariter complectimur, caritatem et gratiam, eumque erga te profitemur animum nostrum, ut pro opportunitate et egregiorum laborum meritorumque tuorum, et tuæ in Nos pietatis maximam rationem simus semper habituri. Interim apostolicam benedictionem tibi, dilecte fili, tuæque religiosæ familiæ peramanter impertimur. *Datum Romae, etc., die 26 maji 1770, pontificatus nostri anno secundo.*

LXXX.

VENERABILI FRATRI

JOANNI BAPTISTÆ ANTONIO ARCHIEPISCOPO AQUENSI

CLEMENS PAPA XIV.

Romae, 30 maji 1770.

Venerabilis, etc. Accepimus litteras fraternitatis tuæ, ex quibus perlibenter intelleximus quo studio quaque vigilantia in commissum tibi gregem sis, quamque cupide amplectaris omnes illius curandæ salutis, ac veræ utilitatis in eum inducendæ opportunitates. Proinde, eum per jubilæi promulgationem dispensatos a Nobis cælestium munerum thesauros istius diocesis populis

maxime salutare esse pro tua pastoralis sedulitate cupias, magnamque ob stare evangelicorum operariorum paucitatem videas ac doleas, ad eandem producto saltem temporis intervallo pensandam magnopere petis a Nobis, venerabilis frater, ut ampliare tibi velimus jubilaei spatium, quodque intra quindecim dierum, seu duarum hebdomadas, seu triginta dies extendamus. Hujusmodi episcopalem sollicitudinem tuam atque hanc de apostolica benignitate fiduciam inanem esse nequaquam sinimus, atque idcirco, quod a Nobis tam enixe postulas, eo tibi concedimus animo, ut ex hac geminati temporis commoditate maximos in istum gregem divinae gratiae ac in te jucunditatis fructus redundare cupiamus. In eo certi quidem sumus tuas omnes operae, diligentiae ac industriae partes nequaquam esse defuturas, ac plurimam exinde extitutam ad pristinas tuas diuturnae sollicitudinis curas tuorum meritorum accessionem. Ita profecto praeclare de Nobis a te mereri existimabimus, qui in gravissimo pontificatus sustinendo munere hujusmodi fidelium populorum pietatis auxilio vehementer indigemus, ac eum in modum confirmari egregie illam quam erga Nos atque hanc apostolicam Sedem declaras observantiam ac devotionem, cui Nos invicem singulari erga te studio ac benevolentia respondemus. Ac in hujus pontificiae voluntatis pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 30 maji 1770, pontificatus nostri anno secundo.*

LXXXI

DILECTISSIMO IN CHRISTO FILIO NOSTRO

LUDOVICO AUGUSTO GALLIARUM DELPHINO

CLEMENS PAPA XIV.

Romae, 30 maji 1770.

Dilectissime, etc. Perjucundum Nobis fuit litterarum tuarum officium, ex quo intelleximus eximiam Nostram erga te voluntatem tibi esse perspectissimam. Quae igitur paterni nostri singularis in te animi argumenta jam dedimus, dum summa alacritate apostolicam dispensationem ad contrahendas cum dilectissima in Christo filia nostra Maria Antonia archiduce Austriae nuptias

tibi impertiremur, eadem nunc majorem in modum cumulamus, dum illas auspicato initas maximo jucunditatis ac gratulationis nostræ sensu, iisque prosequimur votis, quæ ad tuam, dilectissime in Christo fili noster, tantæque domus ac universi Gallici regni felicitatem tanto magis a Nobis referuntur quo certiore inde uberiolemque Ecclesiæ utilitatem auguramur. Id ex tua in Nos ac in apostolicam Sedem pietate Nobis vehementer pollicemur. Enixe itaque a Dei Optimi Maximi benignitate postulamus ut rata sint hujusmodi optata nostra, atque hæc tam præclara initia luculentioribus in dies nostræ de te jucunditatis incrementis excipiantur. Ejus proinde cælestis gratiæ largitate maxime roborati cupimus eam benedictionem, quam in novum ac certissimum pontificiæ caritatis pignus tibi, dilectissime in Christo fili noster, intimo paterni cordis sensu amantissime impertimur. *Datum Romæ, etc., die 30 maji 1770. pontificatus nostri anno secundo.*

LXXXII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO

CLEMENS PAPA XIV.

Romæ, 6 junii 1770.

Carissime, etc. Quam in partem lætitiæ tuæ Nos vocas, dum celebratas esse significas auspicatissimas nuptias dilectissimi in Christo filii nostri Ludovici Augusti Galliarum Delphini nepotis tui cum dilectissima item in Christo filia nostra Maria Antonia archiduce Austriæ, ita eadem affecti sumus ut non magis tibi quam Nobis ipsis gratulemur, qui eximio ac plane paterno studio te tuæque omnia complectimur. Jam tum inchoatum hoc in Nobis gaudium fuit, cum impedimentum ad contrahendas has nuptias apostolica dispensatione removeremus; nunc vero eum in modum auctum et cumulatum est ut Dei Optimi Maximi benignitate plurimas referamus de hac tua tuique Regni felicitate gratias, eundemque etiam enixe procemur perpetuas esse velit hujusmodi tibi Nobisque lætandi causas. Cupimus quidem Nos, carissime in Christo fili noster, idque vehementer petimus, ut ipse cælestium benedictionum copiam super regios sponso effundat,

atque eo praecipue Majestatem Tuam bonitatis suae fructu cumulet, ut quae prima et potissima sunt ac nunquam interitura bona, eadem tibi uberrime ac locupletissime cum ceterorum accessione largiatur. Hoc animi nostri sensu luculentius paternae singularis erga te benevolentiae nostrae testimonium tibi dare non possumus, neque magis tua erga Nos ac sanctam hanc Sedem pietati ac filiali observantiae respondere. Ac in hujus eximiae caritatis pignus apostolicam benedictionem Regiae Majestati Tuae, regisque sponsis tuisque liberis omnibus amantissime impertimur. *Datum Romae, etc., die 6 junii 1770, pontificatus nostri anno secundo.*

LXXXIII.

VENERABILI FRATRI

SIGISMUNDO CHRISTOPHORO

ARCHIEPISCOPO SALISBURGENSI

CLEMENS PAPA XIV.

Romae, 6 junii 1770.

Venerabilis, etc. Accepimus volumen Epistolarum Bavari cujusdam ad amicum suum circa potestatem Ecclesiae et Pontificis a te Nobis diligenter transmissum, una cum ejusdem censura isthic a tua universitate facta, in quo pastorem zelum, sollicitudinem ac vigilantiam tuam, jempriem Nobis perspectam, multo tamen luculentiore nunc indicio declaratam et agnoscimus et pro merito magnopere commendamus. Etsi opus minime sit, tamen ad tuum hoc tuendae religionis studium nostram Nos pro pontificio munere cohortationem edjungendam ducimus, euctoresque etiam tibi sumus ut eum librum in dioecesi tua statim prohibeas ac proscribas, tuique edicti severitate e fidelium manibus extorqueas, cujus scilicet lectio certissimum eisdem allatura sit detrimentum, cum in illo propositiones falsae, temerariae, scandalosae, injuriosae et maledicae contra summos pontifices, impiae, erroneae, sacrilegae, inducentes ad haeresim et ad schisma, atque aliae ab apostolica sede damnatae contineantur. Tua tamen tantummodo ordinaria facultate id e te faciendum esse judicamus, neque nomen nunc interponi nostrum volumus, ne

pondus aliquod iis dare videamur quo interdum fortasse, cum neglecta sunt, minus sustinero se possunt, ac facile suam ob levitatem intereunt. Nostras apostolicæ auctoritatis partes ad ulteriora, si necesse erit, tempora reservantes, interea confidimus pestem hanc opera ac diligentia tua oppressum iri quamprimum atquo extinctum, idque tua pastoralis industria ac sapientia Nobis magnopere pollicetur. Sed quicumque futurus sit exitus, quem imperscrutabili Dei iudicio relinquimus, tuum hoc studium ac consilium ut eximia laude apud omnes bonos non carebit, ita nostram erga te mirifice amplificabit tuis maximis meritis innixam benevolentiam: quam tibi semper magis egregia aliqua significatione confirmare cupientes, interim apostolicam benedictionem tibi, venerabilis frater, peramanter impertimur. *Datum Romæ, etc., die 6 junii 1770, pontificatus nostri anno secundo.*

LXXXIV.

VENERABILI FRATRI

ADAMO FRIDERICO EPISCOPO BAMBERGENSI.

ET ERBIPOLENSI,

CLEMENS PAPA XIV.

Romæ, 20 junii 1770.

Venerabilis, etc. Etsi in dierum festorum imminutione quam Nos inducti pauperum opera ac labore sibi victum quaerentium necessitatibus per te aliosque nonnullos venerabiles fratres episcopos expositis faciendam apostolica auctoritate concessimus, servandæ inter vos in cultu Dei uniformitatis rationem habendam duceremus, illuc tamen præcipue intendimus curas et consilia nostra, ut minimum quod fieri posset, ab ecclesiasticæ disciplinæ antiquitus jam per Christianum orbem constabilitæ legibus recederetur. Atque idcirco visum Nobis fuit neque a pristina dierum sede dimovendas esse Sanctorum de quibus agebatur commemorationes, neque præcedentes vigilias cum annexis jeuniis suo loco esse deturbandas. Salvam atquo incolumem in hoc esso volumus priscam paternorum canonum, religiosissimarumque Ecclesiæ institutionum vim, cum indigentium necessi-

tati satis jam esset et audiendi sacri et servilium operum intermissionis dispensatione consultum. Vides igitur, venerabilis frater, quam longe et a sententia nostra et a sacris legibus et ab ipso uniformitatis spiritu episcopi distarent, qui inter finitimos tuos, ut innuere videris, in vigiliarum et jejuniorum quorundam in praecedens sabbathum translationem consenserint. Quam quidem scimus sapientissimum etiam praedecessorem nostrum fel. rec. Benedictum XIV, etsi saepe rogatum, nullis tamen rationibus induci unquam potuisse ut concederet. Noli itaque conformis fieri iis qui ab universae Ecclesiae usu, eaque uniformitate quae ab omnibus maxime servanda est et retinenda, et praeterea a debita apostolicae cathedrae observantia plurimum discesserint. Dum haec tibi, venerabilis frater, pro nostri muneris ratione, proque illo quo debemus esse in ecclesiasticam disciplinam studio rescribimus, majorem in modum te in Domino hortamur ne in sacrarum legum vi aestimanda ac tuenda multo lenior ac remissior esse quam res ipsa ac episcopale officium a te postulet videare. Praeter enim catholicorum offensiones, vitabis etiam heterodoxorum qui vos undique circumstant atque observant judicia; si enim vos illi viderint humanis ac levissimis prorsus ex causis novitatem hanc in veteres pietatis ac religionis usus inducere, eosdem a vobis negligi et contemni facile interpretabuntur. Ac in pontificiae caritatis pignus apostolicam benedictionem tibi, venerabilis frater, peramanter impertimur. *Datum Romae, etc., die 20 junii 1770, pontificatus nostri anno secundo.*

LXXXV.

VENERABILI FRATRI

BASILIO ARCHIEPISCOPO MANILLÆ,

IN INSULIS PHILIPPINIS,

CLEMENS PAPA XIV.

Romae, 21 junii 1770.

Venerabilis, etc. Profecturi isthuc propediem sunt dilecti filii sacerdos Nicolaus Simonetti ex aggregatis Neapolitani Sinensium collegii, et Nicolaus Timoni ejusdem collegii alumnus nuper ad sacerdotii ordinem assumptus, quorum opera uti vult nostra haec

Congregatio de Propaganda Fide in eo collegio, cujus eadem pro Sinensi juventute isthic constituendi consilium jamdiu suscepit, ac nunc opportunum maxime ad perficiendum esse tempus existimat. Plurimum Nos quidem cupidi ejusdem sumus, neque dubium Nobis est quin carissimi in Christo filii nostri Caroli Hispaniarum regis catholici pro egregia ipsius pietate ac religione luculentissimus tantam tamque praeclaram institutionem juvandi ac provehendi consensus atque ardor accedat. Te etiam, venerabilis frater, multo in eam rem studio propendere, ut relatum Nobis est, magnopere gaudemus. Proinde eos sacerdotes dum apostolica benedictione discedentes a Nobis prosequimur, tibi majorem in modum commendamus, a teque veliementer petimus, ut eosdem et advnientes perhumaniter excipias, et illius collegii rem curantes tua semper patrocinii gratia frui velis, quod et Nobis et huic nostrae Congregationi fore a te gratissimum profitemur. Cumulativus vero tuam in Nos observantiam comprobaveris, si, prout opus isthic erit, opem atque operam tuam collegio isti praestare semper paratus sis, quem praesertim animum tuum eo nunc maximo officio declarare poteris, si contenderis industria atque auctoritate tua ut eadem haec Congregatio ingentem illam exigere pecuniae summam possit a clara memoria cardinalis Tournon sibi legatam; inde etiam expeditior multo fundandi instituendique illius collegii ratio ac facultas accederet. Eo pacto et hanc ipsam Congregationem de Propaganda Fide mirifice tibi demereberis, et pontificiam, qua erga te sumus, amplificabis benevolentiam nostram; in cujus pignus apostolicam benedictionem tibi, venerabilis frater, tuaeque fidei concredito populo peramanter impertimur. *Datum Romae, etc., die 24 junii 1770, pontificatus nostri anno secundo.*

LXXXVI.

CARISSIMO IN CHRISTO FILIO NOSTRO

CAROLO EMMANUELI SARDINIAE REGI ILLUSTR
CLEMENS PAPA XIV.

Romae, 28 junii 1770.

Carissime, etc. Reddidit Nobis humanissimas Majestatis Tuae litteras dilectus filius nobilis vir comes de Rivora minister tuus

plenipotentarius, et quae in iis postulata sunt summo eximio-quo illo studio quo in tuas res esse semper solet est prosecutus. Postulas nempe a Nobis quaedam, carissime in Christo fili noster, pietate tantummodo tua ac religione inductus, mirificeque confirmas id, quod de te semper gessimus, iudicium nostrum, illustre quoddam christianarum et vere regiarum virtutum in iis omnibus quae moliris atquo agis a te specimen exhiberi. Illud etiam summopere Nos delectat, quod eam de Nobis prae te feras in postulando fiduciam, quae cum singulari atque egregia nostra erga te voluntate praeclare consensit, tantamque in Nobis excitat tibi gratificandi alacritatem ut hoc ipso nostrae plane obsequi cupiditati Nobis videamur. Cum itaque tam distincte, perspicue accurateque exposita ac digesta offeras omnia quaecumque ad rem pertinent ut nihil ad ampliorem notitiam accedere aut desiderari possit, sublatam etiam omnem Nobis esse interponendae morae causam gaudemus, quum statim, dum tibi rescribimus, quae ratio tuorum postulorum habeatur a Nobis, intelligas. Quapropter Regiae Majestati Tuae apostolica auctoritate concedimus ut abbatiarum et pensionum fructus decursos et adhuc existentes, prout postulas, scilicet earum ad quas nominatio a te quamprimum est facienda, ea tamen excepta parte quam in favorem nominandorum aut eveكتورum ad titulum relaxandam judicaveris; earum vero, quarum nominationem iustis e causis retinere suspensam voles, usque ad integrum martium mensem proxime elapsum, tantum decursos impendere ac erogare possis in hospitales infirmorum domos ac in alia illa quaeque describis caritatis hospitia, quae scilicet pia opera, ita ut revera sunt, appellantur. Dum huic postulorum tuorum parti hunc in modum satisfacimus, carissime in Christo fili noster, ita de tua pietate ac sapientia iudicamus, ut pecuniam illam, cujus distribuendi potestatem tibi facimus, utiliter atque optime collocatum iri certi Nos simus: idcirco jucundissimum Nobis erit hujusmodi apostolicae concessionis usu a te facti descriptionem, quam transmittere polliceris, inspicere, ac nova exinde capere et religionis caritatisque tuae et nostrae de te jucunditatis argumenta. Caeteras postulorum tuorum partes consueta ratione ac via pertractari mandavimus, eisque expensis confidimus fore ut eodem plane modo egregium hunc ac singularem in te paternum animum tibi magis magisque confirmemus. Dabimus igitur operam ut ea ipsa propediem, cum confecta erunt, statim ad te deferantur. Interea ad immortales illas quibus Regiam Majestatem Tuam merito cumulamus laudes, apostolicae benedictionis

ita munus adiungimus, ut illam divinæ erga te tuosque liberos omnemque regiam domum benignitatis auspicem esse maxime cupiamus ac precemur. *Datum Romæ, etc., die 28 junii 1770, pontificatus nostri anno secundo.*

LXXXVII.

VENERABILI FRATRI

FRANCISCO EPISCOPO ANGELOPOLITANO,
CLEMENS PAPA XIV.

Romæ, 16 juli 1770.

Venerabilis, etc. Ex quo causam venerabilis servi Dei Joannis de Palafox Angelopolitani olim episcopi impositam jam Nobis suscepimus, ex eo tempore Angelopolitanam etiam dioecesim ejusque populum carissimum habere coepimus. Quare eo jucundiores Nobis fuerunt tuæ litteræ, quibus certiores Nos fecisti de suscepto a te tuoque populo ob nostram ad summum pontificatum evectionem gaudio. Cui vestro erga Nos studioso animo ac filiali observantiæ et devotioni ut vicem referamus, curabimus sane ut non frustra nostra causa lætatos vos esse intelligatis. Quod cum in omnibus rebus vestris, tum in præfata causa potissimum vos cognituros confidimus. Nihil enim ardentius a Domino expetimus, quam ut quemadmodum hactenus nostra opera promovere illam ac provehere dignatus est, ita nostris vestrisque votis indulgeat ut per Nos etiam ad exitum divina benignitate tua perducatur. In quo tuis etiam ac populi tui precibus Nos juvari nostræque præterea imbecillitati fulciendæ, in gravissimo hoc apostolatus munere sustinendo assiduo vos ad misericordiarum Patrem deprecatares habere magnopere cupimus. Demum in peculiaris pontificiæ erga te caritatis argumentum apostolicam benedictionem tibi, venerabilis frater, ac universo tuæ fidei commisso populo peramanter impertimur. *Datum Romæ, etc., die 16 juli 1770, pontificatus nostri anno secundo.*

LXXXVIII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,

CLEMENS PAPA XIV.

Romae, 18 julii 1770.

Carissime, etc. Post datas ad Majestatem Tuam die IX maji proxime elapsi litteras, in quibus sensus nostros caritate, laetitia, gratulatione caeterisque paterni animi officiis cumulatissimos ob dilectissimam in Christo filiam nostram, Aloysiam Mariam, regiam Galliarum principissam et tuam per carnem filiam, ad sanctissimum religiosae vitae institutum convolantem testati sumus, relatum Nobis nuper est eandem tanta jam cupiditate induendi sacrum Carmelitarum virginum habitum inflammari, ut contrahere omnem temporis moram velit, brevique jam sit illam receptura a venerabili fratre Bernardino archiepiscopo Damasceno, nostro et apostolicae Sedis apud te ordinario nuncio. Mirum quidem tunc in modum in tantae pietatis, virtutis ac sapientiae laudem atque admirationem exarsimus, ac eo magis divinum in illa spiritum, quo prorsus disjungi ab hoc saeculo, conjungique cum Christo sponsa festinat, agnovimus. Propterea tantum in Nobis ac tam immensum ex hac re renovatum est ac amplificatum gaudium, ut incredibili quodam correpti desiderio simus eam, quam peracturus est idem nuncius noster, sacram vestitionis caeremoniam per Nos ipsos peragendi, et quam maximam splendoris partem ex pontificia nostra perfuntione ad illius actionis celebritatem conferendi. Sed cum per Nos ipsos tanto locorum intervallo distantes, id revera perfici non posse videamus, ut aliqua saltem ratione nostris hisce optatis satisfiat, nihil potius atque opportunius putamus esse quam ut idem venerabilis frater in ea peragenda vestitione nostras partes agat, nostroque nomine munus id praestet; tum enim et plurimum sacri decoris ad eam celebritatem accedet, et Nos ipsi immensae nostrae in eam paternae caritati obsequentes interesse videbimur, ac dilectissimam in Christo filiam nostram ad castissimas sponsi Domini nuptias properantem comitari quodammodo ac deducere. Enimdem itaque ad id ipsum nostris in forma Brevis litteris specialiter deputare ac destinare volumus; quod etsi gratum tibi, carissime in Christo fili noster, acceptumque

fore non dubitemus, tamen a te vehementer petimus ac rogamus ut hanc etiam ultro ac libenter velis maximam atque egrogiam ad lætitiā nostram augendam rationem accedere. Quod quidem libentius facies, si tibi persuaseris, quidquid id est in Nobis jucunditatis ac gaudii, ex summo illo atque incredibili, quo in Majestatem Tuam totamque regiam domum sumus, studio et caritate proficisci. In cujus pignus divinarum benedictionum omnium auspicem apostolicam benedictionem Regiæ Majestati Tuæ, tuisque liberis omnibus ac præsertim communis hujus nostræ jucunditatis auctrici intimo paterni cordis sensu amantissime impertimur. *Datum Romæ, etc., die 18 julii 1770, pontificatus nostri anno secundo.*

LXXXIX.

VENERABILI FRATRI

BERNARDINO ARCHIEPISCOPO DAMASCENO,

NOSTRO ET APOSTOLICÆ SEDIS AD CHRISTIANISSIMUM

REGEM NUNTIO,

CLEMENS PAPA XIV.

Romæ, 18 julii 1770.

Venerabilis, etc. Certiores facti sumus eam esse in dilectissima in Christo filia nostra Aloysia Maria regia Galliarum principissa ineundi religiosæ vitæ status cupiditatem, ut nullam amplius moram ferre possit induendi sacrum habitum virginum Carmelitarum excalceatarum monasterii S. Dionysii, neque id expectare tempus velit quod eundem ordinem ingredientium usus postulat, ac propterea brevi fore ut illum a te sit habitum, venerabilis frater, qui noster isthic es et apostolicæ Sedis nuncius, et ejusdem etiam Carmelitani ordinis superior, pro uberiori animi sui pietate ac devotione receptura. Quibus illa rebus majorem in modum confirmat Nobis quo agatur spiritu, quaque virtute ac sapientia imbuta sit, dum tam festinanter, tam cupide, tam alacriter regalis aulae, in qua nata atque aucta est, splendorem, opes et commoda cum claustralis vitæ austeritate humilitateque commutat. Hoc itaque sanctissimi illius propositi

illustri ac ab omni posteritate memorando exemplo ita capti Nos atquo illecti sumus, tantaque immensi gaudii ac jucunditatis vi paternus animus noster redundat atque exuberat, ut nostro huic summo atque incredibili studio obsequentes, maxime Nos ipsi interesse ac sacrae illius vestitionis celebritatem peragere cupe-remus, ut quanta maxima posset ad eam actionem etiam ex pontificia perfunctione nostra decoris ac splendoris fieret accessio. Sed quoniam optatis hujusmodi locorum intervalla Nos satisfacere non sinunt, idcirco specialiter ad id ipsum hisco litteris nostris deputamus te, venerabilis frater, ac ita destinamus ut in ea peragenda sacrae vestitionis caeremonia nostras agas vices, nostroque nomine munus id praestes; eo enim modo tamquam Nos ipsi interessemus, ac dilectissimae in Christo filiae uostrae animum ad castissimas sponsi sui Domini nuptias anhelantem praesentes intueremur, maximam atque egregiam videbimur adhuc magis amplificandae laetitiae nostrae causam adjunxisse. Praeterea spiritalis thesauri largitione commune istius ordinis gaudium multo uberius ac luculentius efficere statuimus; eo enim sacrae vestitionis die omnibus quo per totam sunt Galliam Carmelitis excalceatis monialibus rite confessis ac sacra communionem refectis, Deique omnipotentis clementiam pro catholicae ecclesiae exaltatione, pro carissimo in Christo filio nostro Ludovico Francorum rege christianissimo ejusque liberis, universaque regia domo, regnoque florentissimo, ac potissimum pro tanti gaudii auctrico sanctissimi nunc instituti tyrocinium incunte, ut exinde scilicet per divini spiritus majora in dies dona fiat amplius etiam sanctitatis quam factum sit splendoris ipsi ordini ornamentum, studiose atque enixo deprecantibus plenariam indulgentiam benigne concedimus, tibi, venerabilis frater, mandamus ut hoc nostrum salutare munus diligenter facias omnibus quibus opus est mature innotescere; ac in pontificiae nostrae benevolentiae pignus apostolicam benedictionem, tibi, venerabilis frater, peramanter impertimur. *Datum Romae, etc., die 18 julii 1770, pontificatus nostri anno secundo.*

XC.

VENERABILI PRATRI

NICOLAO ANTONIO EPISCOPO VERONENSI,

CLEMENS PAPA XIV.

Romae, 20 julii 1770.

Venerabilis, etc. Egregium opus de occultis Dei beneficiis a cl. mem. Augustino cardinali Valerio praedecessore tuo conscriptum a te in lucem nunc editum esse, nostroque nomine inscriptum tam Nobis fuit jucundum quam esse debuit et pro doctissimi viri ac de Ecclesia praeclare meriti summa celebritate, et pro singulari ipsius operis utilitate. Eximii muneris praestantiam auget Litterarum sancti Caroli Borromei nunquam antea editarum, et laboris industriaeque tuae accessio in tribus Valerii libris in italicum sermonem elegantissime convertendis. Quo pacto cum illos ad plurimorum cognitionem usumque deduxeris, tum ipso praestantissimo auctore praeclari operis laudem dividere, ac communicare merito videri potes. Propterea et singulares tibi gratias et iudicii nostri quam amplissimum possumus testimonium hisce litteris reddimus. Atque hoc quidem plurimum cumulari existimes ex perspecto Nobis illo tuo bibliothecae comparandae instruendaeque consilio, quod a studio atque ardore promovendae communis ac ad posteros etiam propagandae utilitatis ac augendi istius episcopatus splendoris profectum agnoscimus, tuaeque doctrinae ac episcopali muneri consentaneum ducimus ac mirifice commendamus. Ex quo facile etiam intelliges, venerabilis frater, quao nostra sit et quam proluxa de te existimatio, cui parem respondere benevolentiam, ut persuasum tibi maxime esse possit, valde cupimus suppeditari Nobis opportunitates, quibus egregiam hanc de te voluntatem revera tibi comprobemus. Ac in pontificiae caritatis pignus apostolicam benedictionem tibi, venerabilis frater, peramanter impertimur. *Datum Romae, etc., die 20 julii 1770, pontificatus nostri anno secundo.*

CXI.

DILECTO FILIO

ANGELO MARIAE BANDINIO

CLEMENS PAPA XIV.

Romae, 28 julii 1770.

Dilecte, etc. Una cum litteris tuis tria graecorum codicum catalogi a te editi volumina perlubenter accepimus, dilecte fili, tamquam praeclarum tuse non minus erga Nos ac apostolicam hanc Sedem observantissimae voluntatis, quam doctrinae studiorumque testimonium. Neque enim luculentioribus indiciis tuum de nostro pontificatu gaudium significare Nobis potuisti, quam ejusmodi rebus, quae ad bonarum artium cultum ac incrementum conversam esse ingenii tui operam atque industriam declarant. Eam a te potissimum probatum iri polliceris in ecclesiasticis scriptoribus tam graecis quam latinis, qui vel adhuc in tenebris lucent, vel mutili ac mendosi per manus hominum circumferuntur, aut primum in lucem proferendis, aut ab inducto squallore vindicandis, idque te non frustra polliceri abunde Nobis fidem faciunt hactenus collati plurimi tui in rem litterariam labores, ac istius celeberrimae Mediceae bibliothecae merito tuae curae fideique commissae opportunitas. Haud unquam a te Nobis quidquam accidere poterit jucundius; nam verissime de Nobis sentis quod de nostro in litteras amore praedicas. Curabimus Nos certe ut hoc judicium tuum confirmemus magis in dies egregio nostro in litteratos viros studio, ac plurimorum ingenia ad capessendas colendasque optimas disciplinas favore ac patrocinio nostro excitemus. Ex quo etiam intelligere potes, dilecte fili, qua in te simus pro hujusmodi tuis meritis voluntate, quamque ut ejus amplificandae ulteriores semper causas extituras non ambigimus, ita et reipsa tibi declarandae locum Nobis dari cupiamus. Ac in paternae benevolentiae pignus apostolicam benedictionem tibi, dilecte fili, peramanter impertimur. *Datum Romae, etc., die 28 julii 1770, pontificatus nostri anno secundo.*

XCII.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO

HABITA IN CONSISTORIO SECRETO DIE VI AUGUSTI MDCCLXX.

Venerabiles fratres. Quod tamdiu optavimus, venerabiles fratres, quod a Deo Optimo Maximo precati semper sumus, in quo cogitationes et curae nostrae assidue sunt versatæ, illud tandem summo divinae clementiae munere sumus consequuti. Carissimum in Christo filium Nostrum Josephum Portugalliae et Algarbiorum regem fidelissimum paterni Nostri amoris officiis excitare vix coepimus, cum repente pietatem erga Nos suam ultro alacriterque ad Nos deferentem conspeximus, et pristinam illam atque a maioribus suis tamquam praeclarissimam haereditatem sibi transmissam, nimirum suam erga apostolicam hanc Sedem devotionem novis ac maximis filialis in Nos animi significationibus auctam et cumulatam laetati sumus. Testatos etiam omnibus ac manifestos praeclaros hos suae in Nos voluntatis sensus esse voluit venerabili fratri Innocentio archiepiscopo Tyri misso ad eum ordinario nostro nuncio, singularibus honoris atque amoris indiciiis nuper excepto. Qui simul ac in Lusitaniae fines pedem intulit, nova omnino atque inusitata decora ac ornamenta in sui apostolici muneris dignitatem collata et congesta esse vidit. Fidelissimum autem Regem cum primum adiit, eximiae in illum gratiae ac benevolentiae, in Nos amoris, studii ac officiorum omnium illustria ac mirifica plane testimonia extiterunt. Quamobrem incredibili animi jucunditate perfundimur, ac immortales Deo omnipotenti gratias reddimus atque habemus, venerabiles fratres, qui temporum ac rerum rationes ita comparatas, ita voluntates affectas esse voluit, ut haec Nostri Pontificatus initia tantae rei successu, tamque insigni in Ecclesiam collato beneficio illustraret. Quod quidem eo manifestius Deo ipsi referendum intelligimus quo magis videmus nihil esse quod inde Nobismet ipsis ac diligentiae industriaeque nostrae tribuamus. Verum, ut nullam partem ex hoc tam egregio opere arrogare Nobis possumus, ita amplissimam profecto ac pulcherrimam verae gloriae accessionem esse factam agnoscimus, ac fatemur ad summas fide-

lissimi Regis laudes, qui religionem ac pietatem suam tantum Nos amoris magnitudine palam omnibus comprobaverit. Quae quo illustrior est ac praestantior illius laus, eo uberior est etiam jucunditatis Nostrae ratio, cum quem paterna caritate semper complexi, cuique fausta, gloriosa atque optima quaeque precati sumus, eundem insignitum esse atque ornatum hujusmodi praecellentibus in Ecclesiam meritis videamus. Verum amplioribus etiam extendi finibus laetitiae Nostrae rationes intuemur. Certissime enim confidimus, Vobisque recipimus luculentiorum futuram in dies et clariorem hujusmodi optimam carissimi in Christo Filii Nostri erga Nos voluntatem, ejusque novis atque illustrioribus religionis ac pietatis argumentis, atque in apostolicam hanc Sedem et in universam Ecclesiam meritis Nos una Vobiscum, venerabiles fratres, esse perpetuo laetatuuros.

XCH.

CARISSIMO IN CHRISTO FILIO NOSTRO

JOSEPHO PORTUGALLÆ ET ALGARBIORUM

REGI FIDELISSIMO,

CLEMENS PAPA XIV.

Romæ, 6 augusti 1770.

Carissime, etc. Litteris, quas nuper accepimus, certiōres Nos fecit adventus in tuam regiam urbem sui venerabilis frater Innocentius archiepiscopus Tyri, noster et apostolicæ Sedis missus ad Majestatem Tuam ordinarius nuncius, unaque diligenter perscripsit, ex quo primum pedem in tuum regnum intulisset, tantis exceptum fuisse honorificentissimis tuæ benignitatis iudiciis, tantisque in urbem ornamentorum ac decorum accessionibus inductum, ut nihil magnificentius, nihil ad suam sui que apostolici muneris gloriam fieri potuerit cumulatus, cum porro primum Majestatem Tuam de more adisset, amplas atque illustres fuisse ac plane mirificas humanitatis in se ac gratiæ tuæ, in Nos vero ac apostolicam hanc Sedem amoris, devotionis ac studii declarationes. Cum hæc recitarentur litteræ triumphare quodammodo visa Nobis fuit suscepta ex intima animi caritate, mutuisque officiis constituta jam et corroborata inter Nos pietatis contentio.

Promde incredibilem in modum augeri, nostrum atque exaggerari gaudium sensimus, nec contineri nunc possumus quin idem tibi, carissimo in Christo fili noster, per has litteras communicemus, unaque maximas ac immortales agamus gratias ob luculentissimas illas ac partim novas amoris in Nos tui, ac in apostolicam Sedem devotionis significationes, quibus mirifice confirmas Nobis non solum quo in praesentia sis erga Nos animo, sed etiam quao tua futura sit hujusmodi egregiae voluntatis ac initae Deo ipso auspice atque auctore inter Nos consensionis constantia. Quae officia nostra ita Regiae Majestati Tuæ persolvimus, ut alacrius in Nobis quam sit, ac uberius hujusmodi studium desiderare non possis. Desideramus Nos quidem maxime eas opportunitates, quibus nostros hos tibi sensus, quos vix nunc verbis assequi possumus, reipsa magis in dies comprobemus. Interea, quod Dei Ecclesiae regnoque tuo bene vertat, mutuis inter Nos cortemur, ut coepimus, pietatis officiis, eumque in modum divina in Nos uberiora semper ac splendidiora beneficia proveceamus. Demum apostolicam benedictionem Regiae Majestati Tuæ, carissimæque in Christo filiae nostræ, conjugii tuæ Reginae Fidelissimæ, ac tuis omnibus dilectissimis Nobis in Christo liberis ex intimo paterni cordis sensu amantissimo impertimur. *Datum Romæ, etc., die 6 augusti 1770, pontificatus nostri anno secundo.*

XCIV.

DILECTO FILIO NOBILI VIRO

COMITI DE OEYRAS,

REGIS FIDELISSIMI SECRETARIO STATUS,

CLEMENS PAPA XIV.

Romæ, 6 augusti 1770.

Dilecte, etc. Litterarum venerabilis fratris Innocentii archiepiscopi Syri, nostri et apostolicæ Sedis apud carissimum in Christo filium nostrum Josephum Portugalliae et Algarbiorum regem fidelissimum ordinarii nuncii, novissime ad Nos datarum pulcherrimum illud fuit nobisque jucundissimum argumentum, dum non solum advenisse jam se isthuc scribit, sed et cum regni fines ingrederetur, et cum principem iniret urbem, et praecipuo cum ad Majestatem Suam primum sibi datus esset aditus, perhonor-

ficis Regis erga se benignitatis ac gratiae, erga Nos vero ac sanctam hanc Sedem amoris, studii, pietatis ac officiorum omnium significationibus ita exceptum atque amatum fuisse, ut ad sui apostolici muneris gloriam neque splendidius neque cumulatus quidquam accedere potuerit. Ea re Nos incredibiliter laetati sumus, cum tantis tamque luculentis regiae voluntatis monumentis tam bene confirmari mutuam inter Nos animorum conjunctionem videremus. Renovatum proinde nostrum hoc gaudium, tantisque accessionibus mirifice auctum, dum nostris litteris Majestati Suae fidelissimae significamus, eique luculentissima ac maxima quae possumus gratiarum officia ex intimo animi sensu persolvimus, facere minime possumus, dilecte fili nobilis vir, quin eodem tempore, ex ea plurima egregiaquo parto quam in constringenda arctius mutua inter nos benevolentia habuisti conjicientes quid nunc etiam in eadem publice ac tam praeclare declaranda confirmandaque praestiteris, gratissimae tibi nostrae omnique paternae caritate ac gratia cumulatissimae voluntatis exhibeamus testimonia. Quae quidom cum tanta tuae erga Nos pietatis ac devotionis fiducia jungimus, ut quo praecipue suasore ac impulsore nostrum illud gaudium exortum primo esse ac nunc auctum agnoscimus, constantibus ejusdem consiliis majori in dies incremento amplificatum iri non dubitemus. Hujusmodi amplissimorum erga Nos ac apostolicam hanc Sedem meritorum tuorum eam semper a Nobis haberi rationem cognosces, quae par sit egregiae singularique nostrae in te paternae benevolentiae, in cujus pignus apostolicam benedictionem tibi, dilecte fili nobilis vir, peramanter impertimur. *Datum Romae, etc., die 6 augusti 1770, pontificatus nostri anno secundo.*

XCV.

DILECTIS FILIIS

CAPITULO ET CANONICIS

CATHEDRALIS ECCLESIAE KIOVIENSIS,

CLEMENS PAPA XIV.

Romae, 11 augusti 1770.

Dilecti, etc. Jampridem isthinc per vim abductum venerabilem fratrem Andream episcopum vestrum aegerrime ferimus adhuc

longe in custodia detineri, neque posse suo adesse ac consulere gregi, quod illi prae caeteris quae perfert putamus esse molestissimum. Huic nunc dolori nostro accessit cumulus ex obitu venerabilis fratris Antonii episcopi Coronensis, cui interim fuerat istius Ecclesiae cura, et episcopatus administratio commissa. Vobiscum itaque, quos ea morte perculosos arbitramur, luctum hunc dividentes, statim ad hanc etiam reparandam Kioviensis ecclesiae jacturam apostolica sollicitudine excitamur, ac proinde ex peculiaribus facti circumstantiis nostram mentem digne moventibus, attento dicto obitu Antonii Gorczynski episcopi Coronensis, apostolica nostra auctoritate, durante tamen tempore violentae detentionis episcopi Kioviensis et Czernicoviae, confirmamus, et, quatenus opus sit, deputamus ad regimen dioeceseos et procuracionem mensae totiusque episcopatus administrationem dilectum filium Cajetanum Rosciszewski scholasticum cathedralis, ita ut a nemine sub quocumque praetensi juris et privilegii praetextu ab eadem administratione extorbari valeat, ac in omnibus et per omnia servata forma, et cum omnibus facultatibus, quibus ex epistola in forma Brevis sac. mem. Clementis XIII, data die XXIII aprilis MDCCXXVIII praedictus Antonius Gorczynski confirmatus et deputatus fuit. Ex hac sollicitudinis nostrae ratione, quam in ecclesiam istam conferimus, cupimus persuasum etiam vobis sit, dilecti filii, de paterna nostra erga vos vestrumque collegium plurima caritate, in cujus pignus apostolicam benedictionem vobis, dilecti filii, peramanter impertimur. *Datum Romae, etc., die 11 augusti 1770. pontificatus nostri anno secundo.*

- XCVI.

DILECTO FILIO NOBILI VIRO

COMMENDATORI DE ALMADA

FIDELISSIMI REGIS APUD SANCTAM SEDEM

MINISTRO PLENIPOTENTIARIO,

· CLEMENS PAPA XIV.

Romae, 16 augusti 1770.

Dilecte, etc. Cum perspecta sit pietas Nobis tua, dilecte filii nobilis vir, ac plurima erga sanctum Josephum de Cupertino

tui animi devotio, et cum eadem valde cum nostra congruat (mirifice enim et illius virtutes admiramur et patrocinio adjuvari confidimus) ipsam studio etiam erga te nostro fovere atque auctiorem alacrioremque quodammodo reddere decrevimus. Mittimus proinde tibi ejus sancti effigiem *affabre a dilecto filio Josepho Bosi depictam, cujus et colorum varietas et delineationis artificium Nos mire delectat*, atque ita mittimus ut multo pretiosorem nostra benedictione eandem reddamus. Praeterea, quod maxime pietati tuae fore gratum arbitramur, tibi dum eandem penes te habere volueris, seu alii, quicumque ipsa ex tuo dono potitus sit, quoties confessus ac sacra communione refectus ante eandem rite oraveris, seu oraverit, toties Indulgentiam plenariam apostolica nostra auctoritate benigne concedimus. Atque hoc etiam sit, dilecte fili nobilis vir, nostrae singularis erga te paternae caritatis argumentum, cujus magis etiam confirmandae gratia apostolicam benedictionem Nobilitati tuae peramanter impertimur. *Datum Romae, etc., die 16 augusti 1770, pontificatus nostri anno secundo.*

 XCVII.

CARISSIMO IN CHRISTO FILIO NOSTRO

JOSEPHO PORTUGALLÆ ET ALGARBIORUM

REGI FIDELISSIMO,

CLEMENS PAPA XIV.

Romae, 1 septembris 1770.

Carissime, etc. Gratificati libentissime Rogiae Majestati Tuae sumus, ut dilectum filium nostrum Joannem de Cunha archiepiscopum Eborensem luculento apostolicae remunerationis testimonio prosequeremur, ac in sacrum S. R. E. cardinalium collegium cooptaremus, neque dubitamus, quin haec etiam eximiae pontificiae in te voluntatis significatio tibi futura sit acceptissima. Nunc, quod superest, actionem hanc nostram de illo ornando complentes, purpureum biretum eidem transmittimus per dilectum filium Caesarem Lambertinum, intimum cubicularium nostrum. Hunc quidem adolescentem etsi et generis splendore et propriis etiam egregiae indolis morumque laudibus instructum

injuuncto hoc munere dignissimum existimemus, habet tamen ille inter cetera singulare hoc decus, ut sa. mem. Benedicti XIV. praedecessoris nostri, sapientissimi pontificis, sit fratris nepos. Qui sane pontifex quanti Majestatem Tuam fecerit, quamque praeclaro Te Regnumque tuum studio complexus semper fuerit, cum perspectissimum tibi sit, erit nunc Regiae humanitatis tuae, si eundem tam benigne exceperis, ut gratiam tibi magni patris sui memoriam esse, ac plurimum apud te valere sentiat. Quod profecto Nobis ita erit jucundum, ut quidquid in illum conferes benignitatis ac clementiae tuae, nostra quoque causa collatum id esse arbitratori simus. Eandem illam etiam sui muneris partem diligentissime obiturum confidimus, quam ipsi praecipue mandavimus ut cumulatissimos scilicet paternae nostrae caritatis sensus luculentissime confirmet Majestati Tuae, cui apostolicam benedictionem amantissime impertimur. *Datum Romae, etc., die prima septembris 1770, pontificatus nostri anno secundo.*

Idem arg. Reginae, Infantibus Portug. etc.

XCVIII.

DILECTO FILIO NOSTRO

ALOYSIO CONSTANTINO

SANCTÆ ROMANÆ ECCLESIAE PRESBYTERO

CARBINALI DE ROHAN EPISCOPO ARGENTORATENSI,

CLEMENS PAPA XIV.

Romae, 19 septembris 1770.

Dilecte, etc. In iis actionibus tuis, de quibus quam gratae scilicet Nobis teque dignae fuerint, significavimus tibi per venerabilem fratrem Johannem Baptistam archiepiscopum Iconū nostrum et apostolicae Sedis ad Tractum Rheni ordinarium nuncium, tuque deinde nobiscum per litteras egisti, non possumus, dilecte fili noster, in rescribendo non fateri perspicue Nos agnoscere et nobilissimum animum tuum, et plane consentaneam episcopali ministerio, quod tanta cum laude geris, sapientiam ac virtutem. Hos de te sensus ex ceteris rebus tuis jamdiu pœcepimus, nunc vero majorem in modum confirma-

vimus, tibi que eas reddimus atque habemus gratias, ut majores etiam in dies, si res tulerit, actura Nos esse confidamus. Ex quo vides, dilecte fili noster, quantam de virtute animi tui geramus opinionem, quantique episcopalem tuam erga Nos et apostolicam hanc Sedem observantiam, studium ac fidem faciamus. Gratissimum Nobis erit, si tibi persuaseris parem tuis egregiis ac singularibus de Ecclesia meritis in Nobis esse erga te caritatem, cujus fructus tibi, quotiescumque locus fuerit, amplissimos pollicemur. Ac in hujus pontificiae erga te cumulatissimae voluntatis pignus apostolicam benedictionem tibi, dilecte fili noster, peramanter impertimur. *Datum Romae, etc., die 19 septembris 1770, pontificatus nostri anno secundo.*

XCIX.

CARISSIMO IN CHRISTO FILIO NOSTRO

JOSEPHO PORTUGALLÆ ET ALGARBIORUM

REGI FIDELISSIMO,

CLEMENS PAPA XIV.

Romae, 20 septembris 1770.

Carissime, etc. Etsi pro singulari sapientia tua et eximia in Nos atque apostolicam Sedem pietate tantis ac tam luculentis indiciiis jam pridem Nobis cognita ac perspecta, summa atque amplissima jam omnia a Regia Majestate Tua speraremus, tamen ex nuper allato Nobis nuncio de reintegrata omni pristinae necessitudinis mutuorumque inter Nos officiorum consuetudine, tanta voluptate affecti sumus, ut si nova atque inexpectata haec Nobis contigissent, majorem laetitiae ubertatem afferre non potuissent. Quemadmodum enim et ad Regni ac nominis tui gloriam et ad Ecclesiae dignitatem magnopere pertinere arbitrabamur, atque idcirco summa alacritate atque ardore animi cupiebamus, ut manifesta aliquando fierent omnibus praeclara tua in Nos studia, atque Nobis invicem libera ac patefacta esset ratio paternae nostrae in te propensissimae cumulatissimaeque voluntatis palam faciendae, ita cum consequuti nunc illud per te simus, inusitata omnino atque incredibili magnitudine jucunditatis perfundimur. Quo egregio tuo facto tibi gloriosissimo

Nobisque optatissimo amor in te noster, qui summus semper fuerat, tam mirifice est auctus, ut nihil carius, nihil jucundius habeamus quam de te cogitare, te intueri, actionisque tuæ præstantiam assiduo animo recordari. Quamobrem tibi aequè ac Nobis ipsis de excellenti tua laude, quam maxime possumus, gratulamur atque immortales tibi gratias et reddimus et habemus, majores tamen animo concipimus quam explicare ulla verborum ac orationis vi possimus. Sed Christum Dominum, cujus vicem, licet immerentes, sustinemus, divinæ suæ gratiæ divitiis te pro ingentibus his tuis de Nobis meritis remuneraturum confidimus. Ille te tuamque regiam domum ex veteri majorum tuorum instituto, religione atque in Ecclesiam pietate ac studio præstantissimam praesidio suo tueatur atque muniat. Ille carissimam in Christo filiam nostram Mariam Annam Victoriam conjugem tuam Reginam fidelissimam, ac dilectissimos in Christo filios nostros optimos liberos tuos omni virtutum laude florentes, tibi, te illis invicem regni sancte feliciterque administrari gloria ornatissimum diutissime servet incolumem. Hanc optimam atque expeditissimam referendæ tibi gratiæ viam esse arbitramur, ut prout facimus pro tua tuæque regiae domus felicitate, ac perpetua inter Nos conjunctione misericordiarum patrem ac regum Regem deprecari numquam desistamus. Haec nostra apud Deum subsidia Majestati Tuæ nunquam defutura pollicentes, nostri devinctissimi animi egregium pignus caelestium munerum auspicem apostolicam benedictionem tibi, carissime in Christo fili noster, universaeque regiae domui tuæ amantissime impertimur. *Datum Romae, etc., die 20 septembris 1770, pontificatus nostri anno secundo.*

C.

DILECTO FILIO NOBILI VIRO

COMITI DE OEYRAS,

REGIS FIDELISSIMI SECRETARIO STATUS,

CLEMENS PAPA XIV.

Romae, 20 septembris 1770.

Dilecte, etc. Incredibiliter sane laetati sumus allato nuper ex Lusitania nuncio de reintegrata inter Nos ac carissimum in

Christo filium nostrum Josephum Portugalliae et Algarbiorum regem fidelissimum pristina necessitudinum ac officiorum omnium consuetudine, patefactaque utrinque non magis rerum aliarum quam summae caritatis ac mutuae pietatis communicandae via. Ex quo optimi regis eximium erga apostolicam Sedem ac universam Ecclesiam animum, etai antea etiam plurimis argumentis perspectissimum, tamen eum iu modum confirmari Nobis tam cupide ac libenter cognovimus, ut eum diem, quo jam egregium factum ad Nos est perlatum, faustissimum Nobis habendum ex omnibus quos unquam vidimus ac laetissimum arbitraremur.

Praeclare Nos etiam novimus quae tuae in eo et inchoando et perficiendo negotio quam praestantes ac eximiae partes fuerint. Proinde operam hanc omnem, qua et Nobis maxima observantiae ac pietatis studia, et luculentissima fidei atque industriae tuae officia Regi detulisti, summa tuarum laudum praedicatione et gratiarum actione prosequimur; quod ita a Nobis fieri puta ut majori cumulationeque animi contentione praestare non possimus. Gratissimos huiusmodi omnique officiorum genere cumulatissimos sensus nostros dum Regi per litteras, ut debemus, declaramus, eosdem verborum vi, prout illi a Nobis concipiuntur, assequuti plane non sumus. Petimus a te itaque ut in hoc etiam Nos adjuves, ac eam Majestati Suae paternae nostrae voluntatis effigiem exhibeas, qua ille maxime laetatur, tuoque in Nos summo amoris eximie responderi a Nobis intelligat. Quod dum praestabis, Nosque hac quoque re valde devincies, vehementer cupimus ut eodem tempore, et de luculentissimo animo in te nostro, studioque ac caritate plane singulari cogites. Ita enim tibi persuaseris nihil magis a Nobis expeti quam hanc tibi tam gratam voluntatem reipsa declarandi locum; neque enim quidquam decoris ornamentum esset quod ad tuam laudem per Nos non cumulatisime accederet. Ac omnia tibi familiaeque tuae fausta semper ac felicia a Dei benignitate deprecantes, apostolicam benedictionem Nobilitati tuae peramanter impertimur. *Datum Romae, etc., 20 septembris 1770, pontificatus nostri anno secundo.*

CL.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV ·

ALLOCUTIO,

HABITA IN CONSISTORIO SECRETO

DIE XXIV SEPTEMBRIS MDCCLXX.

Venerabiles fratres. Non sine divino consilio evenisse putamus, venerabiles fratres, ut quae vobis significare die vigesima hujus mensis decreveramus, ad hodiernam diem differre debuerimus. Haec enim dies illa est qua sex ab hinc lustris noster in urbem adventus nostrorum cum superiorum voluntate decretus fuit, auctoritateque ac jussu confirmatus. Haec ipsa est dies qua, licet immeriti prorsus ac renuentes, huic vestro sacrae Romanae Ecclesiae cardinalium collegio adscripti fuimus. Haec postremo dies illa nunc est quam elegit Dominus, ut exultemus et delectemur in ea.

Quod enim certissime confidebamus, venerabiles fratres, vobisque receperamus, futura cumulatione in dies praeclara illa carissimi in Christo filii nostri Josephi Portugalliae et Algarbiorum regis fidelissimi in Nos studia, ejusque novis atque illustrioribus pietatis indiciis ac in Ecclesiam meritis Nos una vobiscum perpetuo laetatueros, reipsa fuit id jam apertissime luculentissimeque comprobatum. Amplas ipsas spes pollicitationesque nostras, pleniores etiam sunt atque uberiores rerum exitus consecuti. Egregia pristina illa inter Nos Regemque fidelissimum non solum est redintegrata necessitudinum officiorumque omnium consuetudo, verum etiam admirabili quodam caritatis ac pietatis consensu major quam unquam antea fuerat, stabilita ac roborata conjunctio. Cum haec vobis futura praediceremus, non incerta atque ex cupiditate ac desiderio nostro profecta divinatione, sed intimo ac firmissimo quodam judicio movebamur, gravissimis causis, summaque ratione suscepto. Maximum ac certissimum habebamus fiduciae omnis nostrae initium ac fundamentum, ipsum carissimi in Christo filii Nostri jampridem Nobis tot verissimis indiciis declaratum animum, illius religionem, pietatem, fidem cum singularibus suis suorumque Majorum, totiusque regiae Domus in hanc sanctam Sedem studiis conjunctam.

Sed quamquam in haec intuentes, optimos rerum omnium eventus jam tum cogitatione praeciperemus, tamen allato nuper e Lusitania faustissimo nuncio tam inusitata ac tam incredibili jucunditate perfusi sumus, ut si nova ac inexpectata ista Nobis accidissent, majorem capere laetitiae fructum non potuissemus. illo auspiciatissimo die nullum unquam Nobis neque jucundiores illuxisse neque laetiozem diem, Uno eodemque tempore obversabantur animo haec omnia: optimi Regis eximia ac singularis virtus, hoc praestantissimo opere immensa ad immortalem ejus nominis gloriam facta accessio, Ecclesiae utilitas, apostolicae Sedis dignitas, omnium bonorum plausus, ac in Vos potissimum summa inde redundatura laetitia. Quae singula ingentem jucunditatis causam afferebant, universa summi gaudii nostri magnitudinem mirum in modum cumulabant.

Cujus igitur sapientia, religione atque erga Nos pietate haec est animorum in Nos profecta jucunditas, quanta alacritate, qua mentis contentione danda a Nobis erit opera ut eidem Nos memores, ut gratissimos, ut illius felicitatis ac gloriae cupidissimos declaremus? Quae caritatis atque amoris studia, quae laudis, honoris atque existimationis ornamenta in eundem erunt conferenda, quem gloriosissimi clarissimique facti auctorem esse agnoscimus? Sed in commemorandis egregiis illius de Nobis meritis minime sunt ab ipso disjungendae carissimae in Christo filiae nostrae Mariae Annae Victoriae illius praestantissimae optimaeque conjugis, Reginae fidelissimae laudes. Cum illa eximiam Regis aemulata voluntatem singularibus studiis exarserit ut de Nobis ac de Ecclesia universa praeclarissime mereretur, suaeque in Nos pietatis hoc praecipue tempore illustriora monumenta posuerit, summis a Nobis est et immortalibus commendationum et gratiarum actionibus exornanda. Pari praeterea animo in omnem Regiam Nobisque dilectissimam Domum affectos Nos esse oportet; cujus ad veteres praecellentes virtutes accedunt inde nova nunc ac maxima gloriae et in Nos meritorum incrementa. Quae vero et quanta esse debet nostra etiam de dilecto Filio nobili viro comite de Oeyras fidelissimi Regis secretario status laudum atque honorum praedicatio? Cujus praeter caeteras commendationes nunc maxime illustria erga Nos studii atque observantiae, et erga Regem singularis obsequii ac fidei testimonia extiterunt. Perhonorifice itidem est a Nobis nuncupandus dilectus filius nobilis vir commendator de Almada, ejusdem Regis apud Nos minister plenipotentarius, quem pios ac praeclaros regii animi sensus ad Nos saepe deferentem perlubenter excipimus,

quemque ob suam in eo perfungendo munere operam ac diligentiam plurimi facimus. Demum omnes regiae civitatis ordines, ac omnis Ulyssiponensis populus, qua erga Nos et hanc beati Petri cathedram intima animi devotione flagraret, exunite gaudio illo ac poene triumpho declaravit quo elatus ac inflammatus fuit, cum Regis exemplo, ejusque sapientissimo facto ac ab omni posteritate commemorando, ad suam erga apostolicam Sedem palam expromendam pietatem excitaretur.

Quae quidem omnia vobiscum, venerabiles fratres, pro ea quae inter Nos est conjunctione, communicanda nunc duximus, ut diffusiores ac splendidiorem quodammodo laetitiam hanc nostram faciamus. Praestantissimo hoc fidelissimi Regis opere existimate jucundissimum vobis esse munus impositum, ut gratiam vestram atque in illum studiosissimam voluntatem publicis etiam laetitiae signis praeferatis, ut omni laudum genere illum pro tam insignibus meritis prosequamini. Sed illam unam praeclarissimam atque expeditissimam gratiae referendae viam esse putate, si Dei benignitatem pro ipsius incolumitate, regiaeque domus gloria, regnique felicitate deprecari nunquam desistatis.

Nos profecto in id maxime semper incumbemus ut in dies magis possit, quanta in ipsum sit caritatis, studii atque amoris nostri magnitudo, cognoscere. Iuterea Deo Optimo Maximo pro collato nobis suaeque Ecclesiae tam excellenti beneficio, quantas maximas possumus, gratiarum laudes publice persolvemus. Illuc vero summa paterni animi contentione effusissimas nostras ad Deum preces assidue dirigemus, illuc etiam populi hujus fidelissimum Regem, ac omne Lusitanum nomen summis laudibus extollentis, universaeque Almae Urbis Nostrae miro gaudio elatae vota convertemus, ut quanto ampliora sunt optimi Regis de religione merita, tanto auctiores suās suique regni fortunas atque copias, et verae ac solidae gloriae fructus divinae gratiae munere locupletiores esse intelligat.

CII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,
CLEMENS PAPA XIV.

Romae, 23 septembris 1770.

Carissime, etc. Etsi libenter Majestatem Tuam rogamus de regio tuo Ecclesiae Nobis commissae praestando patrocinio cum ejusdem rationes postulare id videntur, multo tamen libentius gratias agimus cum praestantis animi tui studia illuc egregie conversa et collata esse intuemur. Id nuper a te, carissime in Christo fili noster, factum esse maxima cum voluptate perspeximus. Cum enim, opportunitate temporis usi quo venerabiles fratres Galliae episcopi in comitiis congregati statuere aliquid contra impias scriptorum quae quotidie vulgabantur opiniones vellent, eosdem tibi pro Dei causa consultants vehementer commendassemus, tua illi religiono, tuo patrocinio freti ea susceperere consilia quae res ipsa postulabat; tuque ipse sapientissimis jussis, atque auctoritate tua praeclara ac egregia regiae jamdiu in te perspectae fidoi ac virtutis documenta renovasti. Incredibiliter sane, cum haec Nobis referrentur, laetati sumus, ac omnipotentis Dei opem praesto esse agnovimus, qui suum numen contomnentium temeritati atque insaniae eum in modum restiterit. Tibi itaque ejus causae vindici ob hujusmodi tuae gloriae incrementum tam enixe ac tam cupide gratulamur, tantasque habemus ac tam immortales gratias, ut alacriore ac luculentiore animi nostri sensu id ipsum praestare, ac prae Nobis ferre nequeamus. Videmus enim ea re consultum a te optime esse et religioni, quod maxime intererat, et tuae tuique regni securitati, et populorum a Deo tibi commissorum, intimae tranquillitati ac quieti. Qua ratione siquidem salva atque incolumis esse res omnis publica potest, cum quae sanctissimo religionis jure septa et munita sunt, eadem per summam absurdissimarum opinionum immanitatem convellantur? Haec Nos mirifice in ea confirmant fiducia, nihil imposterum in hoc genere accidere posse, in quo non ante tibi gratiarum actionis quam commendationis officium sit a Nobis deferendum. Ad has publicas et gravissimas grati tibi animi nostri declarandi rationes accedit etiam peculiaris Nobisque

jucundissima causa humanitatis, patrocinii, ac gratiae tuæ qua venerabilom fratrem Bernardinum archiepiscopum Damascenum, nuncium apud te nostrum, pro regia animi tui benignitate ac in Nos pietate complecteris. Egregie ab eodem satisfieri suo a Nobis imposito muneri perspicue intelligimus, cum tam gratum tibi acceptumque illum esse videamus. Etsi igitur propensi vehementer simus ad illum merito beneficiis nostris exornandum, multo tamen tua commendatione propensiores efficiamur, ac quidquid in ipsum ornamenti collaturi erimus, id a Nobis libentissime praestari pro tuo hujusmodi honorificentissimo erga eum studiu operam dabimus, ut cognoscat ac Majestati Tuæ gratias referat. Ac in paternae singularis caritatis argumentum apostolicam benedictionem, carissime in Christo fili noster, tibi amantissime impertimur. *Datum Romae, etc., die 26 septembris 1770, pontificatus nostri anno secundo.*

CHII.

VENERABILI FRATRI

CAROLO ANTONIO ARCHIEPISCOPO RHEMENSI.

CLEMENS PAPA XIV.

Romae. 26 septembris 1770.

Venerabilis, etc. Justissimus est dolor tuus, venerabilis frater, planeque consentit cum nostro, quo jamdiu afficimur ob pravas ac impias, quae vulgantur in dies, opiniones, quibus et religionis et reipublicae et omnis prorsus humanitatis fundamenta convelluntur. Proinde ex quo ad hanc beati Petri cathedram conscendimus, illud maxime semper curavimus ut tam monstrosi ac venenati absurdissimorum ingeniorum partus nostrarum proscriptionum auctoritate aut praefocarentur statim, aut saltem e manibus hominum extorta minus offensionis ac detrimenti parerent. Ad quam gravissimam Nobiscum suscipiendam curam ceteros etiam universi orbis episcopos epistola on-cyclica ad eosdem die XII decembris MDCCLXIX data diligenter excitavimus. Cum vero perlatum ad Nos esset de habendis cleri vestri Gallicani comitiis, in quibus certum Nobis erat pro nostra plurima et doctrinae vestrae et episcopalis vigilantiae existimatione vos esse de avertendis ejusmodi malis in medium accura-

tissime consultaturos, vehementer exarsimus, ut opportuna vobis carissimi in Christo filii nostri Ludovici Francorum regis christianissimi, cujus in religionem animus Nobis erat perspectissimus, praesidia pararemus. Ad eundem igitur tunc litteras dedimus, quibus quanta maxima potuimus apostolici animi vi ac obsecratione ab eo contendimus ut vos religionis Dei quae causam pertractantes commendatissimos sibi esse vellet, regiaque voluntate sua incoepa et consilia vestra sustentaret ac fulciret. Laetati quidem summopere postea sumus ipsum christianissimum regem et suae in Deum fidei et nostrae de ipso expectationi praeclare, ut scitis, satisfacisse, ei quae nunc maximas atque immortales idcirco agimus atque habemus gratias, quod tanto studio tuenda religionis unaque regiae potestatis jura suscepit. Quapropter, venerabilis frater, cum ad haec tanta vobis praesidia comparata, vestra etiam tam praeclara in importunam illam scribendi opinandique licentiam decreta accesserint, delectati maxime sumus, eas nunc vestras extitisse episcopalis operae atque auctoritatis partes, quibus, quantum in vobis est, illa possit coerceri atque opprimi tandem impietatis audacia. Id Nobis majorem in modum persuadet vestra omnium in tam salutare consilium consensio: quod enim conjunctim tanto animorum ardore tantaque sapientia statuistis, minime dubitamus quin quisque porro sit pro sua virili parte summa opera, sedulitate, industriaque curaturus. Mirifice itaque probamus ac commendamus has vestrorum comitiorum actiones, quae de summa fidei ac religionis nostrae versatae sunt, in iisque episcopali vestro muneri plane consentaneam sollicitudinem, zelum ac vigilantiam agnoscimus. Quarum laudum partem in te maximam jure redundare existimamus, qui eisdem praefueris comitiis, eorumque consiliorum potissimus auctor fueris. Quod vero etiam de hisce decretis vestris ad Nos pro tuo munere perscripseris, gratum id Nobis vehementer fuit; una enim quae tua sit erga Nos ac apostolicam hanc Sedem observantia ac fides luculento ejusmodi officio declarasti. Quare te cum ceteris venerabilibus fratribus collegis tuis plurima nostra prosequimur caritate, atque iis extollimus quae vestro in Ecclesiam studio ac in tuendum commissum vobis gregem diligentiae sint dignae, maximus scilicet ac verissimis laudibus, quibus eam etiam conjungi hortationem nostram existimate, quae vos etsi sponte, ea quae ad divinam gloriam conducunt, capessentes adhuc magis incitet ac inflammet. Hujusmodi nostros sensus vehementer a te cupimus ut cum iisdem collegis tuis nostro nomine communices, ac participes etiam ipsos facias apostolicae benedictionis,

quam in pontificiæ cumulatissimæ voluntatis pignus tibi, venerabilis frater, peramanter impertimur. *Datum Romæ, etc., die 26 septembris 1770. pontificatus nostri anno secundo.*

CIV.

CARISSIMO IN CHRISTO FILIO NOSTRO

JOSEPHO PORTUGALLIÆ ET ALGARBIORUM

REGI FIDELISSIMO

CLEMENS PAPA XIV.

In Arce Gandulphi, 27 septembris 1770.

Carissime, etc. Cum publice persolverentur Deo Optimo Maximo a Nobis una cum universa civitate laudum actiones pro singulari Majestatis Tuæ in Nos pietate præclarissimo illo opere palam omnibus facta, pro quo tibi summas atque immortales egimus ac semper habebimus gratias, cumque pro incolumitate tua, felicitate ac gloria certatim omnes vota faceremus, ac omnibus lætitiæ signis almam hanc urbem nostram editis quanto elati essemus gaudio, testaremur; eam etiam prætermittere nolimus animi nostri declarationem in qua mystica summæ in Domino jucunditatis ratio continetur. Rosam igitur auream a Nobis solemnibus caeremoniis consecratam detulimus ad Lusitanæ nationis sancti Antonii templum, tota poene urbe ad celebritatem Nobiscum confluyente, eamque dono ibidem reliquimus, ut esset immensæ illius lætitiæ, nostrique gratissimi, sui que ac omnis regiae domus amantissimi animi, ac in omnem istum populum potestati tuæ subjectum paternæ, propensissimæ voluntatis perpetuum atque illustre monumentum. De quo nunc tibi, carissime in Christo fili noster, perscribimus, ut nostri erga te amoris magnitudinem hoc quoque testimonio ex ipsa religione deducto, ac in posteritatem omnem sancto pieque asservando intelligas. Sed iis rationibus omnibus, quas cumque excogitare Nos valemus, patientiores profecto clarioresque reddere sensus erga te nostros possumus, æquare tamen eosdem, prout a Nobis percipiuntur, non possumus. Hoc tamen ipsum, si de Nobis Majestati Tuæ persuasum fuerit, summo ejusmodi desiderio ac studio nostro tunc esse quodammodo satisfactum arbitrabimur. Ac ex intimo

CLEMENTIS XIV *Epistolæ et Brevia.*

9

paterno corde depromptam Regiae Majestati Tuae Apostolicam benedictionem amantissime impertimur. *Datum in Arce Gandulphi Albanensis dioecesis sub annulo Piscatoris, die 27 septembris 1770, pontificatus nostri anno secundo.*

CV.

CARISSIMAE IN CHRISTO FILIAE NOSTRAE

MARIAE THERESIAE, HUNGARIAE REGINAE APOSTOLICAE

NECNON BOHEMIAE REGINAE ILLUSTRIS,

IN ROMANORUM IMPERATRICEM ELECTAE VIBUAE,

CLEMENS PAPA XIV.

In Arce Gandulphi, 10 octobris 1770.

Carissima, etc. Etsi Apostolicae Majestatis Tuae postulatum quod in humanissimis litteris ad Nos die XII maji proxime praeteriti a te datia, ac per dilectum filium nostrum Alexandrum cardinalem Albanum Nobis redditis continebatur, et reipsa gravissimum et deliberatu difficillimum foret, nequaquam tamen passi essemus ut tandiu responsum nostrum desiderares, nisi illo tempore, quod ad te jam perscriptam daturi eramus epistolam, allata ad nos quaedam essent, quibus auditis suspendere consilia nostra et cunctari aliquantulum necesse esse videremus. In iis tum ad te perscribendis litteris spectabamus maxime in animi tui virtutem ac religionem, qua praeclare cognosceres quantum est romanorum pontificum sententia in iis quae ad Ecclesiarum fidemque spectant, defereudum; ac proinde plurima cum fiducia declarabamus tibi quid de toto illo Munkacsiensi negotio sentiremus; multa scilicet objici Nobis ne vicarium Munkacsiensem ab omni episcopi Agriensis potestate eximamus. Animum praeterea nostrum valde in eo repugnantem esse ut idem ab omni episcopi latini jure omnino subtrahatur, aut intra eos tantummodo jurisdictionis fines includatur, intra quos episcopi suffraganei suis sunt metropolitani subjecti. Hujusmodi animi nostri sensu tibi primum patefacto, illud deinde subiciebamus, descensuros nihilominus tandem Nos esse ad constituendum aliquem ex latinis vicariis illi inspectorem seu moderatorem qui diversus ab Agriensi sit, de cujus animi duritie plurimae tibi ab eodem vicario que-

relæ quotidie deferuntur. Ad quod consilium inducebamur in te intuentes, carissima in Christo filia nostra, cui Munkaesiensis rerum, locorumque ratio exploratissima esse poterat, ac prorsus acquiescebamus diuturnæ tuæ in regno sapientissime moderando sapientiæ, summoque illi ab insita virtute fideque tua profecto studio, quo tantum adest ut quidquam promoveas quod in spirituale tuorum populorum detrimentum redundare possit, ut quamlibet etiam offensionis ac periculi speciem evitandam diligentissime cures. Cum ita animo comparati essemus, ac in eam tibi rescriberemus sententiam, certiores isthinc facti sumus, venerabilem fratrem Carolum episcopum Agriensem in eam spem venisse fore ut, ipso tibi referente, facile intelligas vicarium Munkaesiensem longe ab eo distare ut vindicari a pristina subjectione ullo modo mereatur, plenamque periculi rem esse, si, pro quo tantopere ille contendit, exemptionis beneficium reportaret. Alius paulo post allatus Nobis est nuncius, prope esse ut Majestas Tua pro sui animi religione a consilio illo de vicariatu in episcopatum origondo jam recedat, ac illis contentam videri minime contemnendis nec mediocribus concessionibus ad quas Munkaesiensi vicario conferendas paratum se esso Agriensis episcopus est professus: hoc enim sua liberalitate palam facere ille omnibus voluit, so nulla rerum temporalium cupiditate aut ambitione esse inductum, sed sui tantummodo pastoralis muneris ratione cogi ut omnem in eo det operam ne sancta illa Græcorum qui in sua dioecesi sunt cum Latinis unio ad vanum nomen ac inanem rei speciem redacta, æternam animis perniciem imposterum importet, quæ etiam illos facile comprehendat qui suam perficiendæ rei manum minus consulte admovent. Mirari profecto non debet Majestas Tua, si his allatis nunciis non solum Nos continere ab omni deliberatione voluerimus, sed etiam plurimas egerimus Domino gratias, cumque maxime tum precati sumus, ut compleat ipse quod coepit, ac ejusmodi indita tibi plena sapientiæ ac religionis consilia cumulatissima bonorum omnium remuneratione prosequamur. Hujusmodi nostros e singulari paterna caritate depromptos ac erga te gratissimos scus venerabilis frater Antonius Eugenius archiepiscopus Ephesinus, apostolicus noster apud te ordinarius nuncius, tibi communicatos minime dubitamus quin ad Majestatem Tuam detulerit, eosdemque Nos ipsi oramus tibi tum, tamquam nihil præterea agendum ea de re superasset, luculentissime per litteras nostras declaraturi. Sed ab eodem certiores nuper facti de iis quæ dignata est illi communicare Majestas Tua, dum præsentem negotii statum

explicaret, et per se ipsam, et multo etiam diffusius per dilectum filium baronem Plumeghen, nostri nunc officii esse ducimus omnem iterum tractare rem, ac in deliberationem adducere, ut id tandem consiliū capere possimus quod maxime opportunum sit, quodque res ipsa, prout nunc est, potissimum postulare videatur. Illo igitur quo semper uti solemus animi candore, quēque regiis virtutibus tuis peculiarem in modum deberi a Nobis agnoscimus, id nunc tibi perspicue affirmamus facile victum iri nostram illam, quam superius innuimus, mentis repugnantiam, ne petitaē episcopatus erectioni consentiamus, si Augustam Majestatem Tuam ita persuasam esse videamus iis rationibus quas pro Munkacsiensi vicariatu iu suis offert literis, ut in semetipsam recipere minime vereatur quidquid deinde fuerit ex illa novitate a Nobis inducenda consecutum. Sed quoniam ea est religio tua ut pro rei gravitate cavendum tibi maxime esse existimes, atque idcirco omne hoc iudicium a Nobis liberrime proficisci velis, aequum etiam tibi profecto videri debet ut Nos quoque in tantae rei faciendo iudicio Nobis ipsis caveamus, ne in illud porro incidendum discrimen sit, ut in extremo die Christus Dominus e manibus nostris exquirat suo sanguine redemptas ac Nobis a se commissas animas, quae ob nostram illam facilitatem fortasse perierint, dum easdem credimus suspectae illorum pastorum custodiae, quos ipsa Ecclesiae iura ab aliorum, qui propius omnia inspecturi ac moderaturi sint, auctoritate liberos esse non sinunt. Rogamus igitur maiorem in modum ac obsecramus Regiam Majestatem Tuam, aequissimo ferre animo velit ut omnia quae ad iudicium causae illius pro opportunitate ac aequitate faciendum pertinere possunt, ab utraque parte ad nostram cognitionem deferantur; iis enim in examen adductis ac rito perpensis certiori sententia rem hanc ad exitum perducere, Deo juvante, valebimus. Hisce omnibus tibi, carissima in Christo filia nostra, quae primo, quae consequente, quae postremo tempore ea de re sentiremus, candide perspicueque iam declaratis, ac tantummodo nunc commemorato tibi illo de Focaras exemplo, quod Nobis ante oculos obversatur, ac in mentem etiam revocato constante ipsius Ecclesiae de huiusmodi rebus iudicio, quod refertur confirmaturque a sa. mem. Benedicto XIV, uou minus zelo quam doctrina praestante praedecessore nostro, in suo illo praeclearo opere de Synodo dioecesana lib. II, cap. XII a § IV ad § VIII; reliquum jam est ut ex Nobis intelligas Nos esse, quid sensura postremo de tota re Munkacsiensi ipsa sis, a te cupidissime expectaturos. Interea precibus ad Deum nostris pro Majestatis

Tuae, totiusque Augustae Domus felicitate conjungimus apostolicæ benedictionis salutare munus, quod tibi, carissima in Christo filia nostra, intimo paterni cordis sensu, amantissime imperitur. *Datum in Arce Gandulphi Albanensis dioecesis sub anulo Piscatoris, die 10 octobris 1770, pontificatus nostri anno secundo.*

CVI.

VENERABILI FRATRI

JOSEPHO PETRO

PATRIARCHÆ ANTIOCHENO MARONITARUM,

CLEMENS PAPA XIV.

In Arce Gandulphi, 10 octobris 1770.

Venerabilis, etc. Ex gratulationis tuae officio multa erga apostolicam hanc Sedem observantia; et erga Nos pietate cumulado, perlibenter agnoscimus qui tuus sit in Ecclesiam animus, quamque consentanea pastoralis muneri tuaeque personae, quam geris, studia. Quae quidem opportuna ac publice etiam utilia magis esse non poterunt, quam si eadem, ut cum universa tua Nobis dilecta natione facis, enixis precibus ad misericordiarum Patrem pro nostra munienda imbecillitate assidue fuis prosequi non intermittas. Nos enim hujusmodi ope vestra indigemus, eamque proinde quanta animi contentione possumus a vobis poscimus ac flagitamus; ita enim probaturi luculenter eritis, Nobisque clarissimis iudiciis confirmaturi pristinam vestrae gentis, ac semper, ut scribis, addictissimam beati Petri cathedrae voluntatem. Quod vero de nostra erga vos benevolentia confiditis, vobisque pollicemini, id praeclare cum nostra erga vos pontificia caritate consentit. Quales igitur erga vos simus, ex vestra in Nos observantia ac devotione existimate. Cum enim tam fideles obsequentesque filios vos esse profiteamini, nostram parentis expecturi semper eritis benevolentiam, semperque vobis praesidia apud Nos praesto esse omnia, neque ullos caritatis nostrae fructus in hoc etiam collegium vestrum, et quicumque sunt qui ad vestram nationem pertinent, vobisque conjunguntur, pro opportunitate defuturos sentietis. De qua nostra voluntate uberius certiores vos faciet dilectus filius Caesareus de Neustadia missio-

narius cappeccinus, qui mandata ad Nos vestra diligentissime nobiscum peragere satagit. Demum, apostolicae tuae sollicitudini ac curae commissum tibi gregem accuratissime commendantes, in pontificiae caritatis pignus apostolicam benedictionem tibi, venerabilis frater, universaeque isti nationi peramanter impertimur. *Datum in Arce Gandulphi Albanensis dioecesis, sub anulo Piscatoris, die 10 octobris 1770, pontificatus nostri anno secundo.*

CVII.

DILECTO FILIO

CHASTENETO DE PUYSEGUR,

PRÆPOSITO GENERALI

CONGREGATIONIS DOCTRINÆ CHRISTIANÆ,

CLEMENS PAPA XIV.

Castelli Gandulphi, 10 octobris 1770.

Dilecte, etc. Et te et istam tuae curae iterum commissam congregationem paterno plane complectimur animo, deque vestrum omnium erga Nos ac apostolicam hanc Sedem observantia, pietate, fideque persuasi, vestras res omnes commendatissimas Nobis esse proferimus. Hujusmodi nostri erga vos animi testis esse locupletissimus potest dilectus filius Valentinus vestrae congregationis sacerdos, quem suo merito plurimi facimus, et cujus proinde crebra consuetudine perlibenter utimur. Magna ipsius esse erga te tuamque congregationem studia pristinis jamdiu saepe confirmata officiis praeclare novimus. Idem igitur vestris rebus, de quibus acturus est, valde favere Nos, vestrique ac sui etiam multam habere rationem operam dabimus ut semper intelligat. Minime vero unquam patiemur ut venerabilis servi Dei Caesaris de Bus Institutoris vestri ex generalis Capituli decreto resumpturus et renovaturus causam, peculiaris praesidia nostra ac quantum in Nobis est, non impares eis, quos in sa. mem. Benedicto XIV sapientissimo praedecessore nostro expertus est, benevolentiae fructus desiderare possit. Valde enim cupimus iis praesertim satisfacere optatis vestris, quibus ut ad divini cultus incrementum, et domesticae virtutis imitationem congregationi

vestrae plurimum ornamenti ac decoris accedat, pie egrègieque contenditis. Ac in hujus pontificiæ voluntatis pignus apostolicam benedictionem tibi, dilecte fili, universæque congregationi tuæ peramanter impertimur. *Datum in Arce Gandulphi Albanensis diocesis, etc., die 10 octobris 1770, pontificatus nostri anno secundo.*

CVIII.

DILECTIS FILIIS

SOCIETATIS SORBONICÆ THEOLOGIS ET MAGISTRIS
CLEMENS PAPA XIV.

In Arce Gandulphi. 17 octobris 1770.

Dilecti, etc. De singulari vestra in Nos pietate persuasum Nobis antea erat, vosque, perspecta egregia in catholicam religionem fide et in apostolicam Sedem observantia, pro certo habebamus summo studio Nobis esso devinctos: tamen id ipsum e litteris atque o postulationibus vestris, quas addictissimi Nobis animi significationibus conjungitis, luculentius cognovimus. Itaque et multa cum jucunditate easdem excepimus, et libentissime adducimur ut voluntati vestrae satisfaciamus, praesertim cum una Nobis ipsis, nostræque in Vos benevolentiae vobis invicem declarandæ desiderio obsequamur. Quare quod a Nobis diligenter expetitis, quodque vestro etiam nomine dilectus filius noster Joachimus titulo Sancti Silvestri in capite sanctæ Romanæ Ecclesiæ presbyter cardinalis de Bernis postulavit, ut depictam ad Vos effigiem nostram mitteremus, eandem accurate offormari atque isthic transmitti mandavimus. Quid enim Nobis esse gratius potest, quam quos in religionis integritate naviter tuenda Nobis conjunctissimos esse scimus, quosque pro filiali in Nos devotione plurima caritate prosequimur, cum iisdem una quodammodo versari, eorum curis ac exercitationibus pro veritate ac sanctitate doctrinæ susceptis interesse atque assidere, et locorum longinquitatem, ut animi conjunctione, ita vultus similitudine atque oris quasi præsentia corrigere et compensare? Utinam in externis oris linoamentis in tela exprimendis, intimos etiam mentis affectus adumbrare artifices possent! tunc sane consideremus fore ut iis sensibus, quibus animati erga vos sumus,

abunde contenti vos sitis. Facile enim cognosceretis Nos summorum pontificum ac regum, quorum imagines apud vos asservantur, in benevolentiae erga vestram societatem contentione cedere nemini. Verum, cum articulum solertia illud assequi non possit, idem opera nostra ut praestemus, in Nos ipsi recipimus. Curabimus certe, et quaecumque ab amantissimis parentibus in liberos proficisci possunt, ea ut in vos pro rerum ac temporum opportunitate conferamus. Neque enim unquam in Vobis diligendi; atque etiam ornandis aut merito vestro aut cupiditati nostrae defuturi simus. Aequae in hujus voluntatis pignus apostolicam benedictionem vobis, dilecti filii, universaeque societati peramanter impertimur. *Datum in arce Gandulphi Albanensis dioecesis, etc., die 17 octobris 1770, pontificatus nostri anno secundo.*

CIX.

VENERABILI FRATRI

SIGISMUNDO CRISTOPHORO

ARCHIEPISCOPO SALISBURGENSI,

CLEMENS PAPA XIV.

In Arce Gandulphi, 20 octobris 1770.

Venerabilis, etc. Cognitus Nobis est jamdiu, vehementerque probatus tuus in pastoralis peragendo ministerio ac in omni Ecclesiae retinendo tuendoque jure studiosissimus animus; sed eundem hoc tempore multo etiam luculentiore indicio perspicimus ex iis omnibus quae de isto vestro venerabilium fratrum congressu ad Nos afferuntur. Optimo sane consilio indictus illo fuit, ut his difficillimis temporibus in commune consultaretis, quae aptior sit evitandorum atque minuendorum Ecclesiae detrimentorum ratio, ac ut dictis a quoque sententiis mutuisque etiam inter vos exhortationibus excitaremini, ne quid a vobis in tanto discrimine lente ac remisse fiat, sed omnia constanter ac fortiter ex muneri vestri ratione, ex rerum gravitate atque ex ipsa temporis opportunitate decernantur. Praeclaras illic esse novimus actiones tuas, quaeque et episcopali officio et pristino tuo in Ecclesiam studio egregie consentiunt. Majorem itaque in modum hisce laudibus tuis delectati sumus; cum enim antea te ob tuam

plurimam in gerendo episcopatu fidem, maxime diligendum a Nobis ac plurimi faciendum esse statuerimus, novis modo eximisque exornari te meritis mirifice sane et gaudemus et Nobis etiam ipsis gratulamur. Cum adeo igitur nostrum de tua virtute iudicium auxeris, eas maximas, quas debemus, tibi laudes commendationesque reddimus, eoquo te, quo possumus, verissimo amplissimoque honoris praemio prosequimur et cumulamur. Id quidem tanto etiam libentius facimus, quod tuam hanc cogitandi agendique rationem magnopere profuturam esse ad optatum congressus vestri exitum consequendum confidimus; de quo Nos ita solliciti sumus ut maximas illuc pontificii animi nostri curas conferamus. Perge igitur, venerabilis frater, eaque insiste, qua coepisti, via, Nosque de vestrarum ecclesiarum rebus sumopere laborantes atque anxios ita adjuva, ut collegas tuos, quantum opera, consilio atque auctoritate vales, ad unanimem pro vestro tuendo jure, libertateque Ecclesiae asserenda contentionem accendas. Mirum est enim quantum ad universam, de qua agitur, rem intersit ut in isto congressu, in quem plurimorum oculi conversi sunt, quamdam inter vos animorum conjunctionem sancias, idque ad caeterorum etiam exemplum, de episcopali quod geritis ministerio, vestraque dignitate sentias omnes ac statuatis, quod tanti muneris ratio, quod sanctissimae ac vetustissimae leges, quod fides vestra, quam Deo, quam Ecclesiae populoque vestrae curae commisso obligastis, a vobis postulant. Haec non hortandi tui causa, quod minime necesse est, sed tuae gloriae confirmandae augendaeque cupiditate dici a Nobis existima; pignusque nostrae hujus singularis erga te voluntatis habere apostolicam benedictionem, quam tibi, venerabilis frater, peramanter impertimur. *Datum in Arce Gandulphi Albanensis diocesis, etc., die 20 octobris 1770. pontificatus nostri anno secundo.*

CX.

VENERABILI FRATRI

HENRICO JOANNI EPISCOPO RUREMUNDENSI

CLEMENS PAPA XIV.

In Arce Gandulphi, 24 octobris 1770.

Venerabilis, etc. Cum tuus episcopatus, in quem recenter ingressus es, curas ejusmodi esse videamus quae maxime tanto pascendi Christi gregis ministerio conveniant, libentissime tibi nostram pontificiae auctoritatis opem, quam per litteras ad Nos datas postulas, praestamus, tuamque gerendae pastoralis procurationis rationem, quantum in Domino possumus, expeditionem facere vehementer optamus. Proinde, quod primo petis, iisdem plane permoti causis quibus sapientissimus praedecessor noster sa. me. Benedictus XIV, quod ille pro locis foederatorum ordinum dominio in Belgio subjectis declaravit, Nos iisdem declaramus pro praesidio militari istius civitatis Gheldriae, quae tuae diocesis pars est, ac Borussico acatolico principi paret, valida scilicet esse illa matrimonia quae ibidem non infrequenter, ut scribis, contrahuntur, inter partes unam catholicam et alteram haereticam; etsi eadem illicita sint atque idcirco ab Ecclesia damnata et interdicta, ita ut parochi, nedum consensum ac praesentiam ullo modo praestare possint, debeant etiam, quantum in ipsis est, intervertere omnino has nuptias atque impedire. Si vero nihilominus clandestine contractae fuerint, vinculum illud perpetuum erit, et pars catholica porro, si facti poenitens veniam a Deo precetur, poterit admitti ad sacramenta, impositis eidem salutaribus poenitentiis.

Postulas porro ut in duabus tuae diocesis parochiis, quae in temporalibus Palatini juris sunt, festis illis diebus quibus servilia opera exerceri posse Benedictus XIV, ut scribis, concessit, a sacro etiam audiendo populum eundem liberum esse permittamus. Nos igitur iis incommodis permoti quae emanant in pauperes, ac in eos praesertim qui opera ac labor in colendis agris vitam aegre sustentant, illi, quam Nobis commendas, tui gregis portioni consulere volentes, fraternitati tuae per praesentes litteras committimus, ut omnes utriusque sexus fideles ibidem existentes, iis diebus quibus servilium operum exercitium est

permissum, ab onere etiam audiendi sacrum dispensare, si et quatenus necessarium duxeris (super quibus conscientiam tuam oneramus), auctoritate apostolica possis et valcas. Quia tamen vehementer optamus ut populus aliquo studeat externo pietatis opere compensare quicquid ita fuerit ab externa itidem celebritate imminutum; committimus idcirco fraternitati tue ut eidem vel aliquot preces, vel aliud quodpiam externum pium exercitium injungas, cui vacare debeat eo die quo ab audiendo sacro dispensatur. Cacterum per hanc concessionem nostram non intendimus aliquid innovari circa ritum et servitium chori, circa celebrationem divinorum officiorum, et praesertim circa obligationem jejunii in illis ipsis feriis observandi qui praecedunt festa eorum sanctorum qui peculiari hac cultus prerogativa potiuntur. Idque potissimum cum ad eum, cui spectare debemus, finem minime necessarium sit, sollicitudini ac vigilantiae tuae commendamus. Magnopere demum hortamur fraternitatem tuam ut illum praesertim populum, cui haec impertita dispensatio fuerit, tanto majori pietatis ardore, devotione ac spiritus humilitate ad reliquos festos dies celebrandos ac sanctificandos accendas. Ac in pontificiae caritatis pignus apostolicam benedictionem tibi, venerabilis frater, tuaeque fidei commisso populo, peramanter impertimur. *Datum in Aree Gandulphi Albanensis dioecesis sub anulo Piscatoris, die 24 octobris 1770, pontificatus nostri anno secundo.*

CXI

VENERABILI FRATRI

SIGISMUNDO CHRISTOPHORO

ARCHIEPISCOPO SALISBURGENSI,

CLEMENS PAPA XIV.

Romae, 10 novembris 1770.

Venerabilis, etc. Officium, fidem ac diligentiam tuam in pastoralis ministerio jamdiu clarissimis indicis perspeximus, venerabilis frater; nunc vero vehementer confirmari Nobis gaudemus praeclaro illo studio quo celebrem sanctissimae Mariae Virginis effigiem in Ellend arduo atque alpestri Salisburgensium montium

loco positam, ad quam tamen devote pieque colendam quotannis plusquam triginta peregrinorum millia confluunt, non solum perincommoda via delatus visitaveris ac veneratus sis, sed etiam (quod plurimum ad augendam loci religionem conferre arbitratus es) illam ecclesiam Dei Matri dedicatam solemniter ritu consecraveris. Quo is ipse tam bene invecutus constitutusque erga Beatam Virginem cultus adhuc magis foveatur ac amplificetur in dies, nostram nunc exiges pontificiam operam, precesque ad Nos enixius dirigis, ut ibidem privilegium altaris quotidiani perpetui apostolica auctoritate concedamus. Nos quidem etsi rarissime ac gravissimis de causis hujusmodi beneficium impertendum esse arbitremur, has ipsas tamen, quae nostrum maxime moveant animum, rationes praecipue reperimus in perspectissima Nobis fraternitatis tuae pietate, religione ac sapientia, singularique in commissum tibi gregem sollicitudine; quibus Nos deesse videremur, nisi et hisce aequissimis optatis tuis, et tantae de pontificia benignitate fiducia, pari cupiditate satisfaceremus. Igitur quod a Nobis per supplices tuas preces postulasti, benigne concedimus et impertimur per alias nostras in forma Brevis litteras quas hisce nostris jungimus. Id quidem prolixiore animo idcirco etiam facimus ut novum hoc nostrae luculentissimae erga te voluntatis specimen habeas, quantamque et virtutis tuae et tuorum erga Nos ac apostolicam hanc Sedem meritorum rationem habeamus, magis magisque intelligas. Caeteros etiam uberrimos fraternitati tuae praesto semper futuros esse pro opportunitate benevolentiae nostrae fructus, ut amplius tibi persuadere possis, habes certissimum pignus in apostolica benedictione, quam tibi, venerabilis frater, tuaeque fidei commisso populo peramanter impertimur. *Datum Romae, etc., die 10 novembris 1770, pontificatus nostri anno secundo.*

CXII.

CLEMENS PAPA XIV.

Romae, 10 novembris 1770.

Ad perpetuam rei memoriam. Omnium saluti paterna caritate intenti, sacra interdum loca, atque ea praesertim ad quae plurima fidelium multitudo devotionis gratia confluit, spiritualibus indulgentiarum muneribus decoramus, ut inde fidelium defuncto-

rum animae Domini Nostri Jesu Christi, ejusque Sanctorum consequi meritorum suffragia, et illis adjutae e purgatorii poenis ad aeternam salutem per Dei misericordiam perducere valeant. Supplicationibus itaque venerabilis fratris Sigismundi Christophori archiepiscopi Salisburgensis Nobis super hoc porrectis inclinati, volentes ecclesiam in Ellend sitam, ubi celebris sanctissimae Mariae Virginis effigies asservatur et colitur, confluyente quotannis plusquam triginta millia peregrinorum multitudine, ab eodem venerabili fratre pro sua pietate ac devotione visitatam et solemni ritu consecratam, ac parochiali ecclesiae Embachensi subiectam, et in ea situm altare speciali dono illustrare; auctoritate Nobis a Domino tradita, ac de omnipotentis Dei misericordia et beatorum Petri et Pauli apostolorum ejus auctoritate confisi, ut quandocumque sacerdos aliquis secularis, vel cujuscumque ordinis, congregationis et instituti regularis sacrosanctum Missae sacrificium pro anima cujuscumque Christi fidelis quae Deo in caritate conjuncta ab hac luce migraverit, ad supradictum altare celebrabit, anima ipsa de thesauro Ecclesiae per modum suffragii indulgentiam consequatur; ita ut ejusdem Domini Nostri Jesu Christi ac beatissimae Virginis Mariae Sanctorumque omnium meritis sibi suffragantibus a purgatorii poenis liberetur, concedimus et indulgemus. In contrarium facientibus non obstantibus quibuscumque praesentibus perpetuis futuris temporibus valiturnis. *Datum Romae, etc., die 40 novembris 1770, pontificatus nostri anno secundo.*

CXIII.

VENERABILI FRATRI

ANTONIO EUGÉNIO ARCHIEPISCOPO EPIHESINO,

ORDINARIO NOSTRO ET APOSTOLICÆ SEDIS IN GERMANIA NUNTIO,

CLEMENS PAPA XIV.

Romae, 14 novembris 1770.

Venerabilis, etc. Exposuit Nobis carissima in Christo filia nostra Maria Theresia Hungariae regina apostolica, necnon Bohemiae regina illustris in Romanorum imperatricem electa vidua, in amplis suorum regnorum ditionibus, eum esse festorum die-

rum numerum ut plurimum obesse cum utilitati publicae tum religioni ipsi videatur; nam et necessarias agricolarum artificumque operas saepe impedit, et ob hominum pravitatem magis fovet otium eaque quae ex otio oriri vitia solent, quam pietati divinoque cultui conducant. Anno quidem MDCCCLIII sapientissimus praedecessor noster sa. mem. Benedictus XIV, nonnullis idcirco diebus festivis, ipsa ita postulante, populum eidem subjectum ad audiendum sacrum solemmodo teneri decrevit, alia vero non exercendorum servilium operum leges solvit; sed experientia porro compertum esse ait ac comprobatum, nullos ex ea concessione fructus extitisse; neque imposterum extituros putat, nisi plures adhuc festivi dies per Nos imminuantur, ac prorsus tollatur, quod hactenus reliquum erat, sacri iis diebus audiendi onus. Cum haec igitur Augustissimae Reginae nomine a Nobis diligentissime postulentur, tamque graves afferantur causae, facere minime possumus ut pro nostra etiam singulari in eam caritate eidem tam studiose, et de religione et de publica utilitate Nobiscum agenti non obsequamur. Nullam itaque interponeremus rei per Nos suscipiendae ac decernendae moram, nisi ea Nos retineret cogitatio, in tanta regnorum amplitudine, ac populorum conditionis necessitatisque varietate accidere facile posse ut una eademque concessione non tam bene consuleretur omnibus, quam si ita nostra moderaremur decreta ut cuique nationi ac populo, quae convenientiora et ad divinum cultum et ad civilem societatem essent, ea maxime largiremur. At cum omnia singillatim cognosci a Nobis atque expendi in tanta locorum distantia facile non possint, totam hujusce rei tractationem mandandam tibi, venerabilis frater, duximus, cum tuae fidei, diligentiae consilioque sine ulla dubitatione prorsus acquiescamus. Tu isthic loci es ubi facilius omnia quae ad rem pertinent inspicere docerique possis, eaque porro decernere quae ad divini cultus et ad publicae populorum necessitatis rationes exacta sint. Quo quidem pacto satisfactum maxime erit ejus Regiae Apostolicae Majestati, quae ita suis prospicere cupit ut populorum pietati ac aeternae saluti cavendum esse pro sua religione ac sapientia praecipue ducat. Postquam igitur quae capienda esse videbuntur consilia cum eadem communicaveris, eiquo placere videris, volumus et apostolica auctoritate tibi per hasce litteras nostras committimus ut, pro populis regnisque quae illius ditioni extra Italiam subjiciuntur, festorum dierum numerum adhuc imminuere et ab onere etiam sacri in iis audiendi dispensationem facere, prout opportunius esse judicaveris, in Domino valeas. Quod dum perages,

Illud majorem in modum cupimus omnino cures, ne festa etiam Annunciationis et Conceptionis Beatae Mariae Virginis imminui Sua Majestas velit, quod facile profecto ipsi persuaseris, cum eodem tempore et pietati suae, qua erga eorum mysteriorum memoriam esse debet, et Nobis ipsis id ab ea vehementer optantibus maxime morem geret. In illud praeterea anni tempus eadem incidunt festa quod impedit ne suo mota loco in proximiorum dominicum diem transferantur. Alterum enim in Quadragesima plerumque, semper alterum in Adventu celebratur, quorum temporum dominici dies ita sacri et colendi sunt ut aliorum festorum conjunctionem ex veteri Ecclesiae ritu non ferant. Tuum igitur erit omnem dare operam ut in hanc nostram sententiam, ne quid scilicet de iisdem ullo modo innovetur, pium Apostolicae Reginae animum omnino inducas. Ac in pontificiae caritatis pignus apostolicam benedictionem fraternitati tuae peramanter impertimur
Datum Romae, etc., die 14 novembris 1770, pontificatus nostri anno secundo.

CXIV.

VENERABILI FRATRI

JOACHIMO ARCHIEPISCOPO THEBARUM,

REGIS CATHOLICI CONFESSARIO,

CLEMENS PAPA XIV.

Romae, 15 novembris 1770.

Venerabilis, etc. Oxoniensem dioecesim, in qua sanctus Dominicus ordinis Praedicatorum fundator, et sanctissimi Rosarii recitationis institutor natus est, ac in cujus etiam cathedrali ecclesia canonicus extitit, exornare volumus beneficio apostolico, ut scilicet imposterum ejusdem Rosarii festum ibidem sub ritu duplici primae classis celebrari posset; atque, idcirco litteras in forma Brevis expediri mandavimus, quas nunc hisce nostris conjunctas, venerabilis frater, ad te transmittimus, ut cum eam gratiam patriae tuae impertiti simus, multo libentius tua causa factum id a Nobis esse intelligas. In quo cum pietati tuae tum etiam nostro erga te studio obsecuti sumus, cujus semper majoribus pontificiae caritatis indicis declarandi opportunitatem quamque cupidissime consecramur. Id enim praeter praecclarum, quo

apud carissimum in Christo filium nostrum Carolum Hispaniarum regem catholicum fungeris munus, tua erga Nos egregia observantia perspectaque de apostolica Sede merita maxime a Nobis postulant. Atque hoc loco praeterire minime possumus quin tibi, quod gratissimum fore certi sumus, significemus, causam venerabilis servi Dei Joannis de Palafox ita nunc instrui ac parari ut eum plane ejusdem exitum, quem maxime cupimus, futurum esse valde confidamus. Hoc etiam habe in nostrae erga te luculentissimae voluntatis pignus, quod adhuc cumulamus magis apostolica benedictione, quam fraternitati tuae peramanter impertimur. *Datum Romae, etc., die 15 novembris 1770, pontificatus nostri anno secundo.*

CXV.

CARISSIMAE IN CHRISTO FILIAE NOSTRAE

MARIAE THERESIAE HUNGARIAE REGINAE APOSTOLICAE

NECNON BOHEMIAE REGINAE ILLUSTRIS,

IN ROMANORUM IMPERATRICEM ELECTAE VIDUAE,

CLEMENS PAPA XIV.

Roma, 17 novembris 1770.

Carissima, etc. Etsi in gravissimam deliberationem inducti essemus postulato Apostolicae Majestatis Tuae de Munkacsienſi vicariatu in episcopatum erigendo, magnasque dubitandi causas haberemus, quas litteris die X octobris ad te datis attulimus, tamen quid ipsa postremo sensura pro tua sapientia ac religione esses, cupidissime Nos exspectaturos esse iisdem litteris declarabamus. Cum itaque isthinc certiores nunc facti simus de non intermisso ejusmodi studio tuo, quod a te retineri sine maxima ratione non potuit, quam quidem ab imminente rerum a te perspecto periculo, et ab ipso unionis Graecorum cum catholica romana Ecclesia retinendae necessitate repeti praecipue ac deduci intuemur, statim omnem dubitationem abrumperem, tibiſque obsequi decrevimus. Vicit igitur in Nobis sapientiae tuae ac religionis existimatio, atque ita vicit ut praeteritae quidem tuae experientiae, optimae, ut scribis, rerum magistrae, innitatur, sed potissimam tamen ponamus spem in vigilantia ac sollicitu-

dine a te exinde ad unionis incrementum conferenda. Quod itaque a Nobis tantopere flagitas, carissima in Christo filia nostra, efficere parati jam sumus, in eam scilicet Nos venisse sententiam tibi significamus graecanico populo qui dioecesis Agriensis fines incolit, ac latinae ecclesiae per unionem est addictus, graecis ritus episcopum largiendi. Eidem tamen hanc imponemus legem, ut archiepiscopi Strigoniensis metropolitani tui auctoritati iurique subjectus sit, et ad caetera ab eo praestanda officia illud etiam adjungemus, ut bis quotannis circa solemnia Domini festa ad eundem, ac in ipsius defectu ad viciniorem episcopum accedere debeat, totiesque in ejusdem manus professionem fidei rite emittendam renovare. Quam cautionem Nos in tam gravi re adhibendam esse ducimus ut hoc majore religionis vinculo illius conscientiam ad confirmandam Nobiscum fovendamque unionem magis magisque constringamus; quam quidem ad publicam etiam populorum regniue tui securitatem vehementer conducere cum tibi persuasissimum esse certi simus, minime ambigimus quin ad consequendum utriusque pariter incrementum sis omnem regiam curam, operam atque auctoritatem tuam maxime collatura. Atque haec de tua pietate, religione ac virtute fiducia summopere Nos in suscepto consilio confirmat, quodque faciendum decrevimus, id multo cupidius alacriusque praestituri sumus, ut etiam luculentissimam erga te voluntatem nostram novis hujusmodi uberioribus pontificiae caritatis argumentis magis testatum faciamus. Superest nunc ut enim ipsa proponas Nobis ac nomines virum quem magis idoneum esse ad illud pastorale munus judicaveris, ut eundem Nos in episcopum clero populoque Munkacsienſi praefuturum eligamus. Ac apostolicam benedictionem Regiae Majestati Tuae, totique augustae Nobis carissimae domui intimo paterui cordis sensu amantissime impertimur. *Datum Romae, etc., die 17 novembris 1770. pontificatus nostri anno secundo.*

CXVI.

CARISSIMÆ IN CHRISTO FILIÆ NOSTRÆ
 MARIÆ THERESIÆ, HUNGARIÆ REGINÆ APOSTOLICÆ,
 NECNON BOHEMIÆ REGINÆ ILLUSTRÆ
 IN ROMANORUM IMPERATRICEM ELECTÆ VIDUÆ,
CLEMENS PAPA XIV.

Romæ, 24 novembris 1770.

Carissima, etc. Vix intelleximus ex venerabilis fratris Antonii Eugenii archiepiscopi Ephesini ordinarii nuntii nostri litteris quæ in sententia de Munkaciensi negotio Majestas tua esset post acceptam epistolam nostram die X octobris ad te datam, quamque certa voluntate cuperes ut vicariatus ille in episcopatum constitueretur, cum omnem statim dubitationem abrumpendam decrevimus, tibi que per aliam nostram ad te die XVII hujus mensis datam significavimus paratos jam esse Nos obsequi desiderio tuo, ac proinde clero populoque Munkaciensi Nobiscum per unionem conjuncto apostolica auctoritate suum graeci ritus episcopum largituros. Redditæ porro sunt Nobis humanissimæ tuæ die VI hujus mensis datæ, ad quas nunc hisce nostris rescribimus, in iisque, etsi jam perspectam exploratamque, tamen a te ipsa aperte declarari Nobis voluntatem tuam ita cognovimus, ut delectati vehementer simus præstitisse jam Nos tibi quod petis, ac illa quasi responsione nostra postremam hanc tuam epistolam praevertentes palam tibi fecisse, quantum in ea tam gravi re sapientiae, pietati ac religioni tuæ deferremus. Quæ judicii de te nostri ratio ita Nos in suscepto consilio confirmat, ut quem optamus, rei exitum certissime Nobis polliceri non dubitemus. Neque ambigimus quin Deus Optimus Maximus, qui suæ gloriæ causa Majestatem tuam id cupere, Nosque agere cognoscit, præsentis opo ac praesidio decreta hæc nostra comprobaturus sit. Ac in singularis nostræ erga te paternæ caritatis pignus apostolicam benedictionem Regiæ Majestati tuæ amantissime impertimur. *Datum Romæ, etc., die 24 novembris 1770, pontificatus nostri anno secundo.*

CXVII.

DILECTO FILIO

IGNATIO MULLER, CANONICO REGULARI LATERANENSI

VIENNÆ ABBATI SANCTÆ DOROTHEÆ,

IMPERATRIGIS, REGINÆ APOSTOLICÆ CONFESSARIO,

CLEMENS PAPA XIV.

Romæ, 24 novembris 1770.

Dilecte, etc. Perspecta Nobis insignia tuarum virtutum doctrinaeque merita ac amplissimum, quo fungeris, apud Imperatricem Reginam Apostolicam munus faciunt ut non solum propensi ad preces tuas benigne recipiendas simus, sed easdem etiam ratas facientes, et tuae do Nobis fiducia et plurimae Nostrae erga te paternae benevolentiae perlibenter obsequamur. Itaque, quod a Nobis vehementer postulas, tuae spirituali tranquillitati consulere volentes, teque a quibusvis sententiis, censuris et poenis ecclesiasticis tam a jure quam ab homine quavis occasione vel causa latis, si quibus quomodolibet innodatus existas, ad effectum praesentium dumtaxat consequendum harum serie litterarum absolventes et absolutum foro censentes, justis de causis, Nobisque notis, concedimus tibi apostolica auctoritate ac indulgemus ut abbatis, seu praepositi officium dimittere ac resignare, et ut in quacumque domo regulari, sive tui sive alterius ordinis commorari, si ita pro tuae conscientiae tranquillitate opportunum judicaveris, possis et valeas. Non obstante tuo stabilitatis jurato voto, ac non obstantibus itidem constitutionibus et ordinationibus apostolicis, tuique ordinis statutis, decretis, indultis ac privilegiis, quamvis specialem et individuum mentionem requirerent, quibus tenore praesentium derogamus, ceterisque contrariis quibuscumque. Atque hoc quidem indultum eo etiam tibi largimur libentius, dilecte fili, quo aditum ad alios itidem pontificiae benevolentiae fructus, si quibus opus fuerit, percipiendos, tibi eo ipso patere intelligas. Ac in paternae caritatis pignus apostolicam benedictionem tibi, dilecte fili, peramanter impertimur. *Datum Romæ, etc., die 24 novembris 1770. pontificatus nostri anno secundo.*

CXVIII.

DILECTO FILIO NOBILI VIRO

CAROLO EUGENIO DUCI WIRTEMBERGENSI,
CLEMENS PAPA XIV.

Romae, 28 novembris 1770.

Dilecte, etc. Redditae Nobis sunt per dilectum filium Bernardum Giordani tuae litterae, in quibus parentis tui sequutus vestigia debitum Nobis filialis observantiae ac devotionis officium persolvit; quas partes etiam a te sibi commissas diligentissime Nobis coram detulit idem Giordani, atque impositum sibi novum a te munus ita inchoavit, ut praeclarum suae erga te fidei et erga Nos obsequii testimonium dederit. Eundem Nos antea et novimus et dileximus; nunc vero tua hic apud Nos peragentem negotia tanto otiam libentius excipiemus semper et audiemus quanto nunquam a te, nisi quod tua nobilitate pietateque in sanctam hanc Sedem dignum sit, allaturum confidimus. Qua vero paterna Nos respondeamus caritate, quamque inclitae domui tuae fausta ac felicia omnia precemur a Domino, ipse itidem tibi pro sua fide ac diligentia confirmabit; quo suo officio majorem etiam apud Nos erit initurus gratiam. Ab ipso quoque intelliges quid agendum Nobis esse, tibi que judicemus de his quae ad Nos per ipsum pro tuo religionis studio accuratissime deferenda curasti. Ac, plurima te paterna prosequentes benevolentia, apostolicam benedictionem Nobilitati tuae peramanter impertimur. *Datum Romae, etc., die 28 novembris 1770, pontificatus nostri anno secundo.*

CXIX

DILECTO FILIO NOSTRO

FRANCISCO CONRADO CASIMIRO,

TITULI SANCTÆ MARIE DE POPULO PRESBYTERO

S. R. E. CARDINALI DE RODT, EPISCOPO CONSTANTIENS',

CLEMENS PAPA XIV.

Romæ, 1 decembris 1770.

Dilecte, etc. Jucundius nullum esse potest officium tuum quam quo Ecclesiae Nobisque gratularis de redintegrata hisce temporibus inter apostolicam hanc Sedem et Lusitaniae regnum pristina necessitudinum omnium coconsuetudine. Eo ipso praeclara tua esse erga Nos studia tuosque jam antea perspectissimos in sanctam hanc Sedem observantiae, fidei ac devotionis sensus isto gaudio a te percepto perspectiores multo illustrioresque declarasti. Quod quidem Nobis, qui te ob tuorum meritorum praestantiam majorem in modum diligimus, quaeque a te profisciscuntur omnia perlibenter excipimus, est gratissimum. Illud tamen tua erga Nos freti pietate a te magnopere petimus, ut quaecumque ex eo facto prodierit gloria, eam omnem cum immortali gratiarum laude referas ad auctorem tantorum bonorum Deum, et quaecumque etiam imposterum desiderari nosti, ab eodem postules, ab ejusque erga Nos benignitate expectanda tantummodo existimes. Nostrae Nos certe imbecillitatis conscii perspicuam praesentemque ejusdem opem in laboribus curisque nostris pro sua gloria susceptis ad ejusdem incrementum provehendis et sentimus et agnoscimus. Permolesta porro Nobis accedit quae altera est epistolae tuae pars, ex qua te justis de causis assidue angi cognoscimus. Quae quidem causae ex te ipso conjicere facile potes quanta nostrum animum doloris acerbitate percellant. Sed cum quod muneris nostri est pro nostra fide ac religione egerimus, omne a Deo solamen ac levamen fidenter expectandum esse judicamus. Quod vero ad tuas querelas de Salemi abbate pertinet, earundem causas brevi tolli posse non diffidimus. Allatum enim ad Nos est ipsum abbatem controversias omnes amica tractatione tecum componere velle, comparatumque ita esse ut ineundarum mutuo conventionum acquitate

prorsus acquiescat. Minime dubitamus quin tu, dilecte fili noster, aequas daturus ultro sis accepturusque conditiones, ut eum in modum omnes illae tandem controversiae molestiaeque tuae de medio prorsus auferantur. Ad hanc igitur viam finiendarum litium libenter suscipiendam cum nostra hortatione non indigeas, illuc convertimur, ut ea te plurimum profecisse quamprimum a te ipso certiores fieri cupidissimos Nos esse significemus. Interim in pontificiae singularis erga te benevolentiae pignus apostolicam benedictionem tibi, dilecte fili noster, tuaeque fidei commisso populo peramanter impertimur. *Datum Romae, etc., die prima decembris 1770, pontificatus nostri anno secundo.*

CXX.

DILECTIS FILIIS

NOBILIBUS VIRIS ANTIANIS ET VEXILLIFERO

REIPUBLICÆ LUCENSIS,

CLEMENS PAPA XIV.

Romae, 1 decembris 1770.

Dilecti, etc. Postulationum vestrarum, quas et epistola proxime praeterito Junio data, et dilecti filii Philippi Bonamicii familiaris nostri, vestraeque patricii, patriae rerumque ad eam pertinentium studiosissimi, opera ad Nos detulistis, quantam rationem habuerimus, ex aliis litteris nostris in forma Brevis, quas ad vos transmitti mandavimus, facile intelligetis. In iisdem ea decreta fecimus quae ad tuendum ac augendum istud publicum Misericordiae nosocomium maxime accommodata arbitrati sumus. Cum ageretur de bonis omnibus monasterii Canonorum Regularium de Frigionaria concedendis, diutius sane in re diligenter inquirenda et ad aequitatis rationes exigenda detineri Nos oportuit. Verum neque iudicium hoc nostrum, neque responsum quod litteris nostris reddimus din prorogatum visum iri putamus, cum eodem perfecta atque absoluta illa vobis afferantur quae publicae utilitati ac indigentium inopiae sublevandae consentanea tantopere exoptastis. Qua in re illud vobis maxime persuasum esse debet, rationum vim et gravitatem in capiendo consilio in primis fuisse certe a Nobis spectatam; tamen apud Nos plurimum valuisse

studium vestrum atque hunc ipsum christianæ caritatis ardorem quo a vobis inopum præsertim calamitati consuli videbamus. Habete igitur, dilecti filii nobiles viri, cum eo apostolicæ auctoritatis decreto conjunctum etiam hoc nostrum de vestra pietate iudicium; quo plurimam quoque ad paternam nostram benevolentiam fieri accessionem existimate. Ac in ejusdem uberius argumentum apostolicam benedictionem vobis, filii dilecti nobiles viri, peramanter impertimur. *Datum Romæ, etc., die prima decembris 1770, pontificatus nostri anno secundo.*

CXXI.

DILECTO FILIO

BEDÆ ABBATI S. GALLI,
CLEMENS PAPA XIV.

Romæ, 15 decembris 1770.

Dilecte, etc. Non est cur Nobis gratias agas ob donatum tibi sacrum martyris corpus, cum præcipue obsecuti ea re simus studio erga te nostro, quod maxime inflammatum est, cum per dilectum filium advocatum Dominicum Calzamiglia idem idcirco a Nobis accuratissime postulasti, ut hoc assertæ sanctissimæ Christi fidei monumento istorum populorum et fidem confirmares, et divinum cultum, religionem ac pietatem augeres. Quod te pro tua sollicitudine ac sedulitate curaturum cum non dubitemus, non minus Nobis ipsis quam tibi illa Nos largitione satisfacisse arbitramur. Accedit quod nihil gratius Nobis esse potest, quam cum paternam nostram caritatem non mediocri aliquo indicio revera declaramus iis qui filialem de Nobis plurimam præseferunt fiduciam, cum debita erga apostolicam Sedem observantia et fide conjunctam. Unde facile cognoscere potes, dilecte fili, quam prolixa sit et cumulata nostra erga te voluntas, quantumque placeat Nobis ut sacrum illud munus nostræ etiam erga te caritatis certissimum pignus habeatur. Hujusmodi nostros de te sensus cognitos fecimus eidem dilecto filio Calzamigliae, qui pro perspecta sua in tuas res diligentia eosdem tibi per litteras luculenter confirmabit. Domum apostolicam benedictionem tibi, dilecte fili, iisque qui tuæ fidei commissi sunt, peramanter im-

pertimur. *Datum Romae, etc., die 15 decembris 1770, pontificatus nostri anno secundo.*

CXXII.

DILECTO FILIO

JOANNI BAPTISTÆ MARTINI,

ORDINIS MINORUM CONVENTUALIUM S. FRANCISCI,

CLEMENS PAPA XIV.

Romae, 12 januarii 1771.

Dilecte, etc. Post primum a te Nobis transmissum, alterum nunc volumen tuum de Historia Musices perlibenter accepimus; Nobis enim memoriam revocavit integritatis et consentientium religioso instituto morum constantiae. Ad quas tuas laudes cum accedat singularis tua in rebus musicis intelligentia, pergratum sane Nobis fuit tuum hujusmodi munus, quod tam miram in eo genere ingenii tui vim, eruditionis copiam praeseferet, et tam graeculas Nobis causas tui, quem vehementer diligimus, commendandi daret. Magnopere cupimus ut quamprimum reliquae egregii ejusdem operis partes absolutae ac perfectae in lucem prodeant, quo cum singulari tuae laudis accessione clariora ac perspectiora sint omnibus initia ac progressus suavissimae artis, celebrandis etiam divinarum rerum mysteriis ab Ecclesia rite consecratae. Demum nostram veterem erga te benevolentiam eandem esse scito, qualem saepe antea perspexisti, neque ipsius fructus, si quibus opus erit, luculentos atque uberes tibi nunquam a Nobis esse defuturos. Dabimus certe operam ut paternum animum nostrum erga te propensissimum semper intelligas. Ac in hujus voluntatis pignus apostolicam benedictionem tibi, dilecte fili, peramanter impertimur. *Datum Romae, etc., die 12 januarii 1771, pontificatus nostri anno secundo.*

CXXIII.

DILECTISSIMO IN CHRISTO FILIO NOSTRO

MAXIMILIANO JOSEPHO

DUCI BAVARIÆ, S. R. I. PRINCIPI ELECTORI,

CLEMENS PAPA XIV.

Romæ, 19 januarii 1771.

Dilectissime, etc. Quæ vertente anno renovas pro Nobis vota, filialem ea animum tuum nostrique perstudiosum præseferunt. Quam Nos hujusmodi voluntatem ex nostra etiam aestimamus, qua erga te sumus, Deumque Optimum Maximum precamur ut veræ solidæque felicitatis muneribus te semper augeat, detque illam quam magnopere exoptare te scribis, quaque nihil præstabilius esse potest, amplissimam consequi in promovendis Religionis Ecclesiæque universalis commodis gloriam; ut in hac scilicet egregia laudis contentione non solum majorum tuorum æmuleris virtutem, sed vincas. Atque hinc itidem tibi maxime illud et certissime constare debet, eam, qua te complectimur, paternam caritatem uberiorem quam sit in Nobis cumulationemque esse non posse. In cujus voluntatis pignus apostolicam benedictionem tibi, dilectissime in Christo fili noster, tuæque electorali domui intimo paterni cordis sensu impertimur, *Datum Romæ, etc., die 19 januarii 1771, pontificatus nostri anno secundo.*

CXXIV.

CARISSIMO IN CHRISTO FILIO NOSTRO

STANISLAO AUGUSTO POLONIÆ REGI ILLUSTRİ,

CLEMENS PAPA XIV.

Romæ, 23 januarii 1771.

Carissime, etc. Quam declaravit Regia Majestas Tua in Nos pietatem humanissimis litteris, quibus natalitiorum festorum novique anni opportunitate fausta Nobis ac secunda omnia precari

et vovere se scribit, eandem ex filiali profectam animo novisque hujusmodi indiciis confirmatam ita exceperimus, ut majorem in modum paterna nostra erga te excitari augerique pontificiae caritatis studia sentiremus. Illud itaque persuasissimum tibi ac certissimum esse debet, vota de Nobis tua in teipsum tuumque regnum esse potissimum redundatura; maximam enim felicitatis esse nostrae partem existimabimus, si post tot tantasque perturbationes redditam tibi tuisque populis tranquillitatem et pacem, optimeque compositas religionis una et regni rationes videamus. Id Nos assiduus a Deo Optimo Maximo obsecrationibus petimus, eamque Majestatis Tuae nomini ex divino beneficio accedere gloriam cupimus, ut illius benignitati Nos praecipue gratias agere debeamus. Ac in coelestis praesidii auspicium nostraeque voluntatis pignus apostolicam benedictionem tibi, carissime in Christo fili noster, universoque Poloniae regno amantissime impertimur. *Datum Romae, etc., die 23 januarii 1771, pontificatus nostri anno secundo.*

CXXV.

DILECTIS FILIIS

VEXILLIFERO ET PRIORIBUS CIVITATIS NOSTRAE

SANCTI ANGELI IN VADO,

CLEMENS PAPA XIV.

Romae, 23 januarii 1771.

Dilecti, etc. Etsi pergratum Nobis est, pro ea qua in vos sumus pietate, studia erga Nos vestra novis observantiae, amoris fideique indiciis testatiora Nobis in dies fieri, veremur tamen, dilecti filii, ne vos iis Nobis tribuendis, quibus Nos minime affici debemus, nimis intenti esse atque efferrī videamini. Neque enim ullis Nos famae ac gloriae monumentis capimur, nisi quibus infirmitas nostra ad Dei promovendam gloriam, Ecclesiaeque curanda commoda proficere possit. In animis igitur vestris, non in marmore insculptos esse Nos delectat, accondique vos ad fundendas pro Nobis preces, non ad nostras excolendas laudes perlibenter audimus. Atque id cum summa a vobis publice peractum esse cura ac devotione scribatis, ex hoc praecipue sin-

gularia erga Nos studia esse vestra perspicimus, ac potissimas invicem vos amandi paternaeque in vos nostrae voluntatis propensionem augendi rationes ducimus. Illa vero cetera, quae tam effase conferre in Nos voluistis, grate a Nobis acceptum iri existimate, si sensu ipso atque oculis vos magis adhuc ad divinam Nobis opem vestris obsecrationibus impetrandam exitare poterunt. Ac in paternae benevolentiae pignus apostolicam benedictionem vobis, dilecti filii, peramanter impertimur. *Datum Romae, etc., die 23 januarii 1771, pontificatus nostri anno secundo.*

CXXVI.

DILECTÆ IN CHRISTO FILIÆ NOBILI MULIERI

ANNÆ COLUMNÆ BARBERINI,

DUCISSÆ SFORTIÆ CÆSARINI VIDUÆ,

CLEMENS PAPA XIV.

Romae 9 februarii 1771.

Dilecta, ec. Ex precibus tuis quas Nobis per supplicem libellum admovisti perspicue agnovimus, ac majorem in modum laetati sumus, gratiam Dei, per quam jamdiu vitam tuam ab hoc seculo segregare voluisti, majores in te ac uberiores assidue sanctitatis fructus educere. Jam inde cum in conjugali degeres statu, praeclarum in te caeteris effulgebat christianarum virtutum exemplum; Divino enim inducta Spiritu jam tui mundi hujus vanitate percepta, contemptisque illecebris ac pompis omnibus, Deo ipsi unice animum tuum divinisque rebus addixeras. Cum defunctus porro fuisset vir tuus, liberioresque jam vitam ad susceptae rationi vacandum in viduitate nacta esses, elucebat magis in dies ac efferebatur divinus ille quo flagrabas ardor, dum omnibus pietatis, humilitatis, caritatis officii accuratissime fungereris. Sua nunc vero in te dona multo amplioribus beneficiis divina bonitas ac misericordia cumulat, eamque praemonstrat, qua maxime proficias ac in virtutibus progrediaris, viam. Sanctissimum enim injecit tibi desiderium ut in assidua Jesu Christi Crucifixi Passionis et Mortis meditatione ipsi tantummodo vivere, seu potius una cum ipso crucifigi et commori possis. Cum itaque intellexeris nuper a dilecto

filio Paulo de Cruce institutum a Nobisque apostolica auctoritate comprobatum esse Passionis Christi nuncupatum ordinem, et constitutum etiam in civitate nostra Cornetana ad ejusdem leges pro mulieribus recipiendis monasterium, illuc repente convolare jam cupis, ibidemque sacro accepto habitu tuam in Jesu Christo vitam abscondere. Petis igitur a Nobis, tamquam a tuo in Christo parente, ut judicium interponamus nostrum, idque novum vitae institutum suscipiendi potestatem tibi, si in Domino videbitur, concedamus. Nos sane et propositum hoc tuum vehementer, ut par est, collaudamus, et Sancti Spiritus afflatu hunc tibi immissum animum esse tantoque ardore inflammatum certissime cognoscimus. Divina proinde ejusdem in te molimina, quae ad augendam animae tuae securitatem ac profectum, ad illius ordinis initia optime constituenda, ad omnium exemplum, ad Ecclesiae utilitatem, ad Dei gloriam sine ulla dubitatione referri videmus, tantum abest ut vel impedire ullo modo vel etiam retardare velimus, ut consilio omnique ope, opera atque auctoritate nostra eadem provehere, teque tua sponte tam praeclare currentem nostra itidem cohortatione ac laude magnopere incitare contendamus. Sequere igitur, dilecta in Christo filia nobilis mulier, vocantem te Deum, ad sanctissimas Christi sponsi propria nuptias, illum occupa sanctitatis portum unde expeditissimus extet ad coelestem immortalemque gloriam transitus. Quare Nos te hinc quamprimum emigrandi cupidam atque illuc summa animi alacritate festinantem paterna apostolica benedictione ita prosequimur, ut eandem laetissimo divinae benedictionis anspicio exituram tibi esse facile confidamus. Tu quidem illic in Christi Domini pascaris divitiis, ejus passioni ac morti conjuncta: ipse vero monialium ordo, cujus nuper a Nobis probatae sanctitaeque sunt leges, faosta capiet tua accessione primordia, quae ut divino consilio referenda esse arbitramur, ita opportunitatem hanc praeterire non debemus, ut non solum te primam esse cum caeteris in Christo sororibus tuis illius monasterii atque ordinis fundatricem ac institutricem velimus, sed te primam etiam ejusdem superiorem pontificia auctoritate constituimus, per hasce apostolicas in forma Brevis litteras, quae ad te transmittuntur, teque primum illius monasterii, ex quo illuc adveneris, praesidem facimus et declaramus. Illud etiam tua pietate prudentiaque freti benigne indulgemus et concedimus, ut novorum itidem monasteriorum foundationes, quarum postmodo factarum in tuum ordinem acceptatio expetatur, acceptare ipsa tuoque ordini aggregare valeas. Facile Nos ad

credendum inducitur fore ut hujusmodi concessionibus ac beneficiis erga te nostris mirifice ejusdem ordinis incremento ac splendori consultum per Nos sit. Dubium enim Nobis esse non potest quin novae illae leges non tam severitate atque imperio quam suavitate atque exemplo tuo in consuetudinem ac mores ita transiturae sint, ut illa potissimum ordinata tamquam castrorum acies sanctissimae disciplinae ac virtutis decorem atque ordinem tueri facile semper ac retinere possit. Id Nos quidem vehementer cupimus, ac idcirco nostra auctoritate ac in vos gratia illud efficiemus, ut nulla tam egregiis ac ad Dei gloriam conversis inceptis et consiliis vestris a Nobis praesidia deesse unquam possint. Nos vero invicem non mediocre neque intermissum a te tuisque in Christo sororibus imbecillitati nostrae subsidium habituros speramus in assiduis obsecrationibus votisque ad Deum pro Nobis, proque universa Ecclesia faciendis; quod tibi, dilecta in Christo filia nobilis mulier, pro ea qua in te sumus eximiae ac singularis paternae caritatis magnitudine, etiam atque etiam, ut summo animi studio atque ardore peragas, commendamus. Atque hanc caritatem in te nostram eo nunc maxime officio declarandam ducimus, ut tibi illud praecipue ante oculos semper propositum esse cupiamus, omnem virtutem ac sanctitatem Deo ipsi acceptam esse referendam; te quidem humanae infirmitatis consciam cum timore ac tremore salutem tuam operari debere, nihil tuae esse virtutis ac laudis agnoscere, quantumcumque in via Domini profecisse te videris, nihil tuis viribus tuisque meritis arrogare, sed in eum tantummodo confidere, ejus opem implorare, ejus fide ac praesidio niti, illi virtutem, illi sanctitatem, illi gratiarum laudes, illi gloriam omnem tribuere. Haec christianae humilitatis species mirum in modum animae tuae securitatem et in hac etiam mortali vita veram ac solidam jucunditatem certissima immortalitatis spe sustentabit. Et si quando subtrahat haec ipsa fuerit animae tuae jucunditas, quod fieri interdum Deo volente solet, atque hac etiam ratione servos suos tanquam aurum per ignem probante, ariditatem tamen spiritus et quandam hujusmodi desolationem ea ipsa humilitate solaberis, teque patientiae vi ac animi fortitudine ita obfirmabis, ut divinae voluntati tanto constantius inhaerescas, quanto magis coeleste solatium interceptum tibi esse senties. Demum uberiores semper ac novam coelestis gratiae accessionem tibi a Christo Domino precantes, apostolicam benedictionem Nobilitati Tuae, eisque omnibus dilectis in Christo filiabus quae tecum una sunt,

tamquam prudentes virgines Christo sponso venienti obviam exiturae, peramanter impertimur. *Datum Romae, etc., die 9 februarii 1774. pontificatus nostri anno secundo.*

CXXVII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO.

CLEMENS PAPA XIV.

Romae, 20 februarii 1771.

Carissime, etc. Quae nostra est cum Regia Majestate tua, cumque universa Borbonica familia studiorum paternaeque caritatis conjunctio, eadem hoc tempore praeteriri profecto non sinit officium nostrum, quo plurimam illam partem quam de vestris rebus capimus tibi, carissime in Christo fili noster, quantum possumus, luculentissimo declaramus. Cum itaque Nobis de bello quod impendebat, quodque omnem fortasse Europam corripuisset, tua praesertim opera declinato, firmataque jam pace pulcherrimus nuper allatus esset nuntius, tanto tamque mirifice correpti gaudio sumus, quanto certius a Dei benignitate profectum esse in Nos maximum hoc atque immensum beneficium cognovimus. Non solum igitur ipsi tam propitio Nobis, tantique boni auctori Deo summas statim atque immortales gratiarum laudes persolvimus, sed extemplo ad sanctorum duodecim Apostolorum templum perreximus, ut ibidem beato Francisco seraphico parenti nostro, quem summa devotione colimus, cuique post Deum praecipue incolumitatem vestram regnorumque sollicitatem quotidie commendamus, et debitum grati animi redderemus obsequium, et magis adhuc ad tantae domus tuenda atque illustranda decora nostris obsecrationibus accenderemus. Id Nos quidem cumulatissimo ac singulari, quo affecti erga vos sumus, paterni studii, amoris atque alacritatis sensu peregrinus, unaque incredibile sano est quo laudum cumulo simus egregias illas tuas de pace cogitationes et curas prosecuti, admiratique virtutem ac sapientiam tuam, qui populorum securitatem ac quietem victoriis et triumphis omnibus, quoscumque post acre ac diuturnum bellum agere unquam potueritis, praefarendum esse arbitratus sis. Proinde ad praestantem tuam tuaeque domus tantis antea

bellis partam gloriam esse nunc factam praeclaram hujusmodi potioris certo ac solidioris gloriae accessionem tibi, carissime in Christo fili noster, majorem in modum gratulantes, apostolicam benedictionem, quae omnium coelestium benedictionum incrementum asserat, Majestati tuae, regis liberis, universaeque Borbonicae domui amantissime impertimur. *Datum Romae, etc., die 20 februarii 1771, pontificatus nostri anno secundo.*

CXXVIII.

DILECTISSIMO IN CHRISTO FILIO NOSTRO

PETRO LEOPOLDO, ARCHIDUCI AUSTRIÆ,

ET ETRURIAE SIBI SUBJECTÆ MAGNO DUCI,

CLEMENS PAPA XIV.

Romae, 20 februarii 1771.

Dilectissime, etc. Allatum Nobis est rempublicam Ragusinam in maximis ob bellum, quod inter Russos et Turcas geritur, versari periculis, jamque Russos duces plurima eidem mari intulisse damna, multoque etiam majora illaturos minari. Irati illi idcirco fortasse sunt quod ab eadem Turcas adjutos fuisse suspicerentur. At ipsa, neutri parti adhaesisse se noscens, pace frui se, ut caeterae nationes, existimabat. Ea vero repente facta denunciatione ita territa et consternata est, ut se parum distare ab interitu putet, nisi aliqua excusatione ac precum ratione irritatos contra se animos lenire possit. Legat idcirco duos de senatorio ordine viros, qui propediem isthuc adventuri sunt, teque, dilectissime in Christo fili noster, statim adituri suae reipublicae nomine, tuatque suae causae opem, auctoritatem, patrocinium precaturi. Vehementer illi in pietate tua ac perspecta animi magnitudine confidunt, sibi quoque persuadent fore ut quae semper in augustis majoribus suis certissima suis rebus habuerunt praesidia, eadem hoc summo suo tempore ab humanitate, clementiaque tua sint recepturi. Nos certe hujusmodi eorum ad te confugiendi consilium ita probamus, ut nostras etiam paternas eos coram te commiserandi, tibi quoque commendandi partes summo studio suscipere atque agere statuamus. Nostro Nos videremus Nobis deesse muneri, si pro catholica illa natione, in quam propenso animo esse

debemus et sumus, ab excidio atque interitu vindicanda opem tuam fidenter interpellare ac rogare cunctaremur. Prodesse illis profecto facile potes, si apud supremum Russiae classis ductorem qui isthic in hibernis est, tibi que plurimum debet, aliquod posueris erga eos studii tui et commendationis officium, illique ostendens salvos eos esse te cupere, nec indignos putare quibus pacatis et quietis esse liceat. Nihil ipsis hoc gratiae tuae et benignitatis declaratione optatius esse atque opportunius poterit, nihil quod periculi gravitatem aut certe minuat aut etiam prorsus avertat. Sed quae aptior sit huiusce rei consequendae ratio, ipse pro tua sapientia facilius in re praesenti intelliges, cum ex illorum legatorum precibus ejus reipublicae statum cognoveris; eam autem rationem adhibere ut velis perspectus Nobis animus tuus certissime persuadet. Quo igitur ejusdem animi tui clementia ac magnitudo te induxerit, illud corte et ad confirmanda de tua pietate omnium judicia, et, ad tuam augendam gloriam plurimum valebit. Neque enim quidquam potest esse gloriosum magis ac regium, quam miseram ac pene afflictam rempublicam sua praesente ope praesidioque fulciri ac sustollere. Nobis certe id gratissimum feceris, nostraeque de te fiducia respondens paterni animi caritati mirum in modum obsecundaveris. Dum id Nobis pollicemur, omnia fausta tibi ac felicia a Deo Optimo Maximo precantes, apostolicam benedictionem tibi, dilectissime in Christo fili noster, tuisque liberis ac universae domui intimo paterni cordis sensu amantissimo impertimur. *Datum Romae, etc., die 20 februarii 1771, pontificatus nostri anno secundo.*

CXXIX.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

CLEMENS PAPA XIV.

Romae, 21 februarii 1771.

Carissime, etc. Cum nuper ad Nos allatum fuerit de amoto, quod imminabat, bello, de quo pace egregio Majestatis Tuae consilio sapientissimaquo opera feliciter confirmata, incredibilem sane et quam verbis assequi vix possumus animo nostro vo-

luptatem percepimus. Quemadmodum enim Deum esse pacis largitorem credimus, nihilque eo munere utilius ac praestantius in hac vita hominibus ab illo dari arbitramur; ita simul ac turbare res ac ad bellum spectare cognovimus, ad eundem preces nostras extemplo convertere volumus, utque hujusmodi calamitatem a populis averteret, teque auctore concordiam stabiliri ac firmari vellet, implorare numquam intermisimus. Vota isthaec nostra fuere tandem excepta, nostrique gemitus a misericordiarum Patre exauditi. Regnis pristinam tranquillitatem redditam, summoque nostro gaudio Regiae Majestatis Tuae gloriam inde mirifice amplificatam videmus. Itaque, ut Deo Optimo Maximo immortales ideirco gratias ageremus, statim Nos ad templum Sanctorum duodecim Apostolorum contulimus, ibique seraphicum parentem nostrum, cujus patrocinio maxime nitimur, beatum Franciscum, quem exoratorem in expetendo beneficio adhibueramus, in reddenda etiam gratia adiutorem habere studuimus. Hos tibi, carissime in Christo fili noster, paterni animi sensus, atque hanc Nobis a te profectam jucunditatem ita communicamus, ut una Majestati Tuae atque adeo Nobis ipsis pro tanta verae laudis ac gloriae accessione, quam triumphis ac victoriis omnibus praetuleris, eximie gratulemur. Cupimus enim ita tibi persuasum esse, nihil ad tuam tuaeque regiae domus felicitatem pertinere posse quod ad Nos item non pertineat, summasque Nobis laetitiae rationes non afferat. Atque hanc admirandae et summis praeconiis extollendae sapientiae tuae Nobis nunc opportunitatem dari maxime laetamur, et ab ea certissime confidimus ampliores in populum tuum jucunditatis fructus, et in te luculentiora in dies felicitatis ac gloriae incrementa consecutura. Id Nos quidem vehementer cupimus, idque Deum Optimum Maximum enixe rogamus, cujus caelestis benedictionis auspicem apostolicam benedictionem Majestati Tuae regiisque liberis ac universae carissimae Nobis domui amantissime impertimur. *Datum Romae, etc., die 24 february 1774. pontificatus nostri anno secundo.*

CXXX.

CARISSIMO IN CHRISTO FILIO NOSTRO

JOSEPHO PORTUGALLIÆ ET ALGARBIORUM

REGI FIDELISSIMO,

CLEMENS PAPA XIV.

Romæ, 7 martii 1771.

Carissime, etc. Nihil ad Majestatem Tuam, regiamque Nobis carissimam domum pertinere ullo modo potest, quod paternum animum nostrum singulari tibi studio conjunctissimum non vehementer afficiat ac percellat. Facilo proinde potes ex ipso dolore tuo cognoscere quanta acerbitate acceptis litteris tuis die XIV januarii datis percussi fuerimus, quibus lugubri sane officio tristissimum nuncias Nobis obitum regiae principis Mariae Franciscæ Dorotheæ, tuæ secundum carnem, nostræ vero in Christo dilectissimæ filiae. Quam Nos partem vestri hujus luctus pro paterna nostra vobiscum necessitudine jure capturos existimasti, eandem cumulatissime cepimus, effusumque quodammodo in Nos animum tuum ita sensimus, ut et illius desiderio et tuo dolore maxime commoveremur. Pro ea igitur, quam declaras, de hujusmodi nostra pietate, fiducia obsecuti statim non minus nostræ voluntati sumus quam tuæ, atque ad exorandam Dei-Optimi Maximi clementiam pro defunctæ principis immortalī requie cogitationes omnes curasque nostras convertimus. Leniri aliquantulum posse communem hunc dolorem nostrum putavimus, si una et in divinam misericordiam et in illius mores ad christianæ religionis instituta ex domestica disciplina ac suorum exemplis compositos intueremur. Ad hanc firmam spem nostram, regiam scilicet puellam, terrenam hanc fragilemque vitam cum cælestis gloriæ stabilitate commutasse, accedat etiam mirifica illa ex divina fide hausta consolatio, ut nimirum voluntatem nostram ad Domini voluntatem omnia in bonum disponentis arbitriumque conformemus. Id nostræ religionis rationes, id ipsam etiam, qua orbatī sumus, filiam tamquam utilissimum animæ suæ ac certissimum nostræ in eam pietatis argumentum a Nobis exposcere existimemus. Habes porro ipse alios, quibus solari desiderium illius potes liberos ac suavissimos nepotes tuos, in quos convertens animum, tuamque

regiam domum egregie fultam ac munitam divina benignitate videns, prorsus conquiescas. Illi ut salvi tibi ac sospites vigeant, et ad perennem Regiæ Majestatis Tuæ jucunditatem et ad certissimum christianæ reipublicæ præsidium ita cupimus a Deoque precamur, ut illud affirmare non dubitemus, ejusmodi vota nostra cum tui ipsius cumulatissimis votis contendere. Eadem nunc in eximium paternæ caritatis argumentum cum apostolica benedictione jungimus, quam tibi, carissime in Christo fili noster, totique regiæ familiæ tuæ amantissime impertimur. *Datum Romæ, etc., die 7 martii 1771, pontificatus nostri anno secundo.*

CXXXI.

VENERABILIBUS FRATRIBUS

EPISCOPIS BERYTI, HELIOPOLIS, CONSTANTIÆ,

TRIPOLIS, ALEPPI, CÆSARÆ,

ARCÆ LUSTRÆ ET CYPRI,

CLEMENS PAPA XIV.

Romæ, 6 aprilis 1771.

Venerabiles, etc. Plurima paterni animi jucunditate accepimus epistolam vestram, quam unanimi gratulationis officio ad Nos communiter transmisistis, ac in eadem perlibenter intelleximus pietatem in Nos vestram, observantiam ac fidem, et pastorem præterea sollicitudinem qua de commisso vobis populo maxime estis affecti. Quæ omnia tanto jucundiora fuere quanto studia hæc vestra opportunius Nobis acciderunt: partim enim pontificium hoc impositum Nobis onus episcopali vestra diligentia valde sublevatum iri, partim etiam vestras pro Nobis ad Deum obsecrationes præclare Nobis utilitati futuras non dubitamus. Quapropter, venerabiles fratres, et debitas vobis idcirco gratias habemus, et cumulatissimas, quas possumus, reddimus pietatis, studii atque amoris vices, vosque etsi locorum spatiis disjunctos, fide tamen et caritate Nobiscum conjunctissimos esse et agnoscimus et gaudemus. Vestris itaque rebus omnibus perinde ac nostris afficimur, ac singulari cura complectimur ea omnia, quaecumque ad vosstrarumque ecclesiarum rationes perti-

nent, neque quidquam magis cupimus quam ut reipsa ac pontificia opera nostra testari vobis valeamus propensam erga vos vestramque nationem, ac plane paternam, qua vos presequimur, voluntatem. Quam ut uberius vobis comprobemus, postulatorum vestrorum rationem habentes, apostolica auctoritate facultatem singulis vobis benigne concedimus hisce nostris in forma brevis litteris, his quolibet anno pontificiam benedictionem impertiendi populo vestrae cujusque fidei commisso; alterum scilicet quavis Resurrectionis dominicae die, alterum vero alia solemni per annum festivitate, quam judicio arbitrioque vestro deligendam relinquimus. Habete hoc, venerabiles fratres, in luculentissimae nostrae erga vos caritatis fiduciaequae indicium, neque minus ex prolixissimo in vos animo proficisci existimate apostolicae benedictionis salutare munus, quod fraternitatibus vestris vestraeque custodiae concredito gregi peramanter impertimur. *Datum Romae, etc., die 6 aprilis 1771, pontificatus nostri anno secundo.*

CXXXII.

VENERABILI FRATRI

JOSEPHO EPISCOPO MALACITANO

CLEMENS PAPA XIV.

Romae, 18 aprilis 1771.

Venerabilis, etc. Collegium Sancti Clementis a celeberrimo Sanctae Romanae Ecclesiae cardinali Alboronotio in civitate nostra Bononia pro nationis Hispanae alumnis institutum, ob egregias ejusdem et pietatis et literarum laudes plurimum diligimus. Verum propterea singulari caritate idem praesertim prosequimur, quoniam in inclitam vestram nationem, quam summis pontificiae benevolentiae studiis complectimur, non mediocrem ab eodem redundare utilitatem agnoscimus. Summorum enim virorum, qui inde prodierunt, fama et celebritate ut hactenus magnopere illius auctam esse gloriam videmus, ita et deinceps aequae amplificatum iri cupimus ac vehementer confidimus. Quamobrem optamus, ut ii qui in eodem collegio eximiam navatam a te operam omnibus probaverunt, non deesse suo labori ac virtuti fructus sentiant, utque eorum praemiis ceterorum etiam ardor ac indu-

stria ad laudem incitetur. Proinde cum dilectus filius doctor Thomas de Paulo Palanco in eodem collegio magnam morum atque ingenii sui opinionem relinquat, idemque ad petendum in Ecclesia ista Malacitana canonicatum lectoralem isthuc se conferat, fraternitati tuæ eundem magnopere commendare volumus. Cum itaque optimo, quod speramus, experimento scientiæ suæ facto meritis a te fuerit ut patrocinio suo adesse illi velis, id a te exposcimus, ut suffragii tui prærogativa, quam doctrinæ atque ingenio hominis pro æquitate tua tribueres, propter commendationem hanc nostram eundem libentius exornes, et quæcumque intra æqui justique fines illi impertiri potueris, nostra etiam causa prolixè conferas. Haec Nobis jucundissima fore profiteremur, quæque merito ac virtuti illius largiere, ea Nos tamquam commendationi nostræ tributa putaturos, nullamque nostræ propterea tibi grati animi significandi opportunitatem emissuros. Interim in uberrimum pontificiæ caritatis pignus apostolicam benedictionem tibi, venerabilis frater, tuæque fidei commisso populo peramanter impertimur. *Datum Romæ, etc., die 18 aprilis 1771, pontificatus nostri anno secundo.*

CXXXIII.

DILECTISSIMO IN CHRISTO FILIO NOSTRO
CAROLO PRINCIPI ASTURIARUM
CLEMENS PAPA XIV.

Romæ, die 18 aprilis 1771.

Dilectissime, etc. Revertenti isthuc e Neapolitana legatione dilecto filio magistro Alphonso Clementi de Arostegui capellano nostro, et causarum Palatii Apostolici auditori, cum Nos Roma pertransiens pro sua erga apostolicam Sedem observantia inviseret, tradidimus pictam Beatæ Mariæ Virginis imaginem, ut eandem tibi nostro nomine deferret. Volumus ut hoc etsi exiguo, pio tamen ac ad divinum cultum spectante munere penes te habere posses nostri erga te singularis amoris ac paterni studii monumentum, quotiescumque in illud inspiceres, quod te pro tua pietate quotidie facturum non dubitamus, toties recorderis nostri, qui te una cum carissimo in Christo filio nostro Carolo Hispaniarum rege catholico parente tuo, totaque regia

domo tanta caritate complectimur quanta major et cumulatione esse non possit. Novimus sane quam praeclara animi tui sit jam ab ipsa stirpe ducta ac domesticis exemplis magis magisque confirmata indoles, quam insitus religionis omnisque virtutis colendae ac solidae comparandae laudis ardor; unde Nobis de te cogitantibus patriumque in te animum gerentibus mira profecto et communis cum parente tuo ac pene par existit jucunditas. Habe igitur, dilectissime in Christo fili noster, hujusmodi pontificiae erga te voluntatis sacrum hoc pignus, tuaeque in Deum ac in Beatam Virginem pietati consentiens. Quam pietatem tuam, ut pro nostra facultate foveamus magis, eidem imagini, quo acceptior tibi esse possit, salutare nostrae benedictionis pretium adiunximus, ac tibi, unaque dilectissimae in Christo filiae nostrae Aloysiae Mariae Asturiarum principissae conjugii tuae, cui plurimam in Domino salutem dicimus, pro omnibus Christi Domini ac B. M. V. festis diebus, ac quoties confessi et sacra communione refecti coram eadem imagine preces vestras devote fuderitis, toties ut plenariam peccatorum indulgentiam lucrari possitis, apostolica auctoritate concedimus ac largimur. In hujusmodi obsecrationibus vestris minime dubium esse Nobis potest quin nostri etiam ac sacrosanctae Dei ecclesiae memores esse pro vestra religione studeatis. Illud invicem vobis persuasum esse maxime debet, nunquam Nos ad Deum vota pro vestra felicitate intermittere; atque illud potissimum optare atque orare, ut procreari a vobis liberos in tantam amplissimorum regnorum hereditatem ac maximam publici boni spem et fortunam quam primum Nos lactari gratularique vobiscum possimus, ac summas idcirco atque immortales Deo O. M. gratias referamus. Atque hujus divini beneficii auspicem apostolicam benedictionem tibi, dilectissime in Christo fili noster, tuaeque regiae conjugii amantissime impertimur. *Datum Romae, etc., 18 aprilis 1774. pontificatus nostri anno secundo.*

CXXXIV.

DILECTISSIMO IN CHRISTO FILIO NOSTRO

MAXIMILIANO JOSEPHO DUCI BAVARIE,

S. R. I. PRINCIPI ELECTORI,

CLEMENS PAPA XIV.

Romae, 4 maji 1771.

Dilectissime, etc. Literae tuae ad Nos die IX martii datae mirifica jucunditate animum nostrum affecerunt; ex iis enim perspicue intelleximus quae tua sit de nostra erga te paterna singulari caritate fiducia, quamque tibi persuadeas cordi Nobis maxime esse quaecumque ad te tuaeque inclitae electoralis domus dignitatem pertinent, cui tantum abest ut quidquam detractum velimus, ut ornatorem in dies eandem fieri ac florentiorem cupiamus. Gratissimum igitur Nobis fuit, dilectissime in Christo fili noster, ea te de Nobis omnia polliceri quaecumque eximio hujusmodi nostro in te paterno amoris maxime consentiunt. Paratos Nos itaque existima illa de quibus nobiscum tam studiose agis in Nos ipsos suscipere, ac semina omnia controversiarum inter te ac sanctae Romanae Ecclesiae cardinalium collegium nostra auctoritate abscindere, atque ea imposterum rite servanda decernere, ut ipso decreto nostro satisfactum tibi esse ac electorali dignitati consultum facile videri possit. Sed dum tibi nostrum hunc, qualem maxime cupis, declaramus animum, una etiam plurimam quam fovemus de tua in Nos filiali pietate fiduciam patefacimus; ac proinde a te vehementer petimus ut quid amor in Nos tuus vicissim nunc a te postulet, deliberes ac decernas. Optime nosti, dilectissime in Christo fili noster, quam pro imposito Nobis munere solliciti esso debeamus de iis omnibus quae ad Ecclesiae jura, pastorale ministerium, ejusque exercendi libertatem pertinent, et quam aegre ideo tulerimus edicta illa quae in eo genere isthic facta crebro ad Nos afferebantur. Etsi valde res ipsae displicerent, inducere tamen in animum nunquam potuimus ut quidquam de te, quem maxime diligimus, secus ac tuam tuorumque majorem pietatem deceret, suspicaremur; qua in cogitatione magis adhuc confirmati sumus, cum de hujusmodi rebus rite componendis a dilecto filio nostro cardinali Pallavicino secretario status, et itidem a secretario tuo dilecto filio nobili viro comite Paumgarten agi coeptum esset.

Nunc declarata invicem utriusque nostri inter Nos plena amoris pietatisque fiducia, quid accommodatius ac opportunius esse potest quam ut eodem tempore ad omnes eas, quae intercedunt, causas tollendas resecandasque incumbamus? Id igitur a te majorem in modum cupimus, teque etiam atque etiam obsecramus, dilectissime in Christo fili noster, ut quo Nos animo postulata tua exceperimus, eodem tu haec nostra excipias, interque Nos mutuo contendamus ut una constare possit quam magna habeatur ratio et tuorum meritorum a Nobis, et a te eorum omnium quae ad Nos Ecclesiaeque universae jura referuntur. Eo pacto et tua erga Nos pietate mirifice laetabimur, et, quod enixe optamus, paternam cumulatissimam tibi voluntatem perspicue comprobabimus. Interim in singulare pontificiae caritatis pignus apostolicam benedictionem tibi, dilectissime in Christo fili noster, tuaeque inclitae electorali domui intimo paterni cordis sensu amantissimo impertimur. *Datum, Romae, etc., die 4 maji 1771, pontificatus nostri anno secundo.*

CXXXV.

DILECTO FILIO

PETRO CONGREGATIONIS BENEDICTINO-BAVARICÆ

PRÆSIDENTI,

CLEMENS PAPA XIV.

Romae, 11 maji 1771.

Dilecte, etc. Cum per dilectum filium Philippum Carcanum significaveris Nobis de generalibus vestris comitiis quae pro successore tuo creando brevi habituri estis, voluimus pro singulari paterna nostra erga congregationem vestram benevolentia ea ad te scribere quae ad vestrum omnium utilitatem pertinere censemus, quaeque cum a te erunt cum abbatibus et discretis nostro nomine communicata, gratissima omnibus futura arbitramur. Quid enim gratius ac jucundius vobis esse debet quam si vos ad illa excitemus quae vestra maxime intersunt, veramque vestram laudem ac gloriam continent? Quae si in monasticae vitae disciplina accurate retinenda unice sunt posita, tunc ea certe vos assecutos putate, si eum vobis praesidem eligatis qui prudentiae,

obedientiae ac sanctitatis praeclarum antea specimen dederit, qui ad virtutem, ad Sacrarum Litterarum studia, in quibus ipse praestet, alios facile impellat, qui denique omnis laudis ac religionis ardorem suo ipse exemplo in omnium animis possit accendere. Neque enim rerum vestrarum statum clarum ac florentem obtinere et tueri unquam poteritis, nisi virtute ac doctrina congregatio vestra vigeat, neque vigere hujusmodi ornamentis poterit, nisi qui praesit omnibus caeteros in consecranda instituti vestri norma suis ipse egregiis factis retineat. Quem igitur inter tot eximios vestrae congregationis viros praestare maxime hisce laudibus videtis, hunc vobis a Spiritu Sancto ostendi quem eligatis existimate. Non privati commodi rationes, non cujusvis gratia vos ab hac publica et maxima vestra utilitate quaerenda removeat. Tunc singulis erit optime provisum, cum bene universis consulatis. Verum, ne in hac vestra gravissima actione a recta judicandi ratione aberrare possitis, Deum unum consiliarium atque auctorem in suffragiis vestris ferendis adhibete, Patremque luminum, ut vobis praesto sit et sententias vestras dirigat, imploreat. Atque, ut aliorum etiam ad Deum precibus suffragatorum consilia juventur, patefactis Ecclesiae thesauris, fidelium subsidia vobis adjungimus. Quapropter omnibus utriusque sexus fidelibus qui per eos dies cum generalis conventus vester habebitur, monasterii in quo congregati fueritis ecclesiam, vel quamvis aliam ex ecclesiis monasteriorum vestrae congregationis devote visitaverint, et sacramento Poenitentiae primum expiati sanctissimam Eucharistiam sumpserint, et pro exaltatione sanctae matris Ecclesiae et congregationis vestrae incolumitate et incremento pias Deo preces obtulerint, plenariam omnium peccatorum indulgentiam fidelibus defunctis, per modum suffragii etiam applicandam, pro una vice tantum de Ecclesiae thesauro elargimur. Demum tibi, dilecte fili, omnibusque monachis tuae congregationis, ac iis praesertim qui suffragium in generalibus comitiis daturi sunt, apostolicam benedictionem peramanter impertimur. *Datum Romae, etc., die 11 maji 1774, pontificatus nostri anno secundo.*

CXXXVI.

DILECTO FILIO

MAURO FATTORINI,

ABBATI ORDINIS CAMALDULENSIUM,

CLEMENS PAPA XIV.

Romae, 18 maji 1771.

Dilecte, etc. Quod sa. mem. praedecessores nostri primum Benedictus XIV et deinde Clemens XIII curandum decreverunt, ac doctissimo viro Mauro Sartio abbati ex tua Camaldulensi congregatione mandarunt, ut de claris archigymnasii Bononiensis professoribus scriberet, idem, illo vita functo, a te ad perficiendum ejusdem Clementis auctoritate esse susceptum vehementer gaudemus; nam qui jamdiu in doctissima illa urbe floruerunt viri et praeclaras artes docuerunt, eorumdem celebrari litteris ac ad posteros transmitti nomen aequissimum esse judicamus, et minime ambigimus tanto muneri parem esse doctrinam, ingenium atque operam tuam. Libentissime itaque id excipiemus opus, et quibus in pontificatu successimus, illorum etiam in ejusmodi eruditos labores animum transmissum Nobis esse profitemur. Quin sponte etiam nostra vehementer favemus litteris, eaque omnia, quae ipsarum splendorem augere possint, singulari studio complectimur. Idcirco et nostram illam civitatem omni doctrinarum genere excultissimam semper dileximus, et nunc maxime cupimus ut hoc ejusdem antiquum decus ac in tradendis disciplinis claritatem omnes agnoscant ac depraedicent. Quare non solum probari a Nobis commendarique laborem hunc tuum existima, sed paratissimos etiam Nos esse ad ejusdem. ut appellas, primitias, quas Nobis offers atque inscribis, tuendas fovendasque patrocinio nostro, eaque pontificiae erga te benevolentiae accessione, quae plurimum, pro tua in Nos observantia atque obsequio, valere possit ad te magis magisque ad persequendam perficiendamque operam excitandum. Ac in paternae caritatis pignus apostolicam benedictionem tibi, dilecte fili, peramanter impertimur. *Datum Romae, etc.; die 18 maji 1771, pontificatus nostri anno secundo.*

CXXXVII.

ALLOCUTIO

SANCTISSIMI DOMINI NOSTRI

CLEMENTIS PAPÆ XIV

AD PATRES MINORES CONVENTUALES, IN COMITIIS GENERALIBUS,

APUD BASILICAM SANCTORUM XII APOSTOLORUM,

DIE XVIII MAII MDCCCLXXI CONGREGATOS.

Mira sane atque incredibili jucunditate Nos afficit conspectus hic vester, dilecti filii; gratissimam enim Nobis animo commovet privatae Nostrae atquo a prima aetate tranquille actae vitae recordationem, cum una vobiscum in atriis Domini versaremur, una sanctissimi Scraphici Patris vestigiis insisteremus. Hujusmodi pristinae inter Nos conjunctionis memoriam cum animo repetimus, singularem omnino qua complexi semper vos sumus, caritatis ardorem excitari in Nobis experimur. Illic corôna haec et frequens hic vester consessus maximum est gaudium et jucunditas Nostra: praesertim cum vos in Spiritu Sancto congregatos, eaque agentes ac de iis sollicitos intuemur quae maximam universi Nobis carissimi Ordinis vestri utilitatem comprehendant. Quid enim est quod vestra magis interesse potest quam gravissima, quae in his comitiis proposita vobis est, cura atque opera unum ex vobis eligendi qui in omni virtutum genere exemplo sit caeteris, ac universos in optimis vivendi institutis ad accuratam legumstrarum normam diligentissime retineat? Cujus quidem actionis vestrae quae ratio sit, quam ardua ac difficilis, praeclare novimus, summamquo in ea recte perficienda curam, integritatem, intelligontiam requiri. Verum aequè cognoscimus qui vester sit in communem ordinis rem animus, atque ex pristinis hujusmodi actionum exemplis non dubiam conjecturam facere possumus quanta nunc etiam sitis, quam paria rerum gravitati studia allaturi. Id ipsum Nobis maxime persuadet uniuscujusque vestrum optime Nobis cognita et perspecta virtus. Nulla enim veriora atque ad optimum unum inter omnes seligendum aptiora esse possunt quam judicia bonorum. Quippe eximia inter se caritatis societate conjuncti cum de se modice sentiant, ac sibi ipsis singuli nihil arrogant. tum in aliorum perspicienda

virtute sunt solertissimi. Proinde vos nec privati commodi rationes, nec cuiuspiam gratia, neque ulla partium studia a vera vestra laude atque utilitate possunt deducere. Tum recte singulis fore provisum putatis, cum praeclare erit consultum universis; tum beatam ac florentem publicam rem vestram futuram, cum sanctitate et doctrina vigeat: hunc vero excellentem virtutis statum tum potissimum habituram, cum eum ducem ac praesidem nacta fuerit, qui sit omni integritatis, doctrinae, gravitatis, sanctitatis genere ornatissimus. Siquidem is poterit caeteros noviter ad omnem laudem impellere, qui quod a reliquis efflagitat, ipse antea eximium obedientiae ac humilitatis specimen dederit, qui simplicitatem prudentiae, lenitatem severitati, religionem ac pietatem mansuetudini summaeque in omnes caritati conjungat, qui increpare et obsecrare, docere atque hortari apte sciat, qui denique spiritualis vitae ardorem excitare, et illam sanctitatis praestantiam a primo parente atque institutore deductam in omnium animos derivare possit. Magnum profecto ac singulare est quidpiam, unum haec cuncta posse complecti quae in tanto munere gerendo requirimus. Sed extant ampla atque illustria, quae consecetur, exempla eorum qui huiusmodi laude jampridem claruerunt, et hujus ipsius quem praesentem intuemur, quemque ob eundem magistratum recens egregie gestum fatemur a Nobis plurimum et commendari et diligi. Hos itaque imitemur, et quorum gradu insistet, eorundem praestantiam referat. Facta praesertim et consilia Seraphici Patris omnia, et illud sancte vivendi tamquam clarissimum sibi lumen ad sequendum proponat ac assidue contempletur. Sed caelestem opem exquirat maxime atque imploret: confugiat ad sanctitatis et bonorum omnium auctorem Deum ipsum, cui uni inserviet, cujus causam sustinebit: ejus praesidio se muniat qui vires ad eadem quae postulat largissime impartitur, cum illius ope unice confidimus. Hunc igitur, quem haec aptissime praestaturum cognoscitis, dilecti filii, ostendi vobis a Domino, quem eligi ipse velit, existimate. Spiritus Sancti de coelo delabentis, atque Apostolorum corda inflammantis memoria, quam nunc opportune recolimus, vestros etiam excitari atque incendi animos palam facite: illum unum auctorem et consiliarium in suffragiis ferendis adhibete. Date hoc Nobis; hoc vestrae virtutis praesenti testimonio nostram de vobis praeclarissimam opinionem ac eximiam in vos benevolentiam amplificate. Eandem jamdiu quidem in vos susceptam augeri maxime in dies atque adolescere semper sensimus: et cum deinde ad apostolicam cathedram, etsi immerentes divinitus evecti fuimus, eo

mirabilius progressam esse videmus, quo major Nobis ornandi vestri vobisque gratificandi facta est. potestatis accessio. Facite itaque, ut ex hac vestra actione intelligamus nostra in vos stitidia ac paterni animi summam caritatem optime esse collocatam. Nos equidem a vestra in Nos pietate id Nobis omnino pollicemur atque invicem vobis profiteri possumus, praefectum vestrum omnia in Nobis atque in apostolica Sede praesidia esse habiturum, eosque benevolentiae nostrae fructus qui maxime ad ordinis vestri splendorem ac sanctitatis et doctrinae incrementum pertinent consecuturum.

CXXXVIII.

CARISSIMÆ IN CHRISTO FILIÆ NOBILI MULIERI

ANNÆ COLUMNÆ BARBERINI,

DUCISSÆ SFORTIÆ CAESARINI VIDUÆ,

CLEMENS PAPA XIV.

Romae, 25 maji 1771.

Dilecta, etc. Certiores facti sumus a venerabili fratre Prospero Celestino episcopo Narniensi, te die 17 hujus mensis ab illo sanctae Restitutae monasterio discessisse, et Cornetanam nostram civitatem petisse, ut, novum istud passionis Christi monasterium ingressa, optimam posses de salute tua Deique vocatione consilium exequi. Gaudemus sane divinae te voluntati ejusque gratiae stimulis obsecutam tandem eae, ac ad eam salutis viam quae Domino placeat ineundam comparari majorem in modum tibi gratulamur. Vehementer enim ad rei summam interesse scimus, ne divinas de nostra aeterna salute rationes aliis aut nostrae aut aliorum voluntatis rationibus impediamus ac retardemus. Atque ejus tui in monasterium ingressus felix inde capimus etiam auspiciū, quod in eos inciderit dies quibus Sancti Spiritus e coelo delabentis ac Apostolorum corda inflammantis memoriam celebramus: cujus enim te vocantis afflatus jam antea senseras, ejusdem cumulatiora hoc tempore non dubitamus in te futura dona, quibus in suscepta ratione conforteris ac multo quam antea robustior fias et confirmator. Id quidem tanto certius assequeris, quanto prius illi cor tuum consecraveris ac

prorsus integrum tuæ voluntatis sacrificium obtuleris, neque unquam intermiseris preces ad eum fundere, in eoque cogitationes, spes rationesque tuas omnes collocare. Haec sunt, dilectissima in Christo filia nobilis mulier, nostra de tua salute consilia, hæc ex intimo paterno corde deprompta vota, quibus ut uberiores in te divinam benedictionem eliciamus, ejusdem auspicem apostolicam benedictionem tibi peramanter impertimur. *Datum Romæ apud Sanctam Mariam Majorem sub annulo Piscatoris, die 25 maji 1774, pontificatus nostri anno secundo.*

CXXXIX.

VENERABILI FRATRI

MICHAELI PETRO PATRIARCHÆ CILICIÆ ET SYRIÆ
CLEMENS PAPA XIV.

Romæ, 25 maji 1771.

Venerabilis, etc. Redditæ Nobis sunt litteræ fraternitatis tuæ die XXV martii ad Nos datæ, in quibus commendas Nobis venerabilem fratrem Joannem episcopum Mardensem, cujus diuturnam ac egregiam in vinea Domini operam fuisse, et nunc adversariorum iniquitate fugere inde coactum ad Nos esse testaris. Nos et tuæ commendationis et ejusdem de Ecclesia meritum plurimam habemus rationem; proinde ipsum perbenigne excepimus, quemadmodum et ex ipso cognosces, et ex nostra de Propaganda Fide congregatione. Libenter etiam alteri tuo postulato annuimus, receptusque jam est in Propagandæ Fidei collegium nepos tuus, ubi studiis vacare possit, eaque discere quæ ad te porro reversus tuos in isto monasterio clericos utiliter deceat, teque in tanta curarum mole versantem sua auxiliari opera sublevet. Ex his omnibus vides, venerabilis frater, quam propensum in te geramus animum, quem in dominico agro impigre ac sedule laborantem agnoscimus, quamque parata in Nobis præsidia sint iis omnibus qui se catholice fidei tuendæ ac propagandæ, divinæque amplificandæ gloriæ devoverunt. Ac in singularis in te pontificiæ caritatis pignus apostolicam benedictionem tibi, venerabilis frater, tuæque fidei commisso populo peramanter impertimur. *Datum Romæ, etc., die 25 maji 1774, pontificatus nostri anno tertio.*

CXL.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,
CLEMENS PAPA XIV. .

Romæ, 5 junii 1771.

Carissime, etc. Certiores a Majestate Tua facti celebratas esse faustissimas nuptias inter dilectissimum in Christo filium nostrum Ludovicum Stanislaum Provinciæ comitem nepotem tuum, ac dilectissimam itidem in Christo filiam nostram Mariam Josepham Aloysiam neptem carissimi in Christo filii nostri Caroli Emmanuelis Sardiniae regis illustris, atquo in hujus lætitiæ tuæ partem a te vocati, ea plane jucunditate accedimus qua majorem capere paternus animus noster ac uberiores non potest. Summus est noster erga te tuosque regios omnes liberos amor, singularisque pietas, qua universae Borboniæ domui tuæ fausta semper ac felicia omnia precati sumus: proinde nihil magis paternæ huic caritati nostræ votisque consentit quam eandem videre regiam domum novis augere conjugiiis, ex quibus amplissima possit una cum insitis virtutibus ad istius regni felicitatem sobolos propagari. Eandem ad Ecclesiæ quoque sanctæque hujus Sedis decus ac tutamen extitutam certissime Nobis pollicemur, cum ex majoribus suis ac ex te ipso præsertim exempla repetet religionis ac in Nos pietatis illustria. Jure igitur ut lætitiæ, ita etiam gratulationis, cujus tibi officium persolvimus, plurimam in ipsos partem redundare cognoscimus et gaudemus. Facile idcirco tibi persuadeas, carissime in Christo fili noster, mirifica a Nobis ad eam rem afferri studia, eaque, quæ tu maxime cupias, cumulari vota, ut hæc scilicet nostra tecum communis jucunditas ex his auspiciatissimis initiis magis in dies amplificetur ac excreseat. Nos sane præripimus hanc spem ex præstantissima nubentium adolescentium indole, ex utriusque regiae domus amplitudine ac fortunis, et ex renovata illa necessitudinis conjunctione quam olim per gloriosissimos parentes tuos coaluisse semper lætabimur. Quæ quidem desideria expectationisque nostræ ut divina benignitate rata sint, ejusdem benedictionis auspiciem, apostolicam benedictionem Majestati Tuæ, regiis sponsis, liberisquo tuis omnibus universæque Borboniæ domui

intimo paterni cordis sensu amantissime impertimur. *Datum Romae, etc., die 5 junii 1774, pontificatus nostri anno tertio.*

CXLI.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO,

HABITA IN CONSISTORIO SECRETO DIE XVII JUNII MDCCLXXI.

Venerabiles fratres. Complures Lusitaniae ecclesias cum hodie proposituri simus ac de iisdem decreta facturi, rerum et locorum opportunitate admoniti, non possumus, venerabiles fratres, summa cum animi jucunditate non recordari carissimi in Christo filii nostri Josephi Portugalliae et Algarbiorum regis fidelissimi, de quo saepe antea vos allocuti sumus, et commemorare nova ac illustria suae erga Nos atque banc apostolicam Sedem conjunctionis, amoris, pietatis testimonia. Eadem nunc potissimum Nobis declarat atque exhibet summa illa nostri erga se studii, singularisque caritatis fiducia, qua petit a Nobis, ut bullam Cruciatæ pro tuenda propagandaque religione institutam renovemus atque auctoritate apostolica confirmemus. Acceptissimum quidem est Nobis quidquid ab illius, quem eximie diligimus, sapientia proficisci unquam potest; cum vero idipsum, ut saepe fit, ejusdem religionem atque in Nos pietatem praesefert, tum vero mirifica in illum benevolentiae accessione incondimur. Ac propterea hujusmodi praeclaros regiae virtutis sensus a Nobis intime perceptos vobiscum communicamus, venerabiles fratres, quos ejusdem recentibus erga Nos meritis atque constanti erga Ecclesiam animo perinde ac Nos ipsos gaudere non dubitamus. Verum, ut non inane ac infructuosum sit commune gaudium hoc nostrum, conari debemus ut illud ad ipsius gloriae ac felicitatis incrementum referamus. Quod praeclare a Nobis fieri poterit si a Deo Optimo Maximo praesidia atque ornamenta omnia ipsi ejusque liberis ac universae regiae domui non intermissis precibus implorabimus.

Habemus propterea, venerabiles fratres, alteram, cujus in partem vos advocamus, immensae jucunditatis causam ex faustissimo ad Nos nuper ab Oriente atque a Chaldaeis allato nuncio,

nimirum ab eorum patriarcha Simeone divinae gratiae lumine illustrato jam diu receptos in illa gente impii Nestorii errores fuisse rejectos atque omnino repudiatos. Idem ipse plenas observantiae atque obsequii dedit ad Nos litteras in quibus luculenter suam Nobis probat de sanctissima Trinitate fidem, divinam in Christo atque humanam naturam in unitate Personae conjunctas profitetur, Mariam Christi matrem Dei genitricem appellat et colit; Nos porro beati Petri successorem, et Christi vicarium, romanamque hanc Sedem ecclesiarum matrem ac magistrani agnoscit, in apostolicae potestatis, a qua fuerat abscissus, firmitate stabiliri postulat, pacis et caritatis tesseram a Nobis expetit, decreta nostra, legesque, quas daturi sumus expectat. Incredibilis laetitiae, quam propterea percipimus, magnitudo mirum in modum augetur illa gaudii ubertate, quod inde in universam Ecclesiam redundaturum videmus; quae quanto acerbiorum antea ex miserrimo filiorum dissidio dolorem hauserat, tanto ampliorum ex eorundem inopinato reditu nunc animi jucunditatem capiet. Nos sane in hac illorum accessione nullis paternae pietatis, studii, caritatis officiis decrimus. Interim Deo O. M. immortales gratias reddimus quod pontificatus nostri tempora hoc felicissimo ac optatissimo Ecclesiae successu exornaverit. Sed eundem laetitiae nostrae ac praeclarissimi operis auctorem assidue deprecabimur ut, quod coepit, ipse perficiat, ac firmam et constantem faciat pastorum et populorum nobiscum in fidei et concordiae unitate consensionem. Vos aequae conjunctis Nobiscum studiis nostram operam adjuvaturos confidimus, venerabiles fratres, ut quem ex hujusmodi divinae gloriae incremento communem caputuri sumus laetitiae fructum, eundem vestris etiam ad Deum obsecrationibus referamus.

 CXLII.

CARISSIMO IN CHRISTO FILIO NOSTRO

 CAROLO HISPANIARUM REGI CATHOLICO,
 CLEMENS PAPA XIV.

Romae, 20 junii 1771.

Carissime, etc. Illud Nobis maxime semper in votis erat promissum ac singulari qua erga Majestatem Tuam omnemque re-

 CLEMENTIS XIV *Epistolae et Brevia.*

12

giam domum sumus paterna nostre caritate, atque illud prae-
sertim a Deo O. M. assidue precabamur, ut a dilectissimo in
Christo filio nostro Carolo principe Asturiarum, tuo per carnem
filio procreari tandem liberos in tantam amplissimorum regno-
rum haereditatem ac maximam publici boni spem et fortunam
videremus, et communi idcirco tecum summo eximioque gaudio
laetaremur. Illud ipsum cum die XVIII aprilis ad eundem dile-
ctissimum in Christo filium nostrum litteras daremus, quibus
oxiguum sane sed pium beatæ Mariæ Virginis imaginis muas
ad eum transmissum prosequeremur, a Nobis potissimum optari
atque orari significarem, expectarique quam primum ut im-
mortales propterea Deo ipsi gratias referre deberemus. Utinam
nunc, carissime in Christo fili noster, assequi verbis possimus
quanta exuberet lætitia paternus animus voster, ex quo red-
ditæ Nobis sunt tuæ litteræ exoptatissimum afferentes nun-
cium, dilectissimam nimirum in Christo filiam nostram Aloysiam
Mariam Asturiarum principissam nurum tuam quinto jam mense
prægnantem esse, excitantesque Nos ad agendas divinæ beni-
gnitati gratias ac ad nostra pro fausto felicique partu vota cu-
mulanda. Incredibile sane est quantum hujusmodi officio tua-
que filiali de Nobis fiducia delectati sumus, quantosque stimulos
id ipsum contententibus Nobis omnique illuc studio properan-
tibus addidisti. Statim manus ac mentem in coelum extulimus,
quaatasque potuimus Deo gratiarum laudes persolvimus, ac jam
inchoatum hoc beneficium suum eique subnixas spes nostras,
ut fortunatiore compleat semper ac perficiat exitu, eo ardore et
precati sumus et precari nunquam intermitteremus, quem animus
noster capere intra se et continere maximum potest. Id a No-
bis et regiae tuæ domus amplitudo ac dignitas, et tuorum re-
gnorum populorumque felicitas, et ipsius Nobis a Deo commissæ
Ecclesiæ ratio atque utilitas vehementer exposcit; sed majorem
in modum excrescere hoc officium nostrum atque amplificari
sentimus illa immensi amoris magnitudine qua affecti erga te
sumus, qua tua omnia perinde ac nostra complectimur, quaque
in te studia, vota, spes, jucunditates ac necessitudines nostras ex
certissimo animi decreto jamdiu collocavimus. Quam nostras te-
cum pietatis atque amoris conjunctionem magnopere cupimus,
carissime in Christo fili noster, hac etiam tanti boni opportuni-
tate propiorem quodammodo multoque adstrictiorem fieri. A te
itaque vehementer petimus ut ultro libensque ratum facere ve-
lia desiderium hoc quo flagramus, ut scilicet regium infantem,
quem in tanti nominis regni que spem genitum iri confidimus

ac Deum ardentissime rogamus, in spirituali regeneratione per Nos ipsos suscipiamus, ac ad parentis animum, quem gesturi in eum sumus, patrini etiam personam ac munus adjungamus. Hac nova nostrae confirmandæ necessitudinis ratione Nos mirifico lætabimur, a Deoque ipso enixe postulabimus ut eandem ille auspicatam esse velit, suæque in te tuosque liberos benignitatis constantibus ac perpetuis indiciis comprobet. Eam uberiorem adhuc fieri per apostolicam benedictionem cupimus, quam catholicæ Majestati Tuæ, regiis liberis, universæque carissimæ nobis domui intimo paterni animi sensu amantissime impertimur. *Datum Romæ, die 20 junii 1771, pontificatus nostri anno tertio.*

 CXLIII.

VENERABILI FRATRI

ANTONIO EUGENIO ARCHIEPISCOPO EPHESINO,

ORDINARIO NOSTRO ET APOSTOLICÆ SEDIS

IN GERMANIA NUNTIO,

CLEMENS PAPA XIV.

Romæ, 22 junii 1771.

Venerabilis, etc. Transmittimus tibi, venerabilis frater, apostolicas in forma brevis litteras nostras, quas singulatim ad venerabiles fratres episcopos, suam episcopalem sedem ac diocesim constitutam habentes in iis extra Italiam locis qui Austriacæ ditioni subjacent; quibus in litteris, prout a Nobis postulavit. carissima in Christo filia nostra Maria Theresia Hungariæ regina apostolica, nec non Bohemiæ regina illustris in Romanorum imperatricem electa vidua, novam sancimus de imminutione festorum dierum legem, atque indici populis qui eidem subjecti sunt, ab iisque servari mandamus. Harum litterarum verba ipsa, ut vis legis perspecta tibi esset, sequenti tenore subjicimus: - Venerabili fratri Josepho archiepiscopo Colocensi, Clemens papa XIV. Venerabilis frater salutem et apostolicam benedictionem. Paternæ caritati. (Inseratur subsequens breve usque ad verba: Benedictus Stay.) - Hic est nostrarum ad episcopos epistolarum tenor, quas in iis ipsis reddendas, venerabilis frater, suam cuique curabis;

sed cum alii etiam sint exteris in regionibus episcopi qui aliquam suae dioecesis partem habent in iis extra Italiam locis qui Austriacae ditioni subjiciuntur, delegamus idcirco fraternitatem tuam, tibi que committimus ut per tuas litteras hanc ipsam legem iisdem nostro nomine pro illis tantummodo locis recipiendam servandamque denuncies. Quod quidem etiam eadem, quam tibi demandamus, auctoritate praestabis cum iis abbatibus qui nullius dioecesis sunt, caeterisque praepositis, quicumque juribus episcopalibus gaudent illis pariter in locis qui extra Italiam Austriacae domus temporali dominio subjacent. Haec sunt, venerabilis frater, quae tibi idcirco praescribenda ac mandanda libenter decrevimus, quod eadem pro perspecta tua sedulitate ac fide accuratissime a te confectum iri non dubitamus. In quo cum plurimum nostro de te iudicio satisfeceris, tum etiam vehementer auxeris eam, quae te maiorem in modum prosequemur, pontificiam benevolentiam nostram: in cujus iidem pignus apostolicam benedictionem fraternitati tuae peramanter impertimur. *Datum Romae, etc., die 22 junii 1774, pontificatus nostri anno tertio.*

Vigore praesentium expeditae fuerunt ab apostolico Viennensi nuntio suae litterae, cum annexo apostolico brevi ad sequentes:

Ad Electorem Trevirensen; ad Electorem Coloniensem; ad Archiepiscopum Remensem; ad Archiepiscopum Cameracensem; ad Episcopum Leodiensem; ad Episcopum Metensem; ad Episcopum Verdunensem; ad Abbatem Sancti-Lamberti congregationis Benedictinae; ad patrem Rectorem collegii Greciens. Societatis Jesu ordinarii Millostadiens.

LXLIV.

VENERABILI FRATRI

JOSEPHO ARCHIEPISCOPO COLOCENSI,
CLEMENS PAPA XIV.

Romae, 22 junii 1774.

Venerabilis, etc. Paternae caritati, qua Christi fideles omnes in Domino complectimur, illud maxime consentaneum videtur, ut eorundem temporalium etiam commodorum rationem habeamus, quibus praesertim illi ad spiritualia consecranda fieri propensiores alacrioresque possint; utraque enim ita componi et

constitui debent ut altera obesse alteris nequeant, sed mutua inter se temperatione, quoad fieri potest, maxime provehantur. Quapropter etsi praecepue ad divinum cultum, animarumque salutem nostra apostolici ministerii sollicitudo conversa sit, tamen interdum ex minime neglecta temporalium rerum opportunitate non solum impedimenta, si qua sint, averti, sed et multo potiora ad eum finem adjumenta comparari posse cognoscimus. His inductum rationibus fel. rec. Benedictum XIV sapientissimum praedecessorem nostrum fuisse scimus, qui ad preces carissimae in Christo filiae nostrae Mariae Theresiae Hungariae reginae apostolicae, nec non Bohemiae reginae illustris, in Romanorum imperatricem electae viduae, indulsit ut fideles populi *istius civitatis et dioecesis* quibusdam festivis diebus, servato in eorundem festorum vigiliis in quibus praeceptum erat jejunio, ac audita tantum in iisdem festis Missa, laboriosis suarum artium exercitationibus servilibusque operibus vacare possent. Sed ex eadem dispensatione illud postmodo, sicut accepimus, evenisse deprehensum est, ut alii in suo artificio nimis occupati praeceptum audiendi Missam omnino negligerent, alii vero ea obligatione jejunandi in vigiliis, et audiendi sacrum in festis occasionem caperent a laboribus abstinendi et otio indulgendi. Quae incommoda agnoscens ac aegro ferens eadem carissima in Christo filia nostra, pro ea qua est in Deum pietate ac in subjectos sibi populos studio, obviam iisdem ire nunc statuit, proindeque a Nobis enixe flagitat ut eosdem Christi fideles etiam a praecepto jejunandi et audiendi Missam, iis diebus quibus operi vacare permittitur, solutos esse apostolica auctoritate velimus. Nos igitur ejusdem votis, quantum in Domino possumus, obsequendum et populorum conscientiae consulendum esse judicantes, fraternitati tuae committimus ac mandamus, *ut in ista civitate ac dioecesi tua Austriacae ditioni subjectis* hanc aliam de festis diebus legem, in quam maturo consilio ac expensis omnibus descendimus, auctoritate nostra apostolica denuncies ac edicas. Retineantur nempe ac celebrentur festivi dies Resurrectionis cum sequenti, et Pentecostes item cum sequenti, alique per annum dies dominici, nec non Nativitatis Domini nostri Jesu Christi, Circumcisionis, Epiphaniae, Ascensionis et Corporis Christi, tum quinque dicati Beatae Mariae Virgini, scilicet Purificationis, Annunciationis, Assumptionis, Nativitatis et Conceptionis; praeterea retineantur festa sanctorum apostolorum Petri et Pauli, omnium Sanctorum, S. Stephani protomartyris, et unius tantum principalioris patroni; sed si alicubi plures patronos aequae principales haberi con-

tigerit, diligenter inquiras necesse est, venerabilis frater, quia ex dictis principalioribus patronis potiore cultum ac venerationem in ea vel civitate, vel oppido, vel pago habeat, et in ejus tantum propria die festivitatis praeceptum designes. In his igitur omnibus festis diebus pro veteri Ecclesiae Catholicae instituto Christi fideles sacris adesse, a servilibus operibus abstinere, et jejunium in eorundem vigiliis, quibus adnexum sit, observare debeant ac teneantur. In reliquis vero festis non solum laboriosas artium exercitationes et servilia opera, quemadmodum Benedictus XIV concesserat, permittimus et indulgemus; sed insuper eosdem Christi fideles a quacumque vigiliae seu jejunii diebus praecedentibus, dummodo aliunde vel ratione Quadragesimae vel ratione quatuor temporum non praecipitur, et audiendi Missam in praedictis festis obligatione absolvimus et liberamus. Sed quoniam, dum populorum conscientiae consulimus, et eorum qui in sudore vultus sui penem comedunt indigentiae providemus, Sanctorum venerationem et salutarem Christi fidelium poenitentiam minuere non intendimus; ideo Sanctorum ac Solemnitatum officia et Missas tam in iisdem abrogatis festis quam in eorum vigiliis retineri et sicut prius in quacumque ecclesia celebrari mandamus; sacrum vero jejunium, quod in praedictis vigiliis habebatur, ad quartas et sextas ferias Adventus transferendum ibidemque servandum edicimus et constituimus. Ut autem non solum clerici et divites homines seculares, qui etiam diebus non festivis sacrosanctae Missae sacrificio ac divinis officiis, quod vehementer cupimus, adesse possunt; sed etiam ii qui rusticis detenti laboribus ecclesias diebus tantum festis adeunt, sanctorum apostolorum ac martyrum quorum solemnitates superius abrogavimus memoriam servant ac venerentur, volumus ac praecipimus ut die XXIX junii, ultra praecipuam sancti Petri et Pauli solemnitatem, etiam aliorum apostolorum, et die XXVI decembris, ultra praecipuum sancti Stephani festum, etiam aliorum sanctorum martyrum memoria celebretur. Quare die XXIX junii in calendaris ecclesiasticis ita festum inscribendum erit: S. Petri et Pauli, et commemoratio omnium apostolorum, ac tam in officio quam in Missa addetur commemoratio de communi apostolorum: die vero XXVI decembris ita notetur: festum S. Stephani Protomartyris, et commemoratio omnium sanctorum martyrum; ac tam in officio quam in Missa addenda erit commemoratio de communi plurimorum martyrum. Haec Nos, venerabilis frater, non minus spiritualem, quam temporalem istius populi utilitatem intuentes, sananda esse judicavimus; in quo plurimum sol-

licitudini ac pastorali vigilantiae tuae confidimus, qui illud profecto sedulitate studioque tuo efficies, ne quid e divino cultu detractum videri possit, sed quo minor festorum dierum factus est numerus, eo major sit in populorum animis pietatis fervor ac devotio. Proinde vehementer cupimus ac in Domino fraternitatem tuam hortamur, ut populos tibi commissos diligenter edocendos cures quae ad iustam legitimamque dierum festorum celebrationem pertinent, quo ardore quaque humilitate spiritus adstare sanctissimo Altaris sacrificio, quo studio, qua frequentia divinis officiis, sacris concionibus et christianae doctrinae institutionibus interesse debeant: et ne per eos dies Christi fidelium corda graventur crapula et ebrietate et secularibus cogitationibus, quam diligentissimam operam dare debebis, ut profana quaeque, lubrica et minus religiosa a publicis locis amoveantur; contra vero in conspectu illa sint abundeque suppetant quae ad fovendam devotionem pietatemque plurimum prodesse possint. Quae quidem cuncta a perspecta pastoralis sedulitate tua Nobis maxime pollicentes, in pontificiae caritatis pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 22 junii 1774, pontificatus nostri anno tertio.*

Eodem exemplo: Archiepiscopo Mehliniensi, Archiepiscopo Gortitiensi, Episcopo Neostadiensi, Episcopo Agriensi, Episcopo Esnadiensi, Episcopo Jauriensi, Episcopo Quinqueecclesiensi, Episcopo Varadiensi, Episcopo Veszprimiensi, Episcopo Nittriensi, Episcopo Zagradiensi, Episcopo Bosnensi seu Deakovariensi, Episcopo Transilvaniensi, Episcopo Olmucensi, Episcopo Tergestino, Episcopo Segniensi, Episcopo Antverpiensi, Episcopo Brugensi, Episcopo Iprensi, Episcopo Ruremundano.

Sequentibus vero episcopia pro lineatis primo loco scribatur: *Ut fideles populi, ipsius ditioni subjecti*; et pro lineatis, secundo loco: *Ut in iis dioecesis tuae locis qui ditioni Austriacae subiunt.* Archiepiscopo Salisburgensi, Episcopo Augustano, Episcopo Frisiagensi, Episcopo Tridentino, Episcopo Cariensi, Episcopo Chiemensi, Episcopo Passaviensi, Episcopo Brixinensi, Episcopo Wratislaviensi, Episcopo Basileensi, Episcopo Ratisbonensi. Item sequentibus pro lineatis primo loco scribatur: *Ut fideles populi ipsius ditioni subjecti*; et secundo loco: *Ut in ista civitate et dioecesi tua Austriacae ditioni subjectis.* Episcopo Litomericensi, Episcopo Secoviensi, Episcopo Reginohradecensi, Episcopo Laubacensi, Episcopo Gurgensi, Episcopo Lavantino, Episcopo Petinensi.

Insup. mot. mut. cardinali Migazzio Archiepiscopo Viennensi in Austria, et Episcopo Vacicensi: *Ut fideles populi qui in tuis dioecibus sunt, etc. Ut in istis civitatibus et dioecibus tuis Austriacae ditioni subjectis, etc.* Cardinali de Rodt Episcopo Constantiensi: *Ut fideles populi ipsius ditioni subjecti, etc., parte quae Austriacae*

ditioni subjiçitur, etc. Cardinali de Rohan Episcopo Argentoratensi: Ut fideles populi ipsius ditioni subiecti, etc. Ut in ea dioecesis tuæ parte, quæ Austriacæ ditioni subjiçitur, Archiepiscopo Pragensi: Ut fideles populi ipsius ditioni subiecti, etc. Ut in ista civitate ac in iis dioecesis tuas locis quæ Austriacæ ditioni subsumt.

Vicario capitulari ecclesiæ metropolitane Strigonensis, Vicario capitulari ecclesiæ cathedralis Syrmicensis, Vicario capitulari ecclesiæ cathedralis Tornacensis, Vicario capitulari ecclesiæ cathedralis Namurcensis, Vicario capitulari ecclesiæ cathedralis Gandavensis. *Ut fideles populi istius civitatis et dioecesis, etc. Ut in ista civitate ac dioecesi N. Austriacæ ditioni subiectis, etc.*

CXLV.

VENERABILI FRATRI

BERNARDINO ARCHIEPISCOPO DAMASCENO,

NOSTRO ET APOSTOLICÆ SEDIS

AFUD CHRISTIANISSIMUM REGEM ORDINARIO NUNTIO,

CLEMENS PAPA XIV.

Romæ, 17 jolii 1771.

Venerabilis, etc. Propinquat jam tempus, venerabilis frater, quo dilectissima in Christo filia nostra Aloysia Maria, regia Galharum principissa, completo sui tyrocinii anno solemniam per religiosam professionem vota in isto S. Dionysii Carmelitarum virginum monasterio nuncupabit. Qua quidem actione perfungi majorem ipsa in modum oxoptat, mirificum exhibitura constantiæ suæ in contemptu mundi ac in Christi sponsi conjunctione documentum. Illa profecto die erit, ut in regia virgine solida atque invicta virtus et sapientia triumphare, ac pompis omnibus longe anteferendum veræ gloriæ decus præseferre videatur. Illam ipsam Nos diem exornare maxime atque illustrare, quantum in Nobis est, cupimus, omnemque proinde decoris ac splendoris cumulum pontificio nostro nomine, cum præsentibus ipsi esse nequeamus, adjungere. Quapropter præterito quemadmodum anno in sacri habitus suscipiendi celebritate fecimus, idem nunc etiam summo atque incredibili studio præstamus; teque, venerabilis frater, hisce literis nostris specialiter deputamus ad excipiendam in manus tuas, religiosam, quam eadem dilectissima in Christo filia nostra emissura erit, votorum professionem,

atque ita destinamus ut in ea peragenda caeremonia nostras prorsus vices agere te nostroque nomine munus id obire velimus; ut scilicet, quoad fieri potest, major et devotionis et dignitatis fiat accessio, et Nos ipsi ejus actionis partem aliquam habere Nobis videamur, qui maximam habemus laetitiae, quam cum ipsa ejusdem amantissimo parente carissimo in Christo filio nostro Ludovico Francorum Regi Christianissimo, plane dividimus.

Atque ut ad sacram celebritatem sacrum etiam munus afferamus, spirituales thesauri largitione commune istius praesertim ordinis gaudium multo uberius reddere et cumulatus statuimus. Itaque, quo die solennia religionis vota in tuas manus regia Galliarum principissa emittet, plenariam indulgentiam tam ipsi quam omnibus ejus monasterii monialibus concedimus, ac eandem etiam extendimus ad caeteras quae per totam sunt Galliam Carmelitas excalceatas virgines, et praeterea ad moniales monasterii Nannetensis de Calvario nuncupati, pro quibus id a Nobis vehementer postulat dilectissima in Christo filia nostra Victoria regia Galliarum principissa, quae easdem patrocinio suo tuetur ac fovet. Et quo adhuc magis in tanta pietatis opportunitate liberales simus, tibi, venerabilis frater, facultatem imperitumur ut ejusdem plenariae indulgentiae salutare munus iis itidem conferas religiosis communitatibus et personis quae tanta regiae virginis virtute captae ac ad sua devotionis studia caeteris jungendae inflammatae id ipsum a te innixe petent ac flagitabunt. In quo tamen illud cavere debes, ne quid in tanta dispensatione profusius multo quam par sit ac irregularius factum esse videri possit. Illis igitur omnibus rite confessis ac sacra communione refectis ferventissimas eo die preces ad Deum faciendas injungimus pro catholicae ecclesiae exaltatione, pro carissimo in Christo filio nostro Ludovico Francorum Rege christianissimo, ejusque liberis, universaeque regia domo, regnoque florentissimo, ac potissimum pro tanti gaudii auctrice, quae se Christo sponso ita devovet ut suam vitam omnem in eo abscondat ac ejus unicae fidei potestatique committat. Quibus igitur hanc plenariam indulgentiam benigne concedimus, eandem tibi mandamus, venerabilis frater, pro tua diligentia facias in omnium notitiam mature pervenire. Ac in nostrae pontificiae benevolentiae pignus apostolicam benedictionem fraternitati tuae peramanter impertimur. *Datum Romae, etc., die 17 julii 1771, pontificatus nostri anno tertio.*

CXLVI

VENERABILI FRATRI

BERNARDINO ARCHIEPISCOPO DAMASCENO,

NOSTRO ET APOSTOLICÆ SEDIS

APUD CHRISTIANISSIMUM REGEM ORDINARIO NUNTIO,

CLEMENS PAPA XIV.

Romae, 17 julii 1771.

Venerabilis, etc. Dedimus alias ad te, venerabilis frater, hac ipsa die litteras nostras, quibus plenariam indulgentiam benigne concedi a Nobis declaravimus Carmelitis excalceatis monialibus, aliisque nonnullis seu communitatibus seu personis pro eo die, quo dilectissima in Christo filia nostra Aloysia Maria regina Galliarum principissa solemniter religiosae professionis vota in tuas manus emittet. Sed quoniam ex more Carmelitarum virginum alia votorum aliquot ante dies praecedet in Priorissae monasterii manus emissio, eum tamen sanctae tamque memorandae celebritatis diem minime praetereundum esse duximus quin clarum itidem ornatumque apostolica liberalitate redderemus. Eo itaque die tam ipsi regiae virgini quam caeteris omnibus ejusdem monasterii monialibus confossis ac sacra communione refectis plenariam peccatorum indulgentiam concedimus ac impertimur, tibi quoque, venerabilis frater, mandamus ut mature easdem de cumulado hujusmodi salutari munere ac etiam de paterno nostro erga ipsas luculentissimo animo facias certiores. Ac in pontificiae caritatis pignus apostolicam benedictionem fraternitatis tuae peramanter impertimur: *Datum Romae, die 17 julii 1771, pontificatus nostri anno tertio.*

CXLVII.

VENERACILI FRATRI

ARSENIO ARCHIEPISCOPO MARONITARUM ALEPPI

CLEMENS PAPA XIV.

Romæ, 20 Iulii 1771.

Venerabilis etc. Maximo sane dolore effecti fuimus, venerabilis frater, ex litteris tuis die XXII decembris anni præteriti ad nos datis, quibus certiores Nos fecisti dissensionis ac discordiæ quæ inter te et venerabilem fratrem Josephum Stephanum patriarcham vestrum non sine plurima istius nationis offensione ac gravi etiam periculo intercedebat. At divino plene beneficio factum esse putamus ut eodem pene tempore intelligeremus ex dilecto filio Stephano Borgie nostræ congregationis de Propaganda Fido secretario, ad quem recentiores tuæ pervenerunt litteræ, reconciliatam esse gratiam, ac fraternam plane, qua invicem esse debetis, concordiam inter vos restitutam. Quantum igitur molestiæ ex illo vestro dissidio antea ceperamus, tantum porro lætitiæ in paternum cor nostrum ex hac inita inter vos consensione promenevit. Te igitur ac patriarcham vestrum, quorum causa moerebamus, cum nunc hujus nostri gaudii esse videamur actores, eo luculentiori pontificia benevolentie complectimur ac plurima etiam commendatione ac laude cumulamur, utpote qui non tam susceptæ contentionis quam officii vestri, evangelicæ caritatis et commissi vobis gregis utilitatis memores esse voluistis. Quepropter quod reliquum est, venerabilis frater, etsi minime Nobis dubium esse possit quin ullis amplius controversiis dirumpende unquam sit hujusmodi vestrorum animorum conjunctio, tamen tam egregie comparatos vos apostolica etiam hortatione nostræ magis magisque incendi cupimus, ut eximia quadam perpetuaque consensionis atque amoris æmulatione inter vos imposterum contendatis, eoque ipso decleretis unenime in vobis esse vineæ Domini excolendæ ac omnibus virtutis ac sanctitatis exemplis exornandæ studium. Quod vero ad Nos pertinet, illud sane accuratissime præstabimus, ne unquam sitis paternæ nostræ erga vos, vestramque nationem caritatis fructus desideraturi. Atque id ipsum tibi quo magis persuadeas, confirmamus apostolica benedictione, quam in nostræ voluntatis pignus fraternitati tuæ ejusque fidei com-

missis populis peramanter impertimur. *Datum Romae, etc., die 20 julii 1774, pontificatus nostri anno tertio.*

CXLVIII.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO. CLEMENS PAPA XIV.

Romae, 24 julii 1771.

Carissime, etc. Nuper significavit Nobis dilectus filius Brunati agens imperialis tuus, gratissimum fore augustae Majestati Tuae, si nostra auctoritate curaremus ut transmitteretur ad te aqua quaedam quam vulnerariam vocant, cujus hic mirae feruntur curationes, una cum descriptione adhuc vulgo incogniti eamdem conficiendi artificii. Nihil Nobis potius atque antiquius fuit quam obsequi Majestati Tuae, atque hunc etiam capere locum declarandi tibi quam cupidi atque alacres simus eximiam, qua in te ferimur, paternam voluntatem ac singularia studia nostra tibi comprobandi. Statim itaque et aquam illam rite confici ab ipso artificii inventore mandavimus, quam ab eodem dilecto filio in capsula transmissam accipies; et praeterea libellum conscribi jussimus, in quo capta a peritis experimenta referuntur, et res ipsae ex quibus medicamentum componitur ac elaborandi ratio continetur. Eum libellum cum hisce nostris reddet Majestati Tuae venerabilis frater Antonius Eugenius archiepiscopus Ephesus, Noster et apostolicae Sedis apud te ordinarius nunciatus, atque is etiam quam prolixo ac luculento animo gratificemur tibi, coram pro suo munere confirmabit. Cupimus sane, carissime in Christo fili noster, atque adeo etiam confidimus fore ut hinc plurima ad publicam populorum utilitatem fiat accessio, quo scilicet tua studia praeclare collocata scimus, tantaeque potestatis usum praecipue esse conversum. Ad hoc optimum, sapientissimum regium consilium tuum aliquam Nos conferre potuisse partem, id vero Nobis erit jucundissimum. Hac proinde causa ultro in animum inducimus ut illius medicinae auctorem, qui nunc in custodia capitalis criminis reus detinetur, a poena mortis eximamus. Quod tanto libentius a Nobis fiet, quanto gratius futurum esse arbitramur tibi, quem cum ejusdem artificii

cognoscendi ceperit desiderium, cognitum fuisse postmodo fortasse delectabit. Reliquum est, carissime in Christo fili noster, ut te etiam atque etiam obsecremus, illud maxime tibi persuasum esse velis, flagrare Nos immensa ac summa erga te paterni amoris et caritatis magnitudine, nihilque ardentiore studio a Deo O. M. precari quam ut ipse incoepa tua fortunet omnia, utque virtutem, felicitatem ac gloriam tuam faciat ad ecclesiae catholicae incrementum et ad nostrum et apostolicam hujus Sedis gaudium redundare. Quae ut nostra auspiciatiora sint vota, apostolicam benedictionem augustae Majestati Tuae intimo paterni cordis sensu amantissime impertimur. *Datum Romae, 24 julii 1774, pontificatus nostri anno tertio.*

CXLIX.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

CLEMENS PAPA XIV.

Romae, 1 augusti 1774.

Carissime, etc. Accepimus humanissimas regiae Majestatis Tuae litteras, quibus plane pro tua erga Nos singulari pietate explens summum illud desiderium quo flagramus, ut Hispaniarum Infantem, primum nepotem tuum, quem exoptatissimo partu dilectissimae in Christo filiae nostrae Aloysiae Mariae principissae Asturiarum nurus tuae brevi genitum iri confidimus, Nos ipsi in sacra regeneratione suscipere ac in illa tanta celebritate patrini munus sustinere possimus. Respondes ipso optatis his Nostris, ac tam abunde respondes ut multo cumulatius nostrum gaudium reddas dum in ejus officii perfunctione socium te Nobis exhibes, unaque cupis ut ambo operam nostram in illa susceptione conferamus. Mirum sane est, carissime in Christo fili noster, quanta ad nostram jucunditatem ex ista societate tua fiat accessio, cum multo adhuc conjunctiorem vobiscum necessitudinem nostram inde exituram inde intelligamus. Quod quidem mirifico consentit cum singulari atque immensa, qua erga te tuamque regiam domum sumus, paterna caritate, quae novis hujusmodi mutui amoris causis adhuc magis excrescit atque illustratur. Dum tu igitur de praedecessorum tuorum more filii tui

futurum in amplissimis regnis successorem in Baptismo Nobiscum suscepturus es, ac ad avi nomen patrini personam adjungens, deinde sanctissimis religionis ac virtutum praeceptis atque exemplis ad praeclare regnandum informaturus, Nos nostras etiam agemus partes, ac eundem una tecum suscipientes eo nimirum impensissimo officio patrini munus obire curabimus, ut eximii paterni animi in eum studia omnia conferamus, neque desistamus unquam Deum Opt. Max. pro ejus incolumitate, felicitate, veraque ac solida gloria deprecari. Vehementer itaque tibi persuasum esse cupimus summas idcirco per Nos haberi Majestati Tuae atque agi gratias, ac eum in modum excipi a Nobis ejus tuae societatis communionem, ut nihil illa vel ad celebritatis decus, vel ad laetitiae nostrae cumulum illustrius atque amplius esse possit. Illud tantummodo defetum videmus ad nostri gaudii summam, quod Nos ipsi coram interesse ac nostra per Nos fungi parte longissimis locorum intervallis impedimur; solabimur tamen absentiam hanc optima qua licebit ratione, cum parati sumus illi vices nostras demandare quem ipse delegeris tibi gratum fore significaveris, qui scilicet per se ipsum etiam efficere possit acceptissimum tibi ut sit quod nostro nomine praestaturus est munus. Quod reliquum est, quodque ipse maxime postulas a Nobis, assiduis a Deo precibus petimus ut felicissimum nostris hujusmodi votis det exitum; atque paulo post quam tuae illae Nobis jucundissimae redditae essent litterae, cum advenisset dies Jacobo Apostolo praecipuo Hispaniarum patrono sacer, perreximus ad nostram sanctorum XII Apostolorum basilicam, ibique ad altare in quo pretiosus beati Jacobi sanguis expositus erat, sacrum fecimus, idque ipsum pro hac impetranda communi felicitate Deo Patri offerentes, Apostolum illum quanto potuimus animi ardore adhibere adiutorem ac deprecatorem contendimus. Ad hujusmodi opportunissima, quae ex nostris ad Deum votis proficisci pro te tuisque possunt, praesidia, apostolicae benedictionis salutare munus adjungimus, quod tibi, carissime in Christo fili noster, omnique regiae dilectissimae Nobis in Christo familiae intimo paterni cordi sensu amantissime impartimur. *Datum Romae, die prima augusti 1774, pontificatus nostri anno tertio.*

CL.

DILECTO FILIO

DESMARAIS, CANONICO REGULARI

ORDINIS SANCTISSIMÆ TRINITATIS REDEMPTIONIS CAPTIVORUM,

CLEMENS PAPA XIV.

Romæ, 7 augusti 1771.

Dilecte, etc. Accepimus litteras tuas pietatis in Nos ac observantiae plenissimas, una cum libello elegantissimis typis impresso, in quo Jeremiae questus patriae excidium lugentis, gallicis versibus expressisti. Operam tuam praeclare positam a te esse arbitramur in eo vertendo divino vate, cujus sublimitatem assequendi etsi nulla spes esse cuiquam possit, secutum tamen fuisse ac propius, quoad fieri potest, accessisse in maxima debet laude numerari. Quare id ipsum a te et susceptum et ad exitum perductum esse vehementer tibi gratulamur, neque minus tuum de religionis rebus studium quam exultissimum in pangendis versibus ingenium agnoscimus. Itaque munus hoc tuum eo a Nobis excipi animo tibi persuade quo tu maxime velis, nostramque hac etiam de causa plurimam esse erga te benevolentiam, cujus tibi fructus praesto semper pro opportunitate fore pollicemur. Qua igitur eximia caritate erga universum vestrum ordinem, et nosti, sumus, ejusdem non mediocrem in te derivari partem, qui laboribus tuis ipsius augere splendorem studes, ex apostolica etiam benedictione capere potes argumentum, quam tibi, dilecte fili, peramanter impertimur. *Datum Romæ, etc., die 7 augusti 1771, pontificatus nostri anno tertio.*

CLL

DILECTISSIME IN CHRISTO FILIÆ NOSTRÆ

ALOYSIÆ MARIE REGIÆ GALLIARUM PRINCIPISSÆ

CLEMENS PAPA XIV.

Romae. 14 augusti 1771.

Dilectissima, etc. Appropinquat jam dies inter ceteros omnes tibi laetus ac faustus, quo editis solomnibus religionis votis castissimas cum Christo sponso nuptias celebratis, eique actiones tuas omnes, spes, desideria, vitae denique totius cursum certissima animi tui devotione consecrabis. Majorem in modum gavisi sumus, dilectissima in Christo filia nostra, tibi que gratulati, cum primum hujus seculi detecta vanitate atque abdicatis regalibus pompis, in sacram istam Carmelitarum virginum domum secederes, ibique religioso assumpto habitu sanctissimae vitae tirocinium poneres; nunc vero immensa quadam ratione auctum est id nostrum et cumulatum gaudium ex hac tua quam illo die publice profitebaris suscepti consilii constantia. Maximas quidem ac summas Deo ipsi nos gratias reddimus, qui te a regalis aulae deliciis segregatam mirifico vocationis exemplo sibi conjunxerit, eoque singularius esse hoc divinum in te beneficium agnoscimus, quo amplioris eras antea in hoc seculo dignitatis, opum ac splendoris gradu constituta, animusque nunc tuus flagrantioribus religionis, humilitatis, caritatis studiis exardescit. Euge itaque, dilectissima in Christo filia nostra, illum diem tibi splendissimum futurum puta ac omnibus triumphis pulchriorem, quo caelesti gratiae obsecuta, Deo te penitus in potestatem trades, vitamque tuam solemnem votorum nuncupatione illius fidei voluntatique dicabis atque obstringes. Utinam nos illi celebritati interesse, tuique tam excellentis operis non solum testes esse possemus, sed etiam apostolicas in tanta actione praestare partes, tuaque quae emissura es vota in nostras manus exciperet! At desiderium hoc nostrum ea qua maxime possumus ratione solamur, nostrasque has vices demandamus venerabili fratri Bernardino archiepiscopo Damasceno, ordinario nostro nuncio, qui quod ante in tua religiosi habitus susceptione obivit, munus idem etiam nunc in sacra professione nostro nomine sustinebit; quoque ornatorem adhuc laetioremque eum

diem reddamus, ex Ecclesiae thesauro isthic ab eo concedendas ex apostolica auctoritate indulgentias depromimus. Sed paternam hanc eximiam erga te caritatem adhuc magis tibi declarandam suscipimus alia cupiditate nostra, ut scilicet luculentiorē in dies semper de te laetandi Deoque gratias agendi causam habeamus. Inmenso sane efferemur gaudio quotiescumque in eo quem inchoasti cursu quotidie a te, Deo aspirante, profici cognoscemus, illustrioremque semper existere vitam tuam omnium virtutum ac praesertim evangelicæ humilitatis exemplis. Nihil tibi ipsi, dilectissima in Christo filia nostra, sed Deo accepta referre debes omnia, quantumque illius confidere benignitate, tantum viribus tuis diffidere, nullis propriis inniti meritis, sed divina sustentari ac valere gratia, timere de humana infirmitate, in eo omnia posse qui te confortat, ejus idcirco, qui omnis sanctitatis fons est, opem semper ac praesidium implorare.

Ab hac intima animi tui persuasione facile etiam exterior humilitatis species consequetur; in humilitate porro ipsa ultimas radices agat caritas, ac omnium virtutum fructus proferet uberimos. Quæ non monendi aut hortandi tui gratia Nos dicimus, cum necesse id esse non putemus, sed illud quod Deo vocante suscipis sanctissimum vitæ institutum tibi magis magisque commendandi. Reliquum est, dilectissima in Christo filia nostra, ut præcipue illud tibi enrae sit, quo gratissimam semper te præstes ei cui plurimum debes, optime scilicet de te merito tuique amantissimo parenti tuo, ac in tuis precibus summo studio incolumitatem ipsi veramque ac perpetuam felicitatem a Deo postulare non desistas, illique florentissimum ejus regnum, liberos omnemque regiam familiam commendare. Pro nostra summa itidem caritate id vehementer a te ac jure flagitamus, ut Nobis etiam, alteri scilicet parenti in Christo tuo, propitium reddere contendas Deum, eumque pro commissa nostræ sollicitudini Ecclesia assidue deprecatoris, pro qua multo nunc studiosior esse debes, cum eidem facta sis quodammodo multo conjunctior. Illud invicem tibi persuade, Nos Deum O. M. nunquam precari intermissuros, ut suscepta a te consilia novis virtutum ac sanctitatis incrementis comprobet. Ac in eximiae nostræ erga te peternæ voluntatis pignus apostolicam benedictionem tibi, dilectissima in Christo filia nostra, ac universo tuo Carmelitarum ordini, intimo paterni cordis sensu amantissime impertimur. *Datum Romæ, etc., die 44 augusti 1774, pontificatus nostri anno tertio.*

CLII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,

CLEMENS PAPA XIV.

Romae, 14 augusti 1771.

Carissime, etc. Ullis plane verbis explicare non valamus intimam animi nostri iucunditatem quam percipimus quotiescumque da dilectissima in Christo filia nostra Aloysia Maria regina Galliarum principissa, tua item per carnem filiam cogitamus, quod quidem assidua facinus, semperque nobis obversatur ante oculos clarissimum illud virtutis, religionis ac sanctitatis axemplum, quod et hoc maxime ornat seculum nostrum, et ad posteros illustre ac prae ceteris memorandum transmittitur. Nunc vero cum propiorem jam videamus illum diem quo ipsa, exacto sacri tificinii anno, Christo sponso solemnibus se votis obstringet, incredibile sana est, carissima in Christo fili noster, quantum in Nobis exuberet gaudium, quantoqua incendamus desiderio laetitiam hanc nostram tecum communicandi, ac iterum, quemadmodum antea fecimus, summa atque immensa tibi gratulationis ac laudationis officia persolvendi. Te enim eximiae illae laetandi causae propius attingunt, qui tuam amantissimam sobolam intueris tam singularibus divinae gratiae donis cumulatam, ac plurimam ipse habes in eximio isto facto partem, cum divinis consiliis rationes tuas omnes posthabere volueris. Quamquam quid vel tuis vel tuae regiae domus atque amplissimi regni rationibus, opportunius esse unquam potest quam illius quae vestrum studiosissima sit, Deoque ipsi acceptissima assiduorum precum subsidio communiri? Mirifica itaque in eo at religionis et sapientiae tuae laudes elucent, tequa idcirco optimos esse divinae benignitatis fructus et privatim et publice raportaturum certissime confidimus. Cum igitur maximam inde ad laudem ac felicitatem tuam fieri accessionem intelligamus, quanto possumus animi nostri studio etiam atque etiam tibi gratulamur, unaqua in communionem quamdam accedimus paternae iucunditatis tuae, ac nostro etiam jure plurimam ajusdom Nos ipsi Nobis pertem arrogamus. Majorem onim cum dilectissima in Christo filia nostra

necessitudinem Nobis tum intercessuram videmus; cujus ut potiores etiam existerent causae, adesse Nos ipsi ac praeesse tantae celebritati cuperemus, atque excipere in manus nostras quae aeternitas erit vota religionis emissura. Huic cupiditati nostrae mirificus accedit stimulus ex illa cogitatione, quod te, carissime in Christo fili noster, tum alloqui, te complecti, tibi coram nostra de te tuisque omnibus studia, tibi paternum hunc animum ac pontificiae caritatis magnitudinem vultu ipso atque oculis emicantem expromere, atque invicem praesentibus religionis, in nos pietatis atque humanitatis tuae clarissimis indicis delectari liceret. Sed hoc non nisi optare ac fingere etiam Nobis ad solatium possumus; illud vero etsi absentes legitima quadam ratione praestabimus. Delegimus enim venerabilem fratrem Bernardinum archiepiscopum Damascenum, nostrum apud te ordinarium nuncium, qui vices nostras peragat, eumque nostris in forma Brevis litteris specialiter ad hoc deputare ac destinare volumus, quem admodum antea fecimus, cum eidem in sacrae vestitionis caeremoniis fungendi nostris partibus munus mandaremus. Quod igitur acceptissimum Majestati tuae tunc fuisse scimus, facile Nobis persuademus id nunc etiam multo magis gratum fore, cum in hac tam eximii operis perfectione virtutis ac sanctitatis species futura sit absolutior. A te igitur vehementer petimus ut hanc pie atque amanter, ut soles, excipias voluntatem nostram, eoque pacto des operam ut in hac parte minimum de nostra jucunditate per absentiam detractum esse experiamur, ac abunde per te satisfactum laetemur egregiae ac summae caritati qua te tuamque regiam domum prosequimur, in cujus uberius argumentum apostolicam benedictionem caelestium omnium benedictionem auspiciem Majestati tuae, tuisque omnibus regiis liberis intimo paterni cordis sensu amantissime impertimur. *Datum Romae, etc., die 14 augusti 1771, pontificatus nostri anno tertio.*

CLIII.

DILECTO FILIO

JOANNI GODEFREDO KAUFMANN,

FACULTATIS THEOLOGICÆ COLONIENSIS DECANO,

CLEMENS PAPA XIV.

Romæ, 17 augusti 1771.

Dilecte, etc. Vehementer gaudemus et primam editionem Apologetici contra Febronium tui probatam publice fuisse ac facile distractam, et nunc alterum a te emendatiorem atque auctiorem curatam esse. Ejus exemplum a te Nobis transmissum eo Nos excepimus animo quo tu maxime velis: pontificiæ scilicet erga te benevolentiae ac existimationis plenissimo. Probamus sane, dilecte fili, ac plurimum commendamus tua hæc studia, quæ tanta cum pietate ac doctrina in tuendis apostolicæ Sedis juri-bus impendis, atque etiam te hortamur ut quotidie exorientes hoc tempore in Ecclesia ejusmodi novitates pergas audacter, ut jam te facturum Deo juvante polliceris insectari. Præter enim quam quod optimam causam propugnare ac pro veritate decer-tare maxima semper in laude positum fuit, augebis etiam majorem in modum merita de Nobis tua, atque illam, quam de san-cta hac Sede præclare jam inisti, erga te gratiam cumulabis. Interim paratissimos pro opportunitate fore omnes nostræ erga te paternæ caritatis fructus ut tibi magis persuadeas, certissi-mum habe pignus in apostolica benedictione, quam tibi, dilecte fili, ac isti academici vestræ, cujus plurimam rationem habemus, peramanter impertimur. *Datum Romæ, etc., die 17 au-gusti 1771, pontificatus nostri anno tertio.*

CLIV.

VENERABILI FRATRI

JOSEPHO PATRIARCHÆ CHALDÆORUM,
CLEMENS PAPA XIV.

Romæ, 24 augusti 1771.

Venerabilis, etc. Tua gratulationis officia fuere Nobis jucundissima, venerabilis frater, cum exinde animum tuum Nobiscum in spiritus unitate conjunctum egregio in Ecclesiam studio atque in apostolicam Sedem pietatis ac observantiae sensu affici videamus. Nos quidem gravissimum subire summi pontificatus onus etsi impares. Deo tamen volente non detrectavimus, in eum conicientes spes nostras assiduisque precibus ipsum obsecrantes ut det Nobis sedium suarum assistricem sapientiam, quæ Nobiscum sit ac pro sua Ecclesia regenda tuendaque Nobiscum laboret. Qua sane in fiducia eo confirmamur magis, quo plura fidelium vota pro Nobis ad Deum fundi cognoscimus. Id cum tu etiam, venerabilis frater, cum commisso tibi populo pie studioseque præstiteris ac præstare pro tua religione non intermittas, maximum hoc exhibes Nobisque opportunissimum tuæ in Nos devotionis argumentum, quo nostræ de tuo isthic tuorumque statu paternæ sollicitudini respondes, majoremque in modum auges nostram erga te benevolentiam: cujus tibi fructus paratissimos samper in Nobis pro opportunitate ac facultate nostra futuros ut magis tibi persuadeas, apostolicam benedictionem tibi, venerabilis frater, ac omnibus fidei tuæ concreditæ populis peramanter impertimur. *Datum Romæ, etc., die 24 augusti 1771, pontificatus nostri anno tertio.*

CLV.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,
CLEMENS PAPA XIV.

Romae, 28 augusti 1771.

Carissime, etc. Quamquam Nobis perspectissimus erat egregius animus quo Majestas Tua esset exceptura ordinis Sancti Rufi unionem ordini Sancti Lazari per Nos factam, et quam grata tibi esset futura singularis nostra de te deque religione tua in ea universa re sancte pieque gerenda fiducia, de quo etiam dilectum filium nostro Joachinum S. R. E. cardinalem de Bernis, qui sensus nostros praeclare novit, certiore te fecisse non dubitabamus; tamen id ipsum tam luculenter tamque benevole humanissimis litteris tuis significari Nobis fuit jucundissimum. Ad hanc jucunditatem nostram mirifica facta est accessio litteris dilectissimi in Christo filii nostri Ludovici augusti Galliarum Delphini nepotis tui, quibus praeclaros suos ac tuae pietati consentaneos sensus late Nobis explicat, suamque accuratam in hac re operam ac fidem prolixè pollicetur. Nos quidem, excellenti hoc tuo, tuumque exemplar eximie referentis nepotis tui in sacras res studio freti, non solum speramus eo Sancti Lazari ordini attributos redditus ad Dei gloriam praecipue et ad pauperum utilitatem cessuros, sed uberrimos quoque pro rerum opportunitate religioni atque Ecclesiae fructus, praesidia atque ornamenta a vobis numquam defutura confidimus. Supervacaneum omnino est, carissime in Christo fili noster, ut nostram invicem studiosissimam voluntatem nostrisque in te amoris magnitudinem tibi pluribus declarem. Verum ita universim te existimare cupimus nihil esse quod ad tuam tuaeque regiae domus incolumitatem et gloriam, quod ad regni tranquillitatem atque incrementum pertineat, in quo non libentissime omnem nostram atque Apostolicae Sedis curam atque operam conferamus, omnique tua ac tuorum felicitate perinde ac nostra laetemur. Ac in summae paternae, qua te complectimur, caritatis pignus apostolicam benedictionem Majestati Tuae regisque liberis ac universae domui amantissime imper-

timor. *Datum Romae, etc., die 28 augusti 1771, pontificatus nostri anno tertio.*

CLVI.

CLEMENS PAPA XIV.

AD PERPETUAM REI MEMORIAM

Romae, 13 augusti 1771.

Omniū salutī paternā caritatē intenti, sācra interdum loca spiritalibus indulgentiarum muneribus decoramus, ut inde fidelium defunctorum animae D. N. J. C. ejusque Sauctorū suffragia meritorū consequi, et illis adjuvae a purgatorii poenis ad aeternā salutē per Dei misericordiā perducī valeant. Supplicationibus itaque dilecti filii nobilis viri marchionis de Pombal, Regis Fidelissimi secretario status, Nobis super hoc humiliter porrectis inclinati, volentes cappellā publicā in suo feudo de OEyras positā et in ea unum altare ab ordinario loci designandum speciali dono illustrare, auctoritatē Nobis a Deo tradita ac de omnipotentis Dei misericordia et beatorum Petri et Pauli apostolorum ejus auctoritatē confisi, ut quotiescumque diebus tribus cujuslibet hebdomadae, ab ipso loci ordinario pariter designandis, sacerdos aliquis secularis vel cujusvis ordinarius congregationis et instituti regularis sacrosanctum Missae sacrificium pro anima cujuscumque Christi fidelis quae Deo in caritate conjuncta ab hac luce migraverit ad supradictum altare celebrabit, anima ipsa de thesauro Ecclesiae per modum suffragii indulgentiam consequatur; ita ut ejusdem D. N. Jesu Christi ac beatissimae Virginis Mariae, Sanctorumque omnium meritis sibi suffragantibus a purgatorii poenis liberetur, concedimus et indulgemus. Id contrarium facientibus non obstantibus quibuscumque praesentibus perpetuis futuris temporibus valituris. *Datum Romae, etc., die 31 augusti 1771, pontificatus nostri anno tertio.*

CLVII.

DILECTO FILIO NOBILI VIRO

MARCHIONI DE POMBAL,

REGIS FIDELISSIMI SECRETARIO STATUS,

CLEMENS PAPA XIV.

Romae, 31 augusti 1771.

Dilecte, etc. Nihil singulari nostrae erga te benevolentiae opportunius est, dilecte fili nobilis vir, quam novis argumentis eandem testari et confirmare posse, atque haec eo nobis jucundiora accidunt quo magis animi tui pietati ac devotioni nituntur. Cum igitur nobis exposueris pictam effigiem santi Josephi de Cupertino seraphici nostri ordinis confessoris, quam a Nobis benedictam ac indulgentiis auctam pridem dilecto filio nobili viro commendatori de Almada fidelissimi Regis apud Nos ministro plenipotentiariorum dono dederamus, tibi ab eodem muneri transmissam esse, pergratum primum Nobis fuit sacrum id nostri amoris monumentum ad te pervenisse ac penes te esse perpetuo mansurum; libentissime porro, quemadmodum a Nobis pro tua religione postulas, non solum renovamus largitatem Nostram, sed eam magis extendimus et cumulamur. Proinde quoties confessus ipse ac sacra communione refectus ante eandem imaginem rite oraveris, toties plenariam peccatorum indulgentiam ut lucreris apostolica nostra auctoritate tibi, dilecte fili nobilis vir, benigne concedimus ac impertimur, ac praeterea ipsam hanc gratiam ad omnem etiam nobilem familiam tuam tuosque in perpetuum descendentes eadem nostra potestate extendimus ac largimur. Eo enim pio ac perenni paternae nostrae caritatis pignore volumus apud te tuosque semper tuorum de Nobis meritum, nostraeque invicem erga te gratiae voluntatis memoriam remanere. Fruere itaque, dilectissime fili nobilis vir, hoc apostolicae benignitatis fructu, ac in tuis ante eam effigiem precibus praecipue da operam ut commendatiorem Deo facias Ecclesiam suam, Nosque ipsos etiam, qui te tantopere diligimus tibi laeta semper ac fausta a Domino precamur omnia; quorum auspiciem apostolicam benedictionem nobilitati tuae peramanter impertimur. *Datum Romae, etc., die 31 augusti 1771, pontificatus nostri anno tertio.*

CLVIII.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

CLEMENS PAPA XIV.

Romae. 5 septembris 1771.

Carissime, etc. Quando a Nobis postulas, carissime in Christo fili noster, de novo equitum ordine instituendo constitutionem seu bullam, neque tam secreto neque tam cito confici potest quam tu Nosque vellemus. Per multorum enim manus antequam expediretur transire, de quorum omnium silentii fide certi esse non possumus, et eas res continere deberet de quibus maturo prius consilio a Nobis deliberari necesse est. Proinde hanc aliam gerendi tibi morem ineundam nunc esse viam necessario duximus, ut conficerentur eae nostrae in forma Brevis litterae, quae ad perpetuam rei memoriam inscribuntur, quaeque omnem vim habeant ad illum novum ordinem instituendum, eaque comprehendant omnia quae interim ad ejus foundationis rationem pertinent, citoque pariter ac secreto conficiantur et ad Majestatem Tuam transmittantur. Eas igitur hisce nostris conjunctas ad te mittimus, ac valde confidimus gratam tibi futuram esse nostram hanc tuo desiderio cum in modum obsequendi industriam. Deo porro juvante et communibus votis de secundissimo illo die novus Caroli III equitum ordo publice institutus fuerit, operam tamen dabimus ut illa conscribatur ac expediat bulla, quod tum percommode fieri poterit, cum scilicet antea deliberatum ac constitutum inter nos fuerit quibus ille possit vigere legibus, quibus Sedis apostolicae privilegium ornari, ut majus inde possit pietatis, religionis ac divinae gloriae incrementum existere. Vehementer sane gaudemus, carissime in Christo fili noster, tua hujusmodi pia, magnanima ac regia plane teque digna studia nostra Nos auctoritate provebere, ac tam apto praesertim tempore, quo summum a Deo percepturus es beneficium, hanc etiam conferre partem nostram ad illum diem omnibus Hispaniae regnis faustissimum, novis honorum, laetitiae ac pietatis accessionibus illustrandum. Quod reliquum est, eximia ac summa omnia tibi paternae caritatis atque amoris offi-

cia deferentes, apostolicam benedictionem, ejus praecipue quam expectamus felicitatis auspicem Majestati Tuae, omnique regiae familiae amantissime impertimur. *Datum Romae, etc., die 5 septembris 1774, pontificatus nostri anno tertio.*

CLIX.

CLEMENS PAPA XIV.

AD PERPETUAM REI MEMORIAM

Romae, 5 septembris 1774.

Gratissimo semper animo recolens perpetua atque immensa, quae a Deo accepit ac in dies accipit, beneficia carissimus in Christo filius noster Carolus Hispaniarum rex catholicus, ac mentem nunc cum summa expectatione intendens in felicissimum illum suoque regno auspicatissimum, qui brevi adfuturus est, diem quo regiam suam domum auctam novumque sibi successorem divina benignitate datum videat, nihil potius habet quam ut pro singulari sua pietate ac religione illustre aliquod vereque regium monumentum statuatur, quo omnia se accepta Deo referre, eamque praesertim felicitatem illius clementia in se cumulatam agnoscere, non praesentibus solum testatur, sed posteris etiam sacra ac perenni significatione noscendum memorandumque transmittet. Itaque, praeter caetera quae bonorum omnium auctori persolvit ac persolaturus est Deo, pro sui animi magnitudine novum decrevit regium equitum ordinem instituere sub suo Caroli III nomine, et sub auspicio et tutela Immaculae Virginis Mariae, erga cujus conceptionem cum omni inclita Hispana natione peculiari semper devotionis sensu affectus fuit ac inflammatus. Praeclarum hoc consilium suum cum exponi Nobis fecerit idem carissimus in Christo filius noster, regiae non solum pietati consentaneum, sed et augendis virtutum in Hispana nobilitate studiis opportunissimum, mirifice Nos excitavit ut et gratum Nobis cum sacrum ordinem futurum declarem, et consensum, approbationem nostram atque apostolicae auctoritatis robur adjungeremus, quo stabilior atque auctor ipso ordo per Nos esse possit ac pietatis accessione ornatur. Nos igitur, pro summa illa qua erga Regiam Majestatem

sumus paterna caritate, omnibus ejus gloriæ, decorum ac utilitatum rationibus vehementer intenti, propensique ad ea cuncta quaecumque præsertim ad Dei cultum regniq[ue] splendorem provehendum decernit, primum voluntatem de illo instituendo ordine suam majorem in modum commendamus ac probamus, ordinemq[ue] eum ipsum ita confirmamus, ut ad eundem magis stabiliendum illustrandumq[ue] omnia apostolicæ Sedis præsidia atq[ue] ornamenta, quantum fas est, conferre parati simus. Quapropter, quemadmodum postulat Majestas Tua, concedimus et indulgemus ut, adhibito virorum ecclesiasticorum consilio, percipi possit quotannis atq[ue] in hunc ordinem converti dimidia vel tertia pars fructuum commendarum quæ porro vacaturæ sunt quatuor militarium ordinum, nempe S. Lazari, Calatravæ, Alcantaræ et Montosæ, aliqua itidem pars fructuum ex mitris et iis episcopalibus qui ferendo oneri pares esse sine ullo curæ animarum, divini cultus, subsidii pauperum detrimento valeant, donec ad eam summam perventum fuerit ex qua redditus annui quindecies centenum millium realium confici possint, ut ita et retineatur dignitas et necessarij ordinis sumptus, et benemerentibus ac virtute præditis in eodem ordine præmia suppetant. Plenariam præterea peccatorum indulgentiam bonigne largimur omnibus qui in eo ordine insigne acceperint, et qui confessi ac sacra communione refecti, Deumq[ue] pro S. Ecclesiæ exaltatione rite fuerint deprecati, ac jurejurando, quod præstabunt ex formula, se ex animo obstrinxerint victuros se esse in fide catholica in eaque morituros, ac regi fidem, obsequium ac obedientiam semper accuratissime præstituros, neque quidquam in eum, in regiam domum regnumq[ue], vel directe vel indirecte, a quo vel ipsa cogitatio ut a nefario et impio scelere avertenda est, unquam molituros. Eandem demum plenariam indulgentiam largimur et concedimus omnibus ex eo ordine qui in ipso Conceptionis Beatæ Mariæ Virginis festo, quod ipsi præcipue ex instituto celebraturi erunt, vel in Ecclesia S. Francisci Matriti vulgo *il Grande*, vel cum rex ipse intererit, in regia Palatii cappella confessi pariter ac sacra communione refecti fuerint, Deumq[ue] rite et pro catholica Ecclesia, et pro regis regniq[ue] incolumitate oraverint. Atq[ue] hos quidem benignitatis apostolicæ fructus, quos luculentissimo erga carissimum in Christo filium ejusq[ue] regium ordinem animo impertimur, pignus quoddam esse volumus eorum quæ imposterum impertituri sumus, si ad divinam augendam gloriam, fovendamq[ue] virtutem ac religionem ordinis opportuna esse cognoscemus. In contrarium facientibus non obstantibus quibus-

cumque. *Datum Romae, apud Sanctam Mariam Majorem sub annulo Piscatoris, die 5 septembris 1774, pontificatus nostri anno tertio.*

CLX.

VENERABILI FRATRI

DEMETRIO EPISCOPO GRÆCO MELCHITÆ DE GIBEL,
CLEMENS PAPA XIV.

Romae, 7 septembris 1774.

Venerabilis, etc. Minime serum Nobis videtur esse illud gratulationis officium quod a studiosissimo hujus sanctae Sedis plenoque fidei ac observantiae in Nos animo profectum sit. Jucundissimae idcirco Nobis fuerunt litterae tuae, venerabilis frater, quibus tuam in Nos pietatem tam luculenter declaras, confirmasque Nobis eam, qua inter Nos conjuncti sumus in Christo, caritatem. Ac praecipue confidimus fore ut tu cum commisso tibi populo nunquam intermittas imbecillitatem nostram Domino commendare, eumque deprecari ut qui Nos Ecclesiam suam regere constituit, idem vires nostras sua ope ac praesidio roboret et communiat.

Aliqua etiam ex parte levatur ac minuitur sollicitudo nostra, cum impigram esse pastorem operam tuam, ac nunc maxime christianam isthic rem divina ope provehi ac florere cognoscamus.

Quare, dum Nobis ipsis idcirco gratulamur, meritam tibi tribuimus laudem, tequo in Domino ob tam praeclaras actiones tuas etiam atque etiam commendamus. Ac de proluxa erga te voluntate nostra uberius tibi perscribet dilectus filius Stephanus Borgia nostrae congregationis de Propaganda Fide secretarius, unaque certioram te faciet quo animo postulata tua exceperimus, quamque ad gratificandum tibi pro Dei gloria laboranti propensissimus. Nos praeterea, nunquam tibi pro opportunitate benivolentiae nostrae fructus defore pollicentes, apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 7 septembris 1774, pontificatus nostri anno tertio.*

CLXI.

UILECTISSIMO IN CHRISTO FILIO NOSTRO
PETRO LEOPOLDO ARCHIDUCI AUSTRIÆ,
ETRURIE SIBI SUBJECTÆ MAGNO DUCI,
CLEMENS PAPA XIV.

Romæ, 11 septembris 1771.

Dilectissime, etc. Cujus participes Nos facis lætitiæ tuæ quam in recenti orta filii percepisti, eandem Nos intimo hausimus sensu, dilectissime in Christo fili noster, ut tibi plurimas idcirco gratissæ, perinde ac nostrum illud proprium esset gaudium, persolvamus. Vehementer enim nostra interest quidquid ad eam domum cujus tanta pars est in christiana republica stabiliendam magis augendamque pertinet. Cum illa itaque perennem perpetuamque maximis ac gravissimis de causis esse cupiamus, amplificari nunc tuæ familiæ incremento hujusmodi spes nostras ita lætamur, ut non minus Nobis ipsis quam tibi unaque dilectissimæ in Christo filiae nostræ Mariæ Ludovicæ præstantissimæ conjugii tuæ, quod luculentissime facimus, gratulemur. Qua igitur singulari eximiaque pietate, amore, studio, existimatione universam domum tuam complectimur, hæc eadem paternæ caritatis officia extendimus in recentem hanc tuam sobolem, eique ab auspiciatissimo hoc initio ita felicem gloriosumque vitæ cursum omnem optamus ac precamur, ut semper potiores ex ejus regia indole et ex domesticarum amplissimarum virtutum imitatione lætandi causæ Nobis possint existere. Atque hæc vota nostra, ut recta esse et certiores eventus Dei benignitate sortiri valeant, prosequimur et cumulamus apostolica benedictione, quam in novum felicitatis auspiciū et in nostræ egregiæ caritatis pignus tibi tuæque regiae conjugii racensque nato filio ac toti dilectissimæ in Christo familiæ tuæ intimo paterni cordis sensu amantissime impertimur. *Datum Romæ, etc., die 11 septembris 1771, pontificatus nostri anno tertio.*

CLXII.

DILECTO FILIO NOBILI VIRO

LUDOVICO EUGENIO DUCI WIRTEMBERGENSI,

CLEMENS PAPA XIV.

Romae, 20 septembris 1771.

Dilecte, etc. Cum tuas Nobis redditae essent litterae, ex iisque cognosceremus quas animi tui facta esset per divinam gratiam commutatio, quo jam flagrares religionia studio, qua charitate Deo, qua fide Ecclesiae, qua Nobis sanctaeque huic sedi pietate adhaeresceres, tenere lacrimas prae gaudio non potuimus, dilecte filii nobilis vir, manusque atque oculos in coelum statim extollentes, divinae misericordiae magnitudinem agnovimus, quasque valuimus maximas pro immensa in te benignitate gratias Deo persolvimus. Summum enim in Nos ipsos ab eo collatum beneficium existimavimus, cum tam dilectum filium qui a peterna domo exierat, ejus luce perfusum, ejus dicto ad Nos revertentem recepiissemus. Itaque jucundissimo te excipimus animo, te complectimur, tuo reditu curas nostras solamur, ac laetissimos Ecclesiae Nobisque hos esse prae ceteris reputamus dies. Ex hac jucunditate de te nostra vides profecto quam perpetuam eam Nobis perennemque esse cupiamus; proinde Deum ipsum magnopere obsecravimus ut, quam tibi mentem dedit, constantem propositique tenacem faxit, semperque magis cor tuum ad omnia persequenda christianae virtutis officia excitat atque inflammet. Id potissimum precati accuratissime sumus, dum acceptabilem ei hostiam offerremus, ipsumque id sacrum pro tuorum peccatorum expiatione, proque animae tuae salute ac in suscepto consilio stabilitate fecimus, atque imposterum etiam dum superstites erimus, certissime decrevimus, tibi pollicemur memores Nos semper tui in incruento peragendo Sacrificio esse futuros. Omnem sane Nos dabimus operam, quantum in Nobis est, ut divinam tibi perpetuam opem ac mansura semper subsidia eum in modum comparemus. Tu vero id age atque in eo praecipue insiste, ut quem adeo propitium hactenus expertus es, semper ejusdem bonitatem erga te provoces, ejusque fiducia susten-
teris. Eam tamquam inexpugnabile scutum formidini illi quae animum tuum infirmitatis conscius demittit interdum ac deprimat audacter opponere necesse est, toque non jam in tua, sed

in divinae gratiae virtute confirmare. Suus est etiam ad salutem timor, ac plurimum debemus in ea operanda humanae naturae viribus diffidere. Sed praeclare proposita est Nobis Angelorum in mystica illa scala Jacob ascendentium ac descendentium imitatio. Spō nempe nostra ad Deum ascendimus, ac supra nos ipsos eo miserante ac juvante conamur: descendimus vero, cum ad humanam respicimus imbecillitatem, nihilque conatibus nostris efficere nos posse intelligimus. Dum ad sublimia ferimur inanis facile potest in animo obrepere nostri confidentia, qua existimemus nos aliquid esse cum nihil simus, ac ipsos nos seducamus. Ac tum profecto salutare afferendum adhibendumque timoris est remedium, ac illa temere se attollens cogitatio inopiae nostrae consideratione deprimenda. Revocandus contra est ille noster ad ima descensus, ne desperationis fines attingat, inque spem statim converiti atque erigi debet animus divinaeque opis expectatione sustolli. Ascendendo itaque descendendoque, fiduciam timore, gaudium tristitia ita quodammodo moderabimur, ut sola nos in nostra humilitate divina eustentet, quae est super omnia opera ejus, miseratio. Haec fusius ad te peracribimus, dilecte fili nobilis vir, ut angorem tuum, quem de anteacta vita percipis, optima fidei speique divinae ratione temperemus. Neque porro in eo Nos tibi reipsa defuturi sumus, quod a Nobis summopere flagitas, ut aliquam tibi pro peccatis luendam poenitentiam praescribamus. Id tamen eo pacto praestandum esse a Nobis putamus ut non magis tibi quam paternae etiam nostrae de te caritate obsequamur. Proinde in Nos ipsos suscipimus eas quas tibi imposeremus temporales poenas, idque aequo animo ferre te jubemus, cum benigne ac misericorditer exceptum iri arbitromur a Deo, qui parentum in filios pietate delectatur, quidquid poenarum ac poenitentiae a Nobis erit pro te ultro subeundum. Illud vero tibi sponte alacriterque imponiamus, quod tuo poenitendi Deumque placandi animo ac fovendae religioni pietatique tuae maxime opportunum esse judicamus. Auctoritate scilicet apostolica indulgemus tibi et benigne concedimus ut quotiescumque confessus ac sacra communione refectus Deumque rite precatus fueris, toties plenariam peccatorum indulgentiam consequi ac lucrari possis. Quam pontificiam liberalitatem nostram libentissime etiam extendimus ad dilectam in Christo filiam nobilem mulierem egregiam conjugem tuam, cujus precibus eximioque de te studio debere te post Deum illam ipsam animi voluntatisque tuae commutationem profiteris. Eam idcirco Nos singulari nostra caritate prosequimur ac omnibus paternae

pietatis muneribus cumulata parati sumus. Neque eodem benevolentiae nostrae fructu parvulas nunc tres filias tuas Deoque gratissimas expertes esse volumus pro eo tempora quo per humanae naturae conditionem ejusmodi peccatorum venia ac remissione indigebunt. Discant esse jam nunc illam in Nos pietatem quam tam prolixo in ipsas paterno animo promeremur. Minime jam da vobis dubitamus quin eo ipso die quo caelesti pabulo nutriti ardentiores vestras ad Daum fundetis ac acceptiores ipsi futuras preces, Ecclesiae, quae vos in sinu gerit, ac nostri praesertim memores sitis, qui talibus vestris ac fidelium omnium subsidiis quam opus habeamus, praeclare ipso intelligis. Nosti enim, dilecte fili nobilis vir, quae nunc quamque operosa in Nos incumbat moles, cui ferendae tantum abest ut pares esse possimus, ut nihil magis quam consilii atque operae nostrae tenuitatem infirmitatemque formidemus. Nos quidem, quantum in Nobis est, omnes curas in universas Ecclesiae Nobis commissae partes convertimus, ac dies noctesque cogitamus qua ratione tot undique ingruentibus occurramus ac medeamur malis. Doles da iis tu quidem pro ea qua in Ecclesiam es pietate, tuoque dolore excitas magis atque inflammas sollicitudines nostras, quibus praeterquam quod opportunitates quasque non tam expectamus quam per Nos ipsos paramus ac struimus, praecipua Daum ipsum assiduis precibus ac lacrimis imploramus ut Nobis sui consilii sapientiae ac fortitudinis spiritum largiatur, quo tamquam armis instructi possimus ignea inimicorum tela restringere, ac in tuenda promovendaque religione, pietate, virtute animarum incolumitati, ac divinae gloriae, quod utique cupimus ac debemus, inservire. Hoc praecipuum etiam esse tuae pietatis ac in Nos observantiae officium existima ut hujusmodi votis assidue insistas, quibus ad praeclarum christianae vitae specimen adjunctis, magis in dies cumulari in te uberrima divinae bonitatis incrementa senties. Nos invicem tibi veram animi in Deo pacem solidamque laudem ac felicitatem precantes, omnemque benevolentiam ac caritatem deferentes, nihil adeo exoptamus quam ut ejus reipsa declarandae, confirmandaeque habere magnum aliquam ac illustrem possimus locum. Interim in uberius ejusdem pignus apostolicam benedictionem coelestis benedictionis auspiciem Nobilitati Tuae, inclitae coniugi ac liberis omnique tam dilectae Nobis familiae intimo paterni cordis sensu peramanter impertimur. *Datum Romae, etc., die 20 septembris 1774. pontificatus nostri anno tertio.*

CLXIII.

DILECTIS FILIIS

DIGNITATIBUS ET CANONICIS

ECCLESIAE CATHEDRALIS ARIMINI,

CLEMENS PAPA XIV.

In Arce Gandulphi Albanensis diocesis, 16 oct. 1771.

Dilecti, ec. Peculiari studio et caritate complectimur, dilecti filii, ecclesiam Ariminensem, in cujus gremio nati sumus, civitatemque istam, in qua tamquam altera patria nostra primos aetatis annos usque ad seraphici ordinis ingressum transactos a Nobis fuisse jucundissime recordamur; neque Nobis animo excidere unquam potest qua tum virtutum laude floreret in populi aedificationem clerus, atque illa praecipua cleri pars, collegium nempe vestrum, cujus in vita pie sancteque ducenda praeclarum erat specimen caeteris, ac in persolvendis praesertim divini cultus officiis multa praefulgebat sacro cum decore ac dignitate conjuncta devotio. Hoc virtutis et pietatis exemplum transmissum ad vos tamquam per successionem esse ac nunc maxime in vobis vigere praeclare novimus, dilecti filii, et summo opere laetamur. Tanto itaque propensiore animo excipimus preces vestras quas exposuistis Nobis per dilectum filium Josephum Garampium, intimum nostrum cubicularium ac in arcanis epistolis nostris e secretis, amantissimum civem vestrum, cujus perhonorifico de vobis et testimonio et studio plurimum tribuimus, ut scilicet aliquod daremus nostrae in vos clementiae et caritatis pignus quod arbitraremur vobis posterisque vestris, ut ornamento ad laudem, ita etiam ampliori fore ad pietatem ac virtutem incitamento. Quapropter, mature perpensis vestris postulatis, facile Nos in eam deliberationem venimus ut magis nostris in collegium vestrum studiis quam desideriis vestris obsequeremur, eaque erga vos liberalitate uteremur quae modestiae certe vestrae fines ac fortasse etiam vota expectationemque vestram transgressa videretur. Nos igitur vos specialis favore gratiae prosequi volentes, et a quibusvis excommunicationis, suspensionis et interdicti, aliisque ecclesiasticis sententiis, censuris et poenis a jure vel ab homine quamvis occasione vel causa

latis, si quibus quomodolibet innodati existitis, ad effectum praesentium dumtaxat consequendum harum serie absolventes et absolutos fore censes, vestris supplicationibus inclinati, motu proprio et ex certa scientia ac matura deliberatione, vobis, dilecti filii, praeposito, archidiacono et capitulo, vestrisque successoribus, ut in diebus festis infra annum sollemnioribus; nempe in Nativitate Domini, in dominica Resurrectionis ac Pentecostes cum duobus sequentibus respectivo diebus; in festis Circumcisionis, Epiphaniae, Ascensionis et Corporis Domini nostri Jesu Christi; in feria quinta Coenae Domini, feria sexta in Parasceve et sabbato sancto; dominica in Albis et dominica Sanctissimae Trinitatis; in festivitibus Conceptionis, Nativitatis, Annuntiationis, Purificationis et Assumptionis Beatae Mariae Virginis, omnium Sanctorum, Nativitatis sancti Joannis Baptistae, sanctorum Petri et Pauli, sancti Gaudentii episcopi et martyris et sanctae Columbae virginis et martyris; in die anniversario dedicationis vestrae cathedralis ecclesiae, ac in commemoratione omnium fidelium defunctorum, dummodo iisdem diebus episcopus sollemniter et pontificaliter celebret; sicuti etiam aliis diebus in quibus episcopus aeque sollemniter et pontificaliter celebrare voluerit, et canonici juxta praescriptum caeremonialis episcoporum sacra paramenta assumere debeatis, singuli vestrum vestrique successores in Vesperis et Missis sollemniter decantandis, nec non in processionibus, seu aliis hujusmodi functionibus, in quibus sacra adhibentur paramenta, tam in dicta cathedrali quam in aliis ejusdem civitatis et suburbiorum ejus ecclesiis in quibus ad sacra sollemniter peragenda tam episcopus quam capitulum collegialiter accedere consueverint, vel in futurum contingeret. mitra simplici ex tela linea (praesento etiam S. R. E. cardinali, et de latere, nec non Provinciae Romandiolae legato) uti libere et licite possitis et valeatis, auctoritate apostolica tenore praesentium perpetuo concedimus et indulgemus. Quod si episcopus in enunciatis festivitibus ac respective diebus absens fuerit, vel praesens pontificaliter non celebret, sicut etiam et processionibus litaniarum tum majorum tum minorum, quas idem episcopus per se ipsum non peragit, dignitati seu canonico tantum hujusmodi functiones peragenti, ut indumenta pontificalia sacris actionibus respective convenientia; nempe mitram simplicem ex tela aurea absente episcopo, ex tela vero linea praesente episcopo, vel S. R. E. cardinali; crucem pectoralem sine gemmis, anulum cum unica gemma, sandalia et caligas ex holoferico; chirothecas, tunicellam et dalmaticam, nec non faldi-

storum ligneum holoserico currentis coloris, non autem ex tela aurea vel argentea coopertum; et ministrum de candela seu palmatoria inservientem habere licite et libere possit et valeat, tenore praesentium concedimus et indulgemus; caeteris. canonicis usu mitrae, quotiescumque episcopus pontificaliter per seipsum non celebret, et sacra paramenta ab ipsis assumi non debeant, penitus interdicto. Praeterea, contingere cum possit ut festum aliquod ultra supra expressa in cathedrali vel in aliis ejusdem civitatis et suburbiorum ecclesiis, in quibus vel praesente vel absente episcopo capitulum collegialiter conveniat, peragatur, dignitati seu canonico in Missa et Vesperis, sive etiam processionibus celebrantis munus explenti, pariter indulgemus ut mitra et respectivo convenientibus indumentis pontificalibus supra enunciatis uti possit, dummodo licentiam singulis vicibus ab episcopo obtinuerit. In exequiis vero defunctorum, in quibus juxta Pontificalis Romani part. III, tit. De officio quod post Missam solemnem pro defunctis agitur, et Caeremonialis episcoporum lib. II, cap. II, dispositionem conveniens est ut fiant absolutiones tam ab ipso episcopo celebrante, quam ab aliis quatuor episcopis vel praelatis si adsint, vel in defectum episcoporum a quatuor primis dignitatibus vel canonicis, ut hujusmodi quatuor sive dignitates sive canonici absolventes in actu tantum absolutionum praedictarum mitra simili uti possint, facultatem tribuimus et impertimur. Inhaerentes autem Sacrorum Rituum Congregationis decreto die XXIX januarii anno MDCCLI edito, et a sa. mem. Benedicto XIV, praedecessore nostro, suis litteris apostolicis tertio kalend. martii ejusdem anni confirmato, volumus ac districte praecipiendo mandamus ne dignitas aut canonicus celebrans praesumat ullo modo vel pontificalibus indumentis ad altare aut in choro indui, vel populum tria benedictione benedicere, vel cum formula episcopali — Pax vobis — salutare, vel pastoralis baculo uti; nullus vero sive canonicus sive dignitas in processione Corporis Christi mitram in capite gestare, aut mitra in aliis praeterquam in supradictis collegialibus functionibus uti unquam valeat. Insuper vobis singulis vestrumque successoribus ut in propriis armis et insigniis mitram sine pileo apponi faceret addere possitis licentiam impertimur. Non obstantibus quibusvis constitutionibus et ordinationibus apostolicis ceterisque contrariis quibuscumque. Ac in uberius paternae benevolentiae argumentum vobis, dilecti filii, apostolicam benedictionem peramanter impertimur. *Datum in Arce Gandulphi Albanensis dioecesis, die 16 octobris 1771, pontificatus nostri anno tertio.*

CLXIV.

DILECTO FILIO NOBILI VIRO

JOANNI PRINCIPI LAMBERTINO,

CLEMENS PAPA XIV.

Romae, 9 novembris 1771.

Dilecte, etc. Et dolorem tuum et ejusdem causam, quam tuis nobis litteris significas, permolesto talimus, ac in tanto tuo luctu et optimi parentis desiderio animum plane erga te tuamque domum sa. mem. Benedicti XIV praedecessoris nostri, magni tui patruī, induimus, similemque quo ille affectus fuisset nunc sensu experimur. Dum itaque commendamus defuncti animam Christo Domino. una vehementer a te cupimus, dilecte fili nobilis vir, ut dolorem tuum divinae voluntatis, cui prorsus subjecti esse debemus, ac erga illum misericordiae cogitatione lenias. Id vero praecipue tibi persuade, officium ejusmodi tuum ita esse a Nobis exceptum, ut paternam tibi benevolentiam nunc maxime deferamus. Ac in uberius ejusdem pignus apostolicam benedictionem Nobilitati tuae peramanter impertimur. *Datum Romae, etc., die 9 novembris 1771, pontificatus nostri anno tertio.*

CLXV.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO,

HABITA IN CONSISTORIO SECRETO DIE XI NOVEMBRIS MDCCLXXI.

Venerabiles fratres. Cum magnopere ad rempublicam pertinere, tum Ecclesiae ipsius plurimum interesse arbitrati semper sumus, venerabiles frâtres, ut amplissimae regum familiae sanctissimae religionis institutis jam diu fundatae ac stabilitae diuturna stirpis propagatione similem verae ac solidae pietatis gloriam remotissimae posteritati transmittant. Verum hujus utilitatis

magnitudo Nobis polissimum obversabatur animo, cum de carissimi in Christo filii nostri Caroli Hispaniarum regis catholici liberis ac successionem cogitaremus, ejusque ac majorum illius innumerabiles laudes atque in Ecclesiam merita recenseremus. Ad has publicas commodorum rationes accedebant peculiare nostri in illum amoris causae, mutua officiorum inter nos consuetudine magis in dies confirmatae, quibus sit ut quaecumque ad illum pertineant, ad Nos aequè attinere existimemus. Quare cum eadem, qua ille, sollicitudine et maximo desiderio succeduri in tantam regnorum apem ejus nepotis teneremur, facile intueri potestis, venerabiles fratres, immensam a Nobis perceptam jucunditatem, cum primum expletam studii nostri expectationem videmus. Optatissimum hunc nunciam ex regis ipsius litteris accepimus, quibus, laetitiae suae vi nostrum in sinum effusa, Nos in gaudii sui societatem vocabat, et nepote se auctum atque eundem nostro suoque nomine de sacro regenerationis fonte jam a se susceptum esse afferebat. Una itaque natum illum esse regno, regi, Nobis, ecclesiae ac Deo ipsi intelleximus, ac aecundissima omnia in illum auspicia e coelo collata esse agnovimus. Hunc nostrae jucunditatis sensum magnopere amplificavit, quod eodem plane die haec ad Nos essent allata, quo die dilectissima in Christo filia nostra Aloysia Maria regia Galliciarum principissa, relicto paternae ac regalia aulae splendore, in Carmelitarum virginum ordine Christi paupertatem atque humilitatem complexa, fide data se religiosae vitae legibus obstringebat Deoque devotebat. Propterea nos inclitam illam ac prope divinam Dei munere inditam virtutem tunc praecipue animoolvebamus, ac nos ipsi huic ab omnibus seculis memorandae celebritati interesse, eaque vota ac sponsiones in manus nostras coram excipere videbamur. Dum defixi in hac jucundissima cogitatione essemus, et novam hanc praeclaram laudem Borbonio nomini, ac praesertim carissimo in Christo filio Ludovico Francorum regi christianissimo accedere laetaremur, ille ex Hispania nuncius paternum animum nostrum ad aliam Borboniae item gentis felicitatem, et uberrimam Nobis inde perfrueandam laetitiam convertit. Summas atque immortales ex templo regum Regi, ac regnorum largitori et conservatori Deo gratias persolvimus, cujus singulari et commanibus votis jamdiu implorato beneficio pulcherrimas has gaudii causas Nobis esse datas videmus. Quam multae enim fuerunt, quam assidue nostrae et catholici regis propterea fusae ad Deum preces, quae vota et in Hispaniae regnis et hujus urbis nostrae templis susceptae Nos potissimum

nostram hanc sanctorum Duodecim Apostolorum basilicam festo beati Josephi a Cupertino, die quem natalis pueri dies statim est consecutus, adivimus, ibique a seraphico patre beato Francisco unaque a beato Josepho, quorum praesens erga Nos apud Deum patrocinium semper experti sumus, ut adesse Nobis tanta in revellent, enixe flagitavimus; eisque porro opis Nobis prnestitae memores, cum festus beati Francisci ageretur dies, in seraplica ejus nominis atque ordinis basilica, magnaquo hominum frequentia, gratissimum animum nostrum publice, ut debuimus, testati sumus. Quem igitur Deus Optimus Maximus impertitus Nobis est atque Ecclesiae dilectissimum in Christo filium, regi nepotem, Hispaniae delicias ac spem mansurae felicitatis, eundem servare ut salvum item ac incolumem velit, atque in illo avitae et paternae pietatis, aequitatis, clementiae, caeterarumque regiarum virtutum exempla renovare, omnino confidimus. Nos certe, quantum studio et pontificia caritate conniti et contendere possumus, ut maximus hic cumulus divinis beneficiis adjungatur, deprecando obsecrandoque praestabimus. Quapropter Deo omnipotenti commendamus egregium puerum Carolum Clementem a Nobis una cum catholico rege in sacra regeneratione susceptum, atque idcirco tamquam novum atque illustre summi inter Nos amoris ac necessitudinis pignus futurum: beatissimo item Petro, cujus apostolicam dignitatem in infirmitate nostra retinemus, cuique idcirco studia Nostra acceptissima fore scimus, tuendum eundem et custodiendum tradimus. Atque haec vobis, venerabiles fratres, communicanda esse duximus, ut, pro ea quam in Ecclesia habetis parte, vota vestra nobiscum conjungatis, et publicis laetitiae significationibus declaretis animorum vestrorum sensus in his faustissimis regiae catholicae domus incrementis, in quibus maxima rei christianae atque hujus apostolicae Sedis praesidia et oruamenta contineri cognoscitis.

CLXVI.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

-CLEMENS PAPA XIV.

Romæ, 14 novembris 1771.

Carissime, etc. Non regiam solum teque dignam animi munificentiam, sed eximia etiam tua erga Nos studia ac perspectam jam pridem pietatem Nobis tuo munere quod nuper accepimus, carissime in Christo fili noster, confirmasti, ac recentem hanc ad superiores de te lætandi causas adjunxisti. Cum enim summam ac singularem in te paternæ voluntatis caritatem jam diu contulerimus, nihil jucundius accidere potuit quam novis tui amoris indiciis magis in dies persuaderi Nobis ut quod pro excellenti tuarum virtutum laude facimus, id pro tuis etiam tam crebris ac præstantibus in Nos officiis ac meritis semper tibi debeamus. Cumulatissimas itaque Majestati Tuæ ac, quas maximas possumus, habemus gratias, eumque tibi deferimus animum nostrum, quo gratiorem ac in te diligendo inflammatiorem et Nos præstare, et tu ipse optare non possis. Quod reliquum est, carissime in Christo fili noster, a Deo Optimo Maximo enixa assidueque obsecratione contendimus ut virtutem, gloriam ac felicitatem tuam novis ipse suorum beneficiorum accessionibus ornet et cumulet, ac præcipue, quem ab eo nuper accepisti, Hispaniarum Infantem Carolum Clementem, communes delicias nostras, salvum atque incolumem tibi regnoque faciat. Sed quos de illo, de te, tuisque liberis omnibus perceptos habeamus intra nos sensus, qua voluptate de tantæ domus incremento effera-
mur, quæque nostra imposterum vota de ejusdem felicitate sint, magis ex iis percipere poteris quæ nuper locuti in secreto cardinalium consistorio sumus, cum eisdem lætitiæ nostræ magnitudinem communicaremus. Proinde eam tibi hisce conjunctam transmittimus allocutionem nostram, quam typis edi volumus, ut publicum etiam extaret hoc animi erga te nostri in tanta opportunitate monumentum. Atque ut felix hujusmodi votorum auspiciis sit, roboramus ipsum apostolica benedictione, quam in nostræ etiam paternæ caritatis pignus Majestati Tuæ universæque catholicae domui amantissime impertimur. *Datum*

Romae, etc., die 14 novembris 1771, pontificatus nostri anno tertio.

CLXVII.

VENERABILI FRATRI

ARMANDO EPISCOPO SILVANECTENSI,
CLEMENS PAPA XIV.

Romae, 20 novembris 1771.

Venerabilis, etc. Libentissime accepimus transmissam e ta Nobis orationem tuam, quam in religiosa regiae virginis professione dixisti, cum, quod jucundissimum Nobis est omnique virtutum laude cumulatissimum argumentum a te, venerabilis frater, plurima sit eloquentiae vi ac doctrinae copia pertractatum. Itaque et guademus debita excellentibus illius meritis ornamenta publice non defuisse, et tibi id exornandum, quo maxime triumpharet oratio tua, contigisse gratulamur. Hunc nostrum pontificii animi sensum fecile aestimare potes ex ea quem in tanta celebritate habere volumus parte, cum per venerabilem fratrem Bernardinum archiepiscopum Damascenum nuncium nostrum vices nostras agentem Nos ipsi quodammodo coram in manus nostras ea solemnia vota excipientes, ad tantum seuitatis ac religionis splendorem apostolicae dignitatis euctoritatem contulissemus. Quem si ettingisses de Nobis locum, tuaque dicendi gravitate pelam fecisses summam nostram etque immensam illem erga Borboniem desponsam Christo virginem cum pari tantae virtutis admiratione conjunctem ceritatem, id quidem peterno animo nostro fuisset gratissimum. Proinde id a Nobis desiderari in tua laudatione, venerabilis frater, aequo animo ferre debes, cum ex hoc ipso intelliges quantam habemus reitionem et illius nostro hoc pontificatu spleudidissimi facti, et uberrimae illuc congestae eloquentiae ac doctrinae tuae. Demum, pro tua in Nos ac sanctam henc Sedem observantie, plurimam tibi, venerabilis frater, pontificiam benevolentiam deferentes, apostolicam benedictionem fraternitati tuae tuaeque fidei commisso populo peramenter impertimur. *Datum Romae, etc., die 20 novembris 1771, pontificatus nostri anno tertio.*

CLXVIII.

DILECTO FILIO

JOANNI JOSEPHO AB HAVERN,

CLEMENS PAPA XIV.

Roma, 20 novembris 1771.

Dilecte, etc. Accepimus gratissimum Nobis munus tuum, tabulam nimirum augustae omnis familiae vultus referentem, quam aeri incidere in recentibus dilectissimi in Christo filii nostri Ferdinandi Austriae archiducis nuptiis voluisti. Hac re probasti quidem quae tua sit in ipsam Austriacam domum observantia, unaque etiam tua erga Nos studia pietatemque declarasti, cum quod maxime oblectare oculos nostros posset pro singulari nostra in eam familiam paterna caritate transmiseris. Ad tam acceptum munus adjunxisti tuos erga Nos ac apostolicam hanc Sedem ple-nos devotionis ceterorumque officiorum sensus, quibus plane tibi ea respondemus paterna benevolentia, qua tu maxime affectos Nos esse erga te velis. Ac in ejusdem argumentum apostolicam benedictionem, tibi, dilecte fili, peramanter impertimur. *Datum Romae, etc., die 20 novembris 1771, pontificatus nostri anno tertio.*

CLXIX.

DILECTO FILIO NOBILI VIRO

FRIDERICO LANDGRAVIO HASSLÆ,

CLEMENS PAPA XIV.

Romae, 20 novembris 1771.

Dilecte, etc. Maxime cuperemus pro illa qua erga Nobilitatem Tuam sumus, singulari paterna caritate gratificari tibi posse, in eo quod a Nobis per litteras postulas, ut scilicet dilectum filium Ephraim Honopka sacrae theologiae doctorem ordinis minorum conventualium ad aliquem in partibus episcopatum evehamus. Putaremus sane non magis tuis quam nostris Nos studiis sa-

tisfacere in eo ornando viro, cum decoris aliquid ipsi ordina-
 quem plurimum diligimus, adiunxisse videremur. Ratio tamen
 quam tenere in iis concedendis episcopatibus debemus cum ea
 sit, dilecte fili nobilis vir, ut non nisi illis interdum conferantur
 quos episcopi suffraganeos sibi ac tamquam subsidiarios in am-
 plissima dioecesi regenda necessario delegerint, haec ipsa Nos
 ratio, etsi invitos inducit ne tuis nostrisque desideriis in praesen-
 tia obsequamur. In tuam erga Nos pietatem intuentes, minime
 dubii sumus quin etsi rem ipsam praestare non possimus, ani-
 mus tamen hic Noster tibi gratissimus futurus sit, cujus erga te
 sensus et uberius cognosces, ex dilecto filio abbate Giordani
 agente tuo, cui eosdem palam fecimus, et Nos ipsi confirmamus
 apostolica benedictione, quam Nobilitati Tuae ex intimo paterno
 corde depromptam peramanter impertimur. *Datum Romae, etc.,
 die 20 novembris 1774, pontificatus nostri anno tertio.*

 CLXX.

DILECTO FILIO RELIGIOSO VIRO

LADISLAO SAPPEL,

ORDINIS SANCTI FRANCISCI RECOLLECTORUM,

CLEMENS PAPA XIV.

Romae, 14 decembris 1771.

Dilecte, etc. Mirifice comprobasti Nobis studia tua eo volumine
 quod nuper a te editum contra perniciose quorundam scripta ad
 Nos, una cum litteris observantiae erga hanc sanctam Sedem ac
 fidei plenissimis, transmisisti. Jocundum sano Nobis fuit omni te
 adhuc opera et labore contendere, quod jam pridem inceperas.
 ut Dei ecclesiam ac beati Petri cathedram a recentibus adver-
 santium aggressionibus vindicares. Idcirco et bene te de Nobis
 mereri ultro fatemur, et pari quam sa. me. Clemens XIII prae-
 decessor noster jam pridem testatus est, paterna te benevolentia
 complectimur: luculentissimum scilicet nostrum animum tibi, di-
 lecte fili religiose vir, et declaramus et exhibemus. Atque ut di-
 vina ope certius niti ad promovendam Dei gloriam Ecclesiaeque
 utilitatem possis, coelestis benedictionis auspicem apostolicam
 benedictionem tibi, dilecte fili religiose vir, peramanter imperti-

mur. *Datum Romae, etc., die 14 decembris 1774, pontificatus nostri anno tertio.*

CLXXI.

DILECTO FILIO

MALACHIÆ JENISERCHIS, SACERDOTI ARMENO,
CLEMENS PAPA XIV.

Romae, 18 decembris 1774.

Dilecte, etc. Libenter intelleximus, dilecte fili, quae ad nostram hanc congregationem de Propaganda Fide nuper scripsisti de apostolicis laboribus tuis, quos in excolenda isthic vinea Domini, Deo incrementum dante, sedula assiduaque opera impendis, ac de ea praesertim fidelium utilitate quam universalis jubilaei isthic promulgati opportunitas intulit; Deoque ipsi propterea plurimas egimus gratias, cujus benignitate fructus prodierunt uberrimi, tibi quoque eas dedimus laudes quae egregio muneri, quo fungeris, convenire maxime debeant, cum in eo exercendo evangelicum animarum zelum ac in proximum caritatem cum prudentia doctrinaque constrinxeris. Quapropter deesse Nobis videretur si novas isthic exercendae operae tuae ac inflammandae in isto fidei populo pietati opportunitates non suppeditaremus. Itaque per has nostras in forma Brevis literas, quas ad te, dilecte fili, transmittimus, plenariam peccatorum indulgentiam solemnioribus per annum diebus, videlicet Resurrectionis Domini nostri Jesu Christi, Pentecostes, Epiphaniae, Assumptionis Beatae Mariae Virginis, sanctorum apostolorum Petri et Pauli, ac seraphici patris s. Francisci lucrandam ab omnibus Armenis Ancyrae catholicis, quicumque prius confessi ac sacra communione refecti pro exaltatione Ecclesiae, pro infidelium conversione ac pro haeresum extirpatione Deum oraverint, ad septennium duraturam apostolica auctoritate concedimus.

Deum vero ipsum Nos precamur ut consilium hoc nostrum ad suam magis magisque augendam gloriam conversum suae bonitatis ubertate faecundet, tibi quoque ut ad eam curandam majori divinae gratiae incremento confirmaris, coelestis benedictionis auspicem apostolicam benedictionem peramanter impertimur. *Datum Romae, etc., die 18 decembris 1774, pontificatus nostri anno tertio.*

CLXXII.

DILECTO FILIO NOSTRO

ANTONIO S. R. E. PRESBYTERO,

CARDINALI DE CHOISEUL, ARCHIEPISCOPO BISUNTINO,

CLEMENS PAPA XIV.

Romae, 18 decembris 1771.

Dilecte, etc. Gratissima Nobis fuerunt, pro singulari qua erga te caritate sumus, quo in litteris ad Nos die XXXI octobris datis significas Nobis de tua filiali erga Nos et hanc apostolicam Sedem pietate, fido ac observantia. Quem Nos merito diligimus, cujusque sedulam in pastoralis ministerio operam, vigilantiam ac sollicitudinem plurimi facimus, ejusdem vicissim luculentas in Nos existere studii, obsequii officiorumque omnium declarationes, id vero et mirifice paterni animi nostri auget jucunditatem, et pristinam erga te benevolentiam magnopere confirmat. Cum itaque eum in modum comparati sumus, dilecte fili noster, facile intelligis minime unquam dubitatum a Nobis esse quin perutilis futura sit tua monialium sancti Francisci de Arbois gubernatio; imo ut eandem, quod par erat, auctoritate nostra stabiliremus illas quas nosti, in forma Brevis litteras, ultro ad te transmittere volumus, quibus et tibi in moniales jus esset, et illis invicem parendi necessitas, legitimaeque propterea ac tutae coram Deo atque Ecclesia actiones hae vestrae forent, ratumque quidquid a te ad ipsius monasterii utilitatem ac religiosam vitae rationem sanciretur. Nos enim, praeterquam quod minime agnoscimus ullo rationis robore niti ea quibus decretalem Innocentii III praedecessoris nostri cap. *Cum tempore* tit. *De arbitris*, non habere vim legis isthic contenditur, supervacaneam nunc esse hanc de ea decretali quaestionem videmus, cum illud monasterium sit in Burgundiae comitatu, ubi recordari facile potes, dilecte fili noster, te ipsum alias declarasse et decretales, et universum corpus juris canonicum suam vim legis retinere. Sed de his ipsis deque hujusmodi aliis quae in epistola tua continentur uberius intelliges ex venerabili fratre Bernardino archiepiscopo Damasceno nuncio nostro, ad quem accurate perscribi mandamus quae ad rem pertinent, quaeque referri tibi nostro nomine ac responderi volumus. Quod reliquum est, aliae exemptorum mo-

nasteriorum moniales quae subesse immediatae tuae episcopali jurisdictioni vehementer, ut scribis, exoptant, haec a Nobis postulare ipsae debent, tuque una, dilecte fili noster, cujus iudicio prudentiaeque maxime fidimus, tunc ad Nos transmittere quaecumque ad eorundem fundationes, regulas, privilegia ac praesentem rerum omnium statum pertinent, ut, his perspicue cognitis, decernere rite quod ex nostra aequitate ac eorundem utilitate sit valeamus. Demum in cumulatis nostrae erga te paternae caritatis argumentum apostolicam benedictionem tibi, dilecte fili noster, tuaeque fidei commisso populo peramanter impertimur. *Datum Romae, etc., die 18 decembris 1771, pontificatus nostri anno tertio.*

CLXXIII

VENERABILI FRATRI

FRANCISCO ARCHIEPISCOPO MEXICANO,

CLEMENS PAPA XIV.

Romae, 19 decembris 1771.

Venerabilis, etc. Accipimus tuum, venerabilis frater, quod non tam otio quam eruditioni ac doctrinae debetur, munus. majoremque in modum commendavimus animum tuum iis deditum studiis quae maxime cum episcopalibus curis consentiant ac in Ecclesiae bonum redundatura sint, atque etiam faciliorem tibi viam factura ad concilium provinciale quod rito celebrare statuisti, ut praeclaris praedecessorum tuorum exemplis insisteres, ac renovares atque ampliora etiam tuo zelo doctrinaque faceres ea omnia quibus fidei morumque integritas, Ecclesiae unitas ac hujus beati Petri cathedrae jus atque auctoritas retinetur. Illud vero divino plane ductu factum esse percipimus, ut opus tuum de ritu gothico in obsequium conficeres ecclesiae Toletanae; ejus enim cum antea inter alumnos adscriptus cases, jamjam inter praesules numerandus eris, eidemque, cui tantum studes, pastoralis vigilantia, sollicitudine atque opera praefuturus.

De hoc quidem Nos summopere laetamur, cum plurimam de te jam pridem perceptam confirmatamque opinionem nostram iis etiam, quae nuper transmisisti, tuae doctrinae monumentis vehementer auctam esse videamus. Acceptissimum itaque Nobis fuit ac jucundissimum, venerabilis frater, munus hoc tuum tantoque

maiores idcirco tibi gratias habemus quanto magis una conjungi luculentissima tua erga Nos ac sanctam hanc Sedem pietatis, observantiae et devotionis officia intelligimus. Praeclarum ad cetera merita tua hunc addis cumulum, venerabilis frater, singulari remque erga te caritatem nostram eum in modum inflammas, ut et ornatissimum te esse mirifico gaudeamus. et ornatorem in dies fieri vehementer optemus. Tibi igitur illud maxime persuade et summa esse nostra erga te paterni amoris studia, et parem tibi pontificiam operam atque auctoritatem praesto esse semper futuram. Dum haec ad te scribimus, venerabilis frater, nobis in mentem venit die XXV februarii hujus anni datam tibi per hanc Congregationem Concilii Tridentini interpretem a Nobis fuisse facultatem transferendi a regulari ad secularem vitae statum dilectum filium Joachinum sanctissimae Trinitatis ordinis Bethlemitici professum, eundemque ad sacros ordines usque ad sacerdotium inclusive promovendi. Graves Nos iuduxerunt causae ut ea ratione ipsi dilecto filio consultum esse vellemus. Proinde eum tibi nunc vehementer commendamus, plurimoque a te studio petimus ut ejusmodi illius postulato propenso excipias animo, et cum apostolica auctoritate paternam etiam erga ipsum pietatem nostram in te esse translatam putes. Gratissimum itaque Nobis feceris, si et illa per Nos tibi facta potestato libenter uti volueris, et luculentior etiam nostrae hujus commendationis causa in ipsum benignitatem tuam declaraveris. Ac in plurimae nostrae voluntatis pignus apostolicam benedictionem tibi, venerabilis frater, tuncque fidei commisso populo peramanter impertimur. *Datum Romae. etc., die 19 decembris 1771. pontificatus nostri anno tertio.*

CLXXIV.

CARISSIMO IN CHRISTO FILIO NOSTRO

STANISLAO AUGUSTO POLONIAE REGI ILLUSTR.

CLEMENS PAPA XIV.

Romae, 25 decembris 1771.

Carissime, etc. Perculsi incredibili dolore fuimus cum primum horribiles illi quibus conflictatus es casus, visque regiae vitae illata ac intentati tibi periculi magnitudo Nobis nunciarentur. Etsi nos semper antea conscii nostrae plurimae erga te caritatis

fuissemus, ex illo tamen, quo affecti tum atque oppressi pene eramus, intimo paterni animi sensu quantum te diligeremus, maxime cognovimus. Sed ereximus nos, carissime in Christo fili noster, ac non mediocriter recreavimus, cum in tuto vitam tuam esse positam ac singulari Dei beneficio servatam ex tuis præsertim litteris, quas cupidissime accepimus, intelligeremus. Statim itaque convertimus cogitationem nostram ad Deum O. M., cujus effusæ in te misericordiae pene prodigia, sunt a Nobis animadversa, eidemque et incolumitatem commendavimus tuam et quantas maximas potuimus persolvimus gratias; ac propterea etiam ad Poloniae nationis templum, cum ibidem pro Regia Majestate Tua vota publice fierent, perreximus, tibi que secunda in posterum, fausta ac felicia omnia precati sumus. Illud præcipue a divina clementia obsecrationibus nostris contendimus, ut turbulentissimum rerum istarum statum ad eam tranquillitatem ac pacem referre tandem velit, unde maximus suae gloriae fructus, catholicae videlicet religionis utilitas ac pristinus isthuc pietatis splendor existat. Excitat hanc in Nobis spem, carissime in Christo fili noster, admirabilis illa divini consilii ratio, quæ te a periculis atque a morte vindicavit. Quod idcirco factum certissime ab eo videtur esse ut, te superstitute, tuaque opera, tua virtute turbatas regni istius Ecclesiaeque rationes stabiliret. Gratus eidem pro tanto beneficio magis esse non poteris, quam si receptae ab eo vitae cursum omnem omnesque regias curas eidem obstringas ac devoveas. Multo tum magis palam omnibus facies quam leves atque inanes sint speciosae illae adversariorum tuorum excusationes qui se, ut nesci, rationis suae jura propugnare et catholicae religionis auctoritatem tueri profitentur. Nullae quidem esse uuquam possunt non improbandae ac prorsus repudiandae tantorum facinorum causae; illas tamen ipsas, quaecumque afferantur, facillime tum conceitatae etiam multitudini eripies ac extorquebis, cum nullius majora quam tua pro religione patriisquo legibus esse studia, tuamque ideo regiam potestatem divino patrocinio niti perspicue viderint. Haec Nos, qui cupidissimi gloriae tuae tuique regni felicitotis sumus, et a Deo enixe flagitamus et ex luculentissimo illo ejusdem erga te benignitatis argumento futura Nobis pollicemur. Demum coelestis benedictionis auspicem nostraequo singularis voluntatis pignus apostolicam benedictionem Regiae Majestati Tuæ amantissime impertimur. *Datum Romae, etc., die 24 decembris 1774, pontificatus nostri anno tertio.*

CLXXV.

DILECTIS FILIIS

CAPITULO ET CANONICIS

METROPOLITANÆ ECCLESIAE SALISBURGENSIS,

CLEMENS PAPA XIV.

Romae, 28 decembris 1771.

Dilecti, etc. Incredibile sane est quanto dolore affecti simus cum ex vestris literis tristissimum percepissemus nuncium de obitu venerabilis fratris Sigismundi Christophori archiepiscopi vestri Salisburgensis. Nostram Nos in eum singularem caritatem maximis de causis jam diu contuleramus; nam et praeclara ejus esse de religione, de Ecclesia et de sancta hac Sede merita et mirificum in commissos sibi populos apostolicum studium, curam ac vigilantiam ita agnovimus, ut ejusdem vitam a Deo diutissime ad commune bonum prorogari cuperemus. Quem proinde tantopere viventem diligebamus, ejus mortui desiderium ita ferimus, ut plurimam jacturam factam esse arbitremur. Communem itaque putare potestis, aequae scilicet nostrum esse vestrumque hunc luctum, ac proinde facile nostrum, dilecti filii, ex vestro dolorem cognoscere. Hunc ipsum tamen debemus ad ejus animae subsidium conferre, ac Deum salvatorem nostrum pro ipsius salute deprecari. Quod dum facimus, plurima sane erigimur ac recreamur fiducia fore jam ut ipse meritam suarum virtutum mercedem a Domino recipiat. Altera etiam Nobis suppetit leniendi moeroris causa, dum cogitationem nostram ad vestras laudes ac optima quae agitis de eligendo successore consilia convertimus. Minime Nobis dubium esse potest, pro ea qua de vobis sumus existimatione, quin ad publicas rationes unice sitis exacturi judicia vestra, eaque ex Sancti Spiritus afflatu tantummodo moderaturi. Tamen pro nostro munere etiam atque etiam hortamur vos, a vobisque flagitamus ut per vos vestramque operam optime consultum Ecclesiae istius utilitati ac dignitati sit, utque praedecessoris virtutes non jam extinctae, sed in successore redivivae omnes esse videantur. Ita eritis de vestra Salisburgensi ecclesia, cujus Nos studiosissimi sumus, ac proinde etiam de Nobis praeclare meriti. Volumus praeterea hoc

nunc maxime in animum inducatis, quidquid opis ac praesidii in nostra ac in apostolicae Sedis auctoritate esse poterit, illud vobis omne pro opportunitate praesto esse semper futurum. Quod reliquum est, vehementer vobis commendamus dilectum filium abbatem Josephum Dionysium Crivellium, ut qui antea tribus antistitibus vestris perpetuam operam summa cum fide, integritate ac prudentia conjunctam probaverit ac in curandis istius ecclesiae rebus praestandisque officiis consequeretur, eundem meritissimum esse putetis cujus plurima ratio a novo archiepiscopo vestro habeatur. Facite igitur ut ad praeclara ejus merita etiam nostrae qua in ipsum sumus benevolentiae ratio accedat, ac eundem reddat et vobis et per vos vestro futuro antistiti nostra causa commendatissimum. Quod per aetatem agere non poterit, pensabit experientia; habetque praeterea adiutorem suum dilectum filium abbatem Augustinum aequae sedulum, diligentem, expertum Nobisque acceptum hominem, cujus ille utilissimam fore isti ecclesiae operam ac auxilium sibi pollicetur. Uterque igitur cupimus ut eum retineat apud successorem gradum in quo erat ab optimo praedecessore constitutus. Id profecto Nobis erit gratissimum. Demum apostolicam benedictionem in nostrae caritatis pignus vobis, dilecti filii, peramanter impertimur. *Datum Romae, etc., die 28 decembris 1774, pontificatus nostri anno tertio.*

CLXXVI.

DILECTO FILIO NOBILI VIRO

ALOYSIO EUGENIO DUCI WIRTEMBERGENSI, .

CLEMENS PAPA XIV.

Romae, 11 januarii 1772.

Dilecte, etc. Maximas sane occupationes quotidie Nobis afferunt variisque animum nostrum distinent curis gravissima omnia summi pontificatus quem gerimus munera; litterae tamen tuae, dilecte fili nobilis vir, tantum abest ut idcirco molestae Nobis esse possint ut etiam eas ipsas sollicitudines levent quodammodo ac recreent, et peternum cor nostrum singulari quadam jucunditate perfundant. Quem enim intima caritate diligimus, cujus

salutem omnibus expetimus a Deo votis, eundem magis in dies virtutis via procedere, religionisquo ac pietatis spiritu inflam-
mari, id vero intelligere Nobis est jucundissimum. Maximas
idecirco pergimus atque immortales omnipotenti Dei habere ac
reddere gratias, cujus in te summa atque eximia beneficia con-
stare cognoscimus. Tu vero perge, dilecte fili nobilis vir, quan-
tum tuis diffidere viribus tantum divina bonitate niti, in Jesum
Christum redemptorem ac mediatorem nostrum cogitationes ac
spes omnes conicere, in eo conari ac operari salutem tuam atque
ad aeterni Patris gloriam per eum adspirare qui est via, veritas
ac vita, per quem scilicet ex his tenebris ad inextinctum veri-
tatis lumen, ac beatissimam vitae immortalitatem traducimur.
In hoc quidem seculo certandum semper est Nobis, cum undi-
que adversariorum vi atque insidiis appetimur; sed ejus morte
vitam recipimus, ejus sanguine roboramur ad victoriam, ejus
demum virtute triumphum sumus relaturi. Haec cum tibi unice
proposita sit in tuo timore tuaque humilitate fiducia, in eaque
per Dei misericordiam assidue confirmeris, ut ex tuis intellexi-
mus litteris, tanto flagrantiores ad eum pro te cum gratiarum
actione preces effundimus, neque ullum sinimus praeterire diem
quin memores tui in peragendo sacrificio simus, teque ac dilectas
in Christo filias, nobiles mulieres, conjugem filiasque tuas atque
universam familiam aeterno Patri per sanctissimam illam pro
nobis immolatam hostiam commendemus. Dum Nos eo in te
animo sumus, invicem tua tuorumque qua in Nos estis pietate
magnopere delectamur, atque inde uberrimos Nobis Ecclesiae-
que fructus exituros confidimus, cum quos Nostri pontificatus
temporibus successus desideras, eosdem summis a Deo assi-
duisque precationibus efflagitas. Nos quidem cogitationibus, cu-
ris ac laboribus omnibus non nostram, sed Dei gloriam quaeri-
mus, proque eadem vitam ipsam pacisci ac profundero parati
sumus. Ea in Ecclesiae utilitate provchenda, in amplificanda re-
ligione, in curanda animarum salute potissimum continetur.
Quorum omnium cum commissa nostrae fidei sollicitudo sit,
optimo intelligis quantum sit pondus, quam imbecillis viribus
sustinendum, et quam enixis proinde fidelium omnium precibus
ac votis fulciri quodammodo Nos ac roborari necesse sit. Pro
tuo igitur in Nos studio feceris, si infirmitatem nostram non in-
termisso precationum auxilio sustentaveris, neque aliud putave-
ris officium ullum in Nos tuum esse posse Nobis vel opportu-
nius vel acceptius. Eum in modum praeclare responderis sum-
mac illi ac singulari paternae caritati qua te prosequimur, qua-

que apostolicam benedictionem coelestis benedictionis auspicem Nobilitati Tuae ac tam dilectae Nobis familiae peramanter impertimur. *Datum Romae, etc., die 11 januarii 1772, pontificatus nostri anno tertio.*

CLXXVII.

DILECTIS FILIIS

CAPITULO ET CANONICIS

METROPOLITANÆ ECCLESIAE SALISBURGENSIS,

CLEMENS PAPA XIV.

Romae, 15 januarii 1772.

Dilecti, etc. Ecclesia ista metropolitana Salisburgensis, dilecti filii, sub pristinis archiepiscopis suis, ac sub eo potissimum qui nuper ereptus summum sui desiderium Nobis reliquit, plurimo ut dignitatis ita virtutis splendore semper enituit. Maxime proinde optamus, ut sub eo etiam quem suffecturi suffragiis vestris eritis eadem suarum laudum ornamenta imposterum retineat; neque minus vestro studio vestraque cura ac prudentia fore confidimus ut quod saepe antea in antistitis electione fecistis, nunc itidem eidem Ecclesiae sitis egregie consulturi. Verum, ut operam etiam nostram atque auctoritatem ad ejus, quam florentissimam esse cupimus, commoda utilitatemque conferamus, ea praesertim ratione inducimur, quod arctis quibusdam concludi sinibus videntur judicia vestra, si eorum etiam quatuor vestrorum in canonicatu collegarum qui ejusdem metropolitanae suffraganei episcopi sunt, rationem in comitiis habere non possitis. Fieri enim facile potest ut vos, qui propius ipsorum pastorales curas inspicitis, quæpiam ex iis a quo commissam tantae dioecesis partem optime regi administrarique videatis, aptissimum fore qui Salisburgensi ecclesiae praesit, ac caeteris praeferendum censeatis. Ne igitur carendum vobis ecclesiaeque isti sit illa quae peculiaris vestra est opportunitate ex suffraganeis unaque collegis vestris capienda, faciendam vobis ipsis esse nunc per Nos potestatem eligendi quemlibet ex iis quatuor episcopis cui Salisburgensis ecclesia committatur, si ita in Domino iudicabitis, decrevimus. Itaque, dilecti filii, quemadmodum singulos

vestrum eligendi vobis jus est, ita per hasce nostras in forma Brevis litteras facultatem vobis ultro apostolica auctoritate concedimus ac impertimur ut, in his tantummodo archiepiscopali-
bus comitiis quae proxime habenda isthic sunt, quemcumque ex iis quatuor collegis vestris qui in ista dioecesi suffraganeum episcopatum gerunt, unum eligere in Salisburgensem archiepiscopum, si ita videbitur expedire, quibuscumque in contrarium non obstantibus, valeatis. De qua concessione nostra ita vobis maxime persuasum esse volumus, nihil aliud propositum Nobis in animo fuisse nisi ut, aequitatis rationem in amplificanda vestra facultate sequentes, faciliorem vobis electionem efficeremus, et quemcumque sive ex iis quatuor episcopis, sive ex reliquis canonicis per suffragia vestra delegeritis, aequè Nobis gratum atque acceptum futurum. Ex hoc etiam, dilecti filii, summo-
pere cupimus intelligatis quanta in vos nostra sint ecclesiam-
que vestram studia, atque idcirco tanto majorem detis operam ut ex ea gravissima, quam brevi peracturi estis, actione vestra plurima ac perpetua et in vos laus et in istam ecclesiam utilitas et in Nos ipsos jucunditas redundare debeat. Demum in pontificiae nostrae caritatis pignus apostolicam benedictionem vobis, dilecti filii, peramanter impertimur. *Datum Romae, etc., die 15 januarii 1772, pontificatus nostri anno tertio.*

CLXXVIII.

DILECTISSIMÆ IN CHRISTO FILIÆ NOSTRÆ

MARIÆ ANNÆ, ARCHIDUCISSÆ AUSTRIÆ,

ABBATISSÆ PRAGENSIS,

CLEMENS PAPA XIV.

Romae, 22 januarii 1772.

Dilectissima, etc. Propensissimo planeque paterno animo ex-
cepimus postulatam Nobis tuo nomine factam per dilectum fi-
lium magistrum Franciscum Herzan cappellanum nostrum et
causarum palatii apostolici auditorem, quo postulato datum esse
Nobis videmus locum in spirituali tibi ope praestanda, decla-
randi itidem qua in te summa singularem atque egregiam ca-
ritatem. Praeter enim quam quod in augustam domum tuam,

summis atque immensis dignitetis, virtutum ac meritorum laudibus jam ab ultima antiquitate florentem, et nunc præcipue immortalis omnis generis amplitudine cumulata, omnia nostri amoris ac existimationis officia conferamus, proprias in te ipsa eximiasque pietatis ac religionis laudes agnoscimus, quibus in tante tuorum luce potissimum enitescis. Te itoque Deo inservientem divinisque rebus tam præclare deditam non solum summa animi commendatione ac studio prosequimur, sed paratissima tibi omnia esse volumus nostra et apostolicæ Sedis beneficia; cum eadem optime collocatum iri a Nobis arbitremur. Nihil enim petis nisi quod summa ratione nititur, quodque cum pietate ipsa, tui præcipue studes, ejusque exercendæ facultati consentit. Si quidem cum imbecillior sit valetudo tua quam ut abstinere ab esu carniū diebus vetitis possis, postulas a Nobis ut earundem usum tibi permittamus, atquo ita postulas ut aliam tibi poenitentiam præscribi a Nobis velis, quæ ejus abstinentiæ pensari valeat relaxatio. Primum itaque, dilectissima in Christo filia nostra, ne quid de hac re dubitationis conscientia tua inbaerere possit, persuasum tibi maxime esse cupimus omnia quæ huc pertinent Nobis diligentissime esse a prefato dilectissimo filio exposita ac declarata, Nosque, causa perspicue cognita accurateque expensa, de tua petitione decernere. Quapropter, quod in Domino faciendum judicamus, facultatem tibi diebus jejunii lege vetitis salubres carnes comedendi apostolica auctoritate concedimus ac impertimur, ac etiam, si ita confessario itemque medico tuo videbitur, moderatum earundem carniū usum vespertino collationis tempore permittimus ac indulgemus. Atque ut adhuc magis omni te animi anxietate eximamus, eam ipsam, qua te solutem esse declaravimus, legem hoc alio commutamus quemadmodum exoptas onere; videlicet ut qualibet sexta hebdomadae feria in honorem quinque Christi Domini plagarum quinque dominicas orationes et totidem salutationes angelicas devote recitare debeas. Permolesce quidem tulimus, dilectissima in Christo filia nostra, hujusmodi datas Nobis esse, ut tibi gratificemur, valetudinis tuæ causas: ita tamen luculento erga te animo id fecimus ut maxime cupiamus novas impostorum ac jucundissimas crebro suppeditari Nobis paternam magis in dies caritatem tibi testandi confirmandique rationes. Quod ex ipso etiam dilecto filio magistro Herzan, cui nostros de te sensus patefactos esse coram voluimus, luculentius intelliges. Nos invicem majorem in modum confidimus fore, pro mutua tua erga Nos filiali pietate, ut egre-

gia Nobis gravissimo hoc munere fungentibus in praecationibus ad Deum tuis subsidia constituta sint. Nihil esse a te Nobis gratius, nihil devotioni in apostolicam Sedem tuae opportunius umquam poterit. Demum, in uberioris divinae gratiae auspiciis nostraeque caritatis pignus, apostolicam benedictionem tibi, dilectissima in Christo filia nostra, intimo paterni cordis sensu amantissime impertimur. *Datum Romae, etc., die 22 januarii 1772, pontificatus nostri anno tertio.*

CLXXIX.

VENERABILI FRATRI

JOANNI EPISCOPO CERAMENO,

COADJUTORI VICARII APOSTOLICI TUNKINI OCCIDENTALIS,

CLEMENS PAPA XIV.

Romae, 29 Januarii 1772.

Venerabilis, etc. Accepimus eo plane quo ipse cupis animo litteras tuas die XXX decembris ad Nos datas, venerabilis frater, ex quibus quae a te Nobis accurate referuntur, perlibenter intelleximus. Illud jam tibi magis magisque persuasum esse volumus, nihil tam Nobis esse cordi quam Gallicanarum missionum in Indiis Orientalibus incrementum, unde religionis, animarum salutis ac proinde divinae gloriae fructus existat uberrimus. Propterea operam omnem, quantum in Nobis est, semper ad ejusdem missionis tuendam amplificandamque rem navabimus. Cum hunc in modum breviter tibi nostrum de universa re animum declarassemus, de caeteris quae peculiariter huc spectant, quid nos sentiamus, ex dilecto filio Stephano Borgia nostrae congregationis de Propaganda Fide secretario perspicue cognoscet. Ac ut singularem tibi benevolentiam nostram luculentius confirmemus, divinamquo opem ad tam pios provehendos conatus adhuc magis eliciamus, apostolicam benedictionem fraternitati tuae peramanter impertimur. *Datum Romae, etc., die 29 januarii 1772, pontificatus nostri anno tertio.*

CLXXX.

VENERABILI FRATRI

THEODOSIO PATRIARCHÆ ANTIOCHENO,

CLEMENS PAPA XIV.

Romae, 1 februarii 1772.

Venerabilis, etc. Parem esse expectationi de Nobis vestrae paternum nostrum animum erga dilectos filios Sancti Salvatoris monachos, quos tam enixe commendas, facile tibi persuadere, venerabilis frater, potes, cum non ignoti Nobis eorum labores sint quos pro fide catholica praeteritis temporibus exantlarunt, et fructus illi quos ex ista vinea Domini sua opera, studio ac sedulitate exulta uberrimos retulerunt. Vehementer itaque et eorum angustiis commovemur, et nihil optamus magis quam ut sublevare eosdem ope nostra praesidioque possimus, et eorum zelum pro animarum salute et catholicae religionis incrementis, etsi sua sponte satis incitatum magis magisque inflammare. Haec nos universim tuis rescribimus litteris, venerabilis frater; cetera vero, quae huc pertinent, quaeque nostra sit de re singulari sententia, ex dilecto filio Stephano Borgia nostrae congregationis de Propaganda Fide secretario, qui ad te diligenter perscribet, intelliges. Ac in paternae nostrae pietatis pignus apostolicam benedictionem fraternitati tuae, ejusque fidei commisso populo peramanter impertimur. *Datum Romae, etc., die prima februarii 1772, pontificatus nostri anno tertio.*

CLXXXI.

DILECTO FILIO

EUTIMIO ZECEAR,

ABBATI GENERALI MONACHORUM BASILIENSIS

GRECO-MELCHITARUM CONGREGATIONIS S. SALVATORIS,

CLEMENS PAPA XIV.

Romae, 1 februarii 1772.

Dilecte, etc. Nihil gratius Nobis atque acceptius est, dilecte fili, quam omnium vestrum de paterna nostra caritate fiduciam

agnoscere, quorum et in colenda Domini vinea sollicitudinem atque industriam commendamus, et non ignoramus eas quibus in praesentia conflictamini, sublevarique idcirco flagitatis, angustias. Nos profecto praesto vobis semper esse maxime cupimus, vestraeque de pietate in vos nostra expectationi non impare vos adjuvandi cupiditate respondemus. Eum enim in modum libentissime et benemeritis gratificaremur, et eorum animos ad praeclarius etiam de catholica religione merendum beneficiis nostris incitaremus. Hanc universim de vobis esse voluntatem nostram tibi tuisque vehementer persuasum esse volumus; cetera vero quae huc peculiariter spectant nostro nomina ad te per dilectum filium Stephannum Borgiam nostrae congregationis de Propaganda Fide secretarium accurate praescribentur. Ac in paternae benevolentiae nostrae pignus apostolicam benedictionem tibi, dilecte fili, tuisque monachis peramanter impertimur. *Datum Romae, etc., die prima february 1772, pontificatus nostri anno tertio.*

CLXXXII.

DILECTO FILIO NOBILI VIRO

CAROLO ALBERTO PRINCIPI AB HOHENLOHE,

CLEMENS PAPA XIV.

Romae, 5 february 1772.

Dilecte, etc. Quas nobiscum egisti filialis officii tui partes in re- centibus tuis cum dilecta filia nobili muliere principissa Josepha de Salm-Salm sponsa tua nuptiis, eadem Nobis dilectus filius abbas de Gentilibus, dum tuas litteras redderet, abunde cum- lavit. Id Nobis pergratum fuit, tibi que idcirco summo studio gratulamur tuaeque nobili familiae, quam plurima sobole florere cupimus, omne decoris ac felicitatis incrementum a Deo pre- camur. Quo id faciamus quam prolixo luculentoque animo praefa- tus dilectus filius diligenter, ut solet, ad te perscribet, tibi que a paterna nostra caritate profecta de te vota confirmabit. Demum in coelestis benedictionis auspiciis apostolicam benedictionem tibi tuaeque coniugi, dilecte fili nobilis vir, peramanter imperti- mur. *Datum Romae, etc., 5 february 1772, pontificatus nostri anno tertio.*

CLXXXIII.

VENERABILI FRATRI

HIPPOLYTO EPISCOPO SENOGALLIENSI,
CLEMENS PAPA XIV.

Romæ, 8 februarii 1772.

Venerabilis, etc. Retulit Nobis dilectus filius noster Ferdinaudus Maria S. R. E. presbyter cardinalis de Rubeis, Congregationis Concilii Tridentini interpretis praeffectus, quae tu, venerabilis frater, in epistola, qua istius dioecesis statum eidem congregationi de mora descripsisti, non solum vehementer exoptas, sed summopera etiam flagitas, ut nos scilicet, habita ratione et aetatis et valetudinis tuæ, dimitti a te episcopatum sinamus, aliumque viventi tibi ac in otium recedenti successorem ad istam regendam ecclesiam deligamus. Tuas apud Nos egit ille partes, sed ita egit ut, quemadmodum debuit, quæ sua esset hac de re, deque istius dominici gregis utilitate sententia perspicue accurateque declararet. Ea omnia quæ Nobis semper antea perspecta de te erant, deque non intermissis tuæ pastoralis sollicitudinis, vigilantiae, caritatis laboribus cum abunde confirmasset, gavisī sane sumus, venerabilis frater, laudare Nos debere postulatum id tuum, eidem vero consentire non debere. Tu enim cum affectas debilitatasque corporis tui vires esse jam sentias, pro egregio in commissum tibi populum studio valde vereris ne quid idcirco de episcopali sedulitate atque opera, quod praestare vehementer intersit, necessario detrahatur. Nos vero illud praecipue cogitamus non eas esse ecclesiasticae militiae rationes, ut non multo potiora animi robore quam corporis possint effici. Neque dubii sumus quin ad optime tuendum episcopatus munus ipsa multorum annorum exercitatio atque experientia cum egregia voluntate conjuncta plurimum conferat. Cum tu itaque hujusmodi voluntatis luculentum semper antea specimen dederis, cumque diuturnus ad virtutem accesserit rerum usus, quid est, venerabilis frater, quod corporis imbecillitas ab episcopali opera detrahero possit, quod idem non cumulatissime animi tui solertia prudentiaque pensetur? Quem tanto tempore in ista moderanda dioecesi laborem versasti, idem tibi in proclivi esse jam debet, neque non facile geri quem diu jam gesseris. In eo itaque

gradu fidenter perstare te oportere judicamus quo divina voluntate jampridem constitutus es, neque tam ad infirmitatem tuam quam ad Jesu Christi opem praesidiumque respicere, qui, cum in eo spes tuas posueris, et vires, si necesse erit, tribuet, et quae optima sunt ad agendum consilia suppeditabit. Quapropter, venerabilis frater, confirma te in Domino, omnique otii ac vacationis interdicto desiderio, Ecclesiam sponsam tuam, cujus in amore consenuisti, ne desere: urge opus quod ita tibi a Deo commissum fuit ut ab eo numquam divelli, sed immori deberes: illuc animi vires contende ut ejus gloriae, quam superioribus annis consecratus es, insistas etiam senex, vitaeque tua rationes omnes animarum quas tuendas suscepisti saluti posthabens, bonum certamen usque ad cursus consummationem certes, tuisque fidem, ac Deo pariter ita serves, ut cum beatissimo Paulo praecipere animo possis repositam tibi coronam justitiae quam reddet tibi Dominus in illa die justus iudex. Hoc nostrum est de postulato tuo iudicium, venerabilis frater. Quae ad episcopatum non suscipiendum imbecillitatis valere ratio posset, eadem ad dimittendum satis esse non videtur, cum de eo praesertim agatur qui tamquam vetus in militia dux aliorum opera egregie uti ad suorum salutem, ad victoriam possit. Itaque, quod superius diximus, commendamus animum postulantis id tui, postulationi tamen non assentimur. In quo consilium nostrum divina voluntate ac istius gregis utilitate metimur, nostramquo magis quam tuam agi rem putamus, cum ad Nos de commissis tibi ovibus maxime pertineat. Tanto itaque enixiore te hortamur studio ne officium tuum tuis viribus, sed divina ope sustinendum arbitreris, idque ita gerere, quantum in te est, pergas, ut cui obsequeris Deo, ejusdem gratia praesidioque nitaris. Ita benemereri de Nobis ac de Ecclesia vel in infirmitate tua poteris, ac majorem in modum augebis singularem eam qua in te sumus caritatem, in cujus pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 8 februarii 1772. pontificatus nostri anno tertio.*

CLXXXIV.

DILECTO FILIO

VICTORI DE COCCAGLIO,

MINISTRO PROVINCIALI ORDINIS CAPPUCCINORUM,

CLEMENS PAPA XIV.

Romae, 8 februarii 1772.

Dilecte, etc. Post superiora tria Theologiae tuae volumina, postrema nunc quatuor accepimus, quibus labor iste tuis eximia cum laudo concluditur. Agnoscimus sane quae tua sint de sacra doctrina merita, ac summopere laetamur novum inde in Seraphicum Ordinem, cui summopere studemus, decus accedere, idque uberiori Nobis gaudio futurum confidimus, cum aliquod a gravissimis occupationibus vacuum tempus nacti luculentum tuum illud opus perlegemus. Interea, dilecte fili, maxime tibi persuasum cupimus, plurimum nos esse tuo munere delectatos, ac majorem in modum auctam in te paternam benevolentiam nostram, in cujus pignus apostolicam benedictionem tibi, dilecte fili, peramanter impertimur. *Datum Romae, etc., die 8 februarii 1772, pontificatus nostri anno tertio.*

CLXXXV.

DILECTO FILIO NOBILI VIRO

FRIDERICO LANDGRAVIO HASSIÆ,

CLEMENS PAPA XIV.

Romae, 15 februarii 1772.

Dilecte, etc. Permolestus Nobis accidit quem nunciasti per litteras a te perceptus dolor ex obitu nobilissimae tibi que carissimae principissae Mariae conjugis tuae, tuoque hoc luctu eum afficimur in modum, qui paterno singulari quo te sumus animo consentit. Sed, quo tua haec doloris acerbitas aliquanto levior esse possit, vehementer te, dilecte fili nobilis vir, hortamur ut

cogitationem tuam ad divinam voluntatem convertas, ad quam cum te conformaveris, certissimam inde tuo tam gravi vulnere medicinam senties. Praeterea Deum O. M. precamur ut sua te tuamque inclitam domum benignitate respiciat, utque eo propitio aegritudinem hanc omnis porro veri boni solidaeque felicitatis cumulus consequatur. Quae nostra de te vota confirmamus apostolica benedictione, quam uberiori paternae nostrae caritatis argumento Nobilitati Tuae peramanter impertimur. *Datum Romae, etc., 15 februarii 1772, pontificatus nostri anno tertio.*

CLXXXVI.

DILECTISSIMÆ IN CHRISTO FILIÆ NOSTRÆ

ALOYSIÆ MARIÆ REGIÆ GALLIARUM PRINCIPISSÆ,

CLEMENS PAPA XIV.

Romae, 26 februarii 1772.

Dilectissima, etc. Nullum magis consentaneum eximiae nostrae paternae erga te caritati munus esse potuit, quam quod tuo nomine Nobis reddidit dilectus filius noster Franciscus Joachimus S. R. E. presbyter cardinalis de Bernis. Ab illo luculentum sane habebis testimonium quo id exceperimus animo, quoque gaudio fuerimus elati, dilectissima in Christo filia nostra, cum te ipsam, cujus praesentes semper gerebamus infixasque mente cumulatissimas omni laude virtutes, quodammodo coram intueremur ac oculis subjiceremus expressos suis coloribus vultus veram pietatis, religionis, sanctitatis formam referentes. Etsi eundem, quemadmodum illi summo studio mandavimus, etiam nostras in reddenda gratia partes diligenter acturum non dubitemus, deesse tamen Nobis ipsi non possumus quin gratissimos tibi nostri animi sensus his litteris tibi declarem, ut ex hoc ipso officio, quanto apud nostrum hoc munus in praesentia sit, intelligas. Illud itaque tibi maxime persuasum esse cupimus, dilectissima in Christo filia nostra, id esse semperque futurum Nobis conspicuum egregiae tuae in Nos ac apostolicam hanc Sedem devotionis monumentum. Idem etiam Nobis est jucundissimum propterea quod praesefert manifestam cujusdam intimae ac vultu etiam atque ipsis oculis emicantis tranquillitatis animi ac hilaritatis significationem. Ex quo nimirum Nos facile et tuam

in vocatione constantiam et uberem caelestis in te gratiae largitatem agnoscimus. Quod patere omnium etiam oculis voluimus atque idcirco plura imaginis tuae pingi exempla iussimus, ut ceteris ad tantae virtutis celebritatem ac imitationem proposita esse possint. Illam praeterea ad veritatem expressam tui orantis, Deumque sponsum alloquentis speciem cum videmus, plurimum nostra in spe confirmamur fore ut pro tua in Nos pietate certissima inde sint Nobis, Ecclesiae ac carissimo in Christo filio nostro Ludovico Francorum Regi Christianissimo, amantissimo parenti tuo, divinae opis praesidia adfutura. Debes id singulari nostrae caritati, qua te prosequimur, quaque tibi nova Nos semper ac uberiora caelestis spiritus dona cupimus ac precamur. Ac eorundem auspiciem apostolicam benedictionem tibi, dilectissima in Christo filia nostra, unaque Carmelitis istius monasterii virginibus, tuis in Christo sororibus, amantissime impertimur. *Datum Romae, etc., die 26 februarii 1772, pontificatus nostri anno tertio.*

CLXXXVII.

VENERABILI FRATRI

WILHELMO ANTONIO EPISCOPO PADERBORNENSI
CLEMENS PAPA XIV.

Romae, 26 februarii 1772.

Venerabilis, etc. In litteris tuis ad nos die XII januarii datis magnopere Nobiscum agis de causa Harservinkeliana, ad quam te, venerabilis frater, summum tuaeque pastoralis sollicitudini consentaneum instituendi in ista dioecesi seminarii studium induxit, incredibile sane est. quanto nos flagremus desiderio ut par optatis ac meritis tuis respondeat exitus, atque ex nostra tuaque sententia ea omnis controversia decidatur. Sed dum id cupimus, venerabilis frater, nihil agere debemus quo detractum per Nos quidquam esse de alieno jure videatur. Agi jam ea coepta est, ut nosti, causa in hac nostra Congregatione tridentini concilii interprete; de cujus iudicii aequitate ac sapientia certi plane sumus, neque quidquam ab ea non diligentissime cognitum, expensum atque actum iri dubitamus. Videt illa ac vehementer commendat tua pro dioecesi studia, quantum nos etiam tua causa

laboremus, perspicit; ut proinde, si quid ipsi cavendum in hoc judicio erit, cavere maxime debeat nequid ex animi erga te inclinatione pronunciet. Illud sane Nos, quantum in Nobis est, jam mandavimus, ut quam poterit expeditissime ad exitum causa perducatur; quod eo citius fiet quo partes erunt ad sua deferenda jura promptiores. Vides jam, venerabilis frater, ad eam voluntatem qua erga te sumus nihil accedere posse, nisi opportunitatem, qua eandem tibi reipsa declaremus, unde profecto facile intelligeres, haud quidquam interesse tua posse cujus Nos plurimam a Nobis habendam esse rationem non ducamus. Ac in pontificiae caritatis pignus apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, etc., die 26 februarii 1772, pontificatus nostri anno tertio.*

CLXXXVIII.

CARISSIMÆ IN CHRISTO FILLE NOSTRÆ

MARIE THERESIÆ HUNGARIÆ REGINÆ APOSTOLICÆ

NECNON BOHEMIÆ REGINÆ ILLUSTRİ,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romae, 4 martii 1772.

Carissima, etc. Se la Maestà Vostra potesse conoscere in quali angustie di spirito ci abbia posti, e ci tenga l'incessante desiderio che abbiamo di poter convenientemente contribuire allo rispettabili sue premure sull'età delle professioni religiose, siamo sicuri che il suo cuore ne sarebbe sommamente sensibile. Chiamiamo il grande Iddio in testimonio se cosa alcuna umana ha parte in questo interno nostro conflitto, e se soltanto l'onore e la gloria sua e l'eterna salvezza di Noi, della Maestà Vostra e de' suoi sudditi, ci hanno trattiene dall'aderire a' suoi desideri, come siamo e saremo soliti di fare costantemente in avvenire. Vediamo da una parte quanto gran bene possa sperare la Chiesa da una sovrana sì potente e sì pia che resti contenta di Noi, ma anche dall'altra parte non possiamo non vedere i

mali e i pericoli delle proposte innovazioni; e Noi come vicario di Gesù Cristo ci renderemmo indegni di questo carattere e colpevoli anche verso la Maestà Vostra se dissimulassimo che, dopo ogni più maturo esame, troviamo il nostro giudizio non corrispondente a quelle aspettative nelle quali l'è sembrato di poter entrare, e se le nascondessimo quei lumi che Iddio ha promessi al glorioso apostolo s. Pietro e a' suoi successori, e che non abbiamo in questa congiuntura ommesso di spesso e fervorosamente implorare; e questi appunto cagionano all'animo nostro trepidazione e timore.

Vorremmo pertanto metterne a parte la Maestà Vostra, e, se potessimo farlo a voce, *et os ad os loqui*, ci lusingheremmo di farlo con successo. Ma giacchè troppo diffusa cosa o a' lei incomoda sarebbe il farlo in iscritto, ci riserbiamo piuttosto, se così piacerà alla Maestà Vostra, di comunicarli all'arcivescovo di Berito, che, dovendo in breve staccarsi dal nostro fianco e passando per codesta Corte procurarsi l'onore di ossequiare in nome nostro la nostra carissima figlia, potrà con minore di Lei molestia rappresentarglieli a voce. Sentirà allora dal medesimo, che se Vostra Maestà si contentasse di cominciare il recesso dall'età conciliare da una prima, discreta o temporanea prova, potremmo in tal guisa meglio sottrarci l'un l'altro da ogni rimorso di coscienza, e instruirci sulla utilità o danno che sia per risultarne alla Chiesa, per così abilitarci o a continuare nelle prime misure che si prendessero, o anche a vieppiù ampliarle.

A concertarne la modalità, verrà da noi munito di corrispondenti istruzioni l'arcivescovo medesimo. Supplichiamo intanto la Maestà Vostra per le viscere di Gesù Cristo, la di cui causa si tratta, a degnarsi di gradire le nostre salutari misure e precauzioni, piuttosto che reputarle superflue e inopportune agli appresi bisogni. Appoggiati alla religiosa circospezione dell'apostolica Maestà Vostra, confidiamo di non comparirle per questo o indiscreti, o troppo zelanti, o poco curanti delle rispettosissime sue regio premure, giacchè per la Dio grazia nè lo siamo stati, nè lo saremo giammai. *Datum Romae, etc., die 4 martii 1772; pontificatus nostri anno tertio.*

CLXXXIX.

DILECTO FILIO NOBILI VIRO

DUCI DE AGUILLON,

SÈCRETARIO STATUS REGIS CHRISTIANISSIMI,

CLEMENS PAPA XIV.

Romae, 4 martii 1772.

Dilecte, etc. Attulit ad Nos dilectus filius noster Franciscus Joachimus S. R. E. presbyter cardinalis de Bernis aurea numismata carissimi in Christo filii nostri Ludovici Francorum regis christianissimi, ab ipso Nobis dono transmissa, eaque dum redderet, regium in Nos animum suo more accuratissime uberri-
meque declaravit. Delectati mirum in modum sumus tanta illius in Nos amoris confirmatione, ac summo in pretio habendum munus multo Nobis etiam jucundius accidit, quod expressos referret amantissimi filii plenos regiae dignitatis vultus, quodque facta ejusdem omnia ex animi fortitudine, magnificentia, religione profecta ejusque inde gloria amplitudinem regnique utilitatem ac decus repraesentaret. Diu sane multumque eo spectaculo oculos oblectavimus, ac pateruum animum nostrum in recensendis filii laudibus incredibili cum voluptate detinuimus. Hujus nostri gaudii eundem qui adfuit cardinalem luculentissimum testem advocamus, minimeque ambigimus quin idem sit isthuc ad vos gratissimos animi nostri erga Regiam Majestatem sensus, quemadmodum ab eo postulavimus, summa fide ac diligentia perscripturus. Sed tanto ad referendam gratiam inflammati studio sumus, ut tuam etiam idcirco, dilectefili nobilis vir, adhibere velimus operam, nostrasque tibi tanti officii partes imponere. Optime profecto novimus qua ipse in Nos ac apostolicam hanc Sedem voluntate sis, quaque apud christianissimum regem gratia merito floraas. Itaque et te libenter nostras acturum vices, et ei facile persuasurum putamus nostrum erga ipsum animum magis quam sit gratum esse non posse, neque acceptius ullum esse Nobis munus, quam quod tam praeclarum ac illustre praeseferat ipsius Regis in Nos munificentiae, pietatis, amoris monumentum. Id dabimus sane operam ut perpetuum ac perenne esse possit, eaque proinde numismata in nostro Vaticano Pontificio Museo custodienda collocabimus, quod etsi or-

nare ac amplificare exquisitissimis quibusque rebus colligendis satagamus, inde tamen maximam pretii et dignitatis partem accessuram agnoscimus. Cum eas quas poteris cumulatissimas, dilecte fili nobilis vir, nostro nomine Christianissimo Regi gratias persolveris, vehementer cupimus ut easdem, quas debemus, tibi etiam per Nos reddi plurimas existimes, pro tua opera quam in regia hac largitate eximiam extitisse seimus. Hoc nostro erga te pleno caritatis ac estimationis officio illam etiam potissimum comprehendimus praeclarissimam tuarum laudum partem, quam in amplissimo, quo fungeris, munere benemereri de religione et de Ecclesia studes. Quapropter, quo testatior etiam tibi paternam qua te singulariter complectimur voluntas sit, apostolicam benedictionem Nobilitati Tuae intimo nostri cordis sensu peramanter impertimur. *Datum Romae, etc., die 4 martii 1772 pontificatus nostri anno tertio.*

CXC.

DILECTO FILIO NOSTRO

FRANCISCO JOACHIMO

TITULI S. SILVESTRI IN CAPITE PRESBYTERO,

S. R. E. CARDINALI DE BERNIS, ARCHIEPISCOPO ALBIGENSI,

CLEMENS PAPA XIV.

Romae, 16 martii 1772.

Dilecte, etc. Altissime inhacrent nostroque assidue obversantur animo insignia omniæ laude cumulatissima merita quæ in Nos ac apostolicam hanc Sedem et antea contulisti, dilecte fili noster, et in dies conferre uberiora pergis, et in posterum etiam pro excellenti consiliorum factorumque tuorum ratione collaturum te esse amplissime confidimus. Jam pridem sane Nobis erat optime perspectum eam esse virtutem ac sapientiam tuam, eam rerum publicæ a te gestarum præstantiam, ut immortalis nominis gloriam apud omnes esses consecutus. Verum quæ summa eximique opera pro Nobis atque Ecclesia moliris ac peragis ejusmodi sunt, ut etsi te antea pro singularibus tuis laudibus plurimi faceremus, tamen nunc mirifico quodam bene-

volentiae atque amoris erga te studio inflammemur. Incredibile est quantopere velimus, dilecte fili noster, amplum atque illustrem dari Nobis locum quo hosce luculentissimos animi de te sensus egregio quodam ac publico testimonio confirmemus, ut perspicere omnes possint quantum tibi, tuis meritis virtutisque deferamus. Sed dum idoneum huic cupiditati nostrae satisfaciendi tempus expectamus, interim, ut exiguam aliquam voluntatis tibi nostrae significationem demus, non injucundum tibi fore arbitramur volumen hoc pontificiarum litterarum seu monumentorum ad Albigensem ecclesiam tuam spectantium. Eadem nostro jussu ex pontificiis archivis accuratissime collegit vir omni eruditione instructissimus venerabilis frater Josephus archiepiscopus Beryti, unaque conjunxit omnia quae vel antiquitate ipsa vel rerum gravitate commendantur, quaeque historiam ecclesiae ac dioecesis Albigenensis illustrare plurimum possint, ac supplere ea quae et in tomo primo novorum editorum Galliae christianae et in Historia Occitaniae a d. Vaissetto gallice perscripta desiderantur. Optime novimus quo amore albigensem ecclesiam tuam complectaris, quantumque illa praesidii ac dignitatis ex pastoralis tua sollicitudine, prudentia, doctrina animique et moderetione et magnitudine referat. Proinde minime dubitamus quin gretum tibi vehementer futurum sit ut a Nobis etiam, tui ipsius gretia, nonnulla decoris in illam ac splendoris fiat accessio. Habe itaque hoc a Nobis munus atque amoris nostri pignus, dilecte fili noster, quod cupimus non tam a te aestimari ex re ipsa quam ex animo nostro, qui luculentior erga te et gratior atque ad te omnibus quae a Nobis proficisci possunt ornamentis cumulandum inclinatio quam sit esse non potest. Ac illud etiam tibi persuadeas hoc quaecumque sit indicio libentissime Nos palam velle facere quantum tibi debeamus, quantumque etiam confidamus fore ut pro egregio tuo in Nos ac in hanc sanctam Sedem studio sinus adhuc magis in posterum debitori. Demum apostolicam benedictionem tibi, dilecte fili noster, intimo paterni cordis sensu paremanter impertimur. *Datum Romae, etc., die 16 martii 1772, pontificatus nostri anno tertio.*

CXCI.

DILECTIS FILIIS CONGREGATIONIS NUNCUPATÆ
 REGII CLERI NEAPOLITANI,
 SUB TITULO ET INVOCATIONE SPIRITUS SANCTI,
 CLEMENS PAPA XIV.

Romæ, 18 martii 1772.

Dilecti, etc. Petitis a nobis, dilecti filii, pro vestra in Nos et apostolicam hanc Sedem devotione atque observantia, ut nomen nostrum in tabulis societatis vestrae consignari describique, Nosque vestros socios et collegas nuncupari, quemadmodum cum aliis quibusdam societatibus fecimus, dignaremur. Laeto sane libentique animo annuimus pio hujusmodi ac in Nos studioso postulato vestro, atque in Domino fore speramus ut qui laboribus, quos ad divinum cultum augendum animarumque salutem procurandam impenditis, præsto esse ac præsentem operam nostram adungere non possumus,strarum saltem obsecrationum subsidio in suprema Catholicae Ecclesiae procuratōne fideliter obeunda aublevemur. Vehementer sane gaudebimus, si hæc mutua nostra vobiscum animorum ad pietatem conjunctio studia istius societatis quæ ad spirituales exercitationes sacrasque missiones peragendas multa cum laude confertis, adhuc magis in vobis excitet ac inflammet, Divinusque Spiritus, sub cujus nomine congregati estis, vos in ea semper quæ ad Dei gloriæ incrementum pertinent, suo afflatu dirigat atque impellat. Nos certe propensum antea in Vos tamquam dilectos filios animam nostram multo nunc propensiozem gerimus, ac ipsa communis collegii ratio plurimam facit ad pontificiam benevolentiam accessionem. Ejusdem fructua pro opportunitate vobis præsto futuros pollicemur; ac in luculentius nostræ voluntatis pignus apostolicam benedictionem vobis, dilecti filii, cum uberi cælestium charismatum copia conjunctam, peramanter impertimur. *Datum Romæ, etc., die 18 martii 1772, pontificatus nostri anno tertio.*

CXCII.

VENERABILI FRATRI

HIERONYMO EPISCOPO GURGENSI,

ELECTO ARCHIEPISCOPO SALISBURGENSI,

CLEMENS PAPA XIV.

Romae, 28 martii 1773.

Venerabilis, etc. Gratissimum Nobis attulerunt litterae tuae nuncium, venerabilis frater, te scilicet a consentientibus istius ecclesiae metropolitanae collegis, die XIV mensis hujus, archiepiscopum Salisburgensem electum esse. Nos sane et illius viduitatem tam bene depositam et in justissimum gaudium commutatam fuisse et agnoscimus et magnopere gaudemus. Perspecti Nobis sunt pastorales animi tui sensus tuaque in religionem atque in Dei gloriam studia, quibus jam pridem et in Gurgensi ecclesia regenda exercitus, qui gratus quidem fuisse Deo volento videtur, ut paratior inde atque instructor ad novam hanc summa virtute ac sapientia sustinendam dignitatem accederes. Vehementer nostram hanc laetitiam auget, quod jucundissimum hunc scimus fore honorem tuum carissimae in Christo filiae nostrae Mariae Theresiae Hungaricae reginae apostolicae, nec non Bohemiac reginae illustri in Romanorum imperatricem electae viduae, et carissimo item in Christo filio nostro Josepho in Romanorum imperatorem electo, quorum et plurima flores gratia et certissima tibi semper sunt extitura praesidia. Dilecti etiam filii nobilis viri parentis tui ut enixae antea in te pietati valde propensi fuimus, ita nunc uberior nostrae jucunditatis causa ex illius laetitiae cogitatione promanat. Quem enim plurimi facimus ac ob suorum meritorum amplitudinem diligimus, ejusdem studiis omnibus majorem in modum permovemur. Vides, venerabilis frater, ex hujusmodi de te gaudio nostro tantis auctoribus confirmato, quae nunc exisat tuae proferendae in tam amplo spatio virtutis expectatio. Hanc ipsam ut vincas, atque auctiorem in dies efficias laetitiam de te nostram, id vero a te etiam atque etiam petimus, ac ad summae gratulationis officia summam hanc hortationem adjungimus, ad quam Nos et pontificium munus et singularis tui caritas potissimum inducit. De qua illud tibi persuaderi cupimus, numquam fore ut, pro tuis meritis ac in Nos atque

apostolicam hanc Sedem devotione ac observantia, fructus pro opportunitate desideraturus sis amplissimos. Ac in hujus paternae voluntatis pignus et in tanti suscipiendi muneris auspiciū apostolicam benedictionem tibi, venerabilis frater, peramanter impertimur. *Datum Romae, etc., die 28 martii 1772, pontificatus nostri anno tertio.*

CXIII.

DILECTO FILIO

HANNIBALI EX ABBATIBUS OLIVIERIIS,

CLEMENS PAPA XIV.

Romae, 4 aprilis 1772.

Dilecte, etc. Jam diu Nobis perspecta est atque cognita singularis tua virtus et multiplex ac varia antiquitatis doctrina, et jam antea luculentum ac praestans hujusmodi nostrum de te iudiciū litteris nostris testatum tibi fecimus. Verum liber tuus, quem ad Nos nuper misisti, eo Nobis gratior fuit atque acceptior, quod eruditionem tuam cum pietatis studiis conjungere te vidimus, et novam patriae tuae gloriam ex virtute ac meritis suorum civium quaerere. Eidem enim vindicatis ac restitutis beata Michelina et beato Cecco egregium splendorem asservisti, et quam antea illustrandis tot antiquitatis monumentis ornaverās, illustriorem hanc sanctitatis luce reddisti. Delectati itaque magnopere sumus hoc industriae tuae fructu, qui cum tibi, tuaeque patriae novum decus asserat, magno etiam incitamento esse potest ceteris ad similem sibi laudem ex sacrarum etiam rerum antiquitate ac doctrina comparandam. Munus hoc tuum ad Nos deferentem perbenigno excepimus dilectum filium comitem Paulum Machirellum sororis tuae filium, et commendationis tuae et sua ipsius causa, quippe cui pridem etiam propensionis in eum nostrae significationem aliquam dedimus. Sed cum idem et cognatione propius te attingat, et a te filii, ut scribis, loco habeatur, eo potissimum nomine Nobis erit commendatissimus. Speramus enim ingenio item ac morum praestantia a te non alienum, atque in te laudes quoque tuas intuentem simillimum tibi futurum. Qua quidem et nullam praeclariorem, nec ad pontificiam tuendam augendamque benevolentiam expeditiorem iniro rationem

poterit. Tu interim de litteris, de patria tua atque adeo de Nobis ipsis benemereri perge. Ac in luculentius paternae caritatis pignus apostolicam benedictionem tibi, dilecte fili, peramanter impertimur. *Datum Romae, etc., die 4 aprilis 1772, pontificatus nostri anno tertio.*

CXCIV.

DILECTISSIMÆ IN CHRISTO FILIÆ NOSTRÆ

ALOYSIÆ MARIÆ REGIÆ GALLIARUM PRINCIPISSÆ,
CLEMENS PAPA XIV.

Romae, 15 aprilis 1772.

Dilectissima, etc. Ex litteris tuis ad Nos die XVII martii datis novas percepimus jucunditatis causas, cum, quæ de paterna nostra summa in te caritate fiducia esses, perspicue videremus. Gratissimum enim Nobis est, quod jam pridem tibi declaravimus, opportunitates quasque nobis a te dari quibus aingularem ac egregiam pontificii tibi animi pietatem magis in dies confirmemus. Cum vero nunc in eo quod postulas, eximium religionis studium prae te feras, cum tuae omnis pro Carmelitano ordine, cujus institutum profiteris, in pristinam sanctitatis laudem restituendo, divinaque proinde in eo amplificanda gloria sit contentio, tantum adest, dilectissima in Christo filia nostra, ut quidquam obstare quin tibi gratificemur possit, ut etiam ad obsequendum ejusmodi optatis tuis incredibili quadam animi alacritate incendamur. Eo itaque animo quem tu ipsa tibi de Nobis jure pollicita es excepimus ac prosecuti sumus desideria tua, ut nihil interponendum morae duceremus quin eadem apostolica auctoritate rata essent; quemadmodum ex conjunctis nostris in forma Brevis litteris intelliges. Eaedem, quod a Nobis etiam magnopere flagitasti, curavimus ut quam citissime expedirentur, atque isthuc possent idoneo ad agendam perficiendamque rem tempore pervenire. Nunc Deum O. M. vehementer precamur ac obsecramus ut operam hanc nostram sua ipso benignitate secundet ac promoveat, teque praeclara sanctissimæ matris tuæ exempla renovantem caelesti praesidio muniat ac sustentet, atque hanc etiam gloriae accessionem faciat florentissimo regno carissimi in Christo filii nostri Ludovici Francorum regis christianissimi parentis

tui, qui, qua est in Deum religione atque in te pietate, sua tecum conjunxit studia, Nobisque per dilectum filium nostrum Franciscum Joachimum S. R. E. presbyterum cardinalem de Bernis postulata illa tua accuratissime commendavit. Regiæ illius voluntati libentissime morem gerimus, tantumque sapientissimis hisce consiliis ejus atque officiis tribuimus, quantum meritis tuis, tuæ laudi, tuæ virtuti favemus. Quod quidem eo cumulatius facimus, quo in tuis ad Deum precibus ampliora Nobis, Ecclesiæ ac ipsi amantissimo parenti tuo adjumenta extitura confidimus. Ac in uberius singularis in te pontificii animi pignus apostolicam benedictionem tibi, dilectissima in Christo filia nostra, intimo paterni cordis sensu amantissime impertimur. *Datum Romæ, etc., die 15 aprilis 1772, pontificatus nostri anno tertio.*

CXCIV.

CARISSIMO IN CHRISTO FILIO NOSTRO

STANISLAO AUGUSTO POLONIÆ REGI ILLUSTRÍ,
CLEMENS PAPA XIV.

Romæ, 15 aprilis 1772.

Carissime, etc. Venerabilem fratrem Josephum archiepiscopum Beryti, cujus egregia opera Nos usi sumus, quique singularibus animi virtutibus, candorē, religione, doctrina ac prudentia et ornatissimus est et Nobis commendantissimus, cum difficillimis hisce temporibus peropportuno fore judicaverimus qui isthic venerabili itidem fratri Angelo Mariæ archiepiscopo Ancyranò succederet, ac ordinarii nostri et apostolicæ sedis nuncii apud Majestatem Tuam muuus ageret, etsi aegre, divelli tamen a Nobis patimur, atque ad te ita mittimus, carissime in Christo fili noster, ut minime dubitemus quin pro eximia tua erga Nos pietate atque in hanc sanctam Sedem devotione, eundem regia tua, qua soles, humanitate sis excepturus. Quod cum nostra causa, ut vehementer a te petimus, cumulatissimo feceris, gaudebis sane id in eum præstitisse te virum in quo, præter spectatissimam generis nobilitatem ac excellentis animi ingeniiq; laudes, eximia etiam emineat toi observantia, studium, existimatio. Nostri de te paternæ luculentissimæ caritatis sensus præclare illi co-

gniti omnes ac perspecti sunt, quos cum ad te deferet, et cum tibi summa Nos omnia cupera a Deoque precari significabit, praecipue vero ut ex catholicae religionis tutela gloriam ac ex pacato regno felicitatem ac decus consequaris, cumque ceteras omnes a Nobis commissas deinceps obibit pertractabitque apud te apostolici nuncii partes, ipsi tam cumulatam habebis quam si Nos coram loqueremur fidem. Quae dum omnia peraget, facile tibi magis magisque in dies confirmabit quam cordi Nobis sit ut incolumes ac ut ante florentes et catholicae religionis et Majestatis Tuae una et istius inclitae nationis res tandem, Deo juvante, consistant. Quod tua opera, tua auctoritate, tua virtute perfici maxime optamus, ac in caelestis gratiae auspiciis nostraeque caritatis pignus apostolicam benedictionem Regiae Majestati Tuae amantissime impertimur. *Datum Romae, etc., die 15 aprilis 1772, pontificatus nostri anno tertio.*

CXCVI.

VENERABILI FRATRI

GABRIELI ARCHIEPISCOPO GNESNENSI,

CLEMENS PAPA XIV.

Romae, 15 aprilis 1772.

Venerabilis, etc. Quem mittimus isthuc venerabilem fratrem Josephum archiepiscopum Beryti, ut apud carissimum in Christo filium nostrum Augustum Stanislaum Poloniae regem illustrem, et inclitam vestram rempublicam nostri et apostolicae Sedis ordinarii nuncii munus gerat, eidem a te petimus ut cumulatam in omnibus praestes fidem. Quod quidem perlibenter facies; ea enim ipsi mandata Nos dedimus quae ad Dei procurandam gloriam remque catholicae religionis tuendam maximo spectant; cui quam vim ac rationem inesse intelligamus, facile potest et ex encyclica nostra jam pridem ad episcopos data, et ex ipso hoc nuncio non tam cognoscere, cum id tibi perspectum esse debeat, quam magis magisque confirmari. Quod tibi, venerabilis frater, pro tuo et in Ecclesia et in ista inclita republica munere et dignitate gratum esse debet, tuaque omnia studia ad operam illuc tuam praecipue conferendam inflammare. Ille porro ejusmodi vir est cui ad generis nobilitatem maximum

decus ex omnigena doctrina ac virtute adjungitur, quemque Nos propterea suo merito semper dileximus. Demum in singularis nostrae benevolentiae pignus apostolicam benedictionem fraternitati tuae peramanter impertimur. *Datum Romae, etc., die 15 aprilis 1772, pontificatus nostri anno tertio.*

Eodem exemplo: Archiepiscopo Leopoliensi; Episcopo Chioviensi; Episcopo Cracoviensi.

CXCVII.

VENERABILI FRATRI

FELICIANO ARCHIEPISCOPO KIOVIENSI,

RALICIENSI ET PLOCENSI TOTIUS RUSSIÆ PRIMATI,

CLEMENS PAPA XIV.

Romae, 15 aprilis 1772.

Venerabilis, etc. Ad carissimum in Christo filium nostrum Stanislaum Augustum Poloniae regem illustrem ac ad vestram inclitam rempublicam mittimus venerabilem fratrem Josephum archiepiscopum Beryti, qui ordinarii nostri et apostolicae Sedis nuncii munus isthic obeat. Maxima in eo, praeter generis splendorem, virtutum ornamenta sunt, ac ad singularem doctrinam et prudentiam mirificum pietatis ac religionis studium adjungitur. Minime igitur ambigere possumus quin hac praecipue de causa commendatissimus idem tibi sit, qui pro episcopali officio omnes actiones tuas ad divinam gloriam, ad catholicam scilicet fidem hoc tempore potissimum conferre debeas; cujus, quae, qualesque rationes sint, et Nos in nostra epistola encyclica jampridem declaravimus, et noster hic nuncius idem, ut putamus, tibi nobiscum sentienti nostro nomine confirmabit. Itaque et confidimus fore, et majorem in modum etiam a te petimus ut tuam opem atque operam ipsi, quotiescumque res feret, paratissimam esse velis, per agentemque mandata nostra diligenter adjuves, quae illuc unice spectant ut incolumi religione pristinus in inclitam nationem vestram tranquillitatis ac pacis status referatur. Illi igitur parem ac Nobis ipsis adhibebis fidem, quaeque praeterea de eximia nostra in te caritate deferet, apostolica nos confirmamus benedictione, quam intimo nostri cordis sensu fraternitati tuae peramanter

impertimur. *Datum Romae, etc., die 15 aprilis 1772, pontificatus nostri anno tertio.*

Eodem exempla: Episcopis Linceniensi; Culmensi; Sarnigitiensi; Camenecensi; Vitiensi; Kelmensi; Plocensi; Livonienst; Smolescensi; Premisliensi.

CXCVIII.

VENERABILI FRATRI

THEODORO EPISCOPO POSNANIENSI,

SUPREMO REGNI POLONIAE CANCELLARIO,

CLEMENS PAPA XIV.

Romae, 15 aprilis 1772.

Venerabilis, etc. Quantum Nobis rea vestrae publicae cordi siut, intelliget fraternitas tua ex venerabili fratre Josepho archiepiscopo Beryti, quem isthuc ad gerendum apud carissimum in Christo filium nostrum Stanislaum Augustum Poloniae regem illustrem et inclitam rempublicam vestram uostri et apostolicae Sedis ordinarii uuncii munus mittimus. Eidem propterea fidem a te in omnibus praestari cupimus ac si Nos ipsos coram loquentes audires. Illa vero ipse praecipue agit quae a Nobis diligentissimo mandata sunt, ut quae ad istam inclitam rempublicam in pristino catholicae religionis statu retinendam confirmandamque pertinent, ea omnia summa ope, studio, prudentia, dexteritate curentur. Certi plane sumus ipsum haec ex nostra audentia, quam jam pridem in encyclica ad episcopos data declaravimus, istiusque proinde sacro regis, regni ac reipublicae, jure atque utilitate gesturum cum doctrina, pietate, animi candore, rerum usu conatiliique vi sit instructissimus. Tanta igitur ad generis splendorem virtutis adjungentem decora, proque istius ecclesiae rationibus laborantem, quin adjuturus ipso sua, venerabilis frater, etsi minime dubitemus, pro uostro tamen munere hortamur ut nunc maxime, tantum quantum ab episcopali dignitate requiritur, tua animi fortitudine constantiaque pro Dei gloria, pro fidei integritate, pro universo nationis bono contendeas. Et apostolicam benedictionem fraternitati tuae in egregiae pontificiae voluntatis pi-

gnus peramanter impertimur. *Datum Romae, etc., die 15 aprilis 1772, pontificatus nostri anno tertio.*

Eodem exemplo: Episcopis Varmiensi; Cujaviensi; Episcopis quinque in Albo.

CXCIX.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO,
CLEMENS PAPA XIV.

Romae, 15 aprilis 1772.

Carissime, etc. Mittimus in Poloniam venerabilem fratrem Josephum archiepiscopum Beryti, ut ibidem nostri et apostolicae Sedis ordinarii nuncii munus obeat. Ipsi praeicipuae accurateque mandavimus ut statim, cum isthic erit, Caesaream Majestatem Tuam adeat, tibiue salutem et felicitatem cum apostolica benedictione nostris verbis impertiat. Dum id peraget, una etiam quae nostra est, quam singularis, quam eximia, quam omni laude ac existimatione cumulata in te caritas, declarare disertissime quidem contendet, sed assequi profecto minime poterit, nisi tu ipse tua praecurras fide, omnique significatione majores esse nostros paternae pietatis in te sensus tibi persuadeas. Quod ut praestes, te vehementer rogamus, a teque idcirco majorem in modum petimus, illud existimes, nihil scilicet posse Nobis unquam esse gratius quam ut id tibi reipsa ac praestanti aliquo officiorum genere confirmare valeamus. Alterum porro quod tecum nostro nomine diligenter aget idem venerabilis frater ejusmodi est, ut facile intelligas id ex excellenti nostra tuarum virtutum ac praesertim magnitudinis animi et religionis opinione proficisci. Pro ipsa enim Polona ecclesia, proque catholica ibidem fide, cujus quam afflictas nunc res sint quantoque in discrimine versentur ipse optime nosti, tuam expetet opem, tua praesidia implorabit. De hoc antea tecum per litteras egerat sa. mem. Clemens XIII praedecessor noster, a tuaque pietate plurimam levandae hujusmodi curao tuo epem reportarat. Cum in Nos nunc ea gravissima reciderit sollicitudo, non minorem etiam ponendam statuimus in tua virtute, in tua auctoritate fiduciam. Quas itaque pontificias pro

Dei causa ad te idem, venerabilis frater, deferret preces, etiam atque etiam te obsecramus, carissime in Christo fili noster, id apud te habere pondus velis quod tuae dignitati tuoque muneri convenit. Nam in summo quo constitutus es imperii gradu, illud prae caeteris quod amplissimum suscepisti primi Ecclesiae defensoris nomen sustinere maxime ac tueri debes, omnemque illuc potentiae tuae, si opus erit, vim intendere, ut tanto nomini consilia actionesque tuae consentiant. Proinde immortalibus ceteris, quibus enitescis, laudibus illam esse tibi anteferebant gloriam puta quae ex tuo erga catholicam religionem studio in te redundabit, quantoque per christianum orbem idem fuerit diffusus, tanto eam esse ampliozem et cumulationem futuram. Sed haec uberius tibi nostro nomino ille idem venerabilis frater, quemadmodum ipsi mandavimus, declarabit, atque idcirco a te magnopere petimus ut eundem benigne humaniterque excipias; quod cum feceris, facile cognosces qui suus sit in Majestatem Tuam omnemque augustam domum cultus atque observantia, quamque merito ipsi clementiam tuam praestiteris. Ille praeterea generis sui splendorem insignibus singularis virtutis ac doctrinae ornamentis illustrat atque auget; quod cum jampridem perspexissent, perhonorifico ipsum prosecuti semper judicio sunt praedecessores nostri Benedictus XIV et Clemens XIII; Nosque porro plurima benevolentia complexi, ejusque experti virtutem, industriam ac fidem minime dubitavimus quia eidem difficillimo hoc tempore gravissimum munus committeremus. Quomagus tibi et nostra scilicet et sua causa gratus idem atque acceptus ita esse debet, ut omnem illi et habere fidem tamquam Nobis ipsis eorum loquentibus velis, et fidenter etiam digneris expromere quidquid in animo habere atque optare possis, ut a Nobis tibi per apostolicum, quod gerimus, ministerium praestetur. Ac in summae et singularis erga te caritatis pignus apostolicam benedictionem Majestati Tuae intimo paterni cordis sensu amantissimo impertimur. *Datum Romae, etc., die 15 aprilis 1772. pontificatus nostri anno tertio.*

CC.

CARISSIMÆ IN CHRISTO FILIÆ NOSTRÆ

MARIE THERESIÆ HUNGARIÆ REGINÆ APOSTOLICÆ,

NECNON BOHEMIÆ REGINÆ ILLUSTRÆ,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romæ, 13 aprilis 1772.

Carissima, etc. Reddet has nostras apostolicæ Majestati Tuæ litteras, venerabilis frater Josephus archiepiscopus Beryti, quem ordinarii nostri et sanctæ Sedis nuncii munus obituro in Poloniam mittimus. Vehementer a te petimus, carissima in Christo filia nostra, ut eundem te adeutem regia qua soles humanitate excipias, nostrique causa commendatissimum habere eum velis, in quem cum præclara extitissent prædecessorum nostrorum Benedicti XIV et Clementis XIII paternæ benevolentiae studia, nostra etiam luculentissima esse debent ob ejusdem singulares, quas cum generis nobilitate conjunxit, omnigenæ doctrinæ, virtutis, sapientiæ ac in apostolicam hanc Sedem meritorum laudes: ad quas illud etiam addi decus agnoscimus, tuque ipsa facile intelliges, quod te tuamque augustam domum summa observantia, cultu sui que animi veneratione prosequatur. Duo præcipua ille in mandatis a Nobis habet quæ ad te accurate nostro nomine deferat. Primum nostra tibi eximiae in te paternæ caritatis studia ac officia omnia testabitur, quæ optime ipse novit quam alte Nobis impressa atque insita sint, quamque in votis semper habeamus ut reipsa exhibere tibi nostrum hunc erga Majestatem Tuam animum et egregia aliqua significatione comprobare possimus. Ipsi igitur te majorem in modum obsecramus ut plenam adhibere velis fidem in iis omnibus quæ tecum nostro nomine acturus est, eidemque digneris animum aperire tuum ac palam facere quaecumque a Nobis in Majestatis Tuæ gratiam fieri posso, vel ab apostolici ministerii nostri auctoritate opus tibi esse judicaveris. Cum itaque id ipse tibi de Nobis quod cupimus abunde pro suo munere persuasit, tum nostras Majestati Tuæ depromet ac explicabit de præseuti Ecclesia ac religionis in Poloniae statu curas et molestias,

a teque eam implorabit nostris verbis opem quam hujusmodi in illo regno turbatae afflictaeque res maxime hoc tempore videntur exposcere. Recordari facile potes, carissima in Christo filia nostra, quantum idcirco laboraret pastoralis illo Clementis XIII praedecessoris uostri animus, qui ad te litteras dederat plenas et solitudinis et plurimae de tuo in religionem studio cum regii animi magnitudine conjuncto fiducia. Eodem Nos aequae, ut debemus, illorum catholicae fidei discriminum percellimur sensu, eademque pietatis ac magnanimitatis tuae spe, quam tum etiam tuis litteris confirmaras, ea a te petimas pro tuenda Ecclesiae praesidia quae opportuniora esse atque efficaciora tibi pro tua sapientia videbuntur. Minime dubitamus quin de pontificiis his precibus eam habeas rationem quam rei gravitas tuaque a te dignitas postulat, ac, si necesse fuerit, regiam etiam, quam a Deo accepisti, potentiam pro Dei causa adhibeas, eaque consilia actionesque suscipias quae immortalem tuam reddant in Ecclesiae fastis gloriam, semperque magis apostolicae reginae, quod geris, nomen illustrent, cum religionem non minus in exteris ditionibus quam in tuis fulcias ac tuearis. Sed haec Nos breviter hisce litteris pertingimus, quae luculentius tecum coram idem venerabilis frater nostro nomine pertractabit. Demum quam ipse tibi a Nobis apostolicam benedictionem deferet, eandem Nos ut divinatorum munerum auspiciis nostraeque eximiae caritatis pignus intimo paterni cordis sensu Majestati Tuae amantissime impertimur. *Datum Romae, etc., die 15 aprilis 1772, pontificatus nostri anno tertio.*

CCI.

DILECTISSIME IN CHRISTO FILIAE NOSTRAE
MARIAE SAXONIAE ELECTRICI VIDUAE,
CLEMENS PAPA XIV.

Romae, 21 aprilis 1772.

Dilectissima, etc. Gratissimus Nobis est adventus in Italiam atque ad Nos tuus eo maxime consilio susceptus, ut in hac potissimum religionis arce sanctorum apostolorum Petri et Pauli sanguine consecrata loca, aliaque sanctitatis monumenta pro

eximia tui animi devotione præsens cognosceres. Quæ dum invisitis ac lustras, ea pietatis exempla omnium oculis exhibes, ut mirum in modum pristina nostra de virtutibus ac regis laudibus tuis roborata sit atque etiam aucta existimatio. Jam diu enim diffusus ubique tuorum meritorum splendor ad Nos pervenerat, fama que ipsa Nobis afferebat, quæ tua consilii ac sapientiae vis esset, et præter egregia litterarum ornamenta, quæ et optime nosti et patrocinio dignaris tuo, quantum præsertim religioni pietatique studii, et quantum Nobis atque apostolicæ huic sedi devotionis ac observantiæ deferres. Ex quo antecepto de te iudicio nostro tuarumque virtutum præsentia confirmato intelligere facile potes, dilectissima in Christo filia nostra, quæ te nunc ad Nos advenientem excipiamus voluntate, quamque omnia, quaecumque proficisci a Nobis possunt, paternæ singularis caritatis officia exhibere tibi et cumulare cupiamus. Id profecto nullo potiori tibi quo jucundiori indicio comprobare possumus quam quod ab ipsa religione petatum sit, unde sane maximum queat huic animi nostri significationi pondus adjungi. Habe itaque a Nobis sacrum hoc aureæ Christi crucifixi imaginis munusculum, quod ut alacriore excipias animo, multo idem pretiosius apostolica nostra benedictione reddere volumus. Atque ut ipsam adhuc tibi gratius accidat ac ad pietatis usum acceptius, apertis commissis Nobis Ecclesiæ thesauris, quotiescumque confessa ac sacra communiono refecta, Deum quo coram hac ipsa crucifixi effigie rite deprecata fueris, toties ut plenariam peccatorum indulgentiam lucrari possis, apostolica auctoritate concedimus ac impertimur. Hoc religiosæ erga te largitatis genus ultro delegimus, dilectissima in Christo filia nostra, tuæ singulari pietatis laude permoti, eamque non solum utilem tibi, sed Nobis etiam fructuosam fore confidimus, cum in precationibus ad Deum tuis, quibus sanctæ Ecclesiæ rationes ipsi commendaveris, nostri etiam, quibus ejusdem regendæ gravissimum impositum est munus, quippe pro imbecillitate nostra divina ope maxime indigemus, nunquam immemor futura sis. Cum igitur magnopere Nobis persuasum sit non mediocriter factum iri ex hoc munusculo tuæ devotionis incrementum, vehementer etiam optamus ut illud penes te habere velis tamquam eximium ac perpetuum pontificiæ caritatis pignus; unde tua in apostolicam hanc Sedem studia magis in dies inflammentur, quod mirifice cum ipsa in Deo pietate ac filiali tuo in Nos officio consentit et congruit. Denum ab omnium bonorum Largitore verem ac solidam felicitatem, tibi, dilectissima in Christo filia nostra, tuæque inclitæ electorali

domui enixo precamur, ac ejusdem uberioris gratiae auspicem apostolicam benedictionem intimo paterni cordis sensu amantissime impertimur: *Datum Romae, etc., die 21 aprilis 1772, pontificatus nostri anno tertio.*

. CCII.

DILECTIS FILIIS NOBILIBUS VIRIS

RECTORI ET CONSILIARIIS REIPUBLICÆ RAGUSINÆ,
CLEMENS PAPA XIV.

Romae, 28 aprilis 1772.

Dilecti, etc. Redditae Nobis fuerunt Nobilitatum Vestrarum litterae a dilecto filio Benedicto Stay, intimo nostro cubiculario ac brevium ad principes secretario, qui vestros etiam observantiae, pietatis ac devotionis erga Nos atque hanc apostolicam Sedem plenissimos sensus coram luculentissime significavit. Verissimum vos sane de Nobis judicium facitis, cum, prout scribitis, Nos non tam magnitudine, opibus ac copiis, quam probitate ac religione nostrorum in Christo filiorum permoveri existimetis. Haec enim vera ac maxima civitatum ornamenta esse, atque hinc solidam earundem commendationem atque utilitatem proficisci ducimus. Cumque vos hisce laudibus instructos esse minime Nobis dubium sit, dignissimos idcirco arbitrati sumus quos pontificia singulari caritate complecteremur. Quare cum opportunitas sese obtulisset, libentissimo pro vestra vestraeque reipublicae incolumitate paterna studia nostra interposuimus. Quorum dum optatissimes exitus quam maxime cupimus, interim verae tranquillitatis ac pacis auctorem Deum Optimum Maximum, in quo omnes positae spes esse debent, pro vestra incolumitate deprecari non intermittimus. Vos item, quantum possumus, cohortamur, dilecti filii nobiles viri, ut ab hoc bonorum omnium fonte salutem vestram assiduus precibus expetatis, et cum divinam clementiam omnibus pietatis et christianae virtutis officiis demeriti fueritis, ab ea una potissimum hujusmodi beneficium expectetis. Quod ut aptius ac divino impetrando praesidio accommodatius efficere possitis, coelestium munerum auspicem et nostrae benevolentiae testem apostolicam benedictionem Nobilitatibus Ve-

stris peramanter impertimur. *Datum Romae, etc., die 28 aprilis 1772, pontificatus nostri anno tertio.*

CCIII.

VENERABILI FRATRI

ANTONIO ARCHIEPISCOPO GOANO,
CLEMENS PAPA XIV.

Romae, 29 aprilis 1772.

Venerabilis, etc. Postulas a Nobis, venerabilis frater, ut, cum valetudo tua cibos jejunii lege praescriptos ferre non possit, apostolica tibi auctoritate concedamus ut iis temporibus quibus jejunium ab Ecclesia institutum est salubres comedendo carnes tuae corporis affecti imbecillitati consulere valeas. Minime dubium Nobis est quin ad hoc postulatum gravi inductus causa deveneris, pastoremque operam ac sollicitudinem tuam tanti facimus ut commissis etiam tibi ovibus, quarum incolumitas tua magni interest, valde Nos ea gratia consulturos esse existimus. Itaque, et salutis tuae et episcopalis ministerii rationem habentes, tibi, venerabilis frater, jejunii diebus salubrium carniem usum, de consilio tamen et confessarii et medici tui, per hasce in forma Brevis litteras pontificia potestate permittimus et indulgemus. Id eo erga te animo facimus ut plurimum tibi paternae caritatis et studii officium deferamus. Quod magis ut tibi persuadeas, vehementer a te petimus ut nunquam ulli opportunitati desis qua nostrae tibi gratificandi cupiditati satisfacias. Ac in uberius pontificiae benevolentiae pignus apostolicam benedictionem tibi, venerabilis frater, tuaeque curae commissis populis peramanter impertimur. *Datum Romae, etc., die 29 aprilis 1772, pontificatus nostri anno tertio.*

CCIV.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO,

HABITA IN CONSISTORIO SECRETO DIE XXII JUNII MDCCLXII.

Venerabiles fratres, etc. Praeclare vobis sunt cognitæ atque perspectæ, venerabiles fratres, carissimi in Christo filii nostri Caroli Emmanuelis Sardiniae regis illustris singulares atque eximiae virtutes, cum excellenti regni gerendi scientia conjunctæ omnes pietatis, moderationis, magnanimitatis laudes. Nos ipsi profecto inter cætera ipsius summa regii animi ornamenta experti sæpe sumus quam mirificum ejus esset religionis studium, quo erga sanctam apostolicam hanc Sedem observantia, quæ et quam constans ac perpetua Nobiscum benevolentia atque officiorum communicatio. Propterea, cum nuper gravi ac periculoso morbo eundem conflictari Nobis esset relatum, parem maximo nostro erga illum amoris, doloris magnitudinem percepimus. Pro impetranda itaque optimi Nobisque carissimi regis incolumitate Deum omnipotentem deprecari non intermisimus. Atque idcirco nudiùs tertius Sudarii templum adeuntes, dum a natione sui regis, ac tamquam parentis amantissima vota fierent, cum omnibus precibus preces nostras conjunximus. Hanc doloris ac sollicitudinis nostræ causam vobiscum nunc communicamus, venerabiles fratres, ut vos item omnem operam atque animorum contentionem pro exoranda præstantissimo regi valetudine conferatis. Cum summa vestra in Ecclesiam studia esse debeant, nihil nunc Nobis eique quod sustinetis muneri convenientius esse potest, quam ut vestris ad Deum obsecrationibus illi præstis, cujus singularia extare in ipsam Ecclesiam merita clarissimis indiciis cognoscitis.

CCV.

CARISSIMO IN CHRISTO FILIO NOSTRO

CAROLO EMMANUELI SARDINIE REGI ILLUSTRI.

CLEMENS PAPA XIV.

Romæ, 18 julii 1772.

Carissime, etc. Doloris magnitudinem a Nobis susceptam ob morbi vim qua nuper ad vitæ discrimen adductam fuisse Majestatem Tuam perceperamus, intra Nos continere non potuimus: proinde manifestam omnibus fecimus et Sudarii adito templo, et cum venerabilibus fratribus nostris S. R. E. cardinalibus moerore ob eam maxime causam communicato, ut nostras ad Deum preces cum illorum precibus conjunctas efficaciores ad impetrandam tibi incolumitatem redderemus. Qua quidem in re obsecuti sumus et pontificiò muneri erga regem singulariter atque egregie de Ecclesia meritum, et peculiari cuidam summo atque eximio amorì in te nostro, quem ob insignia ac perpetua in Nos studia et ob excellentes et regio animo dignissimas virtutes incredibilem in modum diligimus atque adeo admiramur. Hujusmodi nostrum paternae caritatis sensum consentanea laelitiaie magnitudo propter restitutam valetudinem tuam est consecuta. Propterea maximas, ut debemus, Deo gratias reddimus, cumque enixe precamur perpetuoque precaturi sumus ut stabilem ac diuturnam pulcherrimam hanc jucunditatis nostrae causam esse velit. Quod scribis, carissime in Christo fili noster, gratas tibi fuisse eas benevolentiae nostrae significationes, tu quidem peramanter et pro tua in nos mutui animi consuetudine facis. Nam etsi eadem leves neque omnino pares eximiae nostrae in te voluntati esse potuerunt, tamen minime dubitamus eo animo a te esse acceptas quo a Nobis profectae sunt, nimirum tui studiosissimo tuaeque salutis, felicitatis, gloriae cupidissimo. Largitorem ac fontem bonorum omnium flagitamus ut vota ac desideria nostra rata firmaque habeat, teque cumulet amplissimis divinae benignitatis muneribus, quae optimis regibus atque ad religionis sanctitatem consilia sua dirigentibus impertiri solet, atque augeat regiam domum tuam, tuosque egregios liberos, quos eo impensius amamus quo tibi similiores esse cognoscimus. Demum in uberius pontificiae caritatis pignus apostolicam be-

benedictionem Regiae Majestati Tuae intimo paterni cordis sensu
amantissimo impertimur. *Datum Romae, etc., die 18 julii 1772,*
pontificatus nostri anno quarto.

CCVI

VENERABILI FRATRI

HIERONYMO ARCHIEPISCOPO SALISBURGENSI,

CLEMENS PAPA XIV.

Romae, 1 augusti 1772.

Venerabilis, etc. Nobis indiciis perspectum tibi esse volumus
propensissimam nostram erga te voluntatem in concedenda quam
a Nobis postulasti facultate retinendi praeposituram S. Mauritii
Augustae et canonicatus Passaviensem et Olomucensem, quam
facultatem libentissime fraternitati tuae impertiti jam sumus, ad
ulteriora etiam aequae libenter, si opus fuerit, processuri, cum
minime dubitemus praeclara tua item studia futura in pontificiis
nostris juribus quae ad canonicatus collationes pertinent retinen-
dis sartisque ac tectis tuendis. Quod scribis de tua in Nos fidu-
cia, Nobis est jucundissimum, et tibi persuasum esse cupimus
nos semper benevolentissime excepturos quae a te offerentur, et
pergratas Nobis omnes opportunitates futuras quibus tibi mani-
festius in dies esso possit quam eximia sint paternae nostrae
erga te caritatis studia. In cujus luculentius argumentum apo-
stolicam benedictionem fraternitati tuae peramanter impertimur.
Datum Romae, etc., die prima augusti 1772, pontificatus nostri
anno quarto

CCVII.

VENERABILI PRATRI

ANTONIO EUGENIO ARCHIEPISCOPO EPHESINO.

ORDINARIO NOSTRO ET APOSTOLICÆ SEDIS

IN GERMANIA NUNTIO,

CLEMENS PAPA XIV.

Arce Gandulphi, 17 octobris 1772.

Venerabilis, etc. Ex litteris tuis, et ex folio a dilecto filio nobili viro principe da Kagnitz tecum communicato atque a te ad Nos transmissio, venerabilis frater, cognovimus consilium a carissima in Christo filia nostra Maria Theresia Hungariae regina apostolica necnon Bohemiae regina illustri in Romanorum imperatricem electa vidua initum, quo ex pluribus monasteriis et conventibus ad Olivetanos, Hieronyminos et alios Longobardiae Austriacae ordines spectantibus componi possent aliquot ampliores et numero religiosorum auctiores familiae, ut ita ex plurimorum conjunctione et religiosae disciplinae accuratior observantia et eidem accommodata doctrinarum studia, non sine multa eorundem ordinum laude et publica utilitate uberius, efflorescerent: magnopere item cupere Majestatem Suam vidimus ut aliqua pars reddituum ad eosdem ordines pertinentium quae, postquam omnibus religiosi status usibus decenter commodeque sit satisfactum, supersit ac redundet, ad alias opportunitates traducatur, et sive pauperibus sublevandis, sive parochorum subsidio, sive aliis piis oporibus addicatur. Suam demum Majestatem pro singulari sua religione et apostolicae Sedis reverentia fieri haec omnia velle juxta ecclesiasticas sanctiones hac sancta Sedo consentiente et probante, ac proinde optare ac flagitare ut quo paratius ac promptius ad exitum perducere res possit, tibi, venerabilis frater, da his agendis statuendi atque eadem executioni etiam ut mandantur jubendi opportunas ac necessarias facultates concedamus. Nos itaque, intelligentes finem a carissima in Christo filia nostra sibi propositum in hujusmodi postulatis Nobis faciendis obtineri ea ratione posse quae eximiae ejus pietati et augustae domus religioni conveniat; proinde illius desideriis, quoad in Domino possumus, obsequi volentes, tua virtute, sedulitate ac prudentia

freti, tibi, venerabilis frater, apostolica auctoritate concedimus atque impertimur eas facultates omnes quae requiri possint ad vim, robur ac validitatem juxta sacrorum canonum praescriptiones tribuendam novis hisce decretis et constitutionibus quae a te pro singulis in Austriaca Longobardia positis ordinibus regularibus efficientur. Cumque Nobis persuasissimum sit ipsi Suae Majestati optime perspectum iri quantopere intersit ad firmiorem utilitatem in suscepto consilio consequendam ut ab ordinariis locorum in quibus praedicti ordines siti sunt, atque etiam ab ipsis superioribus eorundem ordinum res omnes scitu necessariae antea per te exquirantur tibi quoque ab iisdem summa fide referantur, te valde hortamur ad hanc etiam diligentiam adhibendam; praesertim cum Majestati Suae nihil gratius fore ducamus, quam ut, veritate sedulo cognita atque explorata, eae demum rationes stabiliri possint quae verae et permansurae utilitatis plenissimae sint et ab ullo errandi periculo remotissimae. Quae a te hunc in modum eorundem emolumento et populorum commodo esse facile poterunt, et illae reddituum portiones quas ab ordinibus regularibus disjungendas atque adimendas esse judicabis, convenientem ac bonorum ecclesiasticorum rationi consentaneum usum consequentur: omnia denique sacris canonibus congruent, piisque Majestatis Suae votis ac nostrae item voluntati consentient. Ingens inde nostrae erga te benevolentiae fiet accessio, in cujus argumentum apostolicam benedictionem fraternitati tuae peramanter impertimur. *Datum in Arce Gandulphi, Albanensis dioecesis, etc., die 17 octobris 1772, pontificatus nostri anno quarto.*

CCVIII.

CARISSIMAE IN CHRISTO FILIAE NOSTRAE

MARIE THERESIAE HUNGARIAE REGINAE APOSTOLICAE,

NECNON BOHEMIAE REGINAE ILLUSTRI,

IN ROMANORUM IMPERATRICEM ELECTAE VIDUAE,

CLEMENS PAPA XIV.

Arce Gandulphi, 24 octobris 1772.

Carissima, etc. Dedimus ad venerabilem fratrem Antonium Eugenium archiepiscopum Ephesinum ordinarium nostrum apud

Majestatem Tuam nuntium, die XVII hujus mensis, in forma Brevis litteras, in quibus (quod magnopere te cupere atque a Nobis expetere idem nuntius significaverat) illi opportunas ac necessarias facultates concessimus monasteria regularium ordinum in Longobardia Austriaca posita, in aliquot ampliores et numero auctiores familias redigendo, et redditus monasteriorum qui post omnes usus earundem familiarum commode ac decenter satisfactos supererint transferendi atque applicandi ad sublevandos pauperes aut parochos aut alia pia opera quae opportuniore videbuntur. Nos quidem, ut hujusmodi facultates impertiremur, unice inducti fuimus perspectissima Nobis pietate ac religione Majestatis Tuæ, quam certissime scimus divinae gloriae incremento veras rerum utilitates aestimaturam, et diligentissime curaturam ut in religiosorum familiis nihil nisi ex divini cultus rationibus immutetur. Sed quoniam ipsa rei gravitas anxios Nos reddit ac sollicitos et vereri facit ne quid praeter nostram ac tuam voluntatem fiat, te ipsam alloqui hisce litteris volumus, teque ad omnem operam ac diligentiam, quam tua sponte adhibitura es, etiam cohortatione ac flagitatione nostra impellere. Agitur enim, ut praeclare vides, carissima in Christo filia nostra, de re quae Ecclesiae maxime intersit et nostras omnes curas et cogitationes exposcit, cum Christus Dominus Nobis ecclesiam suam tuendam ac regendam commendaverit, et tu ipsa ejusdem Christi ecclesiae patrona et sis et nuncupaveris. Quare ad nostrum munus attinet ut ne qua divini cultus imminutio, aut minus aequa in populo opinio ordinum ac religionis ministrorum inde oriatur, nequid immoderate fiat, denique ne judicium nostrum in divini judicii severitatem atque animadversionem incurrat. Ad amovendum istiusmodi timorem, Majestatem Tuam rogamus, omnia ut effici cures, nihil et eorum praetermitti sinas quae ad gravissimam rem rite ac bene gerendam conferant. Nos propterea in litteris ad Nuncium nostrum datis, eundem valde hortati sumus, eique commendavimus id quod te ipsam pro eximia tua pietate omnino velle ac probare duximus: nimirum ut ab episcopo in quorum dioecesi sita sunt regularium monasteria de rerum omnium statu exquireret, et non solum de redditibus monasteriorum, verum etiam praecipue de opportunitate religiosorum virorum, et utilitate quam inde christianus populus capiat, interrogaret. Tu ipsa praeclare intelligis, quantum valere possint ad veritatem assequendam eorum testimonia, qui speculatores ac praesides in sua quisque dioecesi sunt constituti. Cum ipsi supervacaneum esse affirmabunt numerum religiosorum vi-

rorum, redundantes ipsorum reditus, eosque minus opportunos ad spiritualia ministeria obeunda asserent, tunc nec divini iudicii metus nec ulla dubitatio esso poterit quin ea consilia capiantur quae gregis Christi utilitati erunt accommodatiora. Quae autem monasteria ex episcoporum sententia constaret opportuna esse promovendae populorum pietati, erudiendae juventuti utilia atque apta apostolico ministerio adjuvando (qui tuus est religionis atque aequitatis amor), tu ipsa certe pati non posses ut hujusmodi monasteria suis bonis, populos subsidiis, episcopos plurimis adjuvamenti privari sineres. Quamobrem a Majestate Tua qua maxime possumus animi contontione et pari fiducia petimus ut in suscepto perficiendo consilio ita rebus omnibus modereris prout necesse est iis quae Ecclesiae aut divino cultui sunt consecratae. Deum O. M. precamur ut in his peragendis caelestis suae gratiae praesidio te adjuvet et sustentet, atque in ejus amplificanda gloria pristinas tuas laudes vera ac solida hujus laudis accessione cumules. Domum in singularis nostrae paternae caritatis pignus apostolicam benedictionem Majestati Tuae omnique augustae domui amantissime impertimur. *Datum in Arce Gandulphi Albanensis dioecesis, etc., die 24 octobris 1772, pontificatus nostri anno quarto.*

 CCIX.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO,

CLEMENS PAPA XIV.

Romae, 5 decembris 1772.

Carissime, etc. Quamquam post consecutas in Polonia rerum commutationes maximum nostrum, in quo eramus de catholicae religionis incolumitato, timorem mitigassent ipsae dominantium leges, quibus catholicorum templa resque sartae tectae esse jubebantur (quas leges tuae potissimum apud illos ad nostras et praedecessoris nostri preces pro religione navatae operae tribuendas putavimus), si tamen cum praeter omnem spem nostram et contra earundem legum sanctiones, militari fortasse licentia, aut eorum qui exequendis decretis praesunt temeritate, et hactenus in catholicos plurima illata esse et in dies gra-

viora damna inferri audiamus, magnum in metum adducimur non solum de discrimine aliquo aut detrimento, verum de ipso religionis interitu, nisi tuo, carissime in Christo fili noster, potissimum praesidio ac tutela Ecclesiae ac de suscepto malo quotidie invalescenti occurratur. Quamobrem divini cultus, cui praesidemus, sanctitas atque integritas, ac aeterna tot populorum salus a Nobis postulat ut propterea Majestatem Tuam obtestemur, atque tutelam atque opem hanc tuam, qua maxime possumus alacritate, atque ardore animi expetamus. Tua te ipsa pietas et cum praeclarissima laudum omnium haereditate a majoribus tuis in te transmissum religionis tuendae studium ad illud quod postulamus commovebit atque impellet, et tua apud eos in quorum dominatu haec sunt auctoritas, tibi paratissimum aditum ad idem impetrandum elliciet. Cum enim omnem operam, omnem industriam tuam eo conferes, facile obtinebis ut te postulante valere eas ipsas leges velint, quas ipsi pro catholicae religionis securitate sancientes duxerunt. Id igitur ut summa diligentia et cura enitare a Majestate Tua et poscimus et confidimus. Si quidem cum imperii tui dignitas, fidei defensoris ac pastoris tibi munus ac nomen imponat, nihil tibi prius atque antiquius fore ducimus quam ut re ipsa talem te et esse velle et nuncupari palam facias. Nulla re profecto melius tuae ipsius felicitati atque gloriae provisum esse a te poterit. Si enim Dei Opt. Maximi providentia ac beneficio regum regnorumque res sustententur, nulla potior divini patrocinii conciliandi ratio esse poterit quam si te illius gloriae asserendae studiosissimum, illamque rebus omnibus te anteferre profiteare. Summum hunc bonorum omnium fontem enixe precamur ut coelestis suae gratiae praesidio in te confirmet hanc Ecclesiae pernecessariam, tibi utilissimam sibi ipsi acceptissimam voluntatem. Et in divinorum hujusmodi munerum auspiciis, atque in nostrae paternae ac singularis erga te benevolentiae pignus, angustae Majestati Tuae apostolicam benedictionem amantissime impertimur. *Datum Romae, apud S. Petrum sub annulo Piscatoris, die 3 decembris 1772, pontificatus nostri anno quarto.*

CCX.

VENERABILI FRATRI

SIMONI NICOLAO EPISCOPO BASILEENSI,

CLEMENS PAPA XIV.

Romae, 6 januarii 1773.

Venerabilis, etc. Eximiam tuam in apostolico ministerio rite obeundo sollicitudinem atque in divini et ecclesiastici praecepti integritate tuenda studium luculentissime cognovimus, venerabilis frater, ex litteris tuis, quibus certiores Nos fecisti de impedimento illato ne nostram de diebus festis legem promulgares, quibusque a Nobis postulasti, ut ad ea impedimenta amovenda tibi potestatem impertiremur tollendae omnino jejuniorum obligationis, quae a vigiliis quorundam abrogatorum festorum ad ferias quartam et sextam Adventus erant a Nobis translatae, unde omnis illa difficultas est profecta. Ac Nos quidem praeclaro tuo studio in episcopali munere gerendo mirum in modum delectati, et causis quas attulisti magnopere commoti, aequo animo inducimus ut postulationis tuae annuamus, quo et te ex iis angustiis in quibus te versari agnoscimus, eximamus, et populi tui in Alsaciae Gallica ditione positi saluti et conscientiae tranquillitati consulamus. Ad id potissimum ea quam significasti ratione impellimur, nempe in universa Alsatia, more id esse positum, ac reputari sublata dierum festorum celebratione, sublata etiam esse obligationem jejuniorum quae illos dies praecedebant. Hac igitur consuetudine maxime innixi expetitam facultatem pro dioecesis tuae parte in Alsatia posita tibi indulgemus; tamen cautione adhibita: altera nimirum, ut ne in edicto pro dierum festorum imminutione a te faciendo ulla sublati jejunii mentio fiat, cum ipsum hoc silentium illic ex regionis usu pro concessione haberi possit, cumque aliquae tibi deesse non possint viae quibus, si ita opus fuerit, hujusmodi concessio ad populi cognitionem perveniat. Altera cautio est ut ne haec tacita jejuniorum abrogatio pro Alsatica tantum tuae dioecesis parte concessa, aliqua interpretandi licentia aut errore ad alia tuae dioecesis loca extra Alsatiam posita traducatur atque extendatur. In iis enim locis valere omnino atque induci volumus de festis ac jejuniis legem, eamque jam hactenus ibidem a te inductam ac vulgatam

censemus. Habes itaque a Nobis quam postulasti facultatem, venerabilis frater, quam tibi eo libentius impertiti sumus, quod tuis singularibus Nobisque perspectissimis laudibus eadem te nsum illo animo scimus quo a Nobis conceditur, divinae videlicet gloriæ et populi tui salutis studiosissimo. Parem ac rebus in omnibus aequæ erga te propensam nostram voluntatem semper futuram profitemur; atque in hujus pontificiæ caritatis manifestius pignus apostolicam benedictionem tibi, venerabilis frater, tuoque universo populo peramanter impertimur. *Datum Romæ, etc., die 6 januarii 1775, pontificatus nostri anno quarto.*

CCXI.

VENERABILIBUS FRATRIBUS

ARELATENSI ARCHIEPISCOPO ET MELDENSI EPISCOPO

CLEMENS PAPA XIV.

Romæ, 15 februarii 1775.

Venerabiles, etc. Caeteras inter sollicitudines et pastoralis officii curas, ad quod nullis nostri meritis, sed unius divinae clementiæ largitate vocati fuimus, eam semper præcipuo Nobis loco habendam existimavimus qua sacros operarios, qui peculiari quadam ratione, arctissimisque vitæ regularis vinculis Deo mancipati in vineam Domini excolendam suos omnes conferunt labores, singulari prosequi tenemur affectu, propensa fovere voluntate ac beneficentissimo fulcire patrocinio, ita ut quidquid accommodatum iis esse potest vel ad pietatis ac religionis studium, quo eos flagrare oportet, conservandum augendumque, vel ad regularis disciplinae integritatem, si quid forte passa sit detrimenti, cumulatissime restituendam, vel ad quaslibet propulsandas penitus difficultates quæ impedimento sunt quominus uberrimos illos procreare possint fructus ac amplissimas utilitates quas et universa christiana respublica et beata populorum salus ab iis maxime efflagitat avidèque præstolatur, ad id omne facile libentique animo ei suppeditandum effuseque largiendum prompti esse quovis tempore debeamus atque parati. Hos inter egregios in vinea Domini operarios ex quorum assiduis laboribus maximum semper Christi ecclesiæ decus ac-

cessit, ornamentum et praesidium, eos jure ac merito recensemus qui santi Dominici vestigia sectantes et regulas inclytum deque christiana republica optime meritum constituunt regularem ordinem Fratrum Praedicatorum nuncupatum. Hinc muneris nostri ratio et vehementer optat et modis omnibus expostulat ut quibusvis ejus commodis, quantum in Domino possumus, sedulo prospiciamus, caveamusque diligentissime nequid in ullam ejus partem irrepat, ex quo splendor ille locuplentissimus pietatis et doctrinae quo praeclarus hic ordo hactenus ubique emicuit aliquod vel minimum patiatur detrimentum.

Relatum porro Nobis fuit collegium Sancti Jacobi eorundem Fratrum Praedicatorum Parisiis situm, coque saluberrimo constitutum consilio ut ad illud, tanquam ad celeberrimam pietatis et litterarum arcem, alumni ejusdem ordinis ex universis Galliarum provinciis accedentes, in assidua et regularis disciplinae et sanioris doctrinae exercitatione ita versentur, ut amplissimo inde decori afferendo universo ordini et christianae reipublicae utilitati cumulandae apti fiant et idonei, a pristina non parum dignitate ac celebritate nominis esso prolapsum, tum ob imminutam regularis instituti observantiam, cum ob rei domesticae administrationem non rite gestam; atque idcirco, ne ad ultimum pene excidium redigatur, opportuno aliquo efficacique remedio ei quam citissime esse consulendum. Expositum quoque Nobis fuit ex parte carissimi in Christo filii nostri Ludovici Regis Christianissimi, aptius nullum et accommodatius inveniri posse remedium ad idem collegium ab eo, in quo nunc versatur, discrimine ad florentissimum suum pristinum statum revocandum, quam si sub immediata magistri generalis totius ordinis Fratrum Praedicatorum jurisdictione et cura constituatur, et apostolica praeterea ejusdem collegii agatur visitatio, per quam pro malorum ibidem vigentium varietate optimae condantur leges perpetuo servandae.

Quam ob rem, et pastoralis officii nostri debito, et ejusdem Ludovici Regis precibus, et vobis satisfacere cupientes, collegium praedictum civitatis Parisiensis et ordinis Fratrum Praedicatorum a cujusvis provincialis gubernio exemptum declarantes, omnimodae subjectioni et jurisdictioni nunc et pro tempore existentis magistri generalis ejusdem ordinis auctoritate apostolica tenore praesentium perpetuo supponimus atque subjicimus; ita ut idem generalis ordinis magister ea ratione qua domum pro recipiendis novitiis ipsa in Parisiensi urbe designatam sub sua habet immediata ac plena potestate et jurisdictione, acquis-

simisque eam moderatur legibus, quae ad illius ornamentum ac splendorem mirum in modum conducunt, eadem quoque collegium praedictum libere ac immediate gubernare, ac singula quae ad optimum illius regimen necessaria putaverit, pro sua prudentia ac religiosae perfectionis studio disponere valeat, atque perficere.

Quoniam vero ad idem collegium in pristinum honoris ac dignitatis gradum restituendum necessarium quoque, nedum opportunum videtur ut serio investigentur ac detegantur collapsae regularis disciplinae causae, et rei domesticae non rite se habentis rationes, tum etiam diligentissime perpendantur quae potissimum leges aptae magis esse possint iis gravissimis incommodis longe ac perpetuo propulsandis quae eidem collegio tanto sunt detrimento ac ruinae, ut quae tum ejusdem Christianissimi Regis Ludovici eximiam pietatem ac religionem, cum nostrum exciterunt animum ad novum hoc consilii genus de eo collegio suscipiendum; Vobis idcirco, venerabiles fratres, ut tanquam vestri et apostolicae hujus Sedis delegati sacram institutis ejusdem collegii visitationem, seduloque inquiratis tum in regularem disciplinam cum in rei domesticae administrationem, facultatem ad annum duraturam auctoritate apostolica tenore praesentium facimus ac plenissime indulgemus.

Et quia pro certo pariter habemus, cum ad finem quem vehementer cupimus celeriori promptiorque ratione obtinendum, plurimum in primis conferre, si ii eligantur collegii officiales qui praeclaris non modo fulgeant virtutibus, suoque exemplo caeteris in regularis disciplinae semita praeire valeant, verum etiam qui collegii redditibus nimio munero graves non sint ac noxii; facultatem propterea Vobis pro hac prima vice tantum, collegii praesidem, artium magistros, regentes, conventuales et officiales, quocumque nomine nuncupentur, eligendi et nominandi, eundemque numerum collegii redditibus respondentem statuendi, pari auctoritate et tenore concedimus et indulgemus. Qui autem ad praedicta officia electi a vobis fuerint, per illud tantummodo temporis spatium tradito sibi fungi poterunt munere, quod vel a generalibus ordinis vel a peculiaribus ejusdem collegii constitutionibus statutum est ac definitum. Huic vero temporis spatii initium fiet a sacrae visitationis, quam fidei vestrae committimus, fine, et a decretorum quae pro ejusdem collegii reformatione condenda putabitis promulgatione. Id tamen impedimento vobis minime erit quominus ab ipso etiam visitationis exordio, eos ipsos, vel alios, quod magis congruere arbitrabimini, officiales

interim, seu per modum provisionis, ut ajunt, constituere valeatis.

Vestrum praeterea erit quae optimum ejusdem collegii regimen et oeconomiam illius bonorum administrationem respiciunt firmissimo novarum legum praesidio constituere ac definire, et singulos qui irropserunt pravae usus aptissimis remediis evellere, et futuris etiam temporibus, quoad fieri potest, impedire. Quae quidem in re confidimus, imo pro certo habemus, omnes vos operam collaturos esse, studium et industriam, ut singula religioni vestrae ac prudentiae quibus plurimum et maxime valetis, et quarum virtutum plura eaque egregia alias praetulistis argumenta apprime respondeant. Quascumque autem in ejusdem collegii bonum et utilitatem sancientas putaveritis leges, eas omnes, antequam a vobis promulgentur, ad Nos deferri carabitis, ut non modo ex optimis vestris deliberationibus opportunisque reformationis decretis, novum Nobis prudentiae ac sapientiae vestrae satis jam cognitae adsit testimonium, laetemurque vehementer eos ad hujusmodi munus Nos delegisse viros qui tanto cum fructu tantaque cum sui nominis gloria illud absolverunt, sed etiam ut auctoritati vestrae nostra quoque et sanctae hujus apostolicae Sedis accedente potestatis plenitudine et approbationis robore, utilius deinde et efficacius promulgari a vobis eae possint, et iis ad quos pertinet perpetuo et inviolabiliter observandae proponi. -

Decernimus denique ac jubemus praesentes nostras litteras firmas, validas et efficaces existere et fore, suosque plenarios et integros effectus sortiri et obtinere, ac illis ad quos spectat et pro tempore quandocumque spectabit, in omnibus et per omnia plenissime suffragari ac ab eis respective inviolabiliter observari, sicque in praemissis per quoscumque iudices ordinarios et delegatos, etiam cansarum palatii apostolici auditores ac Sedis apostolicae nuntios judicari et definiri debere, ac irritum et inane si secus super his a quoquam quavis auctoritate scienter vel ignoranter contigerit attentari. Non obstantibus quibusvis apostolicis generalibus vel specialibus constitutionibus et ordinationibus, nec non, quatenus opus sit, ejusdem ordinis Fratrum Praedicatorum, vel praedicti collegii Pariensis, etiam juramento, confirmatione apostolica, vel quavis firmitate alias roboratis statutis et consuetudinibus, privilegiis quoque, indultis et litteris apostolicis, singularibus etiam personis sub quibuscumque tenoribus et formis, ac cum quibusvis derogatoriis derogatoriis, aliisque efficacioribus irritantibusque clausulis quomodolibet con-

cessis et innovatis. Quibus omnibus et singulis, illorum tenores praesentibus, pro pleno et sufficienter expressis ac de verbo ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter et expresse derogamus, caeterisque contrariis quibuscumque. *Datum Romae apud Sanctam Mariam Majorem sub annulo Piscatoris, die 15 februarii 1773, pontificatus nostri anno quarto.*

CCXII.

CARISSIMO IN CHRISTO FILIO NOSTRO

STANISLAO AUGUSTO POLONIÆ REGI ILLUSTRÍ,
CLEMENS PAPA XIV.

Romae, 6 martii 1773.

Carissime, etc. Cum pro Majestatis Tuæ tuique regni tranquillitate misericordiarum Patrem et pæcis ac bonorum omnium largitorem precati semper sumus, tum e proximis vestris comitiis ut tibi, carissime in Christo fili noster, tuæque inclitæ nationi fausta et prospera omnia eveniant ab illo votis omnibus exposcimus. A summo enim hoc rerum humanarum auctore ac Domino, in cujus manu corda hominum ac regum sunt, omnes veræ utilitates ac prosperi et secundi quique successus sunt maxime expectandi. Illius itaque benignitatem ac praesidium demereri ut possis, omnis tibi cura est adhibenda, studium omne in hoc præcipue conferendum. Nulla profecto ratione ac via melius atque expeditius efficere id poteris, quam si cujus patrocinium ac tutelam obtinere te cupias, divini illius cultus tuendi studiosissimum te esse, illius gloriam caeteris rebus, omnibus antepone te palam facias. Egregiae hujusmodi voluntatis declarandæ plurimas opportunitates in his ipsis comitiis vestris tibi minime defuturas cognoscimus. In quibus ut magnopere veremur ne qui conatus contra religionis integritatem existant, ita in iis repellendis auctoritate tua atque omni animi contentione, quantum in te erit, te esse adnixurum omnino confidimus. Hanc igitur praeclaram tuam operam in catholica atque avita vestra ecclesia, prout officii tui ratio postulat, tuenda, atque propterea venerabili fratri Josepho archiepiscopo Beryti, ordinario nostro apud Majestatem Tuam nuncio, adjumento te praesidio esse ve-

lis, a te, carissime in Christo fili noster, quo maxime possumus studio expetimus. Quantum tibi tuisque rebus optime consultum esse tibi a Deo Optimo Maximo provisum esse exoptas, tantum industriae, curae, diligentiae in hac maxima religionis atque animarum salutis re satagenda ut colloces velimus. Nos quidem divinam clementiam ut suae gratiae praesidio Majestatem Tuam in his eximiis consiliis perficiendis confirmet ac muniat, atque inde faustissimi rerum exitus redundent, exorare non desistemus; atque interim in auspiciis caelestium beneficiorum et nostrae paternae singularis in te caritatis argumentum apostolicam benedictionem Majestati Tuae amantissime impertimur. *Datum Romae, etc., die 6 martii 1773, pontificatus nostri anno quarto.*

CCXIII.

VENERABILIBUS FRATRIBUS

ARCHIEPISCOPO GNESNENSI, EPISCOPO POSNANIENSI

ALIISQUE SEX EPISCOPIS,

CLEMENS PAPA XIV.

Romae, 6 martii 1773.

Venerabilis, etc. Incredibilem molestiam ac dolorem animo cepimus, venerabilis frater, ex nuncio ad Nos allato de proximis regni vestri comitiis, metuque ac suspensione non mediocri Nobis injecta ne qui conatus adversus divini cultus integritatem in iis existant, nec non quae coitiones ad labefactandam catholicam atque avitam Poloniae religionem fiant. Tanta rei magnitudine ac periculo vehementer commoti, ad Dei altissimi praesidia imploranda continuo omnem curam ac cogitationem nostram convertimus. Illam itaque enixissime deprecati sumus ut quemadmodum religionis sanctitatem in natione vestra incolumem hactenus constantissime servaverit, et egregiam episcoporum in ea acerrime tutanda operam esse voluerit, ita nunc in te et ceteris venerabilibus fratribus, qui praesides ac vigiles dominico gregi custodiendo constituti estis, parem vim ac virtutem excitet, et suae divinae gratiae beneficio similem praeclare defensae et conservatae fidei vestram esse laudem faciat. Etsi in gravissimis

quibus propterea premimur curis hac divini praesidii fiducia sublevemur, vosque illius ope fretos magno et constanti animo in domo Israel tuenda adfuturos, et venerabili fratri Josepbo archiepiscopo Bervti, ordinario nostro in Polonia nuncio, in id ipsum incumbenti adjumenta omnia praestituros minime dubitemus, tamen Nobis ipsis nostraeque in vos vestrumque gregem sollicitudini Nos deesse arbitramur, si eximia uniuscujusque vestrum studia nostris etiam studiis ac cohortatione nostra non adjuvemus. Quare per viscera misericordiae Dei nostri te obtestamur, venerabilis frater, ut hoc tempore patere ac palam esse omnibus velis qui tuus sit sartae tectaeque servandae religionis ardor, qui erga gregem tuum animus, quam auxius ac sollicitus ad omnem contagionem ab illo diligentissime removendam. Cum tibi in mentem veniet episcopali ministerio suscepto quibus et quam arctis officiorum vinculis cum tuo populo, cum universa catholica ecclesia ejusque auctore et conditoro Christo Domino sis adstrictus, labores omnes ac dimicationes propterea adeundae levissimae tibi videri poterunt. Ad haec si accedet cogitatio imminensae atque aeternae tibi comparatae mercedis pro hac muneri tui parte rite ac praeclaro gerenda. alacritatem tuam mirifice incendi, atque excitari senties. Age igitur, venerabilis frater, et fidei ac divini cultus, quoad tua fieri poterit, suscepta tutela, tuam ac populi tui utilitatem et salutem sedulo operare. Nulla re uberius ac opportunius prodesse tuis civibus tuaeque egregiae nationis augere gloriam ac commendationem potes, quam si in avitae religionis laude retinenda eidem ducem atque auctorem te praebeas. Pastorum principis, cujus praecepta atque instituta eximie te esse consecratum declarabis, clementiam ac patrocini-um tibi et universae Poloniae hunc in modum te optime demeritorum existimato, et coelesti regno et illius gloria primum quaesita, cetera item omnia ab illo te impetraturum confidito. Nostrae etiam et sanctae apostolicae hujus Sedis in te benevolentiae, tuorumque in Nos meritorum magnam accessionem hac tua praestantissima opera te facturum scito. Nulla enim in te tuumque populum proficisci a Nobis possunt praesidia aut ornamenta, quae tibi non libentissime delaturi simus. In cujus paternae nostrae erga te voluntatis indicium, ac coelestium beneficiorum auspiciis, apostolicam tibi benedictionem tuoque universo populo peramanter impertimur. *Datum Romae, etc., die 6 martii 1775. pontificatus nostri anno quarto.*

CCXIV.

DILECTIS FILIIS NOBILIBUS VIRIS

ORDINI SENATORIO REGNI POLONÆ

ET MAGNI DUCATUS LITHUANIÆ,

CLEMENS PAPA XIV.

Romae, 6 martii 1773.

Dilecti, etc. Quo major est clarissimi vestri ordinis dignitas atque amplitudo, dilecti filii nobiles viri, eo firmiora catholicae atque avitae religionis in qua sarta tecta tuenda majores vestri maximam regni vestri positam esse gloriam semper putaverunt, in vobis, vestraque spectatissima virtute praesto futura praesidia certissime duximus. Haec vestri egregii animi vestrique erga divini cultus integritatem studii spes atque expectatio magnam ex animo nostro moeroris partem adimit ac sollicitudinis, qua vehementer angimur ob proxima regni vestri comitia, metusque Nobis injectos no qua inde detrimenta religioni ac vestrae incolumitati inferri possint. Vos enim pro singulari vestra fidei defendendae alacritate ad hujusmodi, si quao fierent, repellendas molitiones paratissimos futuros confidimus, et venerabili fratri Josepho archiepiscopo Beryti, ordinario nostro in Polonia, nuntio omnia quae a vobis proficisci possent adjumenta praestituros. Etsi et officii vestri causa, quo ad divinam gloriam ac animarum salutem tutandam adstricti estis, et ad pristinum reipublicae vestrae decus ac laudem retinendam vos id facturos minime dubitemus, tamen vestra egregia studia cohortatione etiam nostra excitamus, atque id ipsum a vobis quam maxime possumus flagitamus. Divinam vos clementiam vobis mirifice hunc in modum demerituros scitis, ejusque tutelam vobis reiue vestrae publicae conciliaturos. Summa ac singularia etiam vestra erunt in Nos et sanctam apostolicam hanc Sedem merita hae excellenti in catholicam ecclesiam navata opera, ut pergratae Nolis sint futurae opportunitates omnes quibus palam facere vobis possumus quanta vos, quam peculiari pontificia caritate complectamur. In cujus paterni nostri in vos animi manifestius pignus apostolicam benedictionem vobis, dilecti filii nobiles viri, peramanter impertimur. *Datum Romae, apud S. Petrum, sub annulo Piscatoris, die 6 martii 1773, pontificatus nostri anno quarto.*

CCXV.

DILECTIS FILIIS

EQUESTRI ORDINI REGNI POLONIÆ

ET MAGNI DUCATUS LITHUANIÆ,

CLEMENS PAPA XIV.

Romæ, 6 martii 1773.

Dilecti, etc. Quemadmodum fortissimos viros majores vestros incredibili studio catholice fidei incolumitatem semper esse tutatos, atque in ea defendenda maximam suam laudem atque inclitae nationis vestrae gloriam positam arbitratos esse scimus, ita vos, dilecti filii, in ejusdem religionis ab illis ad vos transmissae integritate tuenda aeque esse animatos Nobis est perspectissimum. Quare etsi interdum rerumstrarum status sollicitos Nos habeat ac suspensos, ne qua inde divini cultus rationibus detrimenta oriri possint; tamen usitatae virtutis vestrae fiducia recreamur, in eaque maxime conquiescimus. Ilac praeclara spe atque eximiae vestrae orga Ecclesiam voluntatis cogitatione mirifice sublevamur a gravissima animi nostri sollicitudine qua propterea hoc tempore potissime angimur. Cum enim magnopere vereamur ne qui motus in proximis regni vestri comitiis, ut quae molitiones adversus avitam nationis vestrae religionem fiant, vos praesto futuros scimus omnemque operam daturus ad hujusmodi conatus omnino repellendos, ac propterea venerabili etiam fratri, Josepho archiepiscopo Beryti, ordinario nostro in Polonia nuncio, praesidia atque adjumenta omnia praestituros. Id quidem et pro vestro catholice religionis tuendae officio et pro singulari quo inflammatis estis divini cultus ardore vos studiosissime facturos speramus: tamen ut summae animorum vestrorum alacritati aliqua etiam ex pontificia nostra cohortatione fiat accessio, idem etiam a vobis nostris hisce litteris quam maxime possumus expetimus atque adeo flagitamus. Nullam rem nostrae laudi, vestrae amplissimae nationis decori ac gloriae magis consentaneam, nullam utilitati et saluti vestrae magis accommodatam fieri a vobis posso existimare, quam si nihil imminui, de religionis vestrae sanctitate atque integritate sinatis. Divina gloria cultuque tutando, divinam item clementiam ac tutelam, a qua sola regnorum rerumque publicarum felicitas di-

manat, vobis devinciatis. Mirifice etiam eximia vestra in Nos ac sanctam apostolicam hanc Sedem merita, nostramque in vos benevolentiam amplificabit, ut nullae amantissimi parentis in optimos liberos amoris significationes esse possint quas vobis non libentissimo daturi simus. Demum, in manifestius pontificiao in vos caritatis pignus, apostolicam vobis benedictionem peramanter impartimur. *Datum Romae, etc., die 6 martii 1773, pontificatus nostri anno quarto.*

CCXVI.

VENERABILI FRATRI

CAJETANO EPISCOPO CRACOVIANI,

CLEMENS PAPA XIV.

Romae, 6 martii 1773.

Venerabilis, etc. Quod assiduus votis exoptavimus, et in quo sa. me. Clemens XIII praedecessor noster studium atque industriam et Nos operam omnem nostram adhibuimus, ut te, venerabilis frater, patriae ac libertati restitutum videremus, id tandem ex tua nostraque sententia feliciter te esse consecutum ex litteris venerabilis fratris Josephi archiepiscopi Beryti, ordinarii nostri in Polonia nuntii, incredibili jucunditatis ac laetitiae sensu cognovimus. Propterea Domino Deo nostro, quod te in tribulatione patienter ac constanter perferenda coelesti suo praesidio confirmaverit, et demum incolumem ad cives tuos tuumque gregem reduxerit, singulares gratias egimus. Fraternitati tuae itaque magnopere laetamur, tuaeque ecclesiae, atque etiam Nobis ipsis eo magis gratulamur, quo majorem in te atque episcopali tuo erga Ecclesiam studio spem expectationemque habemus. Praestanti enim virtute tua freti, tuique egregii animi magnitudine pluribus clarisque indiciis Nobis perspecta, te tui similem semper futurum in religione tuenda confidimus. Id a te praesertim hoc tempore expectamus atque adeo exposcimus, cum magno in metu simus ne qui conatus in proximis regni vestri comitiis existant, ne quae in divini cultus atque vitae vestrae religionis integritatem molitiones fiant. Quo graviore in discrimine ac periculo Ecclesiae res versari posse dubitamus, eo alacriorem tuam operam pro domo Domini futuram, teque nuntio

nostro praesidia atque adjuvamenta omnia, quoad tua fieri possit, praestaturum speramus. Pro hujusmodi tuoque muneri consentaneis factis magnam tibi atque immortalem mercedem a summo pastorum Principē paratam esse nosti. Nos otiam, qui illius vicariam potestatem, licet immerentes, sustinemus, hisce tuis in Ecclesiam meritis mirifice devincies, ut quaecumque a Nobis atque ab apostolica hac Sede proficisci sive in te, sive in tuam domum, sive in tuam gregem, aut universam Poloniae ecclesiam possit, ea tibi tuaque causa illis libentissime delaturi simus. Interim, ut aliquod pontificiae in te caritatis argumentum habeas, tibi ex Ecclesiae thesauris id impertimur et concedimus, ut quodcumque templum arbitrato tuo quotidie adiveris, omnes eas indulgentias consequare, perinde ac si vaticanum templum inviseres. Demum apostolicam benedictionem tibi, venerabilis frater, tuaeque fidei commisso populo peramanter impertimur. *Datum Romae, apud S. Petrum, sub annulo Piscatoris, die 6 martii 1773, pontificatus nostri anno quarto.*

Eodem exemplo: Episcopo Kioviensi.

CCXYII.

DILECTO FILIO NOBILI VIRO

COMITI RZEWUSKI, PALATINO CRACOVIAE.

CLEMENS PAPA XIV.

Romae, 6 martii 1773.

Dilecte, etc. Ex nuncio litteris venerabilis fratri Josephi archiepiscopi Beryti, ordinarii nostri in Polonia nuncii, Nobis allato, te, dilecte fili nobilis vir, patriae ac libertati incolumem tandem esse restitutum, eo uberiorem laetitiam animo sane cepimus, quo major antea ex tuo casu et a sa. mem. Clemente XIII praedecessore nostro et a Nobis molestia erat suscepta, et pro te tuoque reditu adhibita opera. Quamobrem Deo O. M. ingentes gratias habemus quod te salvum atque incolumem patriae tuoquo reddiderit, et tibi magnopere gratulamur ac Nobis ipsis laetamur, cum novas atque egregias ex praeclaro tuo catholicae religionis tuendae studio fructus in Ecclesiam redundaturos expectemus. Opportuniora haec virtutis tuae praesidia atque adjuvamenta hoc tempore potissimum accidunt, quo majore in metu

sumus, ne qui conatus in proximis regni vestri comitiis, ne quae molitiones in divini cultus et avitae vestrae religionis integritatem fiant. Quamobrem te praesto futurum ad ejusmodi offensiones ac detrimenta, quantum in te erit, amovenda ac repellenda omnino confidimus, et nostro in Polonia nuncio praesidia omnia, quae inesse in te poterunt, te propterea libentissime praestitutum. Hoc praeclaro tuo exemplo caeteros cives tuos ad eximiam fidei defendendae imitationem, et ad suum erga patriam ac religionem pernecessarium tuendum officium excitabis. Nulla re item melius divinam tibi clementiam conciliare et demereri te posse existimato. Apostolicam etiam hanc sanctam Sedem et nostram pontificiam erga te caritatem praestantibus his tuis meritis mire devincies, ut nihil in te tuamque domum proficisci a Nobis possit quod non perlibenter tibi delaturi simus. Interim, ut aliquod paternae nostrae in te benevolentiae argumentum habeas, tibi tuoque filio, qui comes ac solatium laboris tui fuit, quemque propterea etiam peculiari dilectione complectimur, concedimus ut quodcumque templum arbitrato vestro quotidie inviseritis in eoque Deum precati fueritis, omnes eas indulgentias consequamini quas acquireretis si vaticanum hoc apostolorum principis templum adiretis. Demum apostolicam benedictionem tibi, tuoque filio ac universae tuae familiae peramanter impertimur. *Datum Romae, etc., die 6 martii 1773, pontificatus nostri anno quarto.*

CCXVIII.

VENERABILI FRATRI

JOSEPHO ARCHIEPISCOPO BERYTENSIS,

AD CARISSIMUM IN CHRISTO FILIUM NOSTRUM

STANISLAUM AUGUSTUM POLONIAE REGEM ILLUSTREM

NOSTRO ET SEDIS APOSTOLICAE NUNTIO,

CLEMENS PAPA XIV.

Romae, 16 martii 1773.

Venerabilis, etc. Cum Varsaviae brevi celebranda indicta fuerint extra ordinem generalia regni comitia ad reipublicae negotia tractanda, in quibus de rebus ad religionem etiam spectantibus actum iri accepimus, necesse esse duximus ut inibi aliquis adsit

qui nostrae et apostolicae Sedis speciali suffultus auctoritate omne studium et operam impendat ne aliquod in iisdem comitiis, vel eorum occasione, aut in eorundem sequelam, sive catholicae religioni, sive libertati et jurisdictioni ecclesiasticae, sive demum sanctae Sedis et inferiorum ecclesiarum juribus praejudicium inferatur. Hinc est quod Nos, ex commissi Nobis divinitus pastoralis officii debito orthodoxae fidei indemnitati opportune providere, Sedisque praedictae et Ecclesiae jura sarta tecta undequaque tueri, et adversus quaecumque illis praejudicialia, quantum Nobis ex alto conceditur, constanter avertere cupientes, te, de cujus spectata in arduis nostris et ejusdem Sedis negotiis tractandis, fide, prudentia et integritate, dexteritate ac zelo plurimum in Domino fiduciam habemus, nostrum et ejusdem Sedis verum, legitimum et indubitatum procuratorem, actorem et negotiorum gestorem generalem et specialem, ita quod specialitas generalitati non deroget, nec e contra, auctoritate apostolica tenore praesentium facimus, constituimus et deputamus, tibi que plenam et liberam potestatem, auctoritatem et facultatem, quam etiam aliis, prout tibi opportunum videbitur, communicare, subdelegare valeas; omnia et singula quae in iis quae tibi a Nobis commissae fuerunt catholicae religionis, apostolicae Sedis et Ecclesiae servitium respicientibus necessaria, seu quomodolibet opportuna fuerint, etiamsi talia forent quae sub generali concessione non venirent, et specialem notam seu speciale mandatum requirerent, nostro et Sedis praefatae nomine faciendi, gerendi et exequendi harum serie tribuimus et impertimur. Non obstantibus constitutionibus et ordinationibus apostolicis, ceterisque contrariis quibuscumque. *Datum Romae, apud S. Mariam Majorem, sub annulo Piscatoris, die 16 martii 1773, pontificatus nostri anno quarto.*

CCXIX.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO,

CLEMENS PAPA XIV.

Romae, 20 martii 1773.

Carissime, etc. Etsi nostra pro incolumitate catholicae in Poloniae religionis officia ac studia ad Caesarream Majestatem Tuam

delata saepe fuerint atque a te libentissime excepta, tamen neque nimiam ac supervacaneam tibi visum iri nostram sollicitudinem, neque te non eodem animo quo a Nobis deferuntur illa accepturum putamus, quae rei magnitudine ac periculo commoti hoc tempore ad te perscribenda ducimus. Singularis enim ac summa tua pietas et cum praeclarissima laudum omnium haereditate a maioribus tuis in te transmissus religionis tuendae ardor ad ejusdem patrociniū suscipiendum te profecto eo acrius excitabit atque impellet, quo graviore in discrimine versantem eam vides, et quo majore metu atque angore Nos ipsi perturbati te propterea compellamus, tuamque opem ac tutelam exposcimus. Quomodo enim possumus taciti praeterire aut non vehementer angi damnis ac detrimentis Ecclesiae, cujus sollicitudo imposita est Nobis arctissimeque commendata? De cujus proinde removendis injuriis si non omnem industriam atque operam adhibeamus, deserti ministerii nostri crimen ac turpitudine, atque aeternae etiam animadversionis severitas omnino est Nobis incurrenda. Siquidem videmus summum in discrimen adductam esse divini in Polonia cultus integritatem, et in proximis regni comitiis plurimas imminere catholicae fidei calamitates, cum de labefactandis legibus pro illius incolumitate sancitis, et de florentissimis Ecclesiae populis atque huic sanctae Sedi conjunctissimis ab unitate fidei atque a Nobis abstrahendis magnopere timeamus. Si in superioribus etiam comitiis permagnae fuerunt saenem. praedecessoris nostri molestiae ac timores, cum ad reprimendos dissidentium conatus multi tunc adessent atque acerrimi veritatis propugnatores; qui noster nunc animus, quae doloris acerbitas esse debet, cum eorundem defensione Nos destitutos, atque imminutos gregis vigiles ac custodes, aeternum autem esse numerum videamus segetes corrumpentium et zizania in agro Domini spargentium! Nos quidem, pro nostro aeternae animarum salutis et domus Israel tuendae studio, quaecumque praestari atque adhiberi a sacrorum duce atque antistite potuerunt, eadem adhibuimus. Ecclesiae ac religionis auctorem Deum O. M. et privatis nostris et publicis populi votis implorare numquam intermittimus, atque enixo deprecari illum ut misereatur nationis de religione semper optime meritae, et integra atque incolumi divini cultus sanctitate servata, nullam ut ejusdem nationis partem removeri unquam a pereipiendo maximo ac beatissimo redemptionis beneficio sinat. Verum, cum summus idem rerum humanarum Dominus in suis divinis largiendis praesidiis minime otiosam atque inertem hominum etiam operam esse velit, sed

cum nostra fiducia nostrisque ad illum precibus conjungi jubeat aptiores quasque humani subsidii atque industriae rationes; Majestatis Tuae opem et praesidium, quo nihil religioni tuendae potest opportunius, potissimum flagitamus atque exposcimus. Te itaque quam maxime possumus in Domino hortamur atque obtestamur, carissime in Christo fili noster, ad hanc peregrinam divinae gloriae navandam operam, ad imperii tui dignitatem fidei defensoris ac Ecclesiae patroni tibi munus et nomen imponat, nihil certe antiquius tibi esse poterit, quam ut talem et nuncupari et reipsa te esse declares. Nullus magis consentaneus ac debitus opum potentiae atque auctoritatis tuae usus esse potest, quam in asserenda modis omnibus gloria cultuque Dei altissimi, cujus beneficio universa haec habes accepta. Quamobrem omnino te confidimus praesidio eo ampliore, quo majore in periculo res versantur, adfuturum venerabili fratri Josepho archiepiscopo Beryti, ordinario nostro in Polonia nuntio, in idem nostro nomine incumbenti, et caeteris omnibus fidei causam atque incolumitatem tuentibus; noquo passurum ut cujusque infestus catholicae religioni animus magis in eadem oppugnanda aut in discrimen adducenda quam tuum studium tuaque auctoritas in defendenda aut munienda valeat. Deum O. M. precamur ut in Majestate Tua confirmet hanc tibi utilissimam sibi que acceptissimam voluntatem, utque suo caelesti patrocinio, quo reges regumque fortunae sustinentur, ob praeclare defensam ac conservandam avitam Poloniae religionem Majestatis Tuae felicitatem atque gloriam clariorem atque ampliorem in dies faciat. Demum in paternae ac singularis qua te complectimur benevolentiae pignus apostolicam benedictionem Majestati Tuae amantissime impertimur. *Datum Romae, apud S. Petrum, sub annulo Piscatoris, die 20 martii 1773, pontificatus nostri anno quarto.*

CCXX.

CARISSIMÆ IN CHRISTO FILIÆ NOSTRÆ
 MARIE THERESIÆ HUNGARÆ REGINÆ APOSTOLICÆ
 NECNON BOHEMÆ REGINÆ ILLUSTRĪ,
 IN ROMANORUM IMPERATRICEM ELECTÆ VIDUÆ,
CLEMENS PAPA XIV.

Romæ, 20 martii 1778.

Carissima, etc. Ex nostris pro tuenda catholica in Polonia religione ad Majestatem Tuam datis antea litteris intelligere potuisti, carissima in Christo filia nostra, quantam inde sollicitudinem ac moerorem animo capiamus, quantamque spem ac fiduciam in tua singulari pietate tuoque erga Ecclesiam patrocinio collocemus. Cum autem advenisse jam tempus illud videamus quo tempore omnino necesse sit partim illatis hactenus fidei ac divini cultus integritati detrimentis mederi, partim multo gravioribus impendentibus malis constantissime obsistere, eisdemque omnes aditus obstruere, incredibilem in modum hujus periculi magnitudine ac propinquitate commovemur, et eo alacriore studio opem ac praesidium tuum exposcimus, quo magis illo indigemus. Allatum enim ad Nos est in proximis regni illius comitiis quao pericula ac dimicationes religioni immineant, quae adversus catholicam ecclesiam molitiones fiant, atque ingentes Nobis sunt metus ac suspiciones injectae magnos conatus futuros de labefactandis ipsis legibus pro fidei incolumitate sancitis, et de natione huic sanctae Sedi semper conjunctissima a Nobis atque Ecclesiae unitate hunc in modum divellenda; sed cum in iisdem comitiis tuam auctoritatem ac voluntatem magnopere valituram intelligamus, mirum in modum recreamur atque in tutelae tuae spe conquiescimus. In te enim tuoque de religione studio paratissima huic Ecclesiae calamitati praesidia ac solatia fore omnino expectamus. Te populorum aeternae salutis et divinae gloriae studiosissimam certe nihil permissuram scimus de avita totius Poloniae religione, nihil de Ecclesiae atque ecclesiasticorum juribus detrahi, neque passuram ut cujusquam voluntas atque auctoritas in labefactanda Ecclesia magis valeat, quam tua in defendenda. Proinde venerabili fratri Josepho archiepiscopo Beryti,

ordinario nostro in Polonia nuntio, id ipsum nostro nomine sagtanti, praesidio tuo in dies ampliore, quod hactenus etiam summa cum laude praestitisti, nunc praesertim cum graviore in discrimine res versantur adesse ut velis, et omnem fidei ac religionis causam patrocinio tuo ut complectare a te summopere et petimus et confidimus. Hoc a te singularis tua pietas, hoc divini cultus ardor, hoc imperii dignitas et nomen quod sustines postulat. Nulla re profecto melius tuae atque augustissimae tuae domus felicitati consuli ac provideri abs te poterit. Si enim Dei Altissimi providentia ac nutu regum regnorumque res et mutantur et sustinentur, quae potior divini conciliandi patrocinii erit ratio, quam si opes ac potentiam illius beneficio acceptas in ejus etiam tuenda gloria adhibeas, illamque rebus omnibus anteferre te proficere? Magnam tibi alacritatem ad hanc egregiam religioni navandam operam adjiciat etiam cogitatio infinitae ac immensae calamitatis quae aut neglecta illius tutela aut remissione quam necesse erat studio praestita facile esset redundatura, cum, malo in dies gliscente, non solum de imminuendo ac debilitando, sed de divino cultu in florentissimis antea Ecclesiae regionibus omnino delendo, ac propterea de aeterna innumerabilium animarum incurrenda pernicie atque aerumna timeri possit. Cum tecum ipsa reputabis qui animi angores, quae conscientiae tuae sollicitudines essent, si aliquando vel levissima dubitatio residere in te posset, ne eae quas commemoravimus Poloniae calamitates a praesenti illius statu ac rerum vicissitudine, aut ex non suscepto quanta maxima cura atque industria suscipi poterat religionis patrocinio derivarint, sedulo ac naviter amovebis profecto omnes hujusmodi et tui et nostri moeroris causas, et divina gloria asserta perpetuae jucunditatis tibi fructus comparabis. Deum Optimum Maximum precamur ut in his religioni atque Ecclesiae pernecessariis, tibi utilissimis, sibi que acceptissimis perficiendis consiliis suae coelestis gratiae auxilio Majestati Tuae praesto esso velit: et divinorum beneficiorum auspicem ac pontificiae singularis in te caritatis pignus apostolicam benedictionem tibi ac universae augustae domui amantissime impertimur. *Datum Romae, apud S. Petrum, sub annulo Piscatoris, die 20 martii 1773, pontificatus nostri anno quarto.*

CCXXI.

CARISSIMO IN CHRISTO FILIO NOSTRO

VICTORIO AMADEO SARDINIE REGI ILLUSTRİ,

CLEMENS PAPA XIV.

Romæ, 27 martii 1773.

Carissime, etc. Diligenti ac sedula dilecti filii Laurentii Morelli opera usi sumus in rebus quæ nostræ et hujus sanctæ Sedis interessent, cum cl. mem. Carolo Emmanuele Sardiniae rege patre tuo communicandis. Quo munere ea cum laude est ille quidem perfunctus, ut et optimi regis sibi animum devinxerit, et prædecessoribus nostris ac Nobis fidem, studium atque industriam suam magnopere probaverit. Quamobrem cum eundem parem diligentiam in rebus nostris deinceps adhibiturum, et tibi gratum et acceptum æque futurum arbitramur, idem illi munus apud patrem tuum tamdiu gestum apud Regiam Majestatem Tuam nostro nomine gerendum demandamus, atque a te hisce nostris litteris petimus ut illum ad te adeuntem, nostrosque paternos tibi sensus explicantem æquo animo excipias, fidemque in iis omnibus quæ ad te nostro nomine deferet adhibeas. Hoc te libenter facturum speramus, carissime in Christo fili noster, atque, illo interprete, et Majestati Tuæ summæ nostræ in te benevolentia atque amoris magnitudinem, et Nobis sua egregia studia et singularem in Nos pietatem fore in dies perspectiorem. In cujus pontificiæ caritatis manifestius pignus apostolicam benedictionem Majestati Tuæ atque universæ regiae domui amantissime impertimur. *Datum Romæ, etc., die 27 martii 1773. pontificatus nostri anno quarto.*

CCXXII.

IMPERATRICI,

CLEMENS PAPA XIV.

Roma, 22 maggio 1773.

La preziosa lettera de' 30 del passato mese che Vostra Maestà ci ha fatto pervenire per mezzo del nostro card. Visconti, riguardante la riduzione di alcuni monasteri della sua Lombardia, ci porta una nuova conferma della sempre somma rettitudine delle sue intenzioni; e la contemporanea memoria con cui l'ha fatta accompagnare dal suo degno cancelliere di Corte e di Stato al predetto nostro ministro è pure un nuovo monumento del premuroso impegno di Vostra Maestà che, nell'eseguirsi la riduzione anzidetta, l'osservanza dei sacri canoni non sia trascurata: di che non possiamo mai commendare abbastanza la esimia ed ereditaria pietà sua. Sa infatti la Maestà Vostra che da questa essenzial vista non ci fu permesso di prescindere nell'aderire alle rispettabili sue premure; che la sicurezza della religiosa sua conformità alla divisata nostra avvertenza servì di conforto a quel ribrezzo che, sotto ai 21 dicembre 1774, con paterna amorosa apertura le confidammo si provava da noi; e su parimenti che il debito del nostro apostolico ministero ci fece rammentar di bel nuovo la salvezza delle canoniche disposizioni, allorchè col Breve de' 17 ottobre 1772 compartimmo al nostro nunzio le facoltà desiderate. La nuova conferma pertanto del suo sì commendabil concorso nelle stesse nostre cautele e sollecitudini per l'osservanza delle canoniche sanzioni ci consola, e ci anima tanto più a pregare fervorosamente la Maestà Vostra a degnarsi di prestare un benigno ascolto a quel che il cardinal nostro nunzio avrà da rappresentarle con la debita riverenza e fiducia intorno ai piani ideati. Nell'autorizzare li stabilimenti con l'uso delle facoltà dalla Sede apostolica già impartito, scarso non troverà il cardinal Visconti, ben informato della nostra propensione, a secondare al possibile quelle che saranno ferme premure di Vostra Maestà. Alla medesima, siccome a Noi, premerà principalmente che il tutto si faccia in modo che stabile consolazione ne risulti ad entrambi dinanzi a quel Dio che ha sempre ampiamente premiato anche sulla terra quei monarchi che nella considerazione per il clero, ne' riguardi per i fondi de-

dicati al sostentamento di esso ed al divino suo culto, nella deferenza alla voce de' romani pontefici si sono contraddistinti. Vostra Maestà è animata da questi principii: onde bene dobbiamo esserlo anche Noi di fiducia ch' ella sia per degnarsi di valutare quel che il nostro cardinal Visconti le verrà esponendo su questo proposito. Con vera effusione di cuore diamo intanto alla Maestà Vostra e a tutta l' augusta sua famiglia, in nuova testimonianza dell' intimo nostro paterno affetto, l' apostolica benedizione. *Datum Romae, etc., die 22 maji 1773, pontificatus nostri anno quarto.*

CCXXIII.

DILECTISSIMÆ IN CHRISTO FILLE NOSTRÆ
MARIÆ VALBURGÆ SAXONIÆ,
ELECTRICI VIDUÆ,

CLEMENS PAPA XIV.

Romae, 5 junii 1773.

Dilectissima, etc. Reddidit Nobis eximium quod ad Nos missi munus dilectus filius Joannes Ludovicus Bianconi, unaque praeclaros tuæ in Nos voluntatis, atque in sanctam apostolicam hanc Sedem observantiae sensus accurate uberrimeque declaravit. Nos quidem peregregii operis pulchritudine mirifice delectati, miratique exquisitissimi artificii praestantiam magnopere sumus. Verum ex eo maximam jucunditatem cepimus, quod inde potissimum agnoscimus jam pridem Nobis perspectam regii animi tui magnitudinem cum singulari in nos studio conjunctam. Quare, dilectissima in Christo filia nostra, summas tibi gratias reddimus et habemus pro praestantissimo tuo munere, quod vel idcirco perlibenter excepiimus cum luculentissimum nostrum de te jamdiu factum amplissimumque judicium jucundissima virtutum tuarum recordatione confirmavit. Etsi enim Nobis in memoria insederit omnis verae solidaeque laudis species, quam elucere in te videmus atque ex sermone tuo coram hausimus, tamen ipso muneris aspectu pietas, sapientia ac propensissima tua in res divinas atque in Ecclesiam voluntas menti nostrae potissimum est observata. Ex hujusmodi gratissimi animi nostri significationibus facile existimabis quantopere obstricti eximia tuorum in Nos merito-

rum accessione simus, et quanta existimationis ac pontificiæ caritatis magnitudine te et ob proprias ac singulares tuas, et ob communes Saxoniae ac Bavariae domus laudes prosequamur. Demum, in manifestius paternae in te voluntatis argumentum, coelestium beneficiorum auspicem tibi, dilectissima in Christo filia nostra, apostolicam benedictionem amantissime impertimur. *Datum Romae apud Sanctam Mariam Majorem, sub annulo Piscatoris, die 5 junii 1773, pontificatus nostri anno quinto.*

CCXXIV.

DILECTO FILIO

BEDÆ ABBATI MONASTERII ORDINIS S. BENEDICTI,
IN CIVITATE SALISBURGENSI,

CLEMENS PAPA XIV.

Romae, 9 junii 1773.

Dilecte fili, etc. Accepimus litteras tuas pietatis ac observantiae erga Nos atque apostolicam hanc Sedem plenissimas, unaque novissimum chronicon antiqui monasterii ad Sanctum Petrum Salisburgi, quod quo animo quantaque vestrum existimatione excepissemus, ex iis facile potestis cognoscere quae qui reddidit dilectus filius abbas Augustinus nostraeque de vobis voluntatis significationibus adfuit, diligenter ad vos perscripserit. Nihil tamen minus nostras has ad te paternae caritatis testes adjungimus litteras, quibus et gratias vobis plurimas reddimus pro illo litterario munere, et clariora pontificiæ benevolentiae indicia damus, qua te tuumque ordinem adeo de ecclesia Salisburgensi benemerentem prosequimur, atque ad ejusmodi eruditionis cumulanda decora etiam atque etiam excitamus. Quod reipsa quoque libentissime facturi sumus, si qua Nobis opportunitas aderit nostros hos in vos paterni animi sensus confirmandi. Interim in uberius pontificiæ caritatis argumentum apostolicam benedictionem tibi, dilecte fili, tuisque monachis peramanter impertimur. *Datum Romae, apud Sanctam Mariam Majorem, sub annulo Piscatoris, die 9 junii 1773, pontificatus nostri anno quinto.*

CCXXV.

DILECTÆ FILIÆ

JOSEPHÆ,

SUPERIORI MONASTERII MONIALIUM

CAPPUCCINARUM SALISBURGI,

CLEMENS PAPA XIV.

Romae, 9 junii 1773.

Dilecta, etc. Gratissimum Nobis fuit a vobis per dilectum filium abbatem Augustinum receptum munus, a vestra scilicet pietate ac in res sacras studio profectum, effligis nempe infantis Jesu, qualis in ecclesia vestra summa populi frequentia ac ex omni Germania concursu colitur. Eam Nos illo quo par est animi cultu excipimus, tantaque erga te, dilecta filia, tuasque moniales paterna prœpensione, ut gratissimos Nos pro opportunitate vobis semper exhibituri simus, eoque etiam magis quod ex precibus vestris ad infantem Jesum pro Nobis commissaque curae nostrae Ecclesia fusis non mediocria in eandem promanatura commoda atque utilitates confidamus. Quapropter vos etiam atque etiam pro paterna nostra caritate hortamur ut in deprecationibus ad Deum vestris semper memores nostri Ecclesiaeque sitis; Nosque invicem plurima te tuasque caritate prosequentes, maxime faciles ac propensi erimus ad eas vobis concedendas apostolicae hujus Sedis gratias, quas vestrae ac fidelium isthuc confluentium devotioni pietatique fovendae augendaeque conscientias in Domino judicabimus. Interim in paternae nostrae erga vos benevolentiae pignus apostolicam benedictionem tibi, dilecta filia, tuoque monasterio peramanter impertimur. *Datum Romae, apud Sanctam Mariam Majorem, sub annulo Piscatoris, die 9 junii 1773, pontificatus nostri anno quinto.*

CCXXVI.

VENERABILI FRATRI

CLEMENTI WENCESLAO, ARCHIEPISCOPO TREVIRENSI,

S. R. I. PRINCIPI ELECTORI,

ECCLESIAE AUGUSTANÆ ADMINISTRATORI,

CLEMENS PAPA XIV.

Romae, 25 junii 1773.

Venerabilis, etc. Eximius fraternitatis tuae zelus, multis argumentis jampridem comprobatus, novo emicuit fulgore in supplici libello Nobis tuo nomine porrecto, quo statum describens conventus Neoburgensis ordinis FF. Minorum s. Francisci de observantia Recollectorum nuncupatorum dioecesis Augustanae, cujus administratio tibi commissa est, et collabentem in eo regularem disciplinam, ob intermissam nonnullis ab hinc annis ab ejusdem ordinis ministro provinciali provinciae Bavariae illius visitationem, et nondum sequutam ejusdem cum nonnullis aliis conventibus vel domibus religiosis similiter derelictis, erectionem in custodiam juxta indultum apostolicum a religiosis desuper impetratum Nobis hujusmodi praeparationem, statum, progressum et executionem concernunt, decernendi. Nec non circa divinum cultum, Ecclesiae decorem, regularem disciplinam, religiosorum mores et rerum temporalium dispositionem, aliaque omnia et singula ad actum hujusmodi visitationis quomodocumque pertinentia diligenter inquirendi, ac in praemissis omnibus et singulis quaecumque correctione, emendatione et reformatione indigere cognoveris, ad regulae et constitutionum ordinis, nec non sacrorum canonum, constitutionum apostolicarum et Concilii Tridentini praescriptum corrigendi, emendandi et reformandi, abusus quoscumque tollendi, ac in primis divinum cultum, ecclesiasticam disciplinam et observantiam regularem, si in aliquo exciderint, modis omnibus restaurandi et reintegrandi; si quos in aliquo delinquentes repereris, juxta canonicas sanctiones et regularia instituta puniendi et castigandi, aliaque omnia faciendi, gerendi, statuendi, decernendi et executioni demandandi quae modo praemisso pro recto ejusdem conventus regimine, regularis observantiae religiosaeque pacis et concordiae confirma-

CLEMENTIS XIV Epistolae et Brevia.

49

tione, vel restauratione magis in Domino expedire judicaveris, et cum omnibus et singulis aliis facultatibus ad id necessariis et opportunis, quibuscumque in contrarium non obstantibus; contradictores atque rebelles, si qui fuerint, per censuras ecclesiasticas, aliaque juris et facti remedia, omni appellatione postposita, compescendo: invocato atiam ad hoc, si opus fuerit, auxilio brachii saecularis. Mandantes propterea in virtute sanctae obediëntiae, ac sub indignationis nostrae aliisque arbitrio nostro imponendis poenis omnibus et singulis, praedicti conventus superioribus, fratribus et personis caeterisque ad quos spectat ut te et personas ecclesiasticas a te, ut praefertur, subdelegandas in visitatores apostolicos a Nobis, ut praefertur, deputatos reverenter accipiant, tuaque et illarum salubria monita et mandata humiliter suscipiant et efficaciter adimplere procurent: alioquin sententiam, sive poenam, quam rite tuleris, seu statueris in rebelles, ratam habebimus, et faciemus, auctore Domino, usque ad condignam satisfactionem inviolabiliter observari. Non obstantibus constitutionibus et ordinationibus apostolicis et ordinis, atque conventus hujusmodi etiam juramento, confirmatione apostolica, vel quavis firmitate alia roboratis statutis et consuetudinibus, privilegiis quoque, indultis et litteris apostolicis in contrarium praemissorum quomodolibet concessis, confirmatis et innovatis. Quibus omnibus et singulis illorum tenoris praesentibus pro pleno et sufficienter expressis ac da verbo ad verbum insertis habentes, illis alias in suo robore permansuris, ad praemissorum effectum hac vice dumtaxat specialiter et expresse derogamus, caeterisque contrariis quibuscumque. Volumus autem ut, praedicta visitatione completa, quam intra spatium sex mensium absolvere curabis, omnia illius acta ad congregationem venerabilium fratrum nostrorum S. R. E. cardinalium negotiis et consultationibus episcoporum et regularium praepositam transmittas. Et si quae tibi decernenda visa fuerint, quae statum conventus, aut statuta ordinis et sanctiones canonicas, aut praescriptum apostolicarum constitutionum immutent, ante executionem eidem congregationi denuncies, nostram et apostolicae Sedis providentiam desuper expectando. *Datum Romae, apud Sanctam Mariam Majorem, sub annulo Piscatoris, die 25 junii 1773, pontificatus nostri anno quinto.*

CCXXVII.

CARISSIMO IN CHRISTO FILIO NOSTRO

STANISLAO AUGUSTO POLONIÆ REGI ILLUSTRÌ,
CLEMENS PAPA XIV.

Romæ, 24 julii 1773.

Carissime, etc. Quamquam diuturnis calamitatibus atque aerumnis, quibus Poloniae status conflictatur, egregiam Majestatis Tuæ in religione tuenda voluntatem non modo non retardatam, verum etiam alacriorem in dies, tuumque erga Ecclesiam atque apostolicam Sedem studium ac pietatem illustriorem semper futuram non dubitemus; tamen pro pontificii ministerii munere nostrique paterni in te amoris magnitudine obtinere a Nobis non possumus quin te, carissime in Christo fili noster, ad praeclaram hanc laudem in re praesertim quae ad tuam tuique regni veram ac solidam felicitatem una maxime pertinet, cohortatione etiam nostra excitemus. Cum inter omnia a Deo tibi impertita beneficia primum ac maximum sit fidei ac religionis ab illo munus acceptum, quo tibi ad regnum etiam patefactus est aditus; consentaneum est profecto ut omnes item curae cogitationesque tuæ sint ad hujus ipsius religionis incolumitatem ac tutelam conversæ. Ad quam quidem labefactandam cum plures viæ rationesque sunt, tum fortasse ex ceteris periculosiores quæ etsi non manifesta vi subito aggrediantur, tamen paulatim suis illam praesidiis ac munimentis cum expolient, injuriæ ac detrimento accipiendo obnoxiam efficiunt. Si enim Ecclesiae jura sensim infringant, si ecclesiasticos viros bonis ac praerogativis suis exuant, resque divino cultui consecratas ac sacerdotum sustinendæ dignitati addictas detrahant, debilitatis sanctuarii ministris, et facultate gregis sui opitulandi privatis, necesse erit ipsam religionis sanctitatem pedetentim imminui, et sanctuarium demum vacuum ac desertum relinqui. Quapropter religionis ac fidei integritati praeclaram operam te navaturum, et divinam clementiam mirifice tibi conciliaturum existimato, cum hujusmodi detrimenta, quantum in te erit, ab Ecclesia removenda curaveris, resque a praedecessorum tuorum munificentia ac inclitæ nationis tuæ pietate domus Domini decori amplificando attributas, integras atque incolumes praesidio tuo servaveris. Superva-

caneum omnino ducimus, commemoremus arcissima, quibus reges adstricti sunt defendendae Ecclesiae ejusque legum, iurum tuendorum officia, jurisjurandi religionem in ipsa regni inauguratione propterea susceptam, quaeque a praeclaris hisce exemplis ad populi imitationem utilitates derivent: haec enim omnia intimis regii tui animi sensibus infixae penitus esse scimus. Illud tantummodo adjiciemus, te hoc Ecclesiae declarato patrocinio incredibilem amorem atque existimationem universae tuae nationis tibi adjuncturum: ecclesiasticorum autem virorum singularia in te studia assiduasque ad Deum preces extituras, ut tibi divini cultus atque Ecclesiae ejusque ministrorum tantopere studioso in hac etiam vita amplissima honoris ac gloriae praemia tribuat, atque in Majestate Tua ratam ac firmam palam faciat caelestem illam suam pollicitationem qua eum qui se honorificaverit, se item glorificaturum professus est. Demum finem cohortandi tui faciemus, teque ad Deum ac Ecclesiam ceteris rebus omnibus anteferendam beati Coelestini I praedecessoris nostri ad piissimum imperatorem Theodosium verbis impellemus; si quidem inquit « amplius pro pace ecclesiarum clementia vestra debet esse sollicita, quam pro omnium securitate terrarum: pro vestro imperio geritur quidquid pro quiete Ecclesiae et sanctae religionis reverentia laboratur. » Parem in modum Majestatem Tuam Nos alloquimur, tibi quoque divini cultus atque Ecclesiae rationes commendamus. Dum enim easdem studiis tuis complere, tuis tuique regni commodis te eximie provisurum existimamus. Habe, carissime in Christo fili noster, haec indicia singularis nostrae de excellenti tua pietate fiducia, et summae pontificiae in te atque universam regiam domum tuam caritatis: caetera prolixius nostro nomine Majestati Tuae coram referet venerabilis frater Josephus archiepiscopus Beryti, cui benevolentia ac praesidio tuo praesto esse te porrecturum et confidimus et a te magnopere petimus. Demum coelestium benedictionum auspicem et paterni in te animi nostri indicem apostolicam benedictionem Majestati Tuae intimo cordis affectu amantissime impertimur. *Datum Romae, etc., die 24 julii 1773, pontificatus nostri anno quinto.*

CCXXVIII.

VENERABILI FRATRI

JOSEPHO PETRO

PATRIARCHÆ ANTIOCHENO MARONITARUM,

CLEMENS PAPA XIV.

Romæ, 11 augusti 1773.

Venerabilis, etc. Incredibilem dolorem Nobis attulit, venerabilis frater, luctuosus in Cypro tuæ Maronitarum ecclesiæ status, quam in gravissimo animarum salutis et religionis discrimine versari intelligimus. Si quidem ad Nos affortur non solum divinum cultum esse imminutum, et ecclesias sacris suppelle-tilibus spoliatas, verum etiam brevi tempore quam plures, fide ipsa prodita, ad schismaticorum errores, atque ad Mahumetis pravitatem transfugisse; et majorem quotidie hujusmodi perniciem timeri cum, ob clerum inopia oppressum terraequo colendæ ac victui quaerondo addictum, vix quispiam populum in lege Domini instruat, atque idcirco pueri, Baptismo recepto et christiano tantummodo retento nomine, revera in Turcarum moribus atque institutis adolascunt. Nos quotidie neque hæc accidere in vinea curæ tuæ commissa te ignorare arbitramur, neque te gregis tui periculo non summopere commoveri putamus, et officii tui recordatione et divini judicii timore excitatum, te ad populi tui subsidium ultro occurrurum, et præteritorum malorum detrimenta qua por est cura ac sedulitate compensaturum esse omnino ducimus. Tamen pro summa Nobis imposita omnium ecclesiarum sollicitudine id ipsum a te poscimus, venerabilis frater, teque per viscera misericordiæ Dei nostri obsecramus, ut populi Christi sanguine redempti et custodiæ tuæ traditi te misereat, ut æternæ ab illo incurrendæ calamitatis ad opitulandum te moveant, et tuæ demum animæ salutem ut agas, quæ a gregis tui salute disjuncta esse nullo modo potest. Optime enim nosti episcopoli ministerio suscepto aretissime fidem tuam Deo esse obstructam animarum quæ tibi sunt commissæ incolumitatem te sedulo ac naviter curaturum, illis te in lege Domini ac vitæ æternæ semita consecranda ducem ac magistrum futurum. Proinde hoc apostolico munere rite satagendo vide beatissimam immortalitatis vitæ tibi mercedem expectan-

dam, aut illo negligendo sempiternos luctus ac dolores omnino incurrendos. Quare, dum divinae gratiae beneficio opportunitas tibi suppetit hujus maximi et qui unice ad te pertinet peragendi negotii, age, venerabilis frater, et ad reparandas ovium tuarum aberrationes, et ad illas in Ecclesiae ac fidei pascuis retinendas tua pastoralis sollicitudine praesto esse velis, tuos in apostolico officio operarios ac ministros presidio atque exemplo tuo adjuva, populum opera tua in religionis cognitione institue atque ad pietatis studium excita. Qui et quam praeclari ex hujusmodi labore fructus te maneant cogita: leves enim omnes propterea initae curae videri tibi poterunt, cum intuebere per amplam retributionem a pastorum Principe ob servatum gregem in villicationis tuae ratione reddenda recipiendam. Deum O. M. precamur ut parem necessitati tibi animarum salutis ardorem injiciat, et quantum hactenus moeroris ex situ ac squallore tuae Cypri Ecclesiae cepimus, tantum laetitiae ac jucunditatis ex pastoralis tuae in agro Domini excolendo insumpta opera capiamus. Quo magis rata firmaque sicut haec nostra, coelestium donorum auspicem et nostrae benevolentiae pignus apostolicam benedictionem tibi, venerabilis frater, tuoque universo populo peramanter impertimur. *Datum Romae apud Sanctum Mariam Majorem, sub annulo Piscatoris, die 11 augusti 1773, pontificatus nostri anno quinto.*

CCXXIX.

CLEMENS PAPA XIV.

AD FUTURAM REI MEMORIAM.

Romae, 13 augusti 1773.

Gravissimis ex causis nuper Nos, per alias nostras in simili forma Brevis die XXI superioris mensis julii expeditas litteras, Societatem Jesu extinctam atque suppressam decrevimus et declaravimus, ac alias, prout in eisdem nostris litteris, quarum tenores praesentibus pro plene et sufficienter expressis haberi volumus, uberius continetur. Accitis postmodum die VI currentis mensis augusti dilectis filiis nostris S. R. E. presbyteris cardinalibus Andrea S. Matthaei in Merulana Corsino, Mario S. Augustini Marefusco, Francisco S. Clementis Carafa, et Francisco

Xaverio SS. Silvestri, et Martini ad Montes de Zelada respective nuncupatis, ac dilecto quoque filio nostro Antonio S. Georgii ad Velum Aureum ejusque S. R. E. diacono cardinali Casali pariter nuncupato, nec non dilectis etiam filius magistris Vincentio Macedonio et Onuphrio Alphano, Nos eisdem omnibus causas ipsas totamque rei gestae seriem ejusque singulares etiam circumstantias aperuimus ac uberrime patefecimus; perfectisque nostris litteris praedictis, ipsi omnia per Nos gesta et in eis contenta quam maxime ac unanimiter commendantes, omnem promereri laudem agnoverunt, putarunt ac crediderunt. Modo autem volentes ut quae in praedictis litteris disposita, constituta et praescripta sunt, debitae executioni ac juxta animi nostri sententiam committantur; hinc est quod motu proprio atque ex certa scientia et matura deliberatione nostris, unam erigimus atque instituimus congregationem ex supradictis quinque cardinalibus ac duobus romanae curiae praelatis, nec non ex duobus quoque regularibus in sacra theologia praeclaris, tamquam consultoribus a Nobis nominandis, quibus haec praecipue cura incumbere debeat, ut ea omnia quae in dictis nostris litteris constituta sunt atque mandata suum assequantur effectum; et si aliquam in earum executione circa modum, personas et res olim ad Societatem ipsam spectantes suboriri imposterum unquam valeat dubitatio, Nobis prius consultis, tollatur ac declaretur. Eidem vero sic per Nos institutae congregationi omnes et quascumque pro executione dictarum litterarum necessarias et quomodolibet opportunas facultates, etiam summarie ac sine strepitu et figura judicii, sola facti veritate inspecta, ac per inquisitionem quoque procedendi adversus omnes et quascumque personas cujusvis status, gradus, qualitatis et dignitatis existant, ac res, bona, libros, scripturas, suppellectilia aliaque ad Societatem praedictam jam spectantia retinentes, occupantes et occultantes, easque tam sub ecclesiasticis censuris quam sub aliis arbitrio ipsius congregationis imponendis poenis ad earum revelationem ac restitutionem cogendi et compellendi, motu, scientia et pari matura deliberatione tribuimus et impertimur. Ne autem ea quae in congregatione hujusmodi pertractanda atque discutienda erunt revelentur et ad aliorum aures perveniant, omnibus et singulis eandem congregationem constituentibus, sub poena excommunicationis latae sententiae ipso facto absque ulla declaratione incurrendae, a qua nemo absolutionis beneficium, praeterquam a Nobis, seu romano pontifice pro tempore existente, nisi in mortis articulo constitutus valeat obtinere, prohibemus atque expresse

interdicimus ne ea quae quocunque modo in dicta congregatione proposita, discussa aut definita fuerint, sub quovis praetextu, causa vel quaesito colore patefacere, vel directe aut indirecte revelare valeant aut praesumant. Praeterea, attenta dictae Societatis suppressione et extinctione, omnes et quascumque facultates, jurisdictiones, privilegia et auctoritates quorumcumque collegiorum, domorum, ecclesiarum et seminariorum ac personarum ipsius sic extinctae Societatis protectoribus aliisque etiam S. R. E. cardinalibus et magno quoque poenitentiario super eis quomodolibet concessas, indultas et attributas, motu, scientia et deliberatione similibus suspensas pro nunc decernimus et declaramus, atque omnimodam jurisdictionem, auctoritatem et potestatem in iis omnibus quae quoquomodo personas, ecclesias, domus, collegia, res et bona dictae jam extinctae Societatis respiciant, privative quoad omnia alia tribunalia, etiam quarumcumque congregationum eorundem S. R. E. cardinalium, tam concilii tridentini interpretum, quam consultationibus episcoporum et regularium ac negotiis propagandae fidei ac disciplinae regulari praepositorum, sublata eis quavis aliter judicandi et interpretandi facultate atque auctoritate, ad eandem congregationem per praesentes constitutam spectare et pertinere statuimus et jubemus. Volentes insuper ut ad dictam tantummodo congregationem a Nobis, ut praefertur, erectam, privative pariter quoad alios quoscumque et quaecumque alia tribunalia spectet quoque et pertineat non solum providere, sive quae poenitentiarios basilicae Principis apostolorum de urbe, sive quae alios poenitentiarios Almae Domus Lauretanae respiciunt, sed etiam viros doctrina ac pietate praeditos, in superiores, lectores, seu magistros domorum, collegiorum et seminariorum hujusmodi eligere ac deputare. Decernentes easdem praesentes litteras firmas, validas et efficaces existere et fore, suosque plenarios et integros effectus sortiri et obtinere, ac illis ad quos spectat et pro tempore quandocumque spectabit in omnibus et per omnia plenissime suffragari ac ab eis respective inviolabiliter observari; sicque in praemissis per quoscumque iudices ordinarios et delegatos, etiam causarum palatii apostolici auditores ac ejusdem S. R. E. cardinales judicari et definiri debere, ac irritum et inane, si secus super his a quoquam quavis auctoritate scienter vel ignoranter contigerit attentari: non obstantibus constitutionibus et ordinationibus apostolicis, necnon quibusvis, etiam juramento, confirmatione apostolica, aut quavis firmitate alia roboratis statutis et consuetudinibus, privilegiis quoque, indultis, vel litteris aposto-

licis in contrarium præmissorum quomodolibet concessis, confirmatis ac innovatis; quibus omnibus et singulis, illorum tenores præsentibus pro plene et sufficienter expressis ac insertis habentes, ad præmissorum effectum specialiter et expresse derogamus, caeterisque contrariis quibuscumque. *Datum Romae, apud Sanctam Mariam Majorem, sub annulo Piscatoris, die 13 augusti 1773, pontificatus nostri anno quinto.*

CCXXX.

CARISSIMÆ IN CHRISTO FILIÆ NOSTRÆ

MARIÆ THERESIÆ HUNGARIÆ REGINÆ APOSTOLICÆ,

NEC NON BOHEMIÆ REGINÆ ILLUSTRÆ,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romæ, 14 augusti 1773.

Carissima, etc. Dilectus filius noster Antonius Eugenius S. R. E. cardinalis Vice-Comes nostro nomine Apostolicæ Majestati Tuæ reddet quam ad te mittimus musivo opere elaboratam tabulam, in qua ab ipso pontificatus nostri initio inchoata ac nuper absoluta augustum tuum filium Josephum electum Romanorum imperatorem una cum Leopoldo Magno Etruriæ duce affabre exprimi curavimus. Cum enim jam ex illo tempore testatam tibi esse cuperemus paternam nostram singularem in te voluntatem, nullam rem tibi gratiorem fieri acque ullum a Nobis proficisci posse ad te munus hoc acceptius duximus, quod liberorum imagines eo tibi cariores referret, quo magni, excellentisque animi indole iidem tibi essent similiores. Nos quidem cum illos coram paucis abhinc annis Romæ vidimus, spectatoresque ac testes præclaræ eorum pietatis, religionis, dignitatis omnisque laudis fuimus, incredibilem in modum gavisi sumus singulari felicitate tuâ, quæ talibus liberis te atque augustam domum divino beneficio ornatam ac munitam videres. Hujus ipsius felicitatis lætitiæque tuæ sensum per Nos auctum quodammodo ac multiplicatum iri censemus, cum illorum vultus hoc artificii genere expressos tibi frequentius usurpandos proponamus. Ex hujusmodi nostro gratificandi tui consilio perspectiora

tibi futura eximia nostra in te studia confidimus, et quotiescumque hac jucundissima illorum imagine perfruere, fore item ut paternae nostrae in te tuosque liberos caritatis tibi in mentem veniat. Habe igitur, carissima in Christo filia nostra, hoc eximiae nostrae in te voluntatis indicium, atque illud eodem animo accipe quo a nobis est profectum, nimirum Tuae Majestatis studiosissimo tuaeque augustae domus magnitudinis ac gloriae cupidissimo. Denum coelestium beneficiorum auspicem et pontificiae benevolentiae testem, Augustae Majestati Tuae universaeque regiae domui apostolicam benedictionem amantissime impertimur. *Datum Romae, apud Sanctam Mariam Majorem, sub annulo Piscatoris, die 14 augusti 1773, pontificatus nostri anno quinto.*

CCXXXI.

DILECTO FILIO NOSTRO

ANTONIO EUGENIO,

S. R. E. PRESBYTERO CARDINALI VICECOMITI,

CLEMENS PAPA XIV.

Romae, 14 augusti 1773.

Dilecte, etc. Cum his nostris ad te litteris conjungimus alias quas ad carissimam in Christo filiam nostram Mariam Theresiam Romanorum imperatricem electam damus, quasque illius Majestati abs te reddi cupimus una cum tabula musivo opere perfecta quam illi dono mittimus. Ex litterarum earumdem exemplo, quod una adjungimus, intelliges quam luculenti sint paterni nostri animi erga Majestatem Suam et augustam illius domum sensus. Tamen eosdem in munere ac litteris nostro nomine reddendis opera tua luculentiores etiam amplioresque fieri volumus, atque omnibus officiis abs te declarari mirificam ac summam nostram caritatem erga illam, ejusque ac nostrum item carissimum in Christo filium Josephum imperatorem electum ac caeteros omnes praeclarissimos illius liberos, nostramque palam fieri fiduciam ac desiderium mutui Majestatis Suae atque illorum erga Nos retinendi studii ac Anstriacae domus pietati consentanei. Haec te pre tua singulari prudentia ac sedulitate, quam in te semper experti sumus, egregie ex nostra voluntate peracturum

non dubitamus, nosque diligenter de omnibus certiores facturum. Ac in pontificiæ benevolentiae pignus apostolicam benedictionem tibi, dilecte fili noster, peramanter impertimur. *Datum Romæ apud Sanctam Mariam Majorem, sub annulo Piscatoris, die 14 augusti 1773, pontificatus nostri anno quinto.*

CCXXXII.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

CLEMENS PAPA XIV.

Romæ, 28 augusti 1773.

Carissime, etc. Ad regiam Majestatem Tuam mittimus venerabilem fratrem Aloysium archiepiscopum Cæsareæ, qui nostri et apostolicæ Sedis ordinarii nuntii apud te munus peragat, atque ita peragat ut singularem nostrum erga te amorem tibi in dies testatiorem, et mutuam inter nos conjunctionem assiduâ officii ac studiis constrictiorem faciat. Illum ut ad te adeuntem qua soles regii animi tui humanitate ac benignitate excipias, eique rebus in omnibus fidem habeas proinde ac si tecum præsentibus Nos ipsi ageremus, a Majestate Tua majorem in modum petimus. Cum nostra causa te id libentissimo pro tua in Nos pietate facturum confidimus, tum plurimum etiam daturum non dubitamus præstantibus egregii viri meritis, qui ad generis claritatem eximias animi dotes, religionis studium, integritatem, prudentiam, fidem adjungit. Huc accedit singularis ejus ac domestica laus, quæ a clarissimo viro tuæque catholicæ domus studiosissimo patruo suo tamquam præclara hæreditas est illi tradita, nimirum erga Majestatem Tuam mirifica observantia atque cultus; quam ob rem tibi etiam eundem commendatissimum atque acceptissimum fore arbitramur. Verum quaecumque regii patrocini ac favoris indicia abs te illi fuerint præstita, eadem Nobis gratissima futura tanquam tui in Nos amoris argumenta Nos reputaturos profitemur. Et paternæ nostræ summae erga te caritatis pignus ac caelestium beneficiorum auspicem apostolicam benedictionem tibi, carissime in Christo fili noster, tuæque regiae familiae intimo cordis nostri affectu aman-

tissime impertimur. *Datum Romae, apud S. Mariam Majorem, sub annulo Piscatoris, die 28 augusti 1773, pontificatus nostri anno quinto.*

CCXXXIII.

CARISSIMO IN CHRISTO FILIO NOSTRO

VICTORIO AMADEO SARDINIAE REGI ILLUSTRÍ,

CLEMENS PAPA XIV.

Romae, 28 augusti 1773.

Carissime, etc. Etsi Majestati Tuae, in ipsis regni initiis, quibus maxime potuimus significationibus palam fecerimus quam singularia sint nostra in te studia, quantoque animi ardore tibi prospera ac secundissima omnia a Deo deprecemur; tamen ea est nostra de religione, sapientia ceterisque regiis virtutibus tuis opinio, ac tantopere noster inde profectus atque erga te auctus est amor, ut obtinere a Nobis ipsis nullo modo valeamus quin caritatis nostrae magnitudinem, si minus explicare satis possumus, testatiorem certe aliqua officii redintegratione faciamus. Patere itaque, carissime in Christo fili noster, ut paterno tam eximio in te animo morem quodammodo nunc etiam geramus, novaeque ad te transmittamus existimationis, studii amorisque nostri indicia, quae cum sint ex ipsa pietate ac religione petita, gratissima tibi atque acceptissima fore non dubitamus. Excipe igitur quae tibi dilectus filius comes de Partengo isthuc rediens nostro nomine reddet, sacrum a Nobis munus, duas scilicet Jesu Christi servatoris nostri ejusque beatissimae Matris effigies in jaspide orientali sculptas, eoque animo excipe ut non ad rei pretium, impar sane regiae amplitudini tuae, sed ad ejusdem sanctitatem respexisse videaris. Atque eam ut auctiorem redderemus, apostolicam benedictionem adjuuximus, praetereaque apertis Nobis commissis Ecclesiae thesauris Majestati Tuae, quotiescumque festivis diebus Christi Domini, beatæ Mariæ Virginis, sanctorum XII Apostolorum ac aliorum Sanctorum, quos in præcipuos patronos tuos delegisti, confessus ac sacra communione refectus, coram ejusdem imaginibus preces tuas ad Deum pro Ecclesia, pro Nobis, pro tua tuaeque domus ac regni felicitate fuderis, plenariam peccatorum indulgentiam concedi-

mus ac impertimur. Id cum studiose pro pietate in Deum tua saepissime praestiteris, tibiue hac etiam, quae a Nobis suppeditatur, ratione divina praesidia comparare sategeris, maximum sane Nos operae pretium fecisse videbimur, quod eum in modum comprobare tibi et confirmare magnitudinem amoris in te nostri voluerimus. Magnopere cupimus, teque rogamus ut id ipsum tibi etiam atque etiam persuadeas, carissime in Christo filii noster, a nobisque ea omnia semper expectes quaecumque a paterna in te caritate nostra et singulari ac summa qua te complectimur benevolentia proficisci unquam poterunt. Interim coelestium beneficiorum veraeque felicitatis auspicem apostolicam benedictionem Majestati Tuæ, liberis ac universae regiae familiae intimo patrum animi sensu amantissimo impertimur. *Datum Romae, apud Sanctam Mariam Majorem, sub annulo Piscatoris, die 28 augusti 1773, pontificatus nostri anno quinto.*

CCXXXIV.

CARISSIME IN CHRISTO FILLE NOSTRÆ

MARIAE ANTONIAE FERDINANDÆ,

SARDINIAE REGINÆ ILLUSTRI,

CLEMENS PAPA XIV.

Romae, 23 augusti 1773.

Carissima, etc. Jam pridem cum singulari animi nostri iocunditate optime perspectam habemus egregiam Majestatis Tuæ pietatem, et ab ipsis incunabulis haustam ac magis in dies confirmatam divini cultus studiosissimam voluntatem. Cumque hanc nostram ex tua excellenti virtute perceptam laetitiam tibi aliquo argumento comprobata esse cupiamus, illud hujusmodi indicii genus maximo consentaneum et paterno nostro studio et religioni tuæ ducimus, quod incitandae atque augendae huic ipsi tuæ in Deum pietati sit aptissimum. Itaque sacrum precatoriae coronae munus ad Majestatem Tuam mittimus, quam dilecto filio comiti de Partengo isthuc revertenti ad te deferendam dedimus. Pergratum hoc certe atque ad precandi usum peracceptioni tibi futurum scimus ob apostolicam benedictionem a Nobis adjunctam, et praeterea ex apertis Ecclesiae thesauris

aliud uberrimum eidem a Nobis additum pretium. Nam pro omnibus festis diebus Christi Domini, beatae Mariae Virginis, sanctorum XII Apostolorum atque etiam Sanctorum quos tibi praecipue in patronos delegisti, si confessa ac sacra communione refecta, eaque corona in tuis precibus recitandis usa fueris, plenariam tibi peccatorum indulgentiam apostolica auctoritate concedimus atque impertimur. Ad hanc religiosam erga te liberalitatem ultro devenimus, carissima in Christo filia nostra, tua eximia pietate excitati, quam non solum tibi fructuosam, sed Nobis item perutilem fore arbitramur. In tuis enim ad Deum precibus, cum sanctae Ecclesiae rationes illi commendaveris, nostri etiam, quibus ejusdem regendae gravissimum est munus impositum, non inmemorem pro tua in sanctam hanc Sedem devotione te futuram omnino confidimus, idque a te magnopere flagitamus. Cum igitur, carissima in Christo filia nostra, persuasum est Nobis non mediocre factum iri ex hoc munusculo nostro pietatis tuae accessionem, vehementer optamus ut illud etiam penes te habere velis tamquam monumentum pontificiae caritatis qua te singulariter prosequimur, quaque Majestati Tuae atque universae regiae domui prospera ac secunda omnia a Deo Optumò Maximo precamur, ac divinae gratiae auspicem apostolicam benedictionem intimo paterni animi sensu amantissime impertimur. *Datum Romae, apud Sanctam Mariam Majorem, sub annulo Piscatoris, die 28 augusti 1773, pontificatus nostri anno quinto.*

CCXXXV.

DILECTISSIMO IN CHRISTO FILIO NOSTRO

CAROLO THEODORO DUCI SULZBACENSI,

COMITI PALATINO RHENI, S. R. I. PRINCIPI ELECTORI,

·CLEMENS PAPA XIV.

Romae, 4 septembris 1773.

Dilectissime, etc. Verissimum itemque amantissimum est tuum de singulari nostro in te amore iudicium, dilectissime in Christo fili noster, et quod scribis de egregia tua propensae nostrae in te voluntatis fiducia, id ipsum Nobis est jucundissimum et paterno in te animo omnino consentaneum. Nihil enim magis cu-

pmus quam ut tibi reipsa confirmemus, te ob singularia tua in Nos ac sanctam Sedem merita mirifice a Nobis diligi plurimique fieri, et quae a Nobis gratificandi tui causa proficisci valeant eadem non a te magis expectari, quam a Nobis ipsis ut tibi praestemus optari. Propterea, quae litteris tuis die XIX maji datis postulasti, diligentissime studiosissimeque cognoscenda suscepimus, atque omnia quae ad rem pertinent summa cura conquiri, et ad Nos afferri jussimus. Id itaque tibi, dilectissime in Christo fili noster, jam nunc affirmamus, Nos, quatenus apostolici ministerii officio minime impedimur, et quantum pro rei gravitate et sanctae Sedis dignitate Nobis erit integrum, libentissime curaturos postulatis ut tuis fieri satis possit. Id tibi persuasissimum nunc esse volumus, et cum de omni re perspecta atque absoluta certiore te faciemus, summopere optavimus ut ejusmodi sententiae nostrae ratio et postulationi tuae et amoris nostro ac moris tibi gerendi desiderio maxime consentiat. Interim summae qua te complectimur pontificiae caritatis testem, et coelestium beneficiorum auspicem, apostolicam benedictionem tibi, dilectissime in Christo fili noster, atque universae electorali domui tui amantissime impertimur. *Datum Romae, apud Sanctam Mariam Majorem, sub annulo Piscatoris, die 4 septembris 1773, pontificatus nostri anno quinto.*

CCXXXVI.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,

CLEMENS PAPA XIV.

Romae, 6 septembris 1773.

Carissime, etc. Aderit istic cum hisce nostris ad regiam Majestatem Tuam litteris venerabilis frater Josephus archiepiscopus Seleucia, cui eximium nostri et hujus sanctae Sedis apud te ordinarii nuntii munus imposuimus. Atque is quidem qua animi praestantia sit vel ex ejus singulari in omnem Borbonicam domum observantia facile cognosces. Praeterea praeclari sui generis nominisque splendorem minime ambigimus quin pietate, morum integritate, ingenii candore rerumque agendarum dexte-

ritate aequaturus sit vel etiam amplificaturus. Quibus certe virtutibus si Majestati Tuae satisfaciet, eundem Nos, quem carissimum habemus, multo adhuc acceptiorem Nobis futurum esse fatemur. Majestatem itaque Tuam etiam atque etiam rogamus ut ipsam et nostra causa et suo etiam merito, qua soles, regia humanitate tua excipias, eandemque in omnibus rebus praestes fidem quam Nobis ipsis, si tecum praesentes loqueremur, adhiberes. Atque inter ros a Nobis sibi commissas illud sane est praecipuum, ut egregiam nostram ac perpetuam erga te tuumque regnum voluntatem declarare numquam intermittat. Facies igitur pro tua in Nos ac apostolicam hanc Sedem perspectissima pietate, si hominem regia gratia tua ac patrocini-
 o foveas, atque hac etiam re confirmes Nobis mutuum tuum in nos amorem summae illi paternae caritati parem qua te singulariter complectimur, quaque Tuae Regiae Majestati intimo cordis nostri sensu apostolicam benedictionem amantissime impartimur. *Datum Romae, apud Sanctam Mariam Majorem, sub annulo Piscatoris, die 6 septembris 1773, pontificatus nostri anno quinto.*

CCXXXVII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO

CLEMENS PAPA XIV.

Romae, 8 septembris 1773.

Carissime, etc. Etsi certissimis indiciis luculenter testatum Majestati Tuae sit quantopere pacis et mutuae inter omnes confirmandae caritatis percupidi simus, tamen quo quibusque arctiore benevolentiae vinculo adstringimur, et quorum consensionem magis ad communem utilitatem conferre ducimus, eo uberiores ex eorum conjunctione jucunditatem cupimus. Propterea ex redintegrata ac dilectissimo in Christo filio nostro Ferdinando Hispaniarum Infanti nepoti tuo pristina Majestatis Tuae reddita gratia incredibilem in modum lactati sumus, et tibi ac Nobis ipsis vehementer gratulamur. Siquidem ad Nos attingere, nosque propius attingere existimamus quae ad Majestatem Tuam omniaque regiam tuam familiam pertinent. Quid enim pro no-

stri in te amoris magnitudine et publicæ utilitatis studio Nobis optabilius ac jucundius potest contingere, quam ut mutua quemadmodum sanguinis ac propinquitatis, ita benevolentiae item necessitudine semper egregie munitam videamus domus vestrae felicitatem cum communi omnium felicitate et cum Ecclesiae ipsius tranquillitate tantopere conjunctam? Deum Optimum Maximum summo animi ardore exposcimus ut laetitiam hanc nostram, quam tibi significare et tecum hisce literis communicare volumus, firmiorem atque in dies arctiorem esse faciat, utque et tibi majores quotidie causæ existant amplificandae eximiae erga nepotem tuum voluntatis, et ille officia omnia adhibeat ad promerendam hanc tuam sibiue studiosissime magis devinciendam benevolentiam. Coelestis gratiae praesidio firma ac rata futura vota haec nostra confidimus, atque interim apostolicam benedictionem, divini hujus beneficii auspiciem et summae paternae nostrae, qua te complectimur, caritatis testem, tibi, carissime in Christo fili noster, et universae regiae tuae domui amantissime impertimur. *Datum Romae, etc., die 8 septembris 1775, pontificatus nostri anno quinto.*

CCXXXVIII.

DILECTISSIMÆ IN CHRISTO FILIÆ NOSTRÆ

MARIE WALBURGÆ, SAXONÆ ELECTRICI VIDUÆ,

CLEMENS PAPA XIV.

In Arce Gandulphi, 25 septembris 1773.

Dilectissima, ec. Nullum praeclarius Nobisque jucundius abs te munus, dilectissima in Christo filia nostra, potuit accidere, quam quod nuper ad Nos misisti textili opere affabre elaborato egregie depictam imaginem tuam. In ipsa oris similitudine ac lineamentis, ut dignitatis atque amplitudinis tuæ speciem agnovimus, ita excellentem etiam animum tuum et singulare in Nos ac sanctam hanc Sedem studium ac pietatem in memoriam revocavimus. Itaque et eximio artificio et praestanti officio tuo incredibilem in modum delectati sumus, et munus tuum pari voluntate excepimus, qua a te est profectum, nimirum erga te propensissima, tuisque insignibus Nobisque optime coram per-

spectis virtutibus consontanea. Intimos hos pontificiae caritatis et gratissimi nostri erga te animi sensus accurate pro suo more tibi perscripsisse non dubitamus dilectum filium Jo. Ludovicum Bianconum, cui luculenter eosdem declaravimus. Interim collocari jussimus eximiam picturam atque effigiem tuam in Quirinalis Palatii nostri illustri et conspicuo loco, ut tuae in Nos pietatis studia et saepissime Nobis in oculos incurrant et omnibus sint testatissima. Vehementer cupimus plurimas Nobis opportunitates suppeditari, quibus invicem paternum nostrum in te animum praeclare tibi hactenus cognitum uberioribus tamen indiciiis confirmare magis in dies possimus, cujus vadem ac coelestis gratiae auspicio apostolicam benedictionem tibi, dilectissima in Christo filia nostra, tuaeque universae electorali domui amantissime impertimur. *Datum in Arce Gandulphi, Albanensis dioecesis, sub annulo Piscatoris, die 25 septembris 1773. pontificatus nostri anno quinto.*

CCXXXIX.

CARISSIMO IN CHRISTO FILIO NOSTRO

JOSEPHO PORTUGALLÆ ET ALGARBIORUM,

REGI FIDELISSIMO,

CLEMENS PAPA XIV.

Romae, 2 decembris 1773.

Carissime, etc. Ad regiam Majestatem Tuam mittimus venerabilem fratrem Bernardinum archiepiscopum Petrensem qui nostri et apostolicae Sedis ordinarii nuntii apud te munus peragat, atque ita peragat, ut singularem nostrum erga te amorem tibi in dies testatiorem, et mutuam inter Nos conjunctionem assiduus officii ac studiis constrictiorem ac devinctiorem faciat. Illum ut ad te adeuntem, qua soles, regii animi humanitate et benignitate excipias, eique rebus in omnibus fidem habeas, perinde ac si tecum praesentes Nos ipsi ageremus, a Majestate Tua majorem in modum petimus. Cum nostra causa te id libentissimo pro tua in Nos pietate factorum confidimus, tum plurimum etiam daturum non dubitamus praestantibus egregii viri meritis, qui ad generis claritatem eximias animi dotes, religionis studium,

integritatem, prudentiam, fidem adjungit. Huc accedit ejusdem erga Majestatem Tuam mirifica observantia atque cultus: quamobrem tibi etiam eundem commendatissimum atque acceptissimum fore arbitramur. Verum quaecumque regii patrocini ac favoris indicia abs te illi fuerint præstita, eadem Nobis gratissima futura tanquam tui in Nos amoris argumenta Nos reputaturos profitemur. Et paternae nostrae summæ erga te caritatis pignus ac coelestium beneficiorum auspicem apostolicam benedictionem tibi, carissime in Christo fili noster, tuæque regiae familiae intimo cordis nostri affectu amantissime impertimur. *Datum Romæ, apud Sanctam Mariam Majorem, sub annulo Piscatoris, die 2 decembris 1773, pontificatus nostri anno quinto.*

CCXL.

DILECTISSIMO IN CHRISTO FILIO NOSTRO

FERDINANDO REGIO HISPANIARUM INFANTI,

CLEMENS PAPA XIV.

Romæ, 2 decembris 1773.

Dilectissime, etc. Incredibilem sanc lætitiâ cepimus ex amantissimis litteris tuis, omnique in Nos amoris, pietatis ac filialis observantiæ significatione plenissimis. Cum te semper mirificæ ac singulariter dilexerimus, tuasque res omnes perinde ac nostras paterno summo studio prosequuti simus, nihil profecto accidere Nobis jucundius a te potuit, quam hujusmodi amoris in te nostro eam nunc a te reddi vicem qua eximia tua in Nos voluntas præclare ac perspicue constare posset. Plurima sæpe clarissimæque ad Nos ejusdem tui in Nos animi delata sunt indicia, quibus magis in dies ad amorem tui, tuæque pietatis ac religionis laudem accenderemur. Delata etiam nostræ ad te invicem gaudemus eximiae caritatis testimonia, vel cum filius tibi in tanta domo tuarum virtutum futurus hæres natus esset, vel cum depositas esse simultates omnes, teque in gloriosissimorum regum avi ac patrui, parentum paene tuorum, gratiam receptum fuisse prolixis ad eos scriptis litteris tuique studiosissimis gratulamur. Quæ cum tibi nostræ in te benevolentiae magnitudo perspecta fuerit, eum in Nos ac sanctam hanc Sedem accedere

pietatis tuae cumulum voluisti, ut quidquam opportunius Nobisque acceptius ne excogitari quidem potuerit. Interponere te scribis apud eosdem carissimos in Christo filios nostros avum, proavum et patruelem tuum, praestantissimos reges, plurima atque eximia officia, ut offensionum omnium quae ante nostrum pontificatum inciderunt, quamquam ex animis sublatae eae omnino sint, reliquiae etiam omnes et vestigia tollerentur, ditionesque proinde Avenionis, Beneventi et Pontis Corvi ad pristinam ejusdem sanctae Sedis possessionem redirent. Majores quidem ac uberiores causae cur immortales tibi gratias habeamus, nullae Nobis esse possunt. Praeclare profecto nosti quanto Nos pacis et concordiae desiderio teneamur, praesertim cum Borboniae domus amplissimis regibus, quorum summa in Nos, in hanc beati Petri cathedram, in Ecclesiam universam merita extiterunt, neque jam Nobis ulla inesse dubitatio poterat quin ipsi pro eorum religione ac sapientia illi nostrae apostolico muneri convenienti consensionis et concordiae cupiditati suo essent studio, opera animique magnitudine responsuri. Sed nunc, dilectissime in Christo fili noster, tanto certius in pulcherrimam hanc spem ingredimur, quanto te magis ab illis et ob necessitudinem et ob regias virtutes tuas diligere perspicimus. Haec ipsa etiam officia fore vel ideo iis jucundissima certi sumus, quod tuae laudis ex hujusmodi egregio facto profectae sint percipidi; proinde libentissimo animo consensuros inter se putamus, ut vimirum unde simultatum occasio extiterit, inde concordiae etiam initia a tua singulari virtute deducta existant. Nos profecto ea esse tua in sanctam hanc Sedem merita fatemur, ut gratissimas habituri simus opportunitates omnes, quibus tibi singularis paternae nostrae caritatis sensum comprobemus. Interim Deum Optimum Maximum precamur ut suae gratiae benignitate virtutes tuas magis in dies augeat, teque verae felicitatis et gloriae, quae nunquam defectura sit, compotem reddat. In cujus auspiciis ac pignus apostolicam benedictionem tibi, dilectissime in Christo fili noster, tuaeque praestantissimae conjugi, vestroque recens nato filio, ac universae tuae regiae domui, intimo paterni cordis sensu amantissime impertimur. *Datum Romae, etc., die secunda decembris 1773, pontificatus nostri anno quinto.*

CCXLI.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO,
CLEMENS PAPA XIV.

Romae, 10 decembris 1773.

Carissime, etc. Nihil ad Majestatem Tuam augustamque Nobis carissimam domum pertinere ullo modo potest, quod patrum animum nostrum singulari tibi studio conjunctissimum non vehementer afficiat ac percellat. Facile proinde potes cognoscere quanto dolore acceptis litteris tuis percussi fuerimus, quibus lugubri sano officio tristissimum nuncias Nobis obitum dilectissimae in Christo filiae nostrae Annae Carolinae amitae tuae. Quam Nos partem tui hujus luctus pro paterna nostra tecum necessitudine jure capturos existimasti, eandem cumulatissime cepimus, ac propterea, pro illa quam declaras de hujusmodi nostra pietate fiducia, obsequuti statim non minus nostrae voluntati sumus quam tuae, atque ad exorandam Dei O. M. clementiam pro defunctae principissae immortalī requie cogitationes nostras convertimus. Leniri aliquantulum posse communem hunc dolorem nostrum putavimus, si una et in divinam misericordiam et in illius mores ad christianae religionis instituta compositos intueremur. Accedere porro etiam debet mirifica illa ex divina fide hausta consolatio, ut nimirum voluntatem nostram ad Domini omnia in bonum disponentis arbitrium conformemus. Quod cum fecerimus, utilissimum animae suae et certissimum nostrae in eam pietatis argumentum extabit. Demum, ut salvus ipse ac spes ad certissimum christianae reipublicae praesidium semper vigeas a Deo precantes, in eximium etiam paternae caritatis pignus apostolicam benedictionem tibi, carissime in Christo fili noster, amantissime impertimur. *Datum Romae, apud S. Mariam Majorem, sub annulo Piscatoris, die 10 decembris 1773, pontificatus nostri anno quinto.*

CCXLII.

VENERABILI FRATRI

JOACHIMO ARCHIEPISCOPO THEBARUM,

REGIS CATHOLICI CONFESSARIO,

CLEMENS PAPA XIV.

Romae, 16 decembris 1773.

Venerabilis, etc. Accepimus litteras tuas die XXVI octobris datas, in quibus, quod antea perspeximus, studium tuum erga seraphicum Observantium ordinem mirifice confirmas, accurateque rationes expoas, quibus ministri generalis electiones non jam ut antea per generalia capitula, sed per compromissi viam fieri debere judicas, ut eo nimirum modo et magis electorum numerus, et diuturna multorum itinera, et ordinis impendia, et regularis observantiae detrimenta, ipsorumque comitiorum perturbatio vel omnino tollatur vel plurimum imminuatur. Nos quidem ea in te caritate tuaeque virtutis existimatione sumus, ut nihil magis cupiamus quam gerere tibi morem, venerabilis frater, ac tuo animo tam de illius ordinis splendore ac sanctitate sollicito apostolicae auctoritatis ope opportune satisfacere. In quo profecto Nos ipsi amoris in eundem ordinem nostro, ac etiam pontificio quo fungimur muneris una satisfacere optaremus. Sed tua hujusmodi cura excitati dum in eo sumus, venerabilis frater, ut singula quae proposita a te sunt revolvamus animo diligenterque perpendamus, res plurimae consultationis videtur esse, ut non tam facile quidquam adhuc certo statuere valeamus. Ab eo nimirum consilio suscipiendo Nos vehementer deterret ac retrahit tanta in ipsum ordinem iaducenda novitas, quae praeterquam quod vetustis Instituti regulis, apostolicis constitutionibus, inveteratae consuetudini adversatura sit, ipsa per sese etiam plurimorum dissidiorum ac perturbationum causa esse posset, dum maximae parti ad suffragia jus tolleret, ac ejusdem ordinis unitatem semper per generalia capitula confirmatam quodammodo disjungeret ac solveret. Illa praeterea utilitate tunc carendum esset quae praecipua ex omnium nationum celebritate de ministro generali creando tantum agitur, sed ea opportunitate in commune etiam consulitur, si quid reformandum, corrigendum sit ac de integro statuendum, quid tempora, quid necessitates

exposcant, cognoscitur ab omnibus et decernitur. Exemplum porro S. M. Clementis VII prædecessoris nostri quod affers, venerabilis frater, majorem habet profecto ad Nos a compromisso deducendos, quam ad idem impellendos vim. Cum enim semel capitula generalia per suas in forma Brevis litteras cum compromissi via commutasset, ea statim consecuta sunt quae ipsum ad revocanda comitia generalia abolendumque compromissum impulerunt, ut patet ex ejusdem constitutione in forma Brevis die II augusti MDXXXIII data, quae incipit *Nuper cupientes*. Illud præterea in hac gravissima reverendum Nobis est, ne quid temere fecisse videamur, si nimirum partes quarum interest non audita a Nobis ante fuerint, omniumque in commune consulentium sententiae non exploratae. Itaque, venerabilis frater, ex his optime vides nullum a Nobis nunc consilium suscipi oportere, sed expectandum propterea videri proximi capituli generalis tempus. In illo si pro compromisso praepositae, expensae probataeque rationes fuerint, atque ad judicium nostrum per ejusdem capituli preces delatae, tum Nobis facile futurum erit ea statuere quae divinae gloriae ratio, seraphici ordinis utilitas et commune universorum bonum exposcere in Domino videbuntur. Qua quidem in re dum Nos consilio nostro quantum in Nobis est, et aliorum etiam doctrina facilo ac sapientia usuri sumus, potissimum divina ope, quam enixe implorabimus, nitentur. Quod jam de capituli generalis expectanda sententia dicimus, idem etiam ad discretorium generale extendimus, si illud ipsum habitum ante vel post generale capitulum de compromisso ad Nos innixas gravissimis causis preces detulerit. Demum, quod postremum est tuae epistolae caput, venerabilis frater, in quo de exploranda ante cujusque religiosam professionem multo accuratius quam factum hactenus sit vocatione agis, optamus Nos majorem in modum, ut id etiam in proximo capitulo generali pertractetur. rationesque Nobis afferantur quibus id ipsum optime ac utilissime confici possit. Nihil dubitamus, venerabilis frater, pro tua perspectissima in Nos pietate ac observantia, quin haec omnia eo quo maxime volumus excipias animo, ac existimes nihil Nos libentius unquam acturos esse, quam quod et seraphici ordinis decori et praeclaro tuo in illum studio sit consentaneum. Ac in singularis nostrae erga te caritatis pignus apostolicam benedictionem fraternitati tuae peramanter impertimur. *Datum Romae, apud Sanctam Mariam Majorem, sub annulo Piscatoris. die 16 decembris 1773, pontificatus nostri anno quinto.*

CCXLIII.

CARISSIMO IN CHRISTO FILIO NOSTRO

STANISLAO AUGUSTO POLONÆ REGI ILLUSTRÍ,
CLEMENS PAPA XIV.

Romæ, 18 decembris 1773.

Carissime, etc. Gratum Nobis vehementer fuit post extinctum societatis Jesu ordinem plurimas isthic quemadmodum in caeteris catholicis ditionibus publice suscipi curas de optime supplenda constituendaque Polonae juventutis institutione, proindeque novem creatos esse magnae dignitatis viros, inter quos sunt venerabiles fratres Vîlensis et Plocensis episcopi, quibus gravissimum hoc litterarum negotium commissum sit. Id cum a te praecipue, carissime in Christo fili noster, dirigi, tuaque regia auctoritate maxime confici debeat, has ad Majestatem Tuam litteras dare decrevimus, quibus tibi declaremus quantum pro singulari consilio ac sapientia tua confidamus fore ut id optime vigilantia tua tuisque auspiciis constituatur. Quod certissima tuae virtutis opinione inducti facimus; tibi enim maxime ante oculos obversatum iri arbitramur quantum ex hac cura tua cum religio, tum respublica proficere possit, ut scilicet et haec ornatissimis civibus et instructissimis illa ecclesiastici ordinis ministris redundet ac floreat. Ab egregia enim eorum qui nostra aetati succrescunt educatione sperari tantummodo expectarique imposterum debent uberrimae eximiaeque et in sacra et in civili societate utilitates. Quod cum ipse praeclare pro tua prudentia intelligas, connitendum tibi nunc est ut ea juventutis educandae ineatur ratio quae optimis atque integerrimis perpetuo constare possit et doctrinis et magistris; atque idcirco illud tibi potissimum prospiciendum erit, ut quae facultates ad religionis dogmata ac disciplinam referuntur, sacra nimirum theologia et canonicum jus Ecclesiae auctoritati subsint. Quam quidem auctoritatem a Majestate Tua pro regio munere necesse est, omni ope, opera et conatu in republica retineri ac defendi. Praeter facultates has duas, cetera etiam seu privatis seu publicis in scholis studia subjecta esse episcoporum curae debent iis omnibus in rebus quae ad religionem moresque pertinent, neque magistro cuiquam docendi potestas fieri quin prius fidei

professionem in manus ordinarii sui emiseric, quae quotannis erit renovanda, ut sacri canones ac ipsa etiam generatim recepta inter catholicos consuetudo praescribunt. Sed haec prolixius tibi commemorare, quae tu optime nosti, necesse non est. Illud sane persuasum Majestati Tuae esse majorem in modum cupimus, plurima Nos animi jucunditate affectos fuisse, cum intelligeremus ab eo rege, qui pietate non minus quam consilio praestat, istam esse curam qua et de religione et de republica optime moreri possit, ac immortale sui nominis decus apud suos comparare, et ad posteritatem transmittere. Facile enim quisque videt summam iis deberi laudem qui sua opera, ope ac potestate ad optimam juventutis institutionem ita usi sint, ut egregia ac perpetua religionis, morum, publicae tranquillitatis, erga patriam amoris, erga regem obsequii fundamenta jecerint. D. O. M. enixe precamur ut Majestatem Tuam in hoc tibi patefacta verae gloriae spatio decurrentem sua coelesti gratia sustentet ac adjuvet, deque tua regnique tui felicitate vota nostra rata faxit, quae cum apostolica benedictione conjungimus, quam tibi, carissime in Christo fili noster, intimo paterni cordis sensu amantissime impertimur. *Datum Romae, apud Sanctam Mariam Majorem, sub annulo Piscatoris, die 18 decembris 1773, pontificatus nostri anno quinto.*

 CCXLIV.

VENERABILI PRATRI

IGNATIO EPISCOPO VILNENSI,

CLEMENS PAPA XIV.

Romae, 18 decembris 1773.

Venerabilis, etc. Magnopere gavisum sumus, venerabilis frater, cum te in eorum esse numero intelleximus quibus ordinandorum studiorum rationisque statuendae qua in Poloniae regno institui juventutem oporteat gravissimum nuper est munus demandatum. Nam cum leges propterea sanciendae pertinere plurimum ad mores, pietatem et catholicae etiam religionis integritatem possint, pergratum Nobis fuit te iisdem ferendis non solum affuturum, sed praefuturum etiam, cujus pastorem in rebus hujusmodi vigilantiam optime cognitam et compertam habemus.

Nihilominus, pro apostolica etiam nostra omnium ecclesiarum sollicitudine in re maximi ad fidei incolumitatem momenti, et quae proinde episcoporum diligentiam excitare summopere debet, ad hanc tuam eximiam alacritatem studia etiam cohortationesque nostras adjungendas duximas. A te itaque petimus, venerabilis frater, teque quam maxime in Domino possumus adhortamur, ut omnem industriam tuam in eo colloques ut ne quidpiam vestris decretis ac legibus de episcoporum debita vigilantia detrahatur, quibus rerum ad religionem spectantium omnino omnis attributa esse opera debet. Propterea tibi vehementer est satagendum ut qui juventutem instituunt, episcoporum curae atque auctoritati subjiciantur, praesertim in iis rebus ac disciplinis quae cum religionis ac fidei institutis magis nexae et colligatae sint. Proinde, ut sui erga religionem officii identidem commoneantur, illud etiam curandum ut omnes disciplinarum magistri in inchoanda institutione, et singulis deinde annis, prout in aliis etiam lyceis fit, coram episcopis fidem catholicam profiteri debeant. Cum vero scholae pro episcoporum seminaris ex tridentini concilii legibus institutae in episcoporum item potestate sint positae, hoc etiam diligentiae tuae crit, ne quod huc constanti in Ecclesiae legi derogetur. Nos quidem rei gravitate inducti ad carissimum in Christo filium nostrum Stanislaum Augustum Poloniae regem illustrem dare litteras volumus, quibus illi hanc religionis curam in statuendis de ratione studiorum legibus, et in episcoporum propterea tuenda auctoritate vehementer commendamus. Sed te multa qua polles apud regem gratia commendationem nostram plurimum adiuturum, et omnem ea de re cogitationem nostram diligentia tua et qua instructus es rerum intelligentia ad eos quos optamus exitus perducturum confidimus. Hunc in modum episcopali tuo muneri mirifice satisfacies, rectae juventutis institutioni consules, et paternam singularem nostram erga te caritatem amplificabis: in cujus egregii erga te pontificii nostri animi argumentum apostolicam benedictionem tibi, venerabilis frater, tuoque universo populo peramanter impertimur. *Datum Romae, apud Sanctam Mariam Majorem, sub annulo Piscatoris, die 18 decembris 1773, pontificatus nostri anno quinto.*

Eodem exemplo. Episcopo Plocensi.

CCXLV.

CARISSIMO IN CHRISTO FILIO NOSTRO

FERDINANDO UTRIVSQUE SICILIÆ ET IHERUSALEM

REGI ILLUSTRİ,

CLEMENS PAPA XIV.

Romæ, 28 decembris 1773.

Carissime, etc. Summac paternæ nostræ in te caritatis ac omnium officiorum genere plenissimas jam tum ad regiam Tuam Majestatem litteras dedissemus, cum primum pro tui animi magnitudine pristinam Beneventi ac Pontis Corvi possessionem ad Nos deferres. Sed has deferendæ gratiæ partes retardare ac remorari voluimus ut Avenionis et Comitatus Venaisini etiam accessione, conjunctissimorumque tibi regum consensione, eandem cumulatissima ac lætitiæ jucunditate refertas persolveremus. Mirifico sane gaudio afficimur ob restitutas Nobis antiquas illas sanctæ hujus Sedis ditiones, neque quidpiam ab ejus jure detractum atque imminutum. Sed magis etiam gaudemus eo præclarissimo facto mirifice comprobari illas quas semper Borbonis regibus deberi laudes agnovimus æquitatis, sapientiæ, religionis ac in Nos atque hanc beati Petri cathedram pietatis; ratasque factas esso spes nostras, quas de vobis vestraque virtute intimo animi nostri sensu fovebamus. Cum enim summa esset in Nobis vestrum omnium cum singulari paterno amore conjuncta existimatio, majorem sane in modum confidebamus fore ut non solum similitates omnes quam primum deponerentur, sed clarissima etiam extarent mutuae inter Nos consecuti jam simus, tantasque nunc a vobis habeamus lætandi causas, cas tibi, carissime in Christo fili noster, reddimus gratias, quas reddere maximas possumus in teque omnia gratissimæ voluntatis nostræ studia atque officia cumulamus. Quæ cum tibi plenissime adhibere ac præstare contendimus, a te etiam atque etiam petimus ut omnino tibi persuadeas nihil Nobis imposterum antiquius fore quam ut initam confirmatamque inter Nos concordiam et consensionem novis constringamus atque in dies amplioribus mutuae inter Nos pietatis testimoniis, uberrime ad te pro sua fide ac singulari diligentia perscriptorum confidimus dilectissimum filium nostrum Dominicum S. R. E. cardinalem Ursinum intimos hos animi no-

stri sensus, quos eidem coram luculenter significavimus. Inter oia pro Nostro in te summo studio plurimum tibi de tua virtute gratulamur. Ejus consecrandae nulla expeditior tibi esse ratio potest, quam si gloriosissimi parentis tui exemplis insistere pergas, quae et conspicua per se ipsa sunt et facilius tibi in animum influent, cum hae domesticae laudes tibi sint assidue ante oculos positae a dilecto filio nobili viro marchione Bernardo Tanuccio, cujus praestantissima opera in maximis rebus gerendis uteris. Magnopere optamus ut vota nostra, quae Deo Optimo Maximo de tua tuique regni felicitate nuncupamus, secundissimos eventus habeant; atque hujusmodi omnibus divinae benignitatis auspiciis Majestatem Tuam prosequentes, apostolicam benedictionem in nostrae etiam eximiae caritatis pignus tibi, carissime in Christo fili noster, tuaeque regiae conjugii ac eximiis liberis amantissime impertimur. *Datum Romae, apud Sanctam Mariam Majorem, sub annulo Piscatoris, die 28 decembris 1773, pontificatus nostri anno quinto.*

CCXLVI.

DILECTO FILIO

BEDÆ, ABBATI AD S. PETRUM SALISBURGI,
CLEMENS PAPA XIV.

Romae, 29 decembris 1773.

Dilecte, etc. Reddita Nobis sunt per dilectum filium Augustinum una cum litteris tuis quinque de sacris rebus volumina, quorum ipse partim auctor es, partim editor. Alterum hoc a te librorum donum libentissimo excepimus animo, quamque primo tui existimationem in Nobis excitasti, eandem deinceps magnopere auctam confirmatamque sensimus. Illa porro operum argumenta majorem in modum declarant consentientia religiosae vivendi rationi studia tua, animique ad divinas salutaresque res pertractandas inclinationem. Unde ad illud judicium de tua doctrina nostrum haec accedit major multo ac potior virtutis ac pietatis tuae commendatio. Multas itaque tibi habemus ac referimus gratias, dilecte fili, tuaque et doctrinae et virtutis monumenta plurimum apud Nos valitura pollicemur, ut te quem antea paterna caritate complectebamur, omnibus semper singularis studii

atque amoris officiis prosequamur. Id tibi persuasum magis esse poterit, si quam Nobis dederis animum hunc erga te nostrum reipsa tibi testandi opportunitatem. Ac in paternae benevolentiae pignus apostolicam benedictionem tibi, dilecte fili, peramanter impertimur. *Datum Romae, apud Sanctam Mariani Majorem, sub annulo Piscatoris, die 29 decembris 1773, pontificatus nostri anno quinto.*

CCLXVII.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO,
CLEMENS PAPA XIV.

Romae, 29 decembris 1773.

Carissime, etc. Summam ac singularem elucere in te, carissime in Christo fili noster, magnitudinem regique animi praestantiam jam pridem intelleximus, et huic Majestatis Tuae egregiae laudi parem item esse praeclaram tuam pietatem atque in Ecclesiam ac Nos studium arbitrati sumus. Hac tuae virtutis cogitatione, tuique in Nos amoris fiducia, omnes quibus diu multumque conflictati sumus curas ac sollicitudines nostras liniebamus. Verum Nobis in pristinam nostram Avenionis et Comitatus Venaïsinî possessionem abs te revocatis, pulcherrimum factum et consilium hoc tuum sapientia, aequitate, magnanimitate tua dignissimum, etsi minime insperatum accidisset, tan incredibilem laetitiae fructum Nobis attulit, ut omnem de te spem expectationemque nostram mirifice cumulavit. Incolenu sua Ecclesia ditone restituta, Nobis una pacis et concordiae jucunditatem, qua nihil carius atque optatius habemus, reddidisti, et praestitisti his praeclaræ tuæ in Nos voluntatis indicium veterem et mutuam inter Nos benevolentiae conjunctionem amplificasti. Nos quidem, carissime in Christo fili noster, his egregiis tuis in Nos studiis obstricti, quam referendae tibi gratiae rationem habemus ullis verbis satis assequi possumus. Id unum profitemur atque affirmamus, ad paternae nostrae erga te caritatis magnitudinem, miram quandam accessionem esse factam, et cum Majestatem Tuam singulari animo complexi semper simus, ad te magis in dies diligendum atque omnibus nostri amoris of-

ficiis prosequendum excellenti hac tua pietate Nos mirum in modum commoveri atque incendi. Proinde nihil tantopere cupimus, quam ut Nobis opportunitates suppetant, quibus tibi gratum hunc nostrum animum, et rebus in omnibus, quae ab amantissimo parente in carissimum filium proficisci possint, pontificii nostri in te studii magnitudinem comprobemus. Has gratissimae nostrae in te voluntatis significationes adiutorum D. filium nostrum Franciscum Joachimum S. R. E. cardinalem de Bernis, quem ob suas eximias virtutes et ob egregiam in gerendis rebus apud Nos tuis fidem, studium et prudentiam singulari benevolentia atque existimatione prosequimur, et testatos Majestati Tuae facturum confidimus, quos illi coram saepe aperuimus, mirificos tibi que devinctissimos animi nostri sensus. Sed nullam potius referendae gratiae rationem habemus, quam si cujus in terris vices gerimus, ejus opem atque auxilium ad nostri officii partes etiam praestandas advocemus. Illum itaque obsecramus, ut, pro his tuis egregiis in Ecclesiam ac Nos meritis, te omnibus divinae suae clementiae beneficiis augeat, et Majestati Tuae optatissimos quosque successus regni ac regiae familiae felicitatem largiri cumulatissime velit. Ut rata firmaque sint vota haec nostra, coelestis gratiae auspicem apostolicam benedictionem Regiae Majestati Tuae tuisque praestantissimis liberis amantissime impertimur. *Datum Romae, apud Sanctam Mariam Majorem, sub annulo Piscatoris, die 29 decembris 1773, pontificatus nostri anno quinto.*

CCXLVIII.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO.

CLEMENS PAPA XIV.

Romae, 30 decembris 1773.

Carissime, etc. Utinam explorati ac satis perspecti regiae Tuae Majestati esse possent intimi, quibus affecti sumus, animi nostri sensus: cognosceres profecto, carissime in Christo fili noster, quantopere tibi devincti obstrictique simus ob magnitudinem tuorum in Nos et sanctam hanc Sedem excellentium meritorum. Quo quidem hoc tempore mirifice cumulantur atque augentur cum in pristinam Avenionis, Comitatus Venaesini, Beneventi

et Pontis Corvi possessionem, officiis potissimum tuis atque auctoritate qua apud tuos polles, Nos esse inductos agnoscimus. Una cum Ecclesiæ ditionum incolumitate, illud etiam, quod vehementer exoptavimus, per te consecuti sumus, ut non solum sint positæ omnes quæ ante pontificatum nostrum inciderant simultates, sed etiam mutua inter Nos ac præstantissimos Nobisque carissimos Borbonios reges sit ætissime confirmata benevolentia ac pietatis conjunctio. Proinde nunc summa cum voluptate intelligimus peregre regios esse successus nostræ jam pridem in te positæ fiduciæ. Meminimus enim jam ex illo turbulento tempore, cum primum in hanc beati Petri cathedram conscendimus, ad te tamquam ad carissimum lumen quoddam fuisse spes omnes nostras conversas. Tua religione, sapientia ac in Nos pietate confisi, jam tum in animum constantissimi induximus fore ut molestiarum ac sollicitudinumstrarum, a te certissima Nobis solatia existerent. Assiduis eximiis tui in Nos amoris indiciis mutuisque necessitudinum vinculis magis in dies in hac expectatione nostra confirmabamur. Sed quo major ac diuturnior fuit eximia hæc de te spes nostra, eo nunc uberiores lætitiæ fructum capimus, cum et ratam illam esse intuemur, et in eadem perficienda tantas ac tam illustres nunc adjunctas esse causas ad te amandum, teque omnibus gratissimi nostri animi officiis prosequendum. Ad cumulandam summam hanc nostri gaudii vim accedit, quod paci ac concordia tranquillitatem, cujus Nos cupidissimos esse jam diu nosti, firmissime stabilitam esse videamus, idque tua præstanti præsertim opera nacti simus, quod a nostri pontificatus initio votis omnibus semper expetebamus. Quas ob res, carissime in Christo fili noster, immortales tibi gratias debemus, quasque etsi referre pro summis tuis meritis nullo modo possumus, habere tamen, perpetuoque Nos habituros profiteamur. Dilecto filio nobili viro equiti Munino, quem ob suas laudes, fidem, consilium atque industriam in egregia tibi apud Nos navanda opera plurimi facimus ac diligimus, sensus nostros coram aperuimus, et quomodo incensi tuo beneficio atque erga te animati simus luculenter significavimus, quæ illum pro sua diligentia accurate ad te perscripturum omnino scimus. Illum tantummodo his etiam litteris addimus, Nos summa paterna caritate, summo studio, quantum in Nobis est, te tuasque res omnes, ut hactenus fecimus complexuros, tibi que a Deo O. M. universaque regiae domui ac dilectissimo iu Christo filio nostro Carolo Clementi nepoti tuo, quem ob summam cum eo necessitudinem mirifice ac singulariter amamus prosperos vitæ regni-

que cursus, incolumitatem et gloriam enixe semper precaturos. Tibi invicem nostram hanc in te voluntatem gratam atque acceptam futuram minime dubitamus, atque etsi in referenda tibi gratia pro suorum meritorum praestantia Nobis ipsis minime satisfacere possimus, tibi tamen hoc ipso grato tuique studiosissimo nostro animo satisfacturos. Ac demum divinae gratiae auspicem, et nostrae paternae in te caritatis indicem apostolicam benedictionem catholicae Majestati Tuae intimo paterni cordis sensu amantissime impertimur. *Datum Romae, apud Sanctam Mariam Majorem, sub annulo Piscatoris, die 30 decembris 1773, pontificatus nostri anno quinto.*

CCXLIX.

DILECTO FILIO

MIGNONNEAU,

CLEMENS PAPA XIV.

Romae, 12 Januarii 1774.

Dilecte, etc. Reddidit Nobis dilectus filius noster Franciscus Joachimus S. R. E. cardinalis de-Bernis, una cum tuis litteris, aerea domus Lotharingicae numismata et calmetianam hujus collectionis declarationem; et cum redderet id a te transmissum munus, tuam in nos singularem observantiam gravissimo suo testimonio confirmavit. Utrumque nobis pergratum accidit, et pietatem in Nos tuam, quam coram Nobis cum hic esses declarasti, tam luculenta atque illustri nunc voluntatis tuae significatione comprobari, et ea ad Nos clarissimae domus monumenta esse delata, quae plurima splendoris accessione auctura sint Vaticanum Museum nostrum. Itaque eas tibi nos habere idcirco gratias profitemur, dilecte fili, quae hujusmodi tuis in nos meritis sint consentaneae, eumque tibi qualem maxime tu velis paternum animum deferimus atque exhibemus. Acceptum etiam Nobis vehementer fuit illud quod tamquam pro corollario adjunxisti studiorum tuorum specimen, ex quo facile intelligimus quam praeclare etiam de italicis litteris mereri satagas. Illud demum quod luculenter etiam ad te perscribet idem cardinalis de Bernis, nostrae in te plurimae voluntatis amplissimus testis, tibi maxime persuasum esse cupimus, eximiam nostram esse erga te

existimationem, paremque paternae caritati qua te singulariter prosequimur; in cujus pignus apostolicam benedictionem tibi, dilecte fili, peramanter impertimur. *Datum Romae, apud Sanctam Mariam Majorem, sub annulo Piscatoris, die 12 januarii 1774, pontificatus nostri anno quinto.*

CCL.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO

HABITA IN CONSISTORIO SECRETO DIE XVII JANUarii MDCCLXXIV.

Venerabiles fratres. Cum ex maximis lætitiarum nostrarum causis, quas hoc tempore vobis declaraturi sumus, facile intelligere possimus quantus futurus sit jucunditatis vestrarum sensus, libentissime easdem vobiscum communicamus, venerabiles fratres, atque etiam ex hoc ipso gaudio vestro magnum ad voluptatem cumulum accessurum agnoscimus. Ad ineundam pristinam nostram Avenionis, Comitatus Venaissini, Beneventi et Pontis Corvi possessionem carissimi in Christo filii Ludovicus Galliarum rex christianissimus, et Ferdinandus utriusque Siciliae et Hierusalem rex illustris Nos ultro compellant, et tanquam sua ipsi manu amantissime inducunt. Nemo unquam tanta cupiditate in suis amplificandis fortunis fuit, quanta alacritate atque animi magnitudine jura resque Ecclesiarum ad Nos ipsi deferunt. Consiliorum omnium ac summae in Nos pietatis societate cum illis conjunctissimus est carissimi item in Christo filii nostri Caroli catholici Hispaniarum regis animus, magnis Nobis antea semper, sed nunc maximis atque amplissimis amoris iudiciis perspectus. Nos quidem in hanc spem jampridem veneramus, fore ut omnino sua huic ipsos religio, sapientia, aequitas adduceret. Atquo ut omnem cogitationumstrarum rationem vobis aperiamus, propterea Nobis neque instandum atque urgendum ac ne agendum quidem cum iis unquam duximus. Integram hanc illis laudem reservandam arbitrati sumus. Sui illos studio, sui animi præstantia, pacis cupiditate, Nostri etiam amore, quam flagitatione ac precibus impelli malebamus; uberiores putabamus illorum inde gloriam,

CLEMENTIS XIV *Epistolae et Brevia.*

21

et nostram pleniorē voluptatē extitūram. Peroportūne accidit ut illis in Nos jam inclinatis dilectissimī in Christo filii nostri Ferdinandi regni Hispaniarum Infantis summa pietas permagno ad haec perficienda momento fuerit. Allatum ad Nos erat clarissimorum regum consanguineorum suorum redintegratam erga illū esse gratiam. Laetitiam illius causa, quem ob eximias virtutes summopere diligimus, tūc a Nobis susceptam extemplo eisdem cum singulari gratulatione testati sumus. Hoc officio nostro perspectum optimis regibus fuit, quanto rerum omnium quae ad illos pertinerent, quanto pacis etiam concordiaeque studio teneremur. Cum vero praestantissimus juvenis tantopere sua causa Nos gavisos videret, pro eximia sua gratissimaque voluntate similis nobis navandae operae officiique praestandi miro ardore exarsit. Sua ipse sponte suoque iudicio cum avo, patruo ac patruelo summa contentione egit, ut quantum Nobiscum animo ac pietate essent conjuncti, re ipsa declararent. Maximas tū illi qui id Nobis perscripserat gratias egimus, ac reges ipsi tantopere sunt hac illius virtute delectati, atque eodem in Nos studio excitati, ut quod antea cogitaverant, statim salvīs atque integris Ecclesiae rebus ad Nos deferendis, quam praeclara voluntate in nos essent, palam omnibus facerent. Nunc igitur eodem una omnes animo hanc ipsam rerum Ecclesiae incolumitatē, quasi certissimum quoddam pignus pacis mutuaeque inter Nos concordiae statuunt. Neque enim solum positas esse ac deletas volunt suspiciones omnes cuiuspiam, quae antea intercesserit, simultatis, sed etiam confirmatam atque auctam mirificae inter nos benevolentiae atque amoris conjunctionem. Laetandum Nobis quidem magnopere est, atque eo uberius laetandum, quo magis sancte pieque tueri iura ditionemque Ecclesiae debemus, ut, quae a maioribus accepimus, salva atque integra posteris nostris transmittamus. Sed nullas majores gaudii nostri causas habere possumus, quam cum hanc ipsorum regum pietatē animique praestantiam intuemur. Non in opibus atque copiis, sed in legum aequitate ac virtute summam regni gereudi laudem veramque ac solidam utilitatē sitam esse existimant. Sed potestate sua egregie usos arbitrantur, si illius imperio pareant cuius beneficio imperii dignitatē acceptam referunt, si illius gloriam augeant, si domum Domini suo praesidio tueantur, si denique Jesu Christi speciem, cuius vicariam auctoritatē licet immerentes sustinemus, in Nobis colant ac diligant. Ab huiusmodi animorum inductione cum profecta sit tam praeclara eorundem actio, religionis, sapientiae, in nos amoris plenissima, maximam illis qui-

dem ad caetera decora atque ornamenta gloriae accessionem faciunt, ac jure sibi plausus omnium vindicant qui virtutis ac pietatis pulchritudinem sentiunt. Sed quae nostra erga optimos reges studia esse debent? quae grati animi significatio eximiae eorum in Nos voluntati par esse potest? Semper illos quidem pro snis majorumque suorum singularibus in Ecclesiam meritis summa benevolentia prosecuti sumus. Magnis et plurimis cansis inducti fuimus cur in illos omnia paternae caritatis officia conferremus. Dignitate ac potentia inter maximos Ecclesiae filios sunt, florentissimae Ecclesiaeque fidissimae nationes eorum dominatu atque imperio continentur. In religionis sanctitate atque obsequio populos suis ipsi et legibus et exemplis retinent. Sed haec omnia pietatis ac sapientiae exempla inclusa esse atque comprehensa videri possunt hoc pulcherrimo facto, quod, sane (ut optima quaeque rarissima sunt) eo difficilius ac praeclarius existimari debet, quo justius est atquo ab omni cupiditate se junctius. Hoc velut religionis suique in Nos amoris posito monumento, miram in modum Ecclesiae dignitatem, Sedis apostolicae observantiam, omnium in Nos studium augent, atque una suam ipsi potestatem munient atque confirmant. Nequo enim regna atque imperia ulla vi et timore tantopere munita ac vallata esse possunt, quam si religionis institutis, quae vera sunt regnandi fundamenta, si divina auctoritate ac praeceptis, quae Ecclesiae opera ac ministerio in populorum animos influunt, constituta ac roborata sint. Ita ipsi suae potestati optime consulunt cum eandem arctissime cum religionis et Ecclesiae rationibus colligatam esse volunt. Tam praestantibus eorum in nos animi indicibus devincti mirifice commovemur, venerabiles fratres, et mutuo atque incredibili quodam erga illos paternae caritatis ardore incendi-mur. Ad haec nostra acrius excitanda studia accedunt peregre-gia in Nos merita, cum eorum quorum in maximis regni geren-dis rebus praecipua utuntur opera, tum quos consiliorum suorum apud Nos habent administros. Qui omnes regum ipsorum volun-tati obsecuti, eorumque pietatis exemplo incitati, et suam illis fidem, industriam, prudentiam, et Nobis singularem in sanctam hanc Sedem animum probaverunt. Quapropter illis item pluri-mum a Nobis deberi, eosque magnopere diligere, et eorum etiam causa augeri summa nostra erga reges ipsos officia profite-mur. Carissimis itaque filiis nostris, etsi datis ad eos litteris, quas maximas potuimus, gratias egimus, pares tamen ut referamus, quam aliam meliorem invenire rationem possumus, quam si pro illis vota nostra, easque, quarum in Ecclesia maxima vis est, di-

vnae clementiae conciliatrices atque auspices preces omni
 animorum contentione adhibeamus? Summum igitur apostolatus
 nostri conditorem Deum ac Dominum nostrum Jesum Christum
 assidue flagitemus, ut quam etiam in mortalis hujus vitae cursu
 tribuere mercedem solet optimis de seque praeclare meritis re-
 gibus, eandem illis amplissime referat, cum secundissimo rerum
 omnium successu, regni ac liberorum regiaeque domus prosperi-
 tate ac diuturnitate conjunctam. Sed huic ipsi summo prae-
 stantium consiliorum factorumque omnium auctori, per quem
 potentes decernunt justitiam, praesertim immortales agenda sunt
 gratiae. Numquam ille Ecclesiae suae praesidium ac tutelam
 deserit; etsi aliquando, ut vigilantiorum suaeque ac sanorum in-
 columitatis studiosiorem faciat, agitari illam turbarique sinat,
 demum pacis et tranquillitatis suavitate omnem praeteriti moe-
 roris molestiam abstergit. Ille sacerdotii itemque imperii jura
 instituit, atque inter religionis ac regnorum moderatores magnam
 necessitudinem intercedere voluit, et posuit consilium pacis in-
 ter illos, quo uno ad divinae gloriae incrementum, quae rerum
 humanarum est finis, inserviant. Divinum itaque hunc pacis lar-
 gitorem obtestemur, ut voluntatem hanc suam nostris hisce tem-
 poribus ratam ac firmam et hoc praeclarum concordiae munus
 Nobis perpetuum esse velit, ut ex hac mutua nostra conjunctione
 optatissimi exitus, atque ad animarum salutem ac Ecclesiae uti-
 litatem, ad eorundem regum felicitatem uberrimi cumulatissi-
 mique fructus derivent. Quo facilius haec divinae gratiae munera
 obtineri a Nobis possint, b. Petrum Ecclesiae ac sacerdotii no-
 stri ducem, custodem ac praesidem, et seraphicum p. Franci-
 scum, cujus in disciplina instituti sumus et praesidium pa-
 ratissimum semper sensimus, Nobis patronos atque adiutores
 adjungamus. Proinde et nunc in ss. XII Apostolorum templo, ad
 quod ex hoc ipso consensu perrecturi sumus, et crastina die in
 Vaticana Basilica, post solemnina apostolicae s. Petri cathedrae
 sacra de more celebrata, vestris una Nobiscum conjunctis pre-
 cibus summas Deo O. M. gratias et laudes referemus, et ab eodem
 Ecclesiae tranquillitatem et ipsis regibus omnem gloriae ac fe-
 licitatis amplitudinem postulabimus. Qua obsecrationum oppor-
 tunitate Nos paterna nostra orga ceteros etiam potentissimos
 Nobisque carissimos in Christo filios studia inducunt, ut eos
 item eorumque imperia ac regna precibus nostris comprehendamus.
 Cum ad omnes catholici orbis partes oculos convertimus,
 illosque suam regnandi rationem a religionis et justitiae institutis
 repetere intuemur, tanto acrius inflammamur ad perpetua ar-

summa quaeque ipsis imploranda coelestis clementiae beneficia ac praesidia, quanto uberius atque constantius iis omnibus pro divina gloria et christianae reipublicae utilitate consentientibus, nostra debet esse atque universae Ecclesiae jucunditas. Ad haec pietatis exempla cum publicae etiam laetitiae vestrae significationes accedent, magnopere ceteros omnes ad similem et pietatis et hilaritatis imitationem excitabitis.

CCLI.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO,

CLEMENS PAPA XIV.

Romae, 19 januarii 1774.

Carissime, etc. Cum Caesareae Majestati Tuae pergrata futura arbitremur quae Nobis prospere atque ex sententia eveniant, ad te qui principem locum inter Ecclesiae filios tenes mittere volumus Allocutionem a Nobis in consistorio secreto venerabilium fratrum nostrorum S. R. E. cardinalium habitam die XVII hujus mensis, quam una cum his nostris litteris dilectus filius noster Antonius Eugenius S. R. E. cardinalis Vicecomes ad te deferet. Ex eadem cognosces aequitatem et religionem carissimorum in Christo filiorum Ludovici christianissimi Galliarum regis, et Ferdinandi utriusque Siciliae et Hierusalem regis illustris, in Nobis restituenda pristina nostra Avenionis, Comitatus Venaissini, Beneventi et Pontis Corvi possessione, cumque iis conjunctam egregiam carissimi itidem in Christo filii nostri Caroli catholici Hispaniarum regis in Nos voluntatem, et quibus paterni animi nostri sensibus pulcherrimam hujusmodi illorum actionem prosequuti sumus. Majestatem Tuam nostra causa non mediocrem inde animo jucunditatem suscepturam non dubitamus, et ex hoc ipso amoris in te nostri officio intellecturam quanta sit nostra de singulari ac perpetua tua erga Nos ac sanctam hanc Sedem pietate, fiducia. Quod quidem ex ipsa etiam allocutione deprehendes; inest enim in ea aliquod nostri in te studii specimen, etsi tacita animi vestri significatione, satis tamen adumbratum: atque in praeclarius summae nostrae paternae in te caritatis argumen-

tum, apostolicam benedictionem Caesareae Majestati Tuae, augustaeque universae domui amantissime impertimur. *Datum Romae, apud Sanctam Mariam Majorem, sub annulo Piscatoris, die 19 januarii 1774, pontificatus nostri anno quinto.*

CCLII.

CARISSIMÆ IN CHRISTO FILIÆ NOSTRÆ

MARIAE THERESIAE HUNGARIAE REGINÆ APOSTOLICÆ,

NEC NON BOHEMIAE REGINÆ ILLUSTRIS,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romae, 19 januarii 1774.

Carissima, etc. Ad apostolicam Majestatem Tuam deferret dilectus filius noster Antonius Eugenius S. R. E. cardinalis Vicecomes hasce litteras, una cum allocutione typis edita quam in consistorio secreto die XVII hujus mensis ad vv. ff. nostros S. R. E. cardinales habuimus. Ex ea facile intelliges quanto affecti gaudio simus ob pulcherrimum factum carissimorum in Christo filiorum nostrorum Ludovici Calliarum regis christianissimi, et Ferdinandi utriusque Siciliae et Hierusalem regis illustris, quo Nos ac sanctam hanc Sedem in pristinam Avenionis, Comitatus Venaissini, Beneventi et Pontis Corvi possessionem restituant. Laetitiam hanc nostram majorem in modum augment suo in Nos studio ac mirifica amoris pietatisque confirmatione, in qua Nobis deferenda carissimus item in Christo filius noster Carolus Hispaniarum rex catholicus eximia cum illis societate conjungitur. Pro Majestatis Tuae perspectissimo in Nos animo, proque ea qua es in hanc sanctam Sedem necessitudine, certi plane sumus, fore ut has nostras gaudendi causas tibi nequaquam alias esse existimes, atque idcirco volumus ut eadem ad te, quae dignitate et potentia inter Ecclesiae filios praestas, nostro nomine etiam perferantur. Vehementer optamus ut ex hoc officio cognoscas quae nostra sit de tua in Nos pietate non minus fiducia, quam regiarum tuarum virtutum, augustaeque domus in sanctam hanc Sedem meritum existimatio. Quod quidem etiam ex postremae nostrae allocutionis parte perspicies, in qua idipsum

etsi tacito, claro tamen prout ratio argumenti pati poterat animi in te nostri indicio adunbravimus. Ac in singularis paternae caritatis pignus apostolicam benedictionem Majestati Tuae, carissima in Christo filia nostra, amantissime impertimur. *Datum Romae, apud Sanctam Mariam Majorem, sub annulo Piscatoris, die 19 januarii 1774, pontificatus nostri anno quinto.*

CCLIII.

CARISSIMO IN CHRISTO FILIO NOSTRO

STANISLAO AUGUSTO POLONIÆ REGI ILLUSTRÍ,
CLEMENS PAPA XIV.

Romae, 19 jannarii 1774.

Carissime, etc. Quos Nobis regia Majestas Tua precatur a Deo O. M. coelestes ejusdem bonitatis ac clementiae fructus, quibus imbecillitas nostra in hoc gravissimo apostolatus sustinendo munere indiget, et tuam in Nos atque Ecclesiam jamdudum perspectam pietatem majorem in modum Nobis confirmant, et jamdiu inclinatum in te paternam caritatem nostram magis adhuc impellunt hoc tempore ut assidue concepta de tua, tuique regni felicitate vota multo ardentiore animi contentione restauremus. Id dum enixe accurateque facimus, carissime in Christo fili noster, teque ac tua omnia luculentissima nostra pietate prosequimur, vehementer optamus persuasum tibi sit, numquam ulla paternae summae voluntatis officia a Nobis tibi defutura, neque unquam praeterituros Nos esse opportunitates quasque palam testandi quanti faciamus regias virtutes tuas, quantaque te complectamur benevolentiae magnitudine, in cujus pignus apostolicam benedictionem Majestati Tuae tuisque populis amantissime impertimur. *Datum Romae, apud Sanctam Mariam Majorem, sub annulo Piscatoris, die 19 januarii 1774, pontificatus nostri anno quinto.*

CCLIV.

DILECTISSIMO IN CHRISTO FILIO NOSTRO
FRIDERICO AUGUSTO SAXONIAE DUCI,
S. R. I. PRINCIPI ELECTORI,
CLEMENS PAPA XIV.

Romae, 22 januarii 1774.

Dilectissime, etc. Accepimus tuas litteras per dilectum filium Bianconi diligentem ac sedulum residentem tuum, ex quibus comprobatum Nobis maxime fuit quae tua esset in Nos ac sanctam hanc Sedem pietas atque observantia, quam praecipue cura atque auctoritate tua, ut apostolicae scilicet litterae nostrae de abolito societatis Jesu ordine rite executioni isthic mandarentur, confirmasti. Quamobrem pristinum nostrum de tua virtute ac religione judicium, singularemque qua te semper complexi sumus caritatem majorem in modum amplificatam profitemur. Luculentissimum porro Nobis fuit testimonium tuum de illorum obedientia apostolicis iis litteris praestita qui socii in illo ordine erant, quos cum in aula muneribusque retinere constitueris, minime dubitamus quin suam illi vivendi agendique rationem ad illius nostri Brevis normam accuratissime exacturi sint, neque quidquam praeterituri eorum omnium quae Nos ibidem maturo consilio constituta mandavimus. Aliter enim indignos plane judicares qui tua gratia, tuo patrocinio fruerentur. Quod vero petis, ut confessarium tuum, qui ex illo ordine fuit, in vicariatus apostolici per Saxoniae electoratum munere confirmemus, persuasum tibi primum hoc sit: vehementer cupimus maximam esse nostrae ad tibi in omnibus gratificandum voluntatis inclinationem; sed cum iste vicariatus Nobis ignotus fuerit, neque quidquam de eo sit hactenus usquam repertum, etsi plurima adhibita esset in quaerendo diligentia iis in locis ex quibus solemni forma ac ratione emanare debuit, resque hujusmodi gravissimi momenti ac maximae consultationis sit, ne quid forte inducatur novi, receptusque sacrarum rerum status atque ordo perturbetur, patere, dilectissime in Christo fili noster, ut quantum necesse est spatii ad deliberandum Nobis sumamus ac quod in Domino videbitur decernendum. Haec ad te eum in modum rescribenda duximus, ut par erat a Nobis qui tua sapientia ac eximio in

sanctam hanc Sedem studio maxime freti sumus, quique de virtute tua parem habemus fiduciam summae illi paternae benevolentiae, in cujus pignus apostolicam benedictionem tibi, dilectissime in Christo fili noster, tuaeque electorali domui amantissime impertimur. *Datum Romae, etc., die 22 januarii 1774, pontificatus nostri anno quinto.*

CCLV.

DILECTO FILIO NOBILI VIRO

LUDOVICO EUGENIO DUCI WURTEMBERGENSI,

CLEMENS PAPA XIV.

Romae, 26 januarii 1774.

Dilecte, etc. Plurimam voluptatem ex tuis litteris cepimus, quibus nostrum de tua virtute jam pridem praeceptum iudicium mirifice confirmasti. Intelleximus enim te maximo religionis studio teneri, Ecclesiae rebus majorem in modum affici, ejusdem adversis angi, laetari secundis, et nihil magis cupere quam ne quid saluti animarum obsistat, neque divinae gloriae hominum adversetur perversitas. Cum ite animo comparatus sis, nullum esse dubium Nobis potest quin tuis ad Deum deprecationibus assidue contendas, ut in populos omnes optima cum sentiendi, tum egendi inducatur ratio ut cuncti in unam fidem, quaeque ex fide est pietatem consentiant, ut pastorum erga commissas sibi oves ubique constet zelus, sedulitas ac vigilantia, oves ipsae invicem pastoribus suis morigerae sint, iisque debitum cultum ac obedientiam deferant. In hujusmodi precibus tuis certi profecto sumus plurimum habere Nos locum, proque gravissimo quod gerimus munere paria Nobis caelestis gratiae implorari subsidia, nostramque imbecillitatem pro virili tua parte adjuveri. Nos quidem quantum labore, consilio, auctoritate valemus, connitimur profecto ut incolumes vel retineamus, vel constituamus creditae Nobis Ecclesiae rationes. Sed quid in infirmitate nostra possumus? poterimus tamen omnia in Eo a quo confortari confidimus, ad quem supplices confugimus, quem enixe flagitamus ut sedium suarum essitricem det Nobis sapientiam, quae Nobiscum sit et Nobiscum laboret. Cum te itaque summo in Nos

studio esse videamus, incredibilem in modum laetamur et nostra simul et tua causa: dum tu enim egregias praestas in Nos filii partes, proficere Nos inde maxime in summa hac gravissimarum rerum procuracione speramus. Quod scribis de egregia venerabilis fratris Venceslai archiepiscopi Trevirensis virtute, jam pridem ex perspecta Nobis illius indole agnovimus quale in eo columnen Ecclesiae futurum esset, ac nunc plurimas molestias nostras jucundissima illius pietatis ac omnigenae laudis cogitatione pensamus. Quod reliquum est, dilecte fili nobilis vir, vehementer cupimus locum Nobis dari summam tibi benevolentiam nostram reipsa comprobandi, eamque paternam caritatem qua te in Domino complectimur, tibi que veram a Deo felicitatem omnem caelestiumque munerum cumulum precamur; atque in hujus eximiae nostrae in te voluntatis pignus apostolicam benedictionem tibi, dilecte fili nobilis vir, universaeque familiae tuae peramanter impertimur. *Datum Romae, apud Sanctam Mariam Majorem, sub annulo Piscatoris, die 26 januarii 1774, pontificatus nostri anno quinto.*

CCLVL

VENERABILI PATRI

EMMERICO JOSEPHO ARCHIEPISCOPO MOGUNTINO,

S. R. I. PRINCIPI ELECTORI,

CLEMENS PAPA XIV.

Romae, 5 februarii 1774.

Venerabilis, etc. Pergratae Nobis fuerunt fraternitatis tuae litterae die XXI praeteriti mensis octobris datae, quibus quod tuum esset in Nos atque in sanctam hanc Sedem studium singularem in modum comprobasti. Ac a Nobis quidem responsum, venerabilis frater, quale maxime velles, statim tulisses, ac quantum essemus tui ejus officii memores, tibi que propterea obstricti, luculenta amoris in te nostri significatione jam tum testati fuissimus; sed cum adnexum iisdem tuis litteris folium plurimum, ut par erat, Nobis et molestiam et in auctorem inquirendi curam attulisset, aliquantulum spatii sumendum duximus ut, cum certum aliquid exploratumque de auctore deprehenderemus, minus

perturbato animo gratissimam tibi nostram voluntatem deferremus. Tandem cum eo res adducta jam sit, ut affirmare prope certo possimus quis conficiendo illi folio operam navavit, plurimas habere Nos tibi ob tuum ejusmodi in Nos collatum officium gratias, atque ad pristinum nostrum erga te. animum maximam hoc potissimum nomine pontificiæ caritatis accessionem factam esse perspicue profitemur. Quod dum prolixè facimus, tua nunc tam perspecta in Nos pietate confisi, quanto possumus paterni animi ardore fraternitatem tuam in Domino hortamur et obsecramus, ut animi tui fortitudinem illamque agendi vim quæ tuæ maxime amplitudini convenit magis magisque excites atque intendas ad Ecclesiæ pacem unitatemque tuendam, desque operam pro virili tua parte ut Ecclesiæ mandatis omnes obtemperent, quosque ejusdem mansuetudo ac lenitas non flectit, ipsa tandem compescat et ad obsequium revocet auctoritas. Id equidem Nobis certissime pollicemur de virtute atque animi tui magnitudine, deque ea qua in Petri cathedram animatus es voluntate, cujus egregia teque digna jam Nos habere indicia ac pignora summa cum voluptate agnoscimus. Hac profecto ratione et præclarissimam tibi laudem atque amplissimam gloriam comparaveris, et incredibilem in modum cumulaveris eximiam qua te prosequimur pari cum existimatione conjunctam caritatem. In cujus uberius argumentum apostolicam benedictionem tibi, venerabilis frater, tuæque fidei commissis populis peramanter impartimur. *Datum Romæ, etc., die 5 february 1774, pontificatus nostri anno quinto.*

CCLVII.

VENERABILI FRATRI

JOSEPHO ARCHIEPISCOPO BERYTENSÍ,

AD CARISSIMUM IN CHRISTO FILIUM NOSTRUM

STANISLAUM AUGUSTUM POLONIÆ REGEM ILLUSTRÈM

NOSTRO ET SEDIS APOSTOLICÆ NUNTIO,

CLEMENS PAPA XIV.

Romæ, 3 martii 1774.

Venerabilis, etc. Cum inter curas ac sollicitudines quibus carissimus in Christo filius noster Stanislaus Augustus Poloniæ

rex illustris, nec non inclytæ reipublicæ ordines ad rectam juventutis institutionem animum intendunt, ea præcipua sit ut non modo scholæ hactenus existentes novis adjumentis fulciantur, verum etiam ad majorem publicæ rei utilitatem latius propagentur, ex parte ejusdem Stanislai Augusti regis et Octovirorum juventuti instituendæ supplicatum Nobis fuit, ut nostra etiam auctoritate salutaria hujusmodi consilia tueri, iisque ex parte nostra opem ac manum adjutricem porrigere dignæmur. Nos, quibus nihil potius est quam cum civili etiam religiosam et catholicam juventutis institutionem ubique terrarum promovere, ut Christi fideles quo magis religiosi ac civicis officiis instructi, eo etiam utiliorem tum Ecclesiæ, tum reipublicæ reddantur, positionibus super hoc Nobis porrectis benigne inclinati, fraternitati tuæ tuisque in officio isto successoribus pro tempore existentibus nostris nostrorumque successorum et apostolicæ Sedis astantiis committimus et mandamus, ut omnes et singulos religiosos ordinum regularium professores, quos ad munus instituendi pietate ac litteris juventutem idoneos et aptiores repereris et judicaveris (habito prius cum superioribus eorum provincialibus consilio), dispenses imo inducas ut scholarum, quibus Octoviri prædicti eos præficere intendant, curam suscipiant, eaque diligenter ac religiose regant; previsto tamen ne religiosi prædicti ad munus docendi in scholis publicis evocati extra claustrum sui respective ordinis vel alterius, si proprii-instituti non adsit, commorentur, neve propter novum munus ab ipsis susceptum a debita erga superiores locales vel provinciales obedientia, consuetisque ac debitis regularis observantiæ exercitiis (nisi in aliquo eos expresse et in scriptis juxta prudentiam tuam dispensaveris) subtrahantur. Quod si in aliquo conventu ac monasterio scholas ipsas aperiri contingeret, volumus et expresse mandamus ut diligenter præcaveas quatenus scholæ a claustro sint separatæ, vel, si aliter fieri nequeat, saltem ita congrue instituantur, ut per transitum et intromissionem scholarium intra æpta quies et observantia regularis turbari nulla ratione possint. Iis autem religiosis qui præfata munera suscipient, distincte etiam virtute sanctæ obedientiæ præcipias, ut scholares suos non modo in litteris instruant, sed etiam pietatis ac religionis principiis sedulo et assidue imbuant, ita ut pluries in hebdomada christianæ catecheseos rudimenta pro capto cujuscumque eis tradant, sacrosanctæ Missæ sacrificio quotidie, si fieri potest, eos assistere faciant, ac festivis diebus eos in unum congregent, ut fusiori verbi Dei explicatione, sacramentorum perceptione,

devotarum precum, vel psalmodiae, aut officii de beata Virgine Maria recitatione, aliisque pietatis actibus et incitamentis festivum diem, prout decet, transigant, sicque in christiana pietate exercitationes et instructiones evadant. Si autem contingeret ut ubi nullum religiosorum claustrum existit, aliqua schola instituere-
tur, ac necessaria alicujus religiosi viri opera videretur, licet summe eritendum sit ne ullo unquam tempore vel loco regulares a proprio claustro avellantur, attamen succurrendo praesentibus regni ac populi istius necessitatibus, quoties nullus alius inveniri possit qui scholarum regimen assumere valeat, non renuimus quin hujusmodi etiam scholis aliquem religiosum virum praefici permittas, dummodo raro ac nonnisi in casu praecisae necessitatis hac nostra facultate utaris, eamque ad tempus tibi benevisam concedas, renovandam deinde si eadem necessitas duraverit; ac demum omnino provideas ne religiosi praedicti alibi quam in domo parochi loci commorari ac degere possint. Caeterum, quandoquidem regis ac Octovirorum praelatorum sollicitudo non modo ad puerorum instructionem incumbit, sed miserabilium puellarum praecipue nobilium in pietate, bonis artibus ac manuum laboribus juxta earum conditionem opportunis ac necessariis institutionem promovere laudabiliter intendit, hac etiam in parte eorum precibus indulgemus; et monasteria monialium, etiam apostolicae Sedi immediate subjecta, quae numero personarum et congrua dote seu fundatione, commodisque aedibus magis praestant, huic piae institutioni addicimus, decernentes ut puellae praedictae in earum claustris recipi debeant, in quibus diligenter ac religiose instituantur, ibique servata clausurae lege commorentur, donec statum vel religiosum vel conjugalem amplecti voluerint: hoc tamen cauto, quod si ad saecularia vota transire instituant, antequam desponsentur, a monasterio dimittantur. Ut autem in monasteriis ipsis regularis disciplina exacte servetur, et piorum fundatorum mentis satisfiat, decernimus ac praecavimus ne, propter puellarum praedictarum admissionem, monialium professorum et choralium numerus ultra duodenarium diminuat; adeo ut duodecim saltem moniales professae in iis continuo ac perpetuo commorari, ac religiosae vitae onera, nec non debita chori et ecclesiarum suarum servitia congrue supportare debeant et valeant. Quocirca venerabilibus fratribus episcopis in regno Poloniae et magno ducatu Lithuaniae constitutis nomino nostro committas, ut, pensatis singulorum monasteriorum suarum respective dioecesium facultatibus ac necessitatibus, accitis etiam eorundem monasteriorum

immediatis superioribus, ac de eorum consilio et consensu, si quae monasteria repererint quae possint puellas aliquas (ab Octoviris designandas, ipsisque ordinariis quoad paupertatem, vitam et honestatem approbandas), absque familiae religiosae actu ibi existentis incommodo vel detrimento, caritative et gratis recipere, ipsi pro arbitrio et prudentia sua eas in hujusmodi monasteria recipi et admitti omnino faciant; decedentibusque ultra duodenarium numerum monialibus in earum locam totidem alias puellas (similiter ut supra ab Octoviris designandas et ab ipsis ordinariis approbandas) substituunt ac sufficiant; ita quod tot ibi puellae fere commorentur quod, deductis oneribus ecclesiae et monasterii, nec non congrua duodecim saltem monialium praedictarum sustentatione, poterunt ex annuis redditibus et proventibus ali et sustentari. Quod si deinde monasteria ipsa aliquid paterentur in fundis, aedificiis vel redditibus evidens detrimentum, nec possent amplius una cum religiosa familia omnes ibi constitutas alimentarias puellas sustentare, provideatur per ipsos ordinarios antea omnia religiosae ejusdem familiae sustentationi ac necessariis ministeriis: proindeque tot puellae deinceps admittantur ac substituantur, quot, deductis religiosae familiae, nec non ecclesiae ac monasterii necessitatibus, poterunt ex reliquis redditibus ali ac sustentari. Si vero aliqua honesta virgo vel vidua ad instructionem puellarum necessaria videretur, et ab ordinario loci expresse approbaretur, eam quoque inter puellarum alimentariarum numerum recenseri et admitti posse non renuimus. Non obstantibus apostolicis caeterisque contrariis quibuscumque. *Datum Romae, apud Sanctam Mariam Majorem, sub annulo Piscatoris, die 3 martii 1774, pontificatus nostri anno quinto.*

« A. CARD. NIGRONUS.

CCLXVIII.

CARISSIMÆ IN CHRISTO FILIÆ NOSTRÆ

MARIÆ THERESIÆ HUNGARIÆ REGINÆ APOSTOLICÆ

NECNON BOHEMIÆ REGINÆ ILLUSTRI,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romæ, 5 martii 1774.

Carissima, etc. Reddidit Nobis litteras apostolicæ Majestatis Tuæ dilectus filius noster Alexander S. R. E. cardinalis Albanus, quæque in iis continentur, ipse est etiam summo, quo in tuas esse res solet, studio prosecutus. Ac primum, ut antea per dilectum filium nostrum cardinalem Vicecomitem certiores Nos feceras, ita nunc per litteras significas Nobis, carissima in Christo filia nostra, potitam te esse nonnullis Poloniae provinciis, quas ille rex et respublica tibi atque augustæ tuæ domui cesserunt. Pergratum Nobis fuit officium hoc tuum, Deumque O. M. precamur ut id felix fortunatumque Majestati Tuæ esse velit. Certo confidimus rata fore vota hæc nostra, cum pro pietate Nos tua facile intelligamus in novis provinciis tuis minime unquam defutura esse omnia praesidia iis quorum curae ac vigilantiae spirituales ecclesiasticae res sunt creditae. Quam eximia, quam ampla hujusmodi nostri de te animi sit inductio. ex summo etiam nostro studio cognoscere potuisti, quod eidem cardinali Vicecomiti ad te nostro nomine deferendum mandavimus, ut a qua unice sunt expectanda pro religione subsidia, eadem a te constarent ac parata essent hoc tempore, quo maxime necessaria esse videmus. Sed do his ipse cardinalis coram tecum, ut rei gravitas postulat, iterum pluribus aget. Nos etsi omino tibi persuasum esse optemus paternum animum nostrum rebus tuis omnibus tuæque domus felicitate singulariter affici, tamen minime nunc opus esse judicamus uberiori sensus hos nostros significatione comprobare, cum abunde tibi eosdem saepe antea declaraverimus, nec minus opera etiam nostre, cum opus fuit, quam votis consilia tua omnia prosecuti simus quæ ad tuorum populorum utilitatem ac Dei ipsius gloriam erant conversa. Eodem nunc plane animo exceperimus quod deinceps in tuis litteris a

Nobis postulas; atque idcirco statim tam ipsi cardinali Vicecomiti quam nostro in Polonia nuntio mandamus, ut quae multa interest Nos scire accurate exquirant omnia ad Nosque perscribant, quibus nimirum uti in nostra de tanta re deliberatione, opportunioraque consilia capere valeamus. Quae tum fieri a Nobis oportere in Domino videbuntur communicaturi tecum sumus, teque nobiscum conveniente, ut confidimus, decreturi. Ac in singularis paternae caritatis pignus apostolicam benedictionem augustae Majestati Tuae amantissime impertimur. *Datum Romae, apud Sanctam Mariam Majorem, sub annulo Piscatoris, die 5 martii 1774, pontificatus nostri anno quinto.*

CCLIX.

DILECTO FILIO NOSTRO

FRANCISCO JOACHIMO

TITULI S. SILVESTRI IN CAPITE PRESBYTERO,

S. R. E. CARDINALI DE BERNIS, ARCHIEPISCOPO ALBIGENSI,

CLEMENS PAPA XIV.

Romae, 9 martii 1774.

Dilecte, etc. Optime cognitae tibi sunt maximae gravissimaeque rationes quibus inducti fuimus ut ordinem societatis Jesu per apostolicas in forma Brevis litteras die XXI julii anni proxime praeteriti datas aboleremus. Nimirum hunc in modum pacem et concordiam in Ecclesia evocare et constituere volebamus: quod assiduis carissimorum in Christo filiorum, ac praesertim Christianissimi Regis postulationibus a Nobis fuerat, ut praeclare nosti, diu multumque flagitatum. Itaque haec ad te scribimus, dilecte fili noster, non tam ut nostram in illo judicio tanta consili ac temporis maturitate a Nobis suscepto constantiam (minime enim est necesse) confirmemus, quam ut tuam egregiam operam Nobis adjungamus, quod illud idem judicium nostrum magis in dies stabile, ratum ac firmum praestemus. Quae abs te cupimus perlibenti animo facturum te omnino confidimus; cumque et S. R. E. cardinalis et archiepiscopi personam et regii apud Nos administri summa cum laude sustineas, plurimum

apud te valituram videmus, et hujus sanctae Sedis auctoritatem et episcopalis muneris gravitatem et regis ipsius voluntatem. Nobis igitur pergratum facies, unaque has tot nominibus impositas tibi partes rite perages, si dabis operam ut et carissimo in Christo filio nostro Ludovico regi christianissimo luculenter declares quam fixa et constans nostra sit in consilio semel into sententia, et venerabilibus etiam fratribus episcopis collegis in Gallia tuis quae mens nostra fuerit in iis omnibus per apostolicum breve decernendis palam facias, ac praesertim significes quantopere optemus, ut quae Nos pro Ecclesiae utilitate sanximus atque executi sumus, iisdem omnes accurate summaque Nobiscum consensione inhaereant atque insistant. Proinde nostro etiam nomine ab illis contendes ne quid in suis dioecesibus fieri et constitui sinant, quod non omnino sit nostris apostolicis litteris consentaneum. Neque Nos quidem cum haec scribimus, de eorum vel sapientia vel in hanc sanctam Sedem observantia quidpiam dubitamus, aut ullo modo dissidimus aequos sponte Nobis ac obsequentes futuros esse, quos antea Regi in simili causa morigeros fuisse non ignoramus. Sed in eam haec partem accipi volumus, ut a rebus quas sedulo diligenterque scrvari cupimus, omnem quibuscumque interpretationibus et quae afferri videntur posse causis locum adimamus: Quae ut causae facilius etiam praecidi valeant, majorem in modum hortamur, venerabiles fratres, ut alios quos habent in dioecesi sua sacerdotes tam e regulari quam saeculari clero, sibi adjutores in curanda animarum salute et vinea Domini excolenda operarios asciscant: ita enim ipsa apostolici ministerii exercitatione paulatim instructiores et ad spiritualem militiam aptiores illi omnes accedent, et suas episcopis copias pro gregis cura et custodia abunde postmodum suppeditare poterunt. Haec omnia cum pro tua singulari prudentia ac rerum usu, dilecte fili noster, optime intelligas, minime dubitamus quin eam teneas in agendo viam quae voluntati huic nostrae accommodatior esse possit. Illud certissime tua ejusmodi opera, diligentia, consilio consequeris, ut et praeclarum hoc ad caetera adjunxeris tui erga regem ipsum obsequii testimonium, et nostrum de tua virtute ac nobiscum conjunctione iudicium mirifice comproba-veris. Ac in uberius pontificiae caritatis pignus apostolicam benedictionem tibi, dilectissime fili noster, peramanter impertimur. *Datum Romae, apud Sanctam Mariam Majorem, sub annulo Piscatoris, die 9 martii 1774, pontificatus nostri anno quinto.*

CCLX.

DILECTISSIMO IN CHRISTO FILIO NOSTRO
MAXIMILIANO JOSEPHO,
BAVARIE DUCI, S. R. I. PRINCIPI ELECTORI,
CLEMENS PAPA XIV.

Romae, 23 martii 1774.

Dilectissime, etc. Accepimus ad Nos tuo nomine delata undecim monumentorum electoratus tui volumina. Quod munus etsi valdo suo pretio commendetur, Nobisque idcirco peracceptum sit, tamen eo jucundius accidit quod clarissimum praeseferat tuae in Nos praeclarae pietatis testimonium. Quanto enim major est animi nostri ad te diligendum omnibusque paternae caritatis officiis prosequendum inductio, tanto magis per tua in Nos merita confirmari eandem atque augeri gaudemus. Plurimas atque tibi, dilectissime in Christo fili noster, idcirco habere gratias profitemur, eaque volumina spondemus apud nos fore tamquam perennia non magis electoratus tui, quam munificentissimae tuae in Nos voluntatis monumenta. Quae tua perspectissima Nobis voluntas facit ut tibi majorem in modum commendemus dilectum filium Henricum Braun, cujus ad Nos delatum supplicum precum libellum hisce nostris conjungimus. Ex eo cognosces quam bene de Nobis meritus ille sit, quamque jure cupiamus, ut nostra de ipso studia velis tua in illum gratia ac beneficentia prosequi. Quod igitur illi tua benignitate praestiteris, id Nos factum a te esse nostra causa existimabimus. Ac in singularis nostrae caritatis argumentum apostolicam benedictionem tibi, dilectissime in Christo fili noster, tuaeque universae electorali domui amantissime impertimur. *Datum Romae, apud Sanctam Mariam Majorem, sub annulo Piscatoris, die 23 martii 1774, pontificatus nostri anno quinto.*

CCLXI.

DILECTISSIMO IN CHRISTO FILIO NOSTRO

MAXIMILIANO JOSEPHO,

BAVARIÆ DUCI, S. R. I. PRINCIPI ELECTORI,

CLEMENS PAPA XIV.

Romae, 24 martii 1774.

Dilectissime, etc. Quae semper Nobis cognita ac perspecta fuit, nunc mirifice comprobatur pietas in Deum tua, dilectissime in Christo fili noster, dum gratias agis Nobis ob tuam electoralem s. Michaelis archangeli ecclesiam eo indulgentiarum thesauro participem factam, quo haec nostra patriarchalis Lateranensis basilica exornatur. Nihil regia tua in subjectos tibi populos caritate dignius, quam ea ipsis ex religione comparare praesidia, quibus plurima animarum utilitas ac expeditior aeternae consequendae salutis ratio continetur. Quapropter gratulamur Nos tibi, tuasque hujusmodi egregias cogitationes et curas summis extollimus laudibus, Deumque O. M. precamur ut inde cumulatissimi in te ipsum praecipue, tuamque omnem electoralem domum, coelestis gratiae fructus exuberent. Votis hisce nostris divinorum beneficiorum auspicem adjungimus apostolicam benedictionem, quam tibi, dilectissime in Christo fili noster, intimo cordis nostri sensu amantissime impertimur. *Datum Romae, apud Sanctam Mariam Majorem, sub annulo Piscatoris, die 24 martii 1774, pontificatus nostri anno quinto.*

CCLXII.

VENERABILI FRATRI

IGNATIO EPISCOPO VILNENSI,

CLEMENS PAPA XIV.

Romae, 10 aprilis 1774.

Venerabilis, etc. Pergratae Nobis fuerunt, venerabilis frater, litterae tuae, quibus post plurimas laudes dilecto filio Stanislao

Siestreczenzewicz cathedralis ecclesiae tuae canonico tributas ob praeclaram operam in dioecesi tua te absente navatam, a Nobis postulasti ut eodem canonico ad episcopatus gradum evecto, majora illi spatia exercendae virtutis, tuique in apostolico ministerio adjuvandi patefaceremus. Nihil enim Nobis jucundius accidere potest, quam ut apostolicae Sedis beneficiis ac praemiis eum augeamus quem tuo gravissimo iudicio ac commendatione ornatum isdem dignissimum ducimus, tibiue una gratificemur, quem de Ecclesia atque adeo de Nobis ipsis tam praeclare meritum esse scimus. Allatum enim ad Nos est quae tua fuerit pro fidei integritate tuenda, quam strenua atque egregia opera; et venerabilis frater Josephus archiepiscopus Beryli ordinarius noster in Polonia nuncius, dum hunc ipsum canonicum Siestreczenzewicz Nobis commendaret, suasque etiam laudes tuis de illo praeconiis adjungeret, luculenter Nobis de tuo singulari in religionem studio tuisque egregiis factis perscripsit, ut quantum tibi debeamus et sperare deinceps de pastoralis tua solitudine possimus, Nobis sit persuasissimum. Itaque magnopere gaudemus grati nostri tibi declarandi animi opportunitatem Nobis dari in episcopali dignitate canonico Siestreczenzewicz conferenda, quod quidem libentissime Nos facturos proitemur. Illum enim cum in eo gradu crit a Nobis constitutus, et tuo exemplo mirifice excitatum iri, et te hujus subsidii accessione in vinea Domini excolenda paratorem futurum arbitramur. Interim te praeclare de Nobis mereri perrecturum, et quae praesentiora religionis incolunitati praesidia afferri a te, venerabilis frater, possunt, ea potissimum hoc tempore te praestitarum confidimus. Cum enim magno in metu simus ne quae molitiones in proximis regni vestri comitiis adversus divini cultus integritatem liant, te ad easdem omni conatu repellendas, quoad tua fieri poterit, adnixum, et nuncio nostro in id ipsum incumbenti adfuturum expectamus. Hanc egregiam operam apostolico tuo ministerio, tuoque domus Domini tuendo studio consentaneam eo enixius a te poscimus ac flagitamus, quo magis in avita Poloniae fidei sanctitate retinenda veram ac solidam illius utilitatem ac aeternam animarum salutem contineri agnoscimus. Deum O. M. precamur, ut suae gratiae auxilio eximiam hanc tuam in defendendo divino cultu voluntatem muniat et confirmet; ac caelestium beneficiorum auspicem et nostrae singularis in te caritatis testem apostolicam benedictionem tibi, venerabilis frater, tuoque universo gregi peramanter impertimur. *Datum Romae, etc., die 10 aprilis 1774, pontificatus nostri anno quinto.*

CCLXIII.

DILECTISSIMO IN CHRISTO FILIO NOSTRO

FRIDERICO AUGUSTO,

SAXONÆ DUCI, S. R. I. PRINCIPI ELECTORI,

CLEMENS PAPA XIV.

Romæ, 16 aprilis 1774.

Dilectissime, etc. Detulit Nobis tuo nomine dilectus filius consiliarius Joannes Ludovicus Bianconus eximium et regionem plane ac singulari opere ex porcellana confectum munus, idemque tuis verbis amoris in nos ac pietatis plenissimis est cumulatisime prosecutus. Excepimus id Nos quidem pari tam egregiæ munificentiae tuæ voluntate, ac majorem in modum adjuncto pretiosae illi materiae artificio, usuque praeterea ad quem omnia elaborata sunt, ac ipsa imaginum quibus maxime afficimur specie sumus delectati. Sed jucundissimum prae caeteris fuit hujusmodi animi in Nos tui, dilectissime in Christo fili noster, testimonium: quem enim ob praeclarissimas tantaeque domus splendore consentaneas virtutes, praesertim vero ob religionis pietatisque studia maximi semper fecimus ac intima paterna caritate complexi sumus, ab eodem cum intueremur novas ultro ac tam illustres afferri confirmandi atque amplificandi amoris nostri causas, incredibile quemdam summae voluptatis sensum percepimus. Itaque immortales tibi gratias idcirco et referre Nos et habere proferimus, omnibusque gratae voluntatis officiis, quantum maxime possumus, amplissime respondemus. Adjunxeris profecto tam eximiae tuæ in nos pietatis cumulum, si quod assequi satis verbis non possumus, id de Nobis tibi metipsi certissime persuaseris. Et si sensus hos nostros idem Bianconus, qui adfuit ac perspexit, ad te diligentissime pro sua fide perscripturus est, volumus tamen Nos ipsi tecum per litteras peragere has partes; quas ut cumulatiores tibi quoque gratiores faciamus, Deum O. M. enixe precamur ut coelestibus beneficiis perpetuo ratam ipse faxit apostolicam benedictionem, quam tibi, dilectissime in Christo fili noster, tuaeque electorali domui, intimo paterni cordis affectu amantissime impertimur. *Datum Romæ, apud Sanctam Mariam Majorem, sub annulo Piscatoris, die 16 aprilis 1774, pontificatus nostri anno quinto.*

CCLXIV.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

'ALLOCUTIO

HABITA IN CONSISTORIO SECRETO DIE XVIII APRILIS MDCCLXXIV.

Venerabiles fratres. Antequam christifidelibus universis rite indiceremus appropinquantis jam anni sancti jubilaenm, quem ex Ecclesiae instituto ac more majorum, si vita divino beneficio Nobis suppetet, celebraturi sumus, consilium hoc nostrum vobis, venerabiles fratres, palam facere voluimus, ut ea quae parari prius expediriq̃ oporteat ad majorem ejus temporis sanctitatem promovendam una vobiscum curas cogitationesque nostras converteremus. Ac Nos quidem primum omnium opportune providendam duximus, ut in publicis reficiendis ac muniendis viis quaecumque ad commeandi commodum ac securitatem spectarent diligenter fierent, neque quidquam esset quod peregre huc advenientium pietatem retardaret. Porro cum intelligamus quantopere ad hominum animos ad sanctitatem excitandos externa etiam religionis, species ac dignitas valeat, arbitrati sumus esse accurato exquirendum qui sit praecipuarum urbis ecclesiarum status, ut si qua instauranda ac reficienda in iis essent, apte ac tempestive curari juberemus. Sed magnae profecto jucunditati Nobis fuit, cum quam plurima templa praedecessorum nostrorum, ac praesertim s. m. Benedicti papae XIV, liberalitate peregre exornata adhuc retinere pristinum ab iis allatum splendorem cognovimus. Verumtamen, cum vaticana sanctorum Petri et Pauli basilica pro sua ipsius magnitudine ac praestantia assiduam restaurandi diligentiam postulet, et propterea una omnium maxime curas nostras ad se revocet, jam pridem operam dedimus ut quidquid in illa obscuratum esset, aut temporis diuturnitate corruptum, restitueretur, et recentes etiam atque illustriores ornatus inducerentur. Aliud etiam cogitationes nostras suo jure quodammodo efflagitat, nimirum sanctorum XII Apostolorum templum, cui et ob pristinae nostrae vitae institutiq̃ rationes et ob ejusdem titulum in cardinalatu a Nobis gestum obstricti ac propensi plurimum sumus. Proinde Vobis significamus illud etiam ornatum atque adductum iri ad eam speciem, quae et hujus urbis

amplitudini et temporis sanctitati conveniat. Quibus templis hanc in modum instruendis, dum Nos, venerabiles fratres, distinemur, ad caeteras urbis ecclesias quod attinet, earum plerasque eximiae vestrae sollicitudini ac pietati commendamus. Cum multae vobis vel in titulum vel in patrocinium sint traditae, vehementer cupimus vosque in Domino hortamur ut palam omnibus fieri velitis quantam sedulitatem in hac muneris vestri parte collocetis. Magnopere speramus fore ut hac praeclara ac mntua nostra de rerum sacrarum apparatu contentione ceteros omnes etiam ad quos templorum, nosocomiorum atque hospitiorum cura pertinet ad ejusdem studii imitationes excitemus. Quod ut certius assequamur, nostro apostolicae visitationis secretario mandavimus ut alias omnes obeat ac perlustret ecclesias, Nobisque accurate referat si quid in iis comperiat quod loci sanctitati minime sit consentaneum, quodque operam nostram vel auctoritatem desideret. Sed cum haec externa quae in sensus atque oculos incurrunt, ac quodammodo ad interiora virtutum praesidia facilius conquirenda ducunt, diligenter provisa fuerint, tum ad ea quae praecipua sunt, nimirum ad ipsam animarum aedificationem et intima spiritus ornamenta comparanda, in quo divini cultus ac religionis vires et natura continetur, gradum faciemus. Quae consilia dum versamus animo, ac rationes omnes quibus id aptius obtineri a Nobis possit consecramur, omnipotentem Deum enixe obsecramus ut suae coelestis gratiae subsidio illa omnia quae ad suam gloriam maxime conducant parati instructique una vobiscum aggre diamur.

CCLXV.

DILECTO FILIO NOBILI VIRO

DUCI DE AIGUILLON,

SECRETARIO STATUS REGIS CHRISTIANISSIMI,

CLEMENS PAPA XIV.

Romae, 20 aprilis 1774.

Dilecte, etc. Quod assidue Nobis versatur ante oculos perspectissimum atque excellens tuum in Nos ac sanctam hanc Sedem studium, hoc praesertim tempore quo de Avenionis et Beneventi

restitutione agebatur a te eximie declaratum, quod proinde grata semper tui commemoratione et commendatione prosequimur, inducit, dilecte fili nobilis vir, ut has ad te nunc demum litteras, quibus tua ejusmodi merita non solum a Nobis agnosci, sed et plurimas idcirco haberi tibi per Nos ac referri gratias testemur. Hoc a Nobis eum in modum praestari velimus existimes, ut una etiam tibi vehementer gratulemur de praeclaro tuo in religionem atque in Ecclesiam animo, de optimis plenisque aequitatis, fidei ac sapientiae consiliis atque actionibus tuis, quibus tuum ministerium et illustrissimo regi, quod maximi interest, acceptissimum, et exteris etiam omnibus spectatissimum reddis: valde cupimus aliquam Nobis opportunitatem dari, ut qui ad hoc judicium de te nostrum accedat paternae singularis benevolentiae cumulus, reipsa tibi confirmemus; ac interim apostolicam benedictionem tibi, dilecto fili nobilis vir, iutimo gratissimae voluntatis sensu peramanter impertimur. *Datum Romae, apud Sanctam Mariam Majorem, sub annulo Piscatoris, die 20 aprilis 1774, pontificatus nostri anno quinto.*

CCLXVI.

CARISSIMO IN CHRISTO FILIO NOSTRO

LUDOVICO FRANCORUM REGI CHRISTIANISSIMO.

CLEMENS PAPA XIV.

Romae, 4 maii 1774.

Carissime, etc. Cum primum Avenionis et Comitatus Venaisini restituendi a regia Majestate Tua consilium fuit initum Nobisque tuo nomine delatum, gratissimum nostrum animum tibi, ut debuimus, et datis ad te litteris et publicis etiam significationibus declaravimus. Nunc vero eximia a te constituta cum praeclare item atque ex regia animi tui magnitudine ac religione perfeceris, veteri illa Ecclesiae possessione sanctae huius Sedi jam reddita, cumque eam praestantissimam actionem omnibus pietatis tuae nostrique amantissimae voluntatis testimoniis conjunxeris, iterum luculentissima ejusmodi officia tibi a Nobis deberi cognoscimus, atque eas propterea gratias et reddimus et habemus, ut neque majores neque summae caritatis vi ac sensu

ampliore referri unquam possint. Omne tempus pontificatus nostri fuisse profecto plurimis et maximis tuis, carissime in Christo fili noster, in Nos amoris, iudicii meritisque refertum agnoscimus, quæ nunc tamen omnia uno hoc pulcherrimo tuo facto amplexus es et cumulasti. Quare nihil Nobis optabilius ac jucundius esse potest, quam ut christianissimæ Majestati Tuæ reipsa probemus quibus officii, studii ac paternæ caritatis vinculis ipsi obstricti ac devincti simus. Illud quod maxime possumus tibi summopere præstabimus: Deum omnipotentem, prout facimus, assidue nimirum deprecabimur, ut quæ Majestati Tuæ debeamus, ipse tibi in glorioso ac prospero vitæ tuæ curso, in liberorum tuorum et regiae domus amplitudine, felicitate, diuturnitate referat. Quo firmiora sint hæc vota nostra, apostolicam benedictionem, coelestis gratiæ auspicem, tibi, carissime in Christo fili noster, tuæque universæ regiae familiæ amantissimo impertimur. *Datum Romæ, apud Sanctam Mariam Majorem, sub annulo Piscatoris, die 4 maii 1774, pontificatus nostri anno quinto.*

CCLXVII.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO

HABITA IN CONSISTORIO SECRETO DIE IX MAII MDCCLXXIV.

Venerabiles fratres. Cum jam instet sollemnis Ascensionis Domini dies, qua universis fidelibus apostolica voce anni sancti jubilæus est indicendus, præsto vobis esse volumus, venerabiles fratres, litterarum exempla quibus eosdem ad hanc maximam Ecclesiæ celebritatem evocamus. Qua cura perfuncti, extemplo dabimus operam ut viros in evangelico ministerio exercitatos deligamus, qui, divina gratia eorum conatus et consilia nostra adjuvante, in hac urbe populum ad poenitentiam agendam ac peccatorum remissionem percipiendam inflamment. Quaecumque præterea ad criminum expiationem, ad Dei justitiæ placandam, misericordiam ac indulgentiam obtinendam, animarum denique salutem comparandam magis idoneæ atque utiles rationes, præsidia ac facultates suppeditari a Nobis poterunt, eas omnes liben-

tissime uberrimeque conferemus. Interim una vobiscum omnipotentem Deum obsecrari non intermittemus, ut haec studia nostra pro illius augenda gloria et Ecclesiae aedificatione suscepta optatissimos exitus habeant, utque hoc tempore suam clementiam ac benignitatem in omnium sanctificatione maxime perspectam ac manifestam esse velit.

CCLXVIII.

DILECTO FILIO

FRANCISCO XIMENEZ DE TEXADA,

HOSPITALIS S. JOANNIS HYEROSOLIMITANI MAGNO MAGISTRO,

CLEMENS PAPA XIV.

Romae, 15 maii 1774.

Dilecte, etc. Quae nostra sit, quam proluxa atque eximia erga te tuumque inclitum ordinem voluntas, quae praestantium in rempublicam christianam meritorum existimatio, et quo idcirco studio incendamur ut ad egregia majorum vestrorum militari virtute pro religione parta decora, nova per vos fiat semper gloriae ac splendoris accessio, uberiori significatione testari tibi, dilecte fili, non possumus, qui praeclaram in praestantissimo ordine moderando, plenamque sedulitatis ac sapientiae das operam, quam si dono ad te mittamus ensem et pileum quos, dum natalitia D. N. Jesu Christi mysteria perageremus, solemnibus benedictionis ritu consecravimus, quosque romani pontifices praedecessores nostri ad magno saepe principes, qui summa animi fortitudine christianam rem propugnauerint, suo nomine deferre voluerunt. Exeipe itaque, electe fili, hoc a paterno plane animo profectum munus, ut vobis una et excellentium laudum praemium sit et augendorum in posterum meritorum incitamentum. In eo proposita vobis esse coelestis opis ac praesidii pignora existimate, quibus freta atque innixa Hyerosolimitanorum militum virtus in praeliandis Domini praeliis debellandisque nostrae fidei hostibus acrior multo evadat, seque ipsa major atque incitetior. Tum nostrae hinc singulari in vos benevolentiae pietatique praeclare satisfactum esse per vos putabimus, cum in dies ampliorem istius ordinis efflorescere gloriam ex praeclaris consiliis gestisque ve-

stris intuebimur. Sed hæc non tam hortandi vestri, quod minime necesse est, quam commendandi ornandique gratia dicimus; certique plane sumus tibi pro eximia tua in Nos ac sanctam hanc Sedem observantia gratissimum fore munus hoc nostrum, quod ad te deferet dilectus filius Hieronymus Bonanuius, utriusque signaturæ nostræ referendarius et sacrae Congregationis Rituum consultor, nostrisque verbis in deferendo amplissime, prout ipsi in mandatis dedimus, prosequetur. Eidem itaque volumus ut omnem adhibeas fidem in iis quæ de plurima nostra in te tuumque ordinem caritate studioque significabit, quod pro sua diligentia ac fide cumulatissime præstituram non dubitamus. Illum Nos ad hoc munus libenter cum ob clarissimi generis splendorem, tum ob suorum morum virtutumque præstantiam delegimus, minimeque ambigimus quin commendatissimus tibi futurus sit, quem acceptissimum Nobis esse profitemur. Atque idcirco cum eundem peculiari benevolentia excipies, præterquam quod de ornatissimo viro optime mereberis, nostram tibi maiorem in modum obstringes animam: nostra enim causa factum esse quod in ipsum pro tua humanitate feceris arbitrabitur. Volumus autem ut sacrum munus a moderno priore istius ecclesiæ conventualis s. Joannis Hierosolimitani peracta re divina de more tibi, dilecte fili, tradatur. Interim, omnipotentem Deum pro vestrae gloriæ ac virtutis amplificatione obsecrantes, apostolicam benedictionem in nberius etiam paternæ eximiaeque benevolentiae pignus tibi, dilecte fili, ac universo inclyto ordini peramanter impertimur. *Datum Romæ, apud Sanctam Mariam Majorem, sub annulo Piscatoris, die 15 maii 1774, pontificatus nostri anno quinto.*

CCLXIX.

CARISSIMÆ IN CHRISTO FILIÆ NOSTRÆ

MARIÆ THERESIÆ HUNGARIÆ REGINÆ APOSTOLICÆ,

NECNON BOHEMIÆ REGINÆ ILLUSTRÆ,

IN ROMANORUM IMPERATRICEM ELECTÆ VIDUÆ,

CLEMENS PAPA XIV.

Romæ, 21 maii 1774.

Carissima, etc. Singulari apostolicæ Majestatis Tuæ pietati ac religioni sunt omnino consentaneæ curæ et cogitationes quæ

sollicitam te habent atque anxiam de spiritualibus populorum tuorum subsidiis, et de commodiore expedienda via qua iidem a suis pastoribus accurate regi gubernarique possint. Praeclara hujusmodi tuae eximiae sollicitudinis indicia agnoscimus ex iis quae Nobis deferre voluisti de nimia episcopatus Pragensis et Olmucensis amplitudine, quaeque a Nobis promde postulasti de novis episcopatum sedibus erigendis, ut imminutis spatiis et vineae Domini cultoribus auctis ejusdem excolendae facilior ratio sit atque accommodatio, neque amplius a sui pastoris conspectu ob longinquitatem ipsam locorum, ut nunc necessario usuvenit, quamplurimi careant. Nos quidem haec egregia tua studia summojore commendamus, carissima in Christo filia nostra, et postulationes has tuas diligentissime expensuros profitemur, atque in deliberando pro rei gravitate omnem sedulitatem atque industriam, qua aeternae omnium populorum saluti satagere ex imposito Nobis munere debemus, adhibituros. Interim Nobis est gratissimum te pro regio tuo munificentissimoque animo paratissimam esse ad ea subsidia tribuenda ac praestanda, quae plurima certe propositi perficiendi ratio postulabit. Aequè Nobis pergrata fuit prudens atque opportuna a Majestate Tua cura suscepta ne ea fieri aegre ac gravate finitimi principes ferant. Verum ut Deo adjuvante stabiliri possint haec omnia, suoque tempore perfici illa animorum consensione, et juxta illam ecclesiasticae mansuetudinis et caritatis legem, quae in his consiliis capiendis requiritur, alias etiam a Majestate Tua suscipi atque adjungi oportere partes ducimus atque adeo cupimus; nimirum ut opera tua episcopus Ratisbonensis ejusque ecclesiae capitulum, alii item episcopi, quaeque insignia sunt capitula canonicorum quos proprius attingit, et quorum maxime interest praesens earum dioecesium status, aequo item ac libenti animo eas immutationes accipiant. Haec habuimus quae in praesentia ad te perscriberemus: caeterum Majestati Tuae persuasissimum esse volumus, nihil Nobis esse optatius quam, dum Dei gloriam potissimum consecramur, ut tuae una voluntati divini cultus studiosissimae satisficiamus, tuique nominis laudi ac populorum tuorum utilitati consulamus. Demum, in manifestius argumentum summæ pontificiae ac paternae caritatis, qua te tuamque augustam domum prosequimur, apostolicam benedictionem Majestati Tuae tuaeque universae regiae familiae amantissime impertimur. *Datum Romae, apud Sanctam Mariam Majorem, sub annulo Piscatoris, die 24 maii 1774, pontificatus nostri anno sexto.*

CCLXX.

DILECTIS FILIIS

PRÆTORI, SENATUI ET CONSILIO MAJORI,

CIVITATIS ET REIPUBLICÆ LUCERNENSIS,

CLEMENS PAPA XIV.

Romæ, 21 maii 1774.

Dilecti, etc. Minime mirari debetis, dilecti filii, quod litteris vestris dio XXIV præteriti septembris ad Nos datis respondere aliquamdiu distulerimus. Ea enim in illis postulabatis ob quæ expectandum Nobis erat, ut certiores antea redderemur executioni mandatas isthic fuisse nostras apostolicas litteras in quibus societatis Jesu ordinem justissimis permoti causis abolebamus; quod quidem apud vos effectum esse tardius quam in aliis catholici orbis partibus postmodum intelleximus. Nihilo tamen minus, petitionum vestrarum memores, facile tum paternum animum nostrum ad rescribendum induximus. Sed eæ litteræ ne redderentur, quidam ex vobis causam dedere, qui tum moliri aliquid visi sunt quo apostolicam auctoritatem Nobis immerentibus a Deo commissam declinarent. Cui porro recentiorum epistolam vestram die XXII aprilis datam accepissemus, in qua novum exhibetis ac maxime opportunum filialis in Nos devotionis et constantis in sanctam hanc Sodem observantiae vestrae testimonium, ac plurimam præfertis de paternæ nostræ voluntatis in vos propensione fiduciam, perlibenter atque ex animo per nostras hasce litteras respondemus, vobisque significamus, dilecti filii, curas cogitationesque nostras in eo nunc potissimum versari ut aliquo modo postulatis vestris satisfacere valeamus. Sed, quo id facilius consequi possimus, valde cupimus ut cum ad moderationem aliquam consilia illa vestra deduxeritis, rationem etiam excogitetis ad Nosque perscriptam transmittatis qua illa commode, pacate ac ex æquitate confici istic posse videantur. In qua tamen ineunda ratione id præcipue caveri a vobis debet, quod dilecto filio Severino Servantis nostris verbis coram referendum vobis exponendumque committimus. Illud præterea in ipsa perscribenda ratione considerandum a vobis erit, cum ea consilia cessura in communem sint reipublicæ vestrae, scilicet tum ecclesiasticorum cum laicorum utilitate, mi-

nime aequum videri ut in unam tantummodo partem ecclesiarum nimirum omne novum recidat atque incumbat onus. Haec habuimus quae in praesentia vobis rescriberemus, dilecti filii. Interim persuasum vobis esse volumus, nequaquam vobis defuturam esse apostolicam nostram sollicitudinem, quam in ea omnia intensam gerimus, quaecumque aequa, utilia ac salutaria esse in Domino judicamus. Ac, ut perspicuum de plurima nostra in vos paterna benevolentia pignus habeatis, apostolicam benedictionem vobis, dilecti filii, peramanter impertimur. *Datum Romae, apud Sanctam Mariam Majorem, sub annulo Piscatoris, die 21 maii 1774, pontificatus nostri anno sexto.*

CCLXXI.

CARISSIMO IN CHRISTO FILIO NOSTRO

LUDOVICO AUGUSTO

FRANCORUM REGI CHRISTIANISSIMO,

CLEMENS PAPA XIV.

Romae, 1 iunii 1774.

Carissime, etc. Si moeroris atque aegritudinis a Nobis praecipuae societas ac magnitudo mederi aliquo modo posset doloris acerbitati quam a regia Majestate Tua ex obitu amantissimi gloriosissimique regis avi tui susceptam esse scribis, magno profecto tibi solatio Nos esse posse existimaremus. Tantam enim doloris inde vim cepimus, quantam Nos quidem dicendo assequi minime possumus: sed tunc ipse optime intelliges ex summa tibi que perspectissima mutua nostra cum illo conjunctione, quem ob illius religionem ceterasque regias animi virtutes ac singularia in Ecclesiam, in Nos ac in hanc sanctam Sedem merita, hoc ipso tempore praesertim cumulata, et plurimi semper fecimus et incredibili paterni amoris pietate prosecuti sumus. Verum, ad compescendum luctum atque aegritudinem tuam illa potissimum cogitatio valebit quam nostro item leniendo dolori prodesse experimur, cum quo in religionem studio semper fuerit, perpendimus, cumque perspicua fuisse videmus divinae erga illum misericordiae indicia, quae praecipue supremo illo suae vitae actu sapientissimo sanctissimeque ex christiana pietate confecto extiterunt

illustria. Is etiam dolor, ne inanis sit, adhiberi et converti a Nobis opportune debet ad inflammandas cumulandasque nostras preces, quas Nos pro illius animae incolumitate ad divinam clementiam assidue fundimus, eumque in modum, quae possumus maxima quaeque debere profiteamur, gratissimae etiam voluntatis officia ipsi persolvimus. Ad nostri autem proprii moeroris ac molestiae partem amovendam illud prae caeteris accedit, quod praestantissimum regem non esse ereptum reputare possumus, qui talem in te Nobis reliquerit expressam, ut suae gloriae ac virtutis, ita eximii in Nos atque apostolicam hanc Sedem animi effigiem. Quamobrem eo uberiore solatio ac jucunditate afficimur, quo magis perspectas habemus regias tuas laudes, ex quibus Nobis summa ac praeclara futura in religionem, in Ecclesiam merita tua certissime pollicemur. Hac egregia spe tuique in Nos amoris significatione excitati, carissime in Christo fili noster, omnem illam in te traducimus paternam caritatem qua cum avo tuo conjuncti eramus, omnia studia, officia quae proficisci a Nobis possunt, nostram omnem de mutua in Nos pietate et conjunctione fiduciam in te collocamus. Gratissimae Nobis erunt res opportunitatesque omnes quibus mirificam hanc nostram in te voluntatem tibi reipsa declaremus. Nunc enim intelliges omnem nostram erga avum tuum benevolentiam nedom in te esse tractam, verum etiam, si fieri potest, auctam atque amplificatam. Demum, Deum O. M. obsecrantes ut tibi secundissimi rerum omnium cursus amplissimique regni administrandi successus, cum Ecclesiae ac religionis utilitate conjuncti, illius benignitate contingant, in caelestium beneficiorum auspiciis nostraeque summae caritatis pignus apostolicam benedictionem Majestati Tuae ac universae regiae domui tuae intimo paterni cordis sensu amantissime impertimur. *Datum Romae, apud Sanctam Mariam Majorum, sub annulo Piscatoris, die 4 junii 1774, pontificatus nostri anno sexto.*

CCLXXII.

CARISSIMÆ IN CHRISTO FILIÆ NOSTRÆ

MARIÆ ANTONIÆ

FRANCORUM REGINÆ CHRISTIANISSIMÆ,

CLEMENS PAPA XIV.

Romae, 1 junii 1774.

Carissima, etc. Quam Nobis nuncias doloris tui causam, carissima in Christo filia nostra, eandem ita partimur tecum, ut ex immensa nostra aegritudine, qui quantusque moeror sit tuus maxime percipiamus. Summa Nobis cum christianissimo rege Ludovico, quem extinctum lugemus, eximiae caritatis, studii, amoris omniumque officiorum consuetudo semper intercesserat; hoc ipso vero postremo tempore tanta ejusdem Nobiscum conjunctionis ac necessitudinis indicia extiterant, ut incredibilem in modum ejus pietate, religione, animi aequitate ac magnitudine alliceremur. Sed quo major est Nobis dolendi ratio, eo incitari magis debemus, ut assiduas fundamus pro ejus animae incolunitate preces, aeternumque exorem Judicem ut placabilis ipsi, suaeque in eum clementiae ac misericordiae sit memor. Ad Nos, quanta maxima animi sollicitudine possumus, assidue a Deo contendimus, ut nunquam, quae illi debemus, quaeque Nobis reliqua nunc jam sunt, persolvere hujusmodi munera intermittamus. Dum id ipsum Majestas Tua paribus permota pietatis causis peragit, valde cupimus atque hortamur, ut dolorem luctumque suum divina voluntate soletur, ejusque optima esse consilia omnia a Nobisque verenda atque adoranda ducat. Nos vero propriam aegritudinem nostram illa etiam cogitatione levamus, quod ut florentissimi regni successionem, ita quodammodo nostrae etiam paternae caritatis summaeque conjunctionis haereditatem transmissam esse videamus in carissimum in Christo filium nostrum Ludovicum Augustum conjugem tuum, in quem teque una libentissime omnia paternae voluntatis officia transferimus, omnem collocamus de perspecta religione atque in Nos ac sanctam hanc Sedem studio ac pietate fiduciam, Deumque enixe precamur, ut suis eum una tecum gratiae ac benignitatis cumulet donis, quae in istius regni felicitatem, in christianissimae domus gloriam, in Ecclesiae praesidium, in no-

stram et apostolicæ Sedis jucunditatem redundant. Cum hæc vota nostra tuis consentiant, carissima in Christo filia nostra, præclare vides quantum iis quæ ad te maxime pertinent affecti sinus, quamque eximia te prosequamur paternæque caritatis plenissima voluntate; in cujus argumentum apostolicam benedictionem regiae Majestati Tuæ intimo animi nostri sensu amantissime impertimur. *Datum Romæ, apud Sanctam Mariam Majorem, sub annulo Piscatoris, die prima junii 1774, pontificatus nostri anno sexto.*

CCLXXIII.

CARISSIMO IN CHRISTO FILIO NOSTRO

LUDOVICO AUGUSTO

FRANCORUM REGI CHRISTIANISSIMO,

CLEMENS PAPA XIV.

Romæ, 1 julii 1774.

Carissime, etc. Reddidit Nobis venerabilis frater noster Franciscus Joachimus S. R. E. cardinalis de Bernis episcopus Albanensis litteras Majestatis Tuæ, quibus ipsum in pristino apud Nos atque apostolicam hanc Sedem ministerio confirmas, ac præclaram idcirco tuam de ipsius fide, diligentia prudentiaque fiduciam testaris. Jucundissimum Nobis fuit, carissime in Christo fili noster, tam amplum in illum regiae voluntatis testimonium plane nostro de eximio ipsius meritis judicio consentaneum esse cognoscere. Ejusdem Nobis jam pridem perspectissima omnis est agendi ratio, qua præstantissimo regi avo tuo in gravissimis negotiis operam suam navavit; quæ quidem ejusmodi est, ut dum officio suo regiaeque voluntati egregie satisfaceret, una etiam Nobis mirifice studia et consilia sua omnia comprobaret. Quapropter cum ipsum pro sua virtute et plurimi faciamus et singulari benevolentia complectamur, magnopere Majestati Tuæ persuasum esse cupimus, tam gratum Nobis acceptumque esse quod idem fungendum apud Nos ipsi manus imposueris, ut idcirco tibi maximas Nos agere atque habere gratias profiteamur. Cum enim summopere optemus voluntates nostras mutua eximiaque inter Nos pietatis amorisque conjunctione ac necessitudine in dies

CLEMENTIS XIV Epistolæ et Brevia.

23

magis constringi, majorem in modum gaudemus illum confirmatum a te esse ejusmodi officiorum interpretem, cujus excellentem in eo operam experti antea sumus, cujusque consilio industria atque experientia valde nitimur, ac singulari etiam qua erga te est resquo omnes tuas fide, quae tuae res a nostris Ecclesiaeque rebus disjungi pro tua religione non possunt. Ac in eximiae qua te, carissime in Christo fili noster, ac tuam christianissimam domum prosequimur caritatis argumentum, apostolicam benedictionem regiae Majestati Tuae amantissime impertimur. *Datum Romae, apud Sanctam Mariam Majorem sub annulo Piscatoris, die prima junii 1774, pontificatus nostri anno sexto.*

GCLXXIV.

DILECTISSIMIS FILIIS

DECANO ET CAPITULO

ECCLESIAE METROPOLITANAE MOGUNTINÆ,

CLEMENS PAPA XIV.

Romae, 2 junii 1774.

Dilecti, etc. Ex nostri paterni animi dolore facile intelligimus moerorem luctumque vestrum, dilecti filii, quem ex venerabilis fratris Emmerici Josephi, istius metropolitanae Sedis archiepiscopi et S. R. I. principis electoris, obitu percepistis. Nos sane una cum vestris enixa pro ejus animae salute vota conjungimus, ac intenso studio divinam illi misericordiam imploramus. Quod reliquum nunc est, nostrum hoc desiderium lenimus ac solamur illa cogitatione, fore quam primum ut egregium ac omni episcopalis virtutis laude praeditum virum in illius locum vestra electione substituat. Vos itaque quantum possumus hortamur in Domino, dilecti filii, ut gravissimam illam actionem pro vestri muneris fide peragatis, in eaque et ad catholicae religionis incrementum et ad istius ecclesiae dignitatem rationes curasque vestras omnes conversas esse comprobetis. Plurimum Nos sane vestro studio prudentiaque nitimur, sed maxime optimorum consiliorum omnium auctorem Deum precamur, ut sui spiritus afflatu vos in consultationibus vestris suffragiisque dirigat, ac una-

nimes ad suam gloriam promovendam esse faxit. Quod ad dilectum filium Fargna agentem vestrum pertinet, eundem etsi antea Nobis valde probatum atque acceptum ob perspectam suam diligentiam ac fidem, tamen vestras Nobis reddentem litteras vestraeque in Nos devotionis officia accurate deferentem perlibenter excepimus, coramque ipsi declaravimus quae nostra esset erga vos conjuncta cum plurima existimatione paterna caritas. Ac in ejusdem ubcrius pignus apostolicam benedictionem vobis, dilecti filii, peramanter impertimur. *Datum Romae, apud Sanctam Mariam Majorem, sub annulo Piscatoris, die 2 junii 1774, pontificatus nostri anno sexto.*

CCLXXV.

DILECTISSIMÆ IN CHRISTO FILIÆ NOSTRÆ

ALOYSIÆ MARIÆ REGIÆ GALLIARUM PRINCIPISSÆ,
CLEMENS PAPA XIV.

Romae, 4 junii 1774.

Dilectissima, etc. Nuper intelleximus te valde cupere ac dare operam, dilectissima in Christo filia nostra, ut ad istius tuae Carmelitarum ecclesiae ornamentum sex ex argento candelabra cum crucifixi Domini effigie quam primum compares. Nihil gratius atquo optatius Nobis accidere potuit quam hanc opportunitatem cum pietati tuae tum voluntati in te nostrae consentaneam nactos Nos esse, ut ejusmodi munus ad te statim transmittere valeamus. Illud igitur venerabili fratri nostro Francisco Joachimo S. R. E. cardinali de Bernis episcopo Albanensi tradidimus, ut ad te nostro nomine deferendum pro suo in Nos te quo studio diligenter caret: nunc a te vehementer petimus, dilectissima in Christo filia nostra, ut eo, quo a Nobis profisciscitur, animo idem excipere velis, summae nimirum erga te paternae caritatis existimationisque plenissimo. Etsi is tibi perspectissimus jam pridem sit, tamen hanc ejusdem tibi significationem perlibenter renovamus hoc ipso praesertim tempore, quo sextum jam, exacto quinto, auspicamur nostri pontificatus annum. Nova enim ex hoc Nobis tuo pietatis praesidia comparamus, quibus imbecillitas nostra pro reliquo apostolico sollicitudinis, si quem Deus concedet, cursu sublevetur. Quapropter, ut ardentiores pro

Nobis tuas ad Deum preces reddamus, salutare itidem plenarium indulgentiarum munus eidem crucifixi imagini adjungimus pro solemnibus Christi Domini, B. M. Virginis, sanctorum Petri et Pauli, sancti Ludovici Galliarum regis et sanctae matris tuae Theresiae festivitatibus; quam indulgentiam tibi et dilectis in Christo filiabus tui monasterii monialibus, et fidelibus omnibus confessis et sancta communione refectis coramque ea imagine rite orantibus, apostolica auctoritate concedimus ac indulgemus. Minime hic necesse arbitramur, dilectissima in Christo filia nostra, ut aliquod tibi conemur afferre consolationis genus, quo luctum ac dolorem tuum ex amantissimi et gloriosissimi parentis obitu perceptum aliquantulum leniamus. Te enim in Domino consolari ejusque sanctissimae voluntati pro tua religione conformari atque acquiescere non dubitamus, et non tam de jactura hac tua quam de illius animae salute cogitare, eamque divino Judici, ut propitius ac misericors ipsi sit, assiduis precibus commendare. Id Nos etiam paternae pietatis officium maximo quo possumus ipsi studio persolvimus, quemque eximia caritate prosecuti semper sumus, eidem nostris obsecrationibus suffragari numquam intermitteremus. Deum itaque precantes ut, qui te tribulatione visitavit, omni etiam sui spiritus consolatione repleat, apostolicam benedictionem tibi, dilectissima in Christo filia nostra, in eximiae nostrae caritatis pignus, tuisque in Christo Carmelitis sororibus amantissime impertimur. *Datum Romae, apud Sanctam Mariam Majorem, sub annulo Piscatoris, die 4 junii 1774, pontificatus nostri anno sexto.*

CCLXXVI.

SANCTISSIMI DOMINI NOSTRI

CLEMENTIS DIVINA PROVIDENTIA PAPÆ XIV

ALLOCUTIO

HABITA IN CONSISTORIO SECRETO DIE VI JUNII MDCCLXXIV.

Venerabiles fratres. Quae Nobis vivo atque incolumi carissimo in Christo filio nostro Ludovico Galliarum rege christianissimo maximum jucunditatis fructum ac sollicitudinum nostrarum solatia afferebant, nimirum egregia illius in Ecclesiam voluntas

et mutui Nobiscum amoris ac necessitudinis conjunctio, nunc eadem, venerabiles fratres, illo gravissimi vi morbi extincto, summi nostri luctus ac doloris causas augent. Quodque. incredibili moerore Nos afficit, orbatu illo sumus eodem plane tempore quo ejus insignia aequitatis, magnitudinis animi, in Nos atque apostolicam hanc Sedem pietatis testimonia extiterunt. Ita quae ad ipsum diligendum atque omnibus paternae gravissimaeque voluntatis officiis prosequendum valere plurimum debuerunt, illa potissimum ad nostrum dolorem cumulandum accedunt. Verum divini consilii rationes veneramur, ac a summo rerum Moderatore, in cujus manu sortes regum sunt, omnia ad suam gloriam dirigi et in altitudine divitiarum sapientiae suae disponi agnoscimus. Illius voluntate nostri luctus acerbitem mitigamus, Nostrae verae utilitatis illum unum auctorem esse intelligimus. Nos quidem cum primum de regis vitae discrimine ad Nos esset allatum, extemplo preces ad Deum nostras una vobiscum summo animorum ardore convertimus. Cum nostris erant conjunctae universae Galliae obsecrationes, et praesertim christianissimae domus, ac, quibus maxime nitebamur, dilectissimae in Christo filiae nostrae Aloysiae Mariae in illo sanctitatis domicilio pro amantissimo parente assidui gemitus ac lacrimae. Minime irritas atque inanes fuisse has nostrum omnium flagitationes ducimus. Si minus in regis impetranda valetudine profecimus, plurimum preces nostras valuisse ad illius animae salutem ac aeternam felicitatem comparandam confidimus. In hanc fiduciam Nos inducit perspectus illius catholicae religionis tuendae ardor, in Ecclesiam ac sanctam hanc Sedem studium, in Nos denique egregius semper animus, recentibus his praesertim ac praeclarissimis indicis Nobis maxime confirmatus. Id ipsum non obscure declarant ea quae supremo vitae tempore ab illo gesta ac dicta fuisse scimus, cum Ecclesiae mysteriis ad aeternitatis iter inenandum munitus pacem ac veniam a Deo expeteret, nec vitam sibi prorogari nisi ad navandam religioni operam atque ad populos suo etiam exemplo ad pietatem incitandos exposceret. Quare, venerabiles fratres, quo majores divinae erga illum misericordiae significationes intuemur, eo alacriore studio ad ipsius animae incolumitatem a Deo impetrandam contendamus. Haec una reliqua est quam pro sua in Nos pietate referre ipsi possumus ac debemus, gratia. Hoc illi et privatim hactenus praestare non praetermisimus, et publice in pontificio sacello justis solemni ritu persolvendis una vobiscum praestituri sumus, nec ullum erit vitae nostrae tempus quo illius memores non quotidie haec cari-

tatis subsidia referamus, ac assiduis illi precibus apud divinum Judicem suffragemur. Interea desiderium nostrum solemur, venerabiles fratres, ac illa etiam cogitatione leniamus, transmissam esse carissimo in Christo filio nostro Ludovico Augusto ut aviti regni ac potestatis, ita gloriae ceterarumque omnium christianissimae domus virtutum amplissimam haereditatem. Elucere jam in illo scimus summum divini cultus studium, singularem pietatem, integritatem, in Nos etiam amorem. Haec intelligimus ex amantissimis illius ad Nos litteris, haec praedicatione omnium ac laetae celebritate ad Nos perferuntur. Nos invicem excellentis ejus virtutis ac felicitatis studiosissimi sumus. Omnem propensissimi animi sensum, quo gloriosissimum ejus avum prosequamur, in illum cumulatissime traducimus. Omnia paternae caritatis officia, omnem de sua in Nos pietate fiduciam in illo collocamus. Atque hoc loco ad rem pertinet ut vobis significemus, venerabilem fratrem nostrum Franciscum Joachimum S. R. E. cardinalem de Bernis episcopum Albanensem in pristino apud Nos atque hanc sanctam Sedem ministerio confirmatum esse, nostrumque de ejus praestanti laude judicium praeclaro regis testimonio comprobatum. Hunc in modum vehementer gaudemus, quod et vobis pergratam fore scimus in illo cum eximium regiae voluntatis interpretem, tum vestri erga regem animi testem gravissimum Nos esse habituros. Deum O. M. obsecramus, ut quos in his regnandi auspiciis secundissimos carissimo in Christo filio nostro cupimus rerum omnium cursus, suo coelesti praesidio ratos ac firmos esse velit ad religionis Ecclesiaeque incrementum, et ad florentissimae Galliae nationis utilitatem.

CCLXXVII.

CARISSIMO IN CHRISTO FILIO NOSTRO

JOSEPHO IN ROMANORUM IMPERATOREM ELECTO.

CLEMENS PAPA XIV.

Romae, 29 Julii 1774.

Carissime, etc. Incredibili profecto flagramus studio ut quem ex more institutoque majorum universis christifidelibus indiximus annum sanctum, annum nimirum remissionis et veniae, eundem Nobis per summam celebritatem, confluentibus undique

in aliam hanc urbem populis, piorumque operum aemulatione a Deo propitiationem cum Ecclesiae indulgentiarum thesauris consequi satagentibus, transigere divina benignitate contingat. Quae dum animo assidue versamus, omniaque quae ad eius temporis sanctificationem augendam facere possunt cogitatione complectimur, praecipue ad augustissimam Majestatem Tuam mentem nostram convertimus, votisque omnibus te carissimum in Christo filium nostrum, te principem catholicae ecclesiae patronum ac defensorem, ad Nos accedere atque ad nostrum paternum complexum venire exoptamus. Nulla unquam in vita Nobis tanta accidere jucunditas potest, nulla res adeo illustrare pontificatum hunc nostrum quam tuus iste, quem animo praecipimus ac foveamus, cujus Nobis speciem summa voluptate proponimus, adventus. Postquam itaque per alias nostras sub plumbo litteras ad omnes christifideles datas, promulgatas et publici juris facias, eosdem ad proximi anni millesimi septingentesimi septuagesimi quinti celebrationem invitavimus, peculiare hasce in forma Brevis ad te, carissime in Christo fili noster, damus litteras, quibus in singulare paterni amoris testimonium te nominatim invitamus, ut etsi antea etiam, quod jucundissime recordamur, ad principum Apostolorum limina accesseris, ac ingentia tot praedecessorum tuorum in illis conspicua pietatis ac religionis decora, liberalitatis, beneficentiae et gloriae monumenta non aine summa animi tui voluptate conapexeria, tam iterum hac spiritualis boni opportunitate huc te conferas, ac sacras indulgentias uberiori quam unquam ante hoc tempus copia consequaris. Optime pro sua sapientia intelligere Majestas Tua potest quanto ipsa adventus tui fama incitamento caeteris esset ad huc convolandum, quantum tuae pietatis apices omnibus ardorem injiceret ad coelestium divitiarum munera tuo exemplo consecranda. Sed dum hac de te spe gaudemus, teque Nobis praesentem Nobiscum colloquentem mutuis amoris, pietatisque indicibus certantem quodammodo intuemur, jucunditatem hanc nostram illa saepe reprimit cogitatio, ne forte gravissima imperii negotia Majestatem Tuam retineant, nostrisque optatis ac desideriis etiam tuis obsequi non sinant. Si secus igitur quam Nos cupimus acciderit, idque tuarum rerum conditio postulabit, divinae Nos voluntati tuoque consilio conformamur; persuasum tamen certissime habemus facile Nos a te impetraturoa quod vehementer petimus ac rogamus, ut quod adventu tuae praesentia non poteris, illud studio, pietate, religione tua egregie pensatum esse gaudemus. Quapropter, carissime in Christo fili noster, sollicitudinem hanc

nostramque eperam auctoritate tua adjuva ac sustenta; praesto sibi esse tuam opem sentiant venerabiles fratres ecclesiarum antistites, dum populos ad sacram peregrinationem capessendam inflammabunt; ea omnia pro tua magnanimitate ac munificentia expedita, instructa ac parata esse jube, quae peregrinantium commodum ac securitas postulabunt. Hunc in modum cum pro divino augendo cultu populorumque spirituali utilitate laboraveris, maxime tibi polliceri poteris, juxta nostras omniumque pro te tuoque imperio ad Deum deprecationes, in Majestatem Tuam summam gloriam ac felicitatem et coelestium charismatum dona uberrime esse redundatura. Sed de his rebus prolixius tecum nostro nomine acturus est dilectus filius noster Antonius Eugenius S. R. E. presbyter cardinalis Vicecomes, quem a te pro tua humanitate libentissime auditum iri non dubitamus. Interim in eximiae nostrae caritatis pignus apostolicam benedictionem Majestati tuae amantissime impertimur. *Datum Romae, apud Sanctam Mariam Majorem, sub annulo Piscatoris, die 29 junii 1774, pontificatus nostri anno sexto.*

CCLXXVIII.

ILLUSTRI AC POTENTISSIMO

REGI DE TRAVANCOR, CLEMENS PAPA XIV.

Romae, 2 julii 1774.

Illustris, etc. Cum de regii tui animi magnitudine ceterisque praeclaris tuis laudibus multa saepe in suis litteris perscribant nostri missionarii ordinis Carmelitani qui in tui regni partibus degunt, tuaque insignia praesertim in se collata beneficia assidue praedicent; magna idcirco est tuo nomini tuisque virtutibus in his Europae regionibus conciliata celebritas, tibi que plurimi plausus multorum sermone merito tribuuntur. Sed quoniam hae singulares tuae dotes tusque summa erga missionarios humanitas Nos petissimum adstringunt qui religioni christianae praesidemus, et quorum nomine ac mandato iidem missionarii isthic versantur, Nos propterea tuas laudes tuamque clementiam summo opere efferimus, et tua in illos beneficia ac merita tamquam Nobis ipsis praestita arbitramur et profitemur. Quam ob rem

has nostras litteras ad te dare volumus, ut hos ipsos nostros plenissimos tuæ existimationis ac laudis sensus tibi aperiremus, atque una gratissimum tibi nostrum animum testaremur, et saltem reddendæ tibi gratiæ desiderium probaremus. Ipsi nostri missionarii tibi pluribus significabunt hanc propensissimam nostram tuæque felicitatis cupidissimam voluntatem. Interim a te magnopere petimus ut has tuas laudes atque hæc tua in Nos merita cumulatione in dies facias, et missionarios nostros tamquam pignora sinceræ ac mutuæ inter Nos amicitiae usitata benevolentia ac patrocinio tuo prosequare. Hoc tibi de illis recipere ac polliceri certe possumus, neminem tibi fidiorem atque addictiorem quam illi sint, et ad obsequia tua paratiorem fore. Hoc enim et ab ipsa lege quam profitentur, et a Nobis arctissime illis mandatur atque iungitur. Ac proinde hac etiam causa legis christianæ incolumitatem, et ejusdem præcones missionarios nostros tibi commendatissimos futuros confidimus. Demum, Deum omnipotentem obsecramus ut prosperam ac diuturnam vitam et omnium bonorum incrementa tibi, illustris et potentissime rex, effuse largiatur. In primis vero suæ gratiæ subsidio concedat ut per agnitionem veritatis ad veram perpetuam felicitatem pervenias. *Datum Romæ, apud Sanctam Mariam Majorem, sub annulo Piscatoris, die 2 julii 1774, pontificatus nostri anno sexto.*

CCLXXIX.

DILECTISSIMO IN CHRISTO FILIO NOSTRO

MAXIMILIANO JOSEPHO

BAVARIÆ DUCI, S. R. I. PRINCIPI ELECTORI,

CLEMENS PAPA XIV.

Romæ, 26 julii 1774.

Dilectissime, etc. Iterum litteras tuas accepimus, dilectissime in Christo fili noster, in quibus a Nobis vehementer postulasti ut constituendo prioratu simulque aliquot commendis ordinibus equestris Melitensis, ac erigendæ uni vel duabus seminarum illustrium canonis bona et redditus nonnullorum monasteriorum tuæ ditionis, Ecclesiæ et reipublicæ minus, ut scribis, utilium, assignari applicarique apostolicæ potestatis plenitudine conce-

deremus. Quao postulata tua minime ambigere debes quin pro nostra in te singulari caritato studiosissimo animo exceperimus, idque maxime oxoptaremus, ut in his etiam, quemadmodum antea saepe fecimus, voluntatem tibi nostram cumulativissime comprobare possemus. Verum ad gravissimas res expendendas decernendasque judicii quoque gravitatem ac maturitatem afferri oportere ipse pro tua prudentia non ignoras. Hac proinde causa in postremis litteris tuis singillatim monasteriorum illorum statum enucleateque describere Nobis voluisti, ne quid esset in quo cognoscendo statuendoque haereremus. Sed adhuc, dilectissime in Christo fili noster, supersunt hic quaedam a Nobisque desiderantur, no quid in hoc judicio temere inconsulteque fecisse videamur. Quod ut tibi perspicue magis explicemus, a tertio tuae ejus descriptionis capite sumimus exemplum, in quo de monasterio ordinis s. Brigittae agens, eo devenisse rem scribis, ut et ordinarii et principis territorialis consensu ejusdem a nobis extinctio postulari debuerit. Illud igitur superesse facile nunc vides, ut utraque cum ecclesiastica tum laica potestas non solum in ejus ordinis extinctionem a Nobis postulandam justis de causis consentiat, sed modum etiam rationemque reponat quae minus incommode quidquid exequendum videbitur, peragi valeat. A vobis itaque, qui in praesenti re estis, explorandi primo sunt mores voluntatesque illius ordinis virorum ac mulierum, et in quod aliud singuli vel singulae monasterium pro cujusque animorum inclinatione transferendi vel transferendae sint, cognoscendum: tum quo commigrare cuique libuerit, videndum, ut benevolum illic receptorem habeat, ne qua scilicet ex habitationis et consortii novitate vel instituti varietate perturbatio ac offensio oriatur, et ex uno in plura monasteria dissensiones propagentur. Haec atquo hujusmodi cetera quae ad hanc rem rite conficiendam pertinent cum cognoveritis, ac non solum in rei aequitatem, sed in certam etiam ejusdem peragendae rationem consenseritis, tum omnia ad Nos singillatim perspicueque conscribenda erunt, ut, iis perspectis, ad illud quod optimum videbitur consilium descendere valeamus. Tertium hoc tuae descriptionis caput pro exemplo induximus, ut quid etiam in aliis postulatum tuorum capitibus praestandum istuc a te ac loci ejusque ordinario sit, ad Nosque transmittendum intelligas. Illud demum majorem in modum, dilectissime in Christo fili noster, a te petimus, ut tibi etiam atquo etiam persuadeas, Nos in judicando illud unice praec oculis habituros, ut cum apostolico muneri nostro, Ecclesiae utilitati, divinaeque gloriae satisfac-

cerimus, una tibi etiam satisfaciamus. Quod facile Nos consecuturos confidimus: cum enim has ad res consilia tua omnia conversa esso corti simus, gratum tibi acceptumque quidquid Nos de expositis a te causis in Domino decernendum judicabimus. Ac in singularis paternae benevolentiae argumentum apostolicam benedictionem tibi, dilectissime in Christo fili, ac universae electorali domui tuae amantissime impertimur. *Datum Romae, etc., die 26 julii 1774, pontificatus nostri anno sexto.*

CCLXXX.

DILECTISSIMO IN CHRISTO FILIO NOSTRO

MAXIMILIANO JOSEPHO

BAVARIÆ DUCI, S. R. I. PRINCIPI ELECTORI,

CLEMENS PAPA XIV.

Romae, 31 julii 1774.

Dilectissime, etc. Pluribus ex rebus quas a Nobis identidem flagitasti, quasque tibi pro apostolici nostri ministerii officio impertiri potuimus libentissimeque largiti sumus, luculenter cognovisti, dilectissime in Christo fili noster, quantopere sumus ad te sanctae hujus Sedis beneficiis ornandum, tibi gratificandum propensi. Ex hoc ipso paterno nostro erga te animo aequè tibi perspectum esse non dubitamus, Nos, si aliquando petitionibus tuis assentiri minime possumus, gravissimis causis impediri, nostraeque voluntati ipsas pontificii muneris rationes adversari. Per molestum est Nobis hujusce generis esse illa quae nuper tuis ad Nos datis litteris de abroganda nostra de festis diebus lege deque Sanctorum solemnitate in dominicos dies transferenda a Nobis postulas. Si quidem dies Domino consecratus, ut praeclare nosti, maximam ac praecipuam semper in Ecclesia venerationem obtinuit, et diligenter quantum fieri potuit est cautum na ab hujusmodi divino cultu ac Domini celebritate fidelium mentes distraherentur. Propterea, cum tuis ac multorum Germaniae principum precibus ac rationibus inducti fuimus ut festorum dierum numerum imminueremus, eam in primis curam adhibuimus, ut festa Sanctorum in statis suis diebus retineremus, ne si in dominicum diem eadem transtulissemus (etsi omnis religiosus cultus ad Deum referatur) tamen hominum mentem Sanctorum cele-

brationi assuetam, hujusmodi conjunctione a primo illo Domini cultu quodpiam remitterent. Sed ad hujusmodi translationem a Nobis flagitandam te esse adductum videmus exemplo minime illo quidem vero, sed tanquam verissimo ad te relato similis ulicujus translationis ad aliorum postulationem a Nobis concessae. Tam enim abest ut id cuiquam impertiti simus, ut mallems in alios dies traducere Sanctorum solemnitates Domini diebus hactenus attributas, quam novis translationibus sacros Altissimo dies magis occupari patiamur. Sublato hoc fundamento, quo postulatio tua potissimum erat subnixa, supervacaneum esse ducimus ut alias rationes explicemus, quae Nos ab abrogando nuper lata lege omnino deterrent. Tute ipse vides quantus ex hac inconstantia atque ex ipsa cultus inter finitimos varietate fidelium scandalo atque offensioni et adversariorum calumniis pateret aditus. Quapropter, dilectissime in Christo fili noster, si populi ditioni tuae subjecti, Sanctorum celebrationi atque operum vacationi assueti, diurnae consuetudini initio acrius inhaerescunt, tamen id ipsum paullatim dediscent, et episcoporum potissimum institutione percepta ad officium ac laborem, ut multis in locis usuvenit, revocari facile poterunt. Ad hujus consilii nostri rationes te libentissimo animo voluntatem tuam adjuncturum esse confidimus, idque a te magnopere petimus. Hunc in modum tuam erga Nos, ac sanctam hanc Sedem pietatem mirifice Nobis comprobaveris. Demum in nostrae singularis erga te caritatis pignus tibi, dilectissime in Christo fili noster, tuaeque universae electorali domui apostolicam benedictionem amantissime impertimur. *Datum Romae, etc., die 31 julii 1774, pontificatus nostri anno sexto.*

CCLXXXI.

DILECTISSIMO FILIO
FRIDERICO CAROLO JOSEPHO
ELECTO ARCHIEPISCOPO MOGUNTINO
ET S. R. I. PRINCIPI ELECTORI,
CLEMENS PAPA XIV.

Romae, 6 augusti 1774.

Dilecte, etc. Quamquam certi essemus, dilecte fili, te ob perfectam omnibus meritorum tuorum praestantiam a dilectis filiis

canonicis collegis tuis ad Moguntinae ecclesiae cathedram electum iri, tamen id ipsum summa omnium consensione effectum esse magna animi nostri iucunditate intelleximus. Ex hac enim delata tibi dignitate et singulares in istam Ecclesiam utilitates redundaturas, et tibi episcopalis exercendae virtutis et verae solidaeque comparandae gloriae praeclaram opportunitatem extitutam facile cognoscimus. Quapropter tibi summopere gratulamur, unaque plurimas habemus gratias, quod hanc Nobis laetandi causam pergrato huiusmodi officio tuo tuaeque in Nos observantiae plenissimo tribuisti, si quidem hunc eundem, quem prae te fers, in Nos atque apostolicam hanc Sedem animum ita accepimus, ut optimum inde episcopatus tui auspiciū capiamus. Vehementer enim inde etiam persuasum est Nobis, te in eodem egregie perfungendo eximiam nostram de tua virtute opinionem amphoribus in dies iudiciis confirmaturum, teque in hoc novo vitae curriculo ineundo omnem tuam curam, omnem operam, ad animarum incolumitatem, Ecclesiae utilitatem ac divinae gloriae incrementum praecipue collocaturum. Hoc a te maxime expectamus, dilecte fili, atque hac tuae sollicitudinis fiducia freti te singulari benevolentia nostra complectimur, tibi que omnia paternae caritatis studia pollicemur. Dilectus filius Joannes Baptista Fargna huiusmodi nostros de te sensus, cum tuas nobis litteras redderet, sibi perspectos, minime dubitamus quin accurate etiam pro sua diligentia tibi perscripturus sit; quem Nos, etsi valde Nobis autea pro sua fide et integritate probatum atque acceptum, tua tamen causa nunc perlibenter excepiamus, et imposterum semper tua peragentem ac ad Nos deferentem negotia excepturi sumus. Ab eodem et modo quantam postulatorum tuorum rationem pro peculiari nostro in te studio habeamus, et quid postea de iisdem expensis omnibus fuerit constitutum intelliges. Demum, Deum O. M. obsecrantes ut animi tui virtutem suae gratiae vi ad tantum sustinendum munus confirmet ac roboret, omnesque tibi ac Moguntinae ecclesiae deferentes paternae nostrae voluntatis fructus, apostolicam benedictionem tibi, dilecte fili, amplissimo pontificiae caritatis testimonio cumulatam peramanter impertimur. *Datum Romae, apud Sanctam Mariam Majorem, sub annulo Piscatoris, die 6 augusti 1774, pontificatus nostri anno sexto.*

rissimi in Christo filii nostri Christianissimi regis propensam in Nos voluntatem facile te comperturam pro ejus egregio in apostolicam Sedem animo confidimus; sed hanc Nobis gratificandi opportunitatem tua etiam causa acceptiorem illi futuram arbitramur. Alienum a tuo summo in Nos studio ducimus, ut te cohortatione nostra incitemus, quam hujus nobis navandae operae tua sponte cupidissimam cognoscimus. Illud tantummodo adjungimus, inde pontificiae nostrae summae quidem erga te voluntati maximum tamen cumulum accessurum, teque hoc eximio facto tuo egregio de Nobis atque hac sancta Sede esse merituram. Interim divinae gratiae auspicem et nostrae qua te prosequimur caritatis testem apostolicam benedictionem tibi, dilectissima in Christo filia nostra, amantissime impertimur. *Datum Romae, etc., die 10 augusti 1774, pontificatus nostri anno sexto.*

CCLXXXIII.

CARISSIMO IN CHRISTO FILIO NOSTRO

CAROLO HISPANIARUM REGI CATHOLICO,

CLEMENS PAPA XIV.

Romae, 8 septembris 1774.

Carissime, etc. Certissima spe tenebamur fore ut res omnes quae istic ad nuntiaturam apostolicam pertinent, pro Regiae Majestatis Tuae singulari aequitate ac summa in nos benevolentia, in eum statum reducerentur quem Nos maxime optaremus. Tamen cum id ipsum egregie perfectum absolutumque esse a te, carissime in Christo fili noster, atque omnia ad desiderii nostri rationes composita intelleximus, tantam inde jucunditatem cepimus, ut ipsa expectatio nostra ac summa de te fiducia nihil ex nostrae laetitiae magnitudine detraxerit. Itaque quam maximas possumus Majestati Tuae gratias et reddimus et habemus. Praeclaro hoc facto tuo novas Nobis causas dedisti te omnibus mutui amoris officiis prosequendi, atque etsi nulla ad nostram summam ac paternam in te caritatem fieri possit accessio, tamen eximio tuo in Nos animo incredibilem in Nobis cupiditatem nostrae idem mirificae erga te voluntatis rebus in omnibus confirmandae excitasti. Denique Optimum Maximum enixe precamur ut, pro tua erga Nos ac sanctam apostolicam Sedem pietate, in te tuosque

regios liberos ac universam catholicam domum optimos quosque
atque optatissimos suae benignitatis fructus conferat. Ac coele-
stis gratiae auspicem ac nostrae paternae caritatis pignus apo-
stolicam benedictionem Regiae Majestati Tuae amantissime im-
pertimur. *Datum Romae, apud Sanctam Mariam Majorem, sub
annulo Piscatoris, die 8 septembris 1774. pontificatus nostri
anno sexto.*

DOCUMENTA VARIA
HISTORIAM PONTIFICATUS
CLEMENTIS PP. XIV
ILLUSTRANTIA.

DOCUMENTA VARIA

HISTORIAM PONTIFICATUS

CLEMENTIS PP. XIV

ILLUSTRANTIA.

CCLXXXIV.

DILECTO FILIO NOSTRO

VINCENTIO TITULI SS. MARCELLINI

ET PETRI PRESBYTERO,

S. R. E. CARDINALI MALVEZZI,

NUNCUPATO EX CONCESSIONE ET DISPENSATIONE APOSTOLICA

ARCHIEPISCOPO BONONIENSI,

BENEDICTUS PAPA XIV.

Romae, die 15 maji 1756.

Dilecte fili noster, salutem et apostolicam benedictionem. Tibi prae caeteris, dilecte fili noster, qui Bononiae, dum archiepiscopum ageremus, et Romae, ubi primum intimus cubicularius, deinde cubiculo nostro praefectus per plures annos fuisti, magis compertum exploratumque est quantum, quoad Nobis integrum fuit, pro metropolitana ecclesia Bononiensi olim Nobis, modo tibi desponsa studuerimus et adlaboraverimus, ut illius instauratio a tot annis coepta, neque unquam absoluta, tandem per divinae bonitatis abundantiam perficeretur, et sacrarium sacris suppellectilibus etiam pretiosis ex auro et argento affatim locupletaretur. Quoniam autem ipsam metropolitanam ecclesiam ita instauratam

esse probe novimus, ut nova consecratione indigere non dubitemus; cum eae potissimum concurrant causae quae, juxta sacros canones, novam ejusdem instaurationem jure ac merito exigere videntur; quemadmodum per nostram epistolam italico sermone scriptam ac typis editam gravissimis rationum momentis ostendimus ac probavimus: ea propter eo semper flagrantissimo desiderio tenebamur atque spe alliciebamur, fore nimirum ut, luculentis nonnullorum romanorum pontificum praedecessorum nostrorum exemplis insistentes, Bononiam repetere, dilectissimum clerum ac populum nostrum invisere, atque, una invicem gratulantes, metropolitanae ecclesiae laudatae consecrationem peragere valeamus. Verum votorum nostrorum impotes faciunt atque a concepta spe dejiciunt non contemnenda provectae aetatis impedimenta et non levia podagrae incommoda. Itaque illud tandem consilium suscepimus, in eamque devenimus sententiam, ut, relictis Nobis pariter a nonnullis romanis pontificibus praedecessoribus nostris documenta sequentes, aliquem deputaremus qui nostro nomine illam perficeret. *Itaque te, dilecte fili noster, qui a Nobis archiepiscopus Bononiae constitutus, qui creatura nostra es, qui tanta cum nominis tui laude, tanta cum christiana pietate, pastoralī sollicitudine, sacerdotali vigilantia, bono exemplo et ecclesiastico zelo impositum tibi ministerium cumulate adimplere satagis et adniteris*, apostolica auctoritate tenore praesentium constituimus et deputamus, ut solemnem saepe dictae ecclesiae metropolitanae eo die, eo mense, prout tibi opportunius visum fuerit, nostro nomine consecrationem facias ac perficias. Volumus autem ut universis et singulis christifidelibus per edictum publicum indicas plenarias indulgentias a Nobis concessas esse iis omnibus qui, sive in ipsa consecrationis die, sive in duobus immediate sequentibus diebus, confessi ac sacra communione refecti eandem metropolitanam ecclesiam visitaverint, et ibi pro christianorum principum concordia, haeresum extirpatione, et sanctae matris Ecclesiae exaltatione pias ad Deum preces effuderint: indulgentiam vero septem annorum et totidem quadragenarum pro visitantibus ipsam metropolitanam ecclesiam in anniversario consecrationis die in perpetuum assignes. Porro etsi persuasum habemus, te, dilecte fili noster, memorem impositionis manuum nostrarum super te, et paternae caritatis qua te semper complexi sumus, et pro filiali tua erga Nos observantia, assiduas ad bonorum largitorem Deum pro Nobis preces fundere, tamen hac occasione te, dilecte fili noster, rogamus et poscimus ut ferventioribus deinceps obsecrationum suffragiis tam dilectio-

nis tuæ, quam aliorum christifidelium curæ tuæ commissorum, quos excitare et hortari ne omittas, apud supremum pastorem principem Jesum Christum, cujus vices in terris immerentes gerimus, continuo pro uostra imbecillitate instes et urgeas, ut cor et corpus nostrum cælesti lumine illustret, divina virtute repleat, et superna ope confirmet non solum in gravissima universalis Ecclesiæ procuracione et in omnium ecclesiarum sollicitudine, verum etiam in ultimo mortalis hujus vitæ nostræ exitu, cum districtam de actibus gestisque nostro æterno Judici rationem reddituri sumus. Caeterum volumus et mandamus ut tu, dilecte fili noster, in fino solemnis Missæ in ipso consecrationis die per te celebrandæ nostro nomine et auctoritate papalem benedictionem christifidelibus tibi creditis impartiaris; dum Nos ad prosperum rerum omnium successum coelestis præsidii auspicem et studiosæ nostræ voluntatis pignus apostolicam benedictionem uberrima cum cælestium munerum copia conjunctam tibi, dilecte fili noster, ex intimo corde depromptam elargimur. *Datum Romæ, etc., die 15 maji 1736, pontificatus nostri anno decimo sexto.*

CCLXXXV.

BEATISSIMO PADRE

Vic-sur-oine, 1 mars 1760.

Averti depuis longtemps, par des personnes pieuses et d'une doctrine irréprochable, qu'il se répandait des bruits fâcheux sur la manière dont je pensais au sujet des disputes qui troublent aujourd'hui la paix de l'Église, je m'étais rassuré par ma soumission reconnue aux décrets du Saint-Siège; je n'avais pas cru devoir faire une attention sérieuse aux avis qui m'étaient donnés: mais depuis que des docteurs et plusieurs évêques respectables m'ont assuré par leurs lettres que ces bruits calomnieux se répandaient de plus en plus et qu'on les appuyait de circonstances capables de faire impression non seulement aux simples fidèles, mais aussi aux premiers pasteurs; que même dans l'assemblée générale du clergé de France, dont l'ouverture a dû se faire aujourd'hui, il était à craindre que ces bruits ne missent en doute sur ma doctrine plusieurs membres du premier et du second ordre; j'ai pensé, très saint-Père, qu'ayant l'honneur d'être attaché à l'Église par l'ordre sacré du diaconat, qu'étant

abbé commendataire de deux célèbres abbayes, membre de l'église de Lyon si respectable par son ancienneté et par la pureté de sa doctrine, surtout qu'ayant été élevé à la dignité éminente du cardinalat par la bonté infinie de Votre Sainteté, il ne m'était plus permis de laisser subsister le moindre doute sur ma respectueuse et profonde soumission aux décisions du Saint-Siège, et que si la prudence ne me permettait pas, dans les circonstances où je me trouve, d'édifier avec trop d'éclat le clergé de France, assemblé à Paris, par une profession authentique de ma doctrine, je devais du moins l'hommage de ma foi à Votre Sainteté, dont j'ai l'honneur d'être la créature.

J'ai pensé aussi qu'après avoir rempli cette obligation indispensable, je devais laisser à la sagesse supérieure du chef de l'Eglise le soin d'instruire le sacre collège de mes sentiments; qu'ayant mis aux pieds de Votre Sainteté une profession sincère de ma doctrine et un monument authentique de ma obéissance, je devais espérer qu'elle voudrait bien me défendre dans tous les temps auprès du Saint-Siège, opposer un bouclier aux traits de la calomnie, et empêcher, par les moyens que sa haute prudence pourra lui inspirer, qu'une de ses créatures, qui a rempli des places si importantes dans ce royaume et qui est revêtue d'une si grande dignité dans l'Eglise, ne soit taxée de favoriser des erreurs si souvent et si justement proscrites.

Qu'après avoir déposé dans le sein paternel de Votre Béatitude l'expression de mes sentiments, j'étais dispensé désormais de rompre le silence respectueux que ma situation actuelle me prescrit: que surtout je devais éviter qu'on ne pût attribuer les démarches que j'aurais pu faire auprès du clergé de France à un esprit d'inquiétude; et peut-être même à l'envie de faire parler de moi et au désir de m'associer, sans y être autorisé, aux affaires qui vont occuper l'assemblée du clergé.

Mes intentions sont pures: je crois de mon devoir de prévenir Votre Sainteté contre les imputations de la calomnie; de l'instruire de mes principes sur la doctrine; de ne laisser aucun doute sur ma parfaite soumission; et après avoir rempli les obligations de mon état, il ne me restera plus qu'à pardonner, comme je le fais du fond de mon cœur, à mes ennemis et à les plaindre de s'être trompés sur mon compte ou de chercher à faire illusion sur ma véritable façon de penser.

Je déclare donc et je proteste à Votre Sainteté que, dès l'âge de vingt ans et aussitôt que j'ai su écrire et penser, j'ai employé mes faibles talents à défendre la religion contre l'impie

des matérialistes, des déistes, des sceptiques, des libertins, et en particulier contre les hérétiques;

Que mes ouvrages sur ces matières ont été connus et approuvés non seulement des savants, mais des personnes les plus éminentes en dignité et en vertu;

Que dans mes oeuvres académiques et de simple littérature je n'ai rien fait qui blessât en aucune manière la religion, les mœurs ou la charité chrétienne; que j'ai désavoué publiquement, dans mes discours imprimés en 1744, des recueils que mes ennemis avaient fait courir sous mon nom, et qu'ils n'ont cessé de répandre dans toutes les occasions où cette supposition aurait pu me nuire.

Je désavoue donc de nouveau au pied du trône de Votre Sainteté tous les ouvrages qu'on a pu m'attribuer jusqu'ici, n'en reconnaissant de légitimes que ceux que j'ai publiés moi-même et dans lesquels j'ai rendu constamment hommage à la religion, à la vertu et aux bonnes mœurs.

A l'égard de mes sentiments théologiques, ils n'ont jamais pu être suspects. J'ai fait mes premières études au collège des jésuites à Paris, ma philosophie et ma théologie au séminaire de Saint-Sulpice et en Sorbonne. Je n'ai jamais eu aucune liaison directe ni indirecte avec aucun réfractaire aux bulles des souverains pontifes qui ont proscrit les erreurs contenues dans les livres de Baŷus, de Jansénius et de Quesnel, dont je proscriis les erreurs dans le même sens que les souverains pontifes les ont condamnées.

J'ai souscrit plusieurs fois purement et simplement et avec une véritable soumission le formulaire d'Alexandre VII.

Je proteste de coeur et de bouche d'avoir rendu et de rendre toujours à l'avenir la même obéissance à la bulle *Unigenitus*.

J'adopte à ce sujet les sentiments du clergé de France, et je l'imiterai toujours dans son profond respect pour le Saint-Siège et dans sa soumission aux décisions de l'Eglise.

Je déclare de plus que, dans la vie privée ou publique, je n'ai pensé, rien dit, rien écrit, rien fait ni rien conseillé qui n'eût pour fondement, pour motif et pour objet ces mêmes sentiments que je viens de manifester à Votre Sainteté; que je n'ai rien projeté qui ne fût conforme à l'esprit de l'Eglise et aux sages maximes du clergé de France et du royaume; que je n'ai rien proposé qui ne tendit à faire cesser l'obstination des esprits indociles aux décrets du Saint-Siège, à les plier au joug de la soumission, à les réunir dans le centre de l'unité; que mon at-

tention ne s'était pas bornée à guérir les maux présents, qu'elle avait eu pour objet de les prévenir dans les suites, de purifier les écoles, de perfectionner les études et de ramener, s'il était possible, au sein de l'Eglise, cette foule d'aveugles que l'hérésie en a arrachés.

J'ai toujours craint et détesté le vent de nouvelles doctrines: j'ai vécu et je mourrai attaché à la foi de l'église catholique, apostolique et romaine et au fil non interrompu de la tradition.

Si, par ignorance, ou défaut de lumières, je me suis trompé dans mes vues ou dans les moyens que j'ai employés, il ne faut en accuser que la faiblesse de l'humanité, et rendre à la droiture et à la pureté de mes intentions la justice qui leur est due.

Tels sont mes sentiments, Très-Saint Père: si dans la profession sincère que j'en fais il y avait, soit au fond, soit dans la forme, quelque chose à changer, à retrancher ou à ajouter, je suis entièrement soumis, par avance, au jugement qu'en portera Votre Sainteté; et j'adopte avec respect, obéissance et amour toutes les réformes qu'elle daignera y faire.

Bacio alla Santità Vostra umilissimamente i santissimi piedi.

Di Vostra Santità

Umilissimo, devotissimo, obligatissimo servidore
e creatura

Il cardinale DI BERNIS.

Vicenza, 1.^o marzo 1760.

Je demande mille pardons à Votre Sainteté de n'avoir point écrit cette lettre de ma propre main: mais mon écriture est trop mauvaise; Votre Sainteté vaudra bien m'excuser.

CCLXXXVI.

DILECTO FILIO NOSTRO

FRANCISCO JOACHIMO S. R. E. CARDINALI DE BERNIS

CLEMENS PAPA XIII.

Romæ, 31 martii 1760.

Dilecte, etc. Magnam te cepisse molestiam oportuit, cum primum accepisti, iniquos de te quosdam spargi rumores, quibus

tua in Ecclesiam voluntas animique tui sensus de rebus quae ad catholicam religionem pertinent in suspensionem venirent. Etsi enim cum de eo agitur, quid de nobis homines sentiant, ita medios nos gerere debemus ut nobis bonum nomen curae esse videatur, scriptum est enim, *curam habere de bono nomine*, neque tamen abjecte sermonibus hominum et existimationibus serviamus, cum beatissimus Paulus dicat: *Si adhuc hominibus placerem, Christi servus non essem*; tamen justo arbitramur te dolore commotum quod tam atrocibus fama tua suspensionibus laederetur, ex quibus universae Ecclesiae magna accidere possit offensio. Nos vero de ista animi tui aegritudine vehementer sane doluimus; sed tamen mirabiliter laetati sumus quod gravissimis verbis Nobis declaraveris religioni te ab incunte aetate animum tuum devovisse, catholicae fidei esse studiosissimum et in hanc sanctam Sedem praeclare animatum; qui omni, quo aequum est, obsequio apostolicis decretis adversus Baii, Jansenii et Quesnelli errores nullo non tempore obtemperaveris, Formulario felic. record. praedecessoris nostri Alexandri VII semel iterum ac saepius sincere subscripseris, constitutioni *Unigenitus* non tam voce quam intimo animi tui sensu pareas semperque parneris. Ex his animi tui rectissimi sensibus, velut e fonte, tua omnia scribis fluxisse consilia; numquam cum iis qui Sedis apostolicae decretis adversantur quidquid tibi fuisse commercii, nihilque te designasse, molitum esse, dixisse aut cogitasse, ex quo rem catholicam quidpiam detrimenti accipere posse suspicari. Quae quidem voluntatis, studii, pietatisquae tuae in Ecclesiam praeclara significatio etsi Nobis gratissima fuit et porjucunda, tamen apud Nos nihil illa opus fuit; cum non modo de ejusmodi malevolis sermonibus, quos de te jactari conquereris, nihil unquam inaudierimus, sed ne tenuissimus quidem rumusculus ad aures nostras afflaverit. Id vero te tibi validius persuasurum existimamus, si de beneficio nostro singularique cardinalatus honore, quo te ornatum volumus, cogitaveris: neque enim illum assequutus esses, si vel levissima Nobis, in re tam gravi, de te fuisset injecta suspicio. Reliquum est ut ista tua dictorum factorumque tuorum quae ad Ecclesiam pertinuerit conscientia te consolere; cujus vis quanta sit declaravit b. Petrus apostolus cum scripsit: *Cum modestia et timore conscientiam habentes bonam, ut in eo, quod detrahunt vobis, confundantur*. Nos quidem ob tam praeclaram apud apostolicam Sedem obsequii, obedientiae, fidei denique tuae significationem illud fore confidimus, ut ejusmodi de te rumores mali,

prolata in lucem veritate, funditus evanescant. Illud autem quod se dicebat b. Job, dum te monemus, ne tibi unquam ex animo excidat, *non recedam ab innocentia mea; justificationem meam, quam coepi tenere, non deseram*; paternae in te caritatis et benevolentiae nostrae pignus apostolicam benedictionem peramanter impertimur. *Datum Romae, etc., pridie kal. aprilis 1760, pontificatus nostri anno secundo.*

CCLXXXVII.

A M. LE MARQUIS D'AUBETERRE.

A Versailles, le 8 janvier 1765.

Je croyais que Mgr le cardinal de Rochecouart avait laissé à Rome dans la secrétairie de l'ambassade du roi des copies de sa correspondance relative aux affaires de Sa Majesté; mais puisque ma conjecture à cet égard ne se trouve pas fondée, je vous envoie la dépêche que je lui adressai par un exprès le 16 janvier 1762 concernant les jésuites. J'approuvo fort le parti que vous avez pris de concert avec Mgr le cardinal de Sciarra, de ne faire aucune démarche au sujet de l'édit du roi par rapport à leur compagnie, et d'attendre qu'on vous donne lieu de vous expliquer sur ce sujet conformément aux intentions de Sa Majesté.

Le duc DE PRASLIN.

CCLXXXVIII.

COPIE A M. LE CARDINAL ROCHECHOLART.

A Versailles, le 16 janvier 1762.

Monseigneur,

Jusqu'à présent l'affaire des jésuites n'est point entrée dans notre correspondance, parce qu'elle ne ressortissait point à mon département, ne devant pas être traitée à Rome; mais le roi

m'ordonne aujourd'hui de vous instruire de l'état où elle est , et de la démarche que Sa Majesté juge à propos de vous prescrire.

Votre Éminence a sans doute été informée du commencement de cette affaire, de ses progrès et de ses suites. Le parlement l'ayant entamée d'une manière trop vive, le roi crut qu'il était de sa sagesse d'envoyer au mois de septembre dernier des lettres patentes pour surseoir aux poursuites de cette compagnie, et annonça en même temps qu'il se ferait rendre compte de l'affaire, qu'il en prendrait connaissance par lui-même, et qu'il ferait connaître ses volontés avant l'expiration du délai. En conséquence, Sa Majesté a nommé des commissaires de son conseil pour examiner les constitutions des jésuites et pour lui en rendre compte. Postérieurement le roi a demandé l'avis des évêques qui se sont trouvés à Paris ou dans les environs, et Sa Majesté s'est expliquée en même temps que ces évêques ne devaient point former une assemblée régulière ni authentique ; qu'elle attendait d'eux une consultation et non une décision, et qu'elle ne prétendait point s'assujettir à l'avis qu'ils lui présenteraient. Ces évêques ont rempli les vues du roi, ils ont examiné la matière dans des conférences tenues chez Mgr le cardinal de Luines, et qui n'avaient point l'authenticité d'une assemblée : il en est résulté trois avis, l'un approuvé par quarante-cinq évêques, l'autre par cinq, et le troisième s'est trouvé solitaire. Ces différents avis ont été remis entre les mains de MM. les commissaires du conseil, qui suivaient en même temps l'objet de leur travail ; et ces magistrats, après avoir examiné avec l'attention la plus scrupuleuse et la plus impartiale les constitutions des jésuites, les procédures du parlement, l'avis de MM. les gens du roi et ceux des évêques, viennent enfin d'en faire le rapport au roi et de lui proposer le plan qu'ils ont cru le meilleur pour terminer cette affaire et pour faire cesser les troubles qu'elle occasionne dans le royaume. L'objet des commissaires a été de conserver les jésuites, de les tirer de la crise violente où ils se trouvent et de fixer irrévocablement leur état en France ; mais en même temps, ils se sont occupés de remédier aux inconvénients et aux abus qu'ils ont cru pouvoir résulter de leurs constitutions, et de prendre les précautions convenables pour les assujettir aux lois fondamentales de la monarchie et pour mettre des bornes à l'autorité excessive de leur général. C'est, monseigneur, l'excès de cette autorité qui a le plus frappé les commissaires ; elle leur a paru telle qu'il n'en existe point de pareille

dans aucun ordre religieux. Ce pouvoir illimité d'un général étranger sur des sujets du roi leur paraît inconciliable avec celle de Sa Majesté et avec les maximes du royaume. MM. les commissaires ont donc cherché tous les moyens possibles de modérer cette autorité dangereuse sans attaquer essentiellement l'institut des jésuites et sans le dénaturer; ils ont trouvé les plus grandes difficultés à remplir cet objet; la plupart des expédients qu'ils ont imaginés étaient insuffisants ou destructifs de la société. Enfin, après un long travail, de profondes réflexions et l'examen le plus scrupuleux, un seul leur a paru capable de remplir les vues du roi. Cet expédient est, que le général nomme un vicaire général français qui exerce en France l'autorité du général, qui prête serment de se conformer aux lois de l'État, et qui soit le gage et la caution de la conduite des jésuites dans le royaume; ces magistrats ont remarqué que l'expédient qu'ils proposaient était d'autant meilleur qu'il était puisé dans les constitutions mêmes des jésuites, qui permettent au général de nommer un vicaire général dans des cas prévus; elles citent en particulier celui d'infirmité et de maladie, et il faut avouer que si le général est en bonne santé, la société est bien malade, et qu'elle est aujourd'hui dans le plus grand danger. MM. les commissaires ont encore observé que la nomination du vicaire général, en remédiant aux inconvénients reconnus de l'autorité sans bornes du général, ne changeaient en rien le régime de la société, qu'elle le maintenait au contraire dans toute son intégrité; que l'autorité même du général demeurait entière, avec la seule différence qu'elle s'exerçait par son vicaire, nommé par lui, et changé tous les trois ans. Je dois encore ajouter une attention que MM. les commissaires ont eue pour le général, c'est que dans le cas où il se trouverait en France de sa personne, dès lors il exerçait par lui-même son autorité, et que le vicaire général serait déchu de tous ses droits. Ils ont appuyé leur proposition par des exemples, en citant plusieurs ordres religieux, tels que les Prémontrés, dont les généraux sont en France et qui ont des représentants en Italie, et l'on a rappelé toutes les tentatives que la cour de Rome a faites pour établir la même réforme dans l'ordre des Chartreux.

Une autre observation très-importante, et sur laquelle MM. les commissaires se sont fondés, c'est que l'expédient du vicaire général est non-seulement analogue aux constitutions des jésuites et aux lois de leur fondateur, qui permettent au général de choisir un vicaire, mais que de plus il est conforme à l'édit de 1603

rendu par Henri IV pour l'établissement des jésuites en France; ils ont pensé même que la nomination de ce vicaire était en quelque sorte l'exécution d'une clause de cet édit, qui porte qu'un jésuite muni de pouvoirs demeurera auprès de la personne du roi comme le gage de la caution de sa société.

Telle est, Monseigneur, la base du plan qui doit être rédigé en forme de déclaration. Cette déclaration contiendra beaucoup d'autres articles dont je ne vous fais pas aujourd'hui le détail, attendu que je ne vous écris que de mémoire et avec une grande précipitation, pour ne pas perdre un temps très-précieux, et je me borne à vous instruire des points les plus importants. Il y en a entre autres un fort essentiel pour les jésuites, et dont il est à propos que vous soyez informé: c'est que MM. les commissaires ont découvert dans leurs recherches, que de cent quarante-huit maisons qui sont dans le royaume, il y en a environ quatre-vingts dont les biens ne sont pas en règle, ni leurs titres revêtus des formes qui devraient légitimer leurs possessions. La déclaration doit statuer sur cet article, et surseoir à toute démarche que pourraient faire les tribunaux, jusqu'à ce que Sa Majesté ait pris les moyens d'assurer à ces maisons leurs possessions d'une manière irrévocable.

Au surplus, la déclaration mettra au néant tous les appels comme d'abus, interjetés par le parlement, des différentes bulles, et elle stipulera que dorénavant on ne reconnaitra que celles qui auront été dûment enregistrées. Cet article est conforme à nos maximes, et ne laissera aucune suite à cette affaire.

Telles sont les principales dispositions au moyen desquelles on espère de faire cesser les troubles du royaume, en fermant la bouche aux parlements et en leur ôtant toute occasion d'inquiéter les jésuites, et l'on se flatte par ces précautions d'avoir pourvu aux inconvénients de toute espèce. Mais Sa Majesté, qui honore la société des jésuites d'une protection spéciale, veut encore donner une marque distinguée de ses égards pour le général, en lui communiquant le plan qu'elle est dans l'intention d'adopter, pour l'engager à entrer lui-même dans ces vues salutaires. C'est, Monseigneur, l'objet du courrier que je vous dépêche par ordre du roi; vous devez faire sentir à ce général toute la reconnaissance qu'il doit aux soins paternels que Sa Majesté se donne pour garantir sa compagnie des dangers auxquels elle est exposée, et lui représenter qu'étant plus intéressé que personne à la splendeur de son ordre, il ne doit pas balancer de concourir aux moyens qui sont seuls capables de fixer leur état en Franco

d'une manière irrévocable ; mais si ce général y paraissait opposé et qu'il fit difficulté de s'y prêter, vous ne devez pas lui cacher que le roi n'en connaît point d'autres pour conserver et sauver les jésuites, et que s'il se refusait à un expédient indiqué par leurs constitutions mêmes et autorisé par leur fondateur, il se rendrait responsable au public, à lui-même et à sa compagnie des malheurs qu'elle pourrait éprouver. Votre Éminence n'aura pas de peine à sentir combien la situation du roi est délicate dans les conjonctures présentes, et l'intérêt essentiel qu'il a de maintenir la tranquillité dans l'intérieur de son royaume. Les tribunaux séculiers et le public même ont pris parti dans cette affaire avec tant de vivacité, et paraissent si animés contre la société, que si on ne leur donnait aucune satisfaction, surtout dans les articles où l'on ne saurait disconvenir que leurs représentations sont fondées, il en résulterait nécessairement des troubles très-dangereux et très-difficiles à apaiser, et dont les suites ne pourraient qu'être funestes aux jésuites mêmes, qui deviendraient les victimes du malheur public.

Sa Majesté prescrit donc à Votre Éminence, aussitôt la présente reçu, d'envoyer chercher le général des jésuites, de lui faire le tableau de la situation actuelle des affaires, et de lui communiquer le plan dont je viens de vous rendre compte. Aux termes de la déclaration projetée, le général doit nommer dans six mois un vicaire général qui lui sera toujours subordonné et qui exercera son autorité en France pendant l'espace de trois ans : ce terme expiré, le général sera le maître de continuer le même vicaire, ou d'en nommer un autre ; mais cette qualité de vicaire général ne pourra être conservée au même homme au delà de six années. Voilà le point important et vraiment essentiel de la déclaration ; c'est sur cet article que le roi demande le consentement formel du général et une réponse précise et catégorique de sa part. Vous ferez sentir, Monseigneur, tout le prix de l'attention qu'a Sa Majesté de demander ce consentement avant de donner sa déclaration, et vous devez employer tout votre crédit sur l'esprit du général pour lui faire adopter le seul moyen qu'on imagine pour conserver les jésuites en France, et pour les mettre à l'abri des persécutions auxquelles ils sont exposés. Il n'y a rien à négliger pour réussir dans un objet aussi important et qui intéresse véritablement le roi par l'affection particulière qu'il porte aux jésuites. Mais en même temps vous lui déclarerez que son refus pourrait devenir fatal à sa société, Sa Majesté alors ne pouvant se dispenser ou de

donner sa déclaration sans égard à son opposition, ou de laisser agir les parlements suivant leur système et leurs principes. Vous ferez observer au général que le temps presse et qu'il n'y a pas un moment à perdre; l'affaire des appels comme d'abus devant être portée définitivement au parlement le 9 du mois prochain, il est indispensable que le roi prenne un parti avant cette époque, et que je reçoive de votre part une réponse satisfaisante et précise. Je recommande la diligence à mon courrier, et j'espère qu'il arrivera à Rome dimanche prochain 24 de ce mois. Si vous le gardiez plus de quatre ou cinq jours, il serait à craindre que son retour ne fût trop reculé. Le roi remet aujourd'hui dans vos mains, Monseigneur, une affaire très-importante par sa nature et dans ses conséquences; et ce qui doit encore vous la faire paraître plus intéressante c'est qu'elle affecte particulièrement son cœur: je n'ai rien à ajouter à des motifs si puissants. Sa Majesté ne doute pas que vous n'y mettiez tout le zèle qu'elle vous connaît pour son service, et je finis en vous répétant, selon ses ordres, que vous devez employer tous les moyens possibles pour obtenir le consentement du général à la nomination d'un vicaire, puisqu'on ne connaît ici d'autre ressource que cet expédient pour sauver les jésuites et rétablir la tranquillité dans le royaume.

Il serait superflu, Monseigneur, de vous dire que cette dépeche n'est point faite pour être communiquée au général des jésuites; vous en prendrez l'esprit et la substance sans en affaiblir l'énergie pour obtenir sans délai le consentement qu'on lui demande.

J'ai l'honneur, etc.

CCLXXXIX.

IN NOMINE DOMINI. AMEN.

Ex conclavi, 16 mart. 1769.

Universis et singulis praesens hoc publicum instrumentum visuris, lectoris pariter et auditoris, evidenter pateat et notum sit, quod die decima sexta mensis martii anni MDCCLXIX indictione II, horis pomeridianis, post absolutum scrutinium completaque prorsus omnia ad idem pertinentia, cum rite aperta fuerit janua conclavis, ut ingredi possit eminentissimus et reverendissimus

Hieronymus tituli S. Balbinae, S. R. E. cardinalis Spinola, serenissimi Joseph II, electus Romanorum imperator, et Petrus Leopoldus ejus germanus frater, magnus dux Etruriae, in praedicta porta steterunt, ut eminentissimum Alexandrum Albani praefati imperatoris apud sanctam Sedem administrum plenipotentiarium adloquerentur.

Hac occasione eminentissimi Stappanus episcopus Praenestinus, Boschius tituli SS. Joannis et Pauli presbyter et Veteranus SS. Cosmae et Damiani diaconus, cardinales in ordine priores, ac caeteri omnes eminentissimi, biretum prae manibus habentes, retentoque in capite pileolo rubro, ad praedictam januam accesserunt, ut praefatis regis principibus, etsi diversa alia ut assolet quam vera praecelsae dignitatis specie almam urbem ingressis, kuculenta obsequii testimonia et communis laetitiae significationes exhiberent. Omnes et singulos imperator ac magnus dux Etruriae, capite omnino detecto, humanissime exceperunt et allocuti sunt.

Post mutuum ac longum sermonem iidem serenissimi principes ardens desiderium ostenderunt ingrediendi paulisper conclave, ut ejus structuram inspicerent et legitimum romanum pontificem eligendi methodum edocerentur. Aeque tantorum principum desiderio obsistere eminentissimi patres non poterunt. Quare ingressi sunt tantummodo praedictus Romanorum electus imperator, ejusque frater magnus dux Etruriae, vetitusque alteri cuicumque etiam nobili et illustri caractere insignitae personae aditus ab excellentissimo magno conclavis mareschalco, exterius eandem portam, interius vero illam custodiente eminentissimo et reverendissimo cardinali Rezzonico, S. R. E. camerario pro suis officiis et vigilantiae debito.

Directe ad capellam Sixtinam ducti fuera laudati serenissimi principes, universo eminentissimorum cardinalium coetu adstante. Ibi accensis cereis facibus, magnificam sacelli structuram, nobilium picturarum ornatum, eminentissimorum patrum sedilia, schedulas, eas comburendi modum, ceteraque omnia scrutinio peragendo materialiter tantum inservientia, ac tandem novo pontifici induendo paratas jamdiu vestes inspexerunt.

Ex hac capella ad aliam Paulinam, in qua sanctissimum Sacramentum asservatur, accesserunt, ubi sacratissimam Eucharistiam in tabernaculo clausam humiliter venerati, ad viciniore eminentissimorum cellulas progressi sunt. In his multa de vivendi ratione, de frugali vescendi modo ac de domestica veneratione sciscitati sunt.

Super magnum vaticanae basilicae porticum adducti, de loco ac forma publicandi novum pontificem inquisiverunt. Tandem ad regiam aulam regressi, multo temporis spatio cum eminentissimis patribus humanissime colloquuti sunt.

Hos inter sermones non defuerunt nonnulli ex eminentissimis patribus Caesareae Majestati Suae propinquiore, qui et particulari et communi ac publico sacri collegii nomine, fidei, religionis et viduae Ecclesiae tutelam principi illius advocato, et de eadem pro avita majorum suorum pietate, semper promerito, impense commendarent; quibus imperator non minus urbane quam graviter respondens, multa de pontificia dignitate, de suaque erga romanam ecclesiam devotione disseruit.

Tandem singulos eminentissimos cardinales perquam humaniter alloquutus, faustaque omnia eisdem adprecatus, una cum praedicto Magno Etruriae duce e conclavi discessit. Quare eminentissimus Carolus tituli S. Clementis cardinalis Rezzonicus S. R. E. camerarius, januam clausit; ac tribus clavibus de more obfirmavit. Quae omnia, etc.

Conclave per la morte di Clemente XIII; Relazioni delle feste, e regali fatti all' imperadore, e gran duca di Toscana; Biglietti di mgr. maggiordomo sopra il trattamento del gran duca di Toscana del conte d'Almada; Trattamento del gran maestro di Malta, e della repubblica di Lucca, pag. 69. etc.

CCXC.

NOS MARIA THEDESIA ROMANORUM IMPERATRIX,
VIDUA, REGINA HUNGARIÆ, BOHEMIÆ, DALMATIÆ,
CROATIÆ ET SLAVONIÆ, ETC.; ARCHIDUX AUSTRIÆ,
DUX BURGUNDIÆ, MAGNA PRINCEPS TRANSILVANIÆ,
DUX MEDIOLANI, MANTUÆ, PARMÆ, ETC.;
COMES HASBURGI, FLANDRIÆ, TYROLIS, ETC.; LOTHARINGIÆ
ET DARRI DUX; MAGNA DUX HETRURIÆ, ETC., ETC.

Viennae, 10 aprilis 1769.

Reverendissimis in Christo patribus dominis N. S. R. E., episcopis, presbyteris, diaconis ac universo collegio cardinalium,
CLEMENTIS XIV *Epistolae et Brevia.*

amicis nostris carissimis, salutem ac benevolentiae nostrae affectum. Reverendissimi in Christo patres, amici carissimi. Quae de gaudio a R. P. N. ob faustum Augusti Caesaris, serenissimi-que archiducis Magnae Etruriae ducis, dilectissimorum filiorum nostrorum, in urbe adventum, ac de singulari quod in eosdem excipiendos omniumque honorum significatione persequendos impendistis studio, vestris litteris die XVII superioris mensis ad Nos datis nunciata, et ab archiepiscopo Ephesino sanctae Sedis apostolicae in hac aula nostra nuntio uberius coram fuere exposita, nec nova Nobis acciderunt, nec sane inexpectata; utpote quae solitus purpurati ordinis erga Caesarem Majestatem cultus et studiosa in augustam domum nostram voluntas Nobis certissime videbantur polliceri. Pergratum nihilominus atque jucundum Nobis fuit, laeta R. P. V. animi sensa super tam auspicio ac novi paene exempli eventu percipere: neque jam mirum esse debet, vobis praeoentibus, reliquos illum proceres populum-que romanum ovantes plaudentesque celebrasse.

Haec vero dum grato animi sensu recolimus, magnas quantum ad Nos pertinet, toti amplissimo cardinalium collegio gratias habemus. Quid vero de novi summi pontifici electione, de religionis incolumitate, de sacerdotii et imperii concordia temporisque ratione sentiamus, vobis jam constare minime dubitamus. Ecclesiae certe, pro officio nostro, ea, qua consuevimus pietate colendae tuendaeque non deerimus; tum et sacri ordinis vestri decora et ornamenta cordi semper habebimus; quem interea suppremi Numinis tutelae commendamus, et de caesareo-regiae in eundem benevolentiae affectu volumus esse certiores. *Datum Viennae, die 40 aprilis 1769, regnorum nostorum vigesimo nono.*

Reverendissimarum Paternitatum Vestrarum

Benevola

MARIA THERESIA.

W. KAUNITZ RITTBERG.

HENR. GARR. A COLLENBACH.

Litterae caesareo-regiae ad sacrum collegium cardinalium.

CCXCI.

A MONSIEUR LE CARDINAL DES LANCES.

Turin, ce 25 septembre 1770.

Monseigneur,

J'ai informé en son temps Votre Éminence du plaisir que le roi s'est fait de déférer à la requisition qu'elle lui a faite de la part de Sa Sainteté de s'employer pour dissiper ses inquiétudes au sujet du traitement que les États Ecclésiastiques pourraient essuyer de la part des vaisseaux russes. Ensuite de bons offices que Sa Majesté a fait passer à ce sujet à la cour de S. Pétersbourg, le marquis de Cordon vient de mander, en date du 11 de ce mois, que le prince Gallitzin, ministre de Russie à la Haye, lui a fait voir une lettre du comte Panin, par laquelle il le charge de lui exprimer dans les termes les plus obligeants et les plus affectueux que l'impératrice de Russie est très-flattée de profiter de cette première occasion qui se présente de marquer son attention pour tout ce qui peut plaire à Sa Majesté. Que quoique l'impératrice se soit suffisamment expliquée que ses vaisseaux, loin d'inquiéter la navigation et le commerce d'aucune puissance chrétienne, chercheraient au contraire à leur donner toute l'assistance qui serait à leur main, et que quoiqu'elle n'eût aucun doute que la conduite de ses commandants ne fût uniforme à ces sentiments, voyant néanmoins l'intérêt que le roi prend à ce qui regarde le pape, elle se faisait un plaisir de déclarer que son intention est, et a toujours été dès le commencement de comprendre les sujets et les États de Sa Sainteté dans l'assurance générale donnée pour la navigation des puissances chrétiennes; et qu'en conséquence les vaisseaux de l'impératrice non seulement ne les molesteraient en quoi que ce soit, mais au contraire, si le cas arrive, leur donneront tout secours et toute assistance contre les barbaresques. Le comte Panin ajoutait encore que l'impératrice a une satisfaction de plus à rendre Sa Majesté dépositaire de cette déclaration afin qu'elle la fasse passer à la cour de Rome.

Sur le compte que j'ai rendu au roi ce matin de ce qu'a mandé à ce sujet le marquis de Cordon, Sa Majesté m'a chargé de le communiquer à Votre Éminence, comme je m'empresse de le faire sans délai, afin qu'elle puisse encore profiter, si elle le

juge à propos, de l'ordinaire de demain pour en faire parvenir la connaissance à Sa Sainteté.

J'ai l'honneur d'être avec un sincère et respectueux attachement,

Monseigneur,

De Votre Éminence,
le très-humble et très-obéissant serviteur,
RAIBERTI.

CCXCII.

Varsavia, 23 settembre 1772.

Beatissimo padre. Non può esservi in Polonia un oggetto il quale debba maggiormente impegnare le premure della santa Sede e lo zelo della Santità Vostra, di quello sia la conservazione del regno in tutta la sua estensione e nei suoi diritti, dipendendo dall'una e dagli altri il sostegno ancora, non che il vantaggio in esso della cattolica religione e della Chiesa. Mi credo pertanto in debito di partecipare a Vostra Beatitudine i suoi gravi perigli e la sua funesta situazione.

Egli è inutile il fare ora menzione delle misere circostanze e del malconsigliato concatenamento di cose che hanno preceduto e in gran parte occasionato quanto attualmente siegue: deve essere il tutto ben noto alla Santità Vostra.

Mi restringo solo a rappresentarle come ora le provincie le più vaste e le più fertili occupate dalle armi di tre suoi potenti vicini sono di già passate sotto il loro dominio, o trovansi imminenti a soggiacere a tal destino. Niuna particolare offesa per parte della repubblica, niuna dimenticonza dei proprii impegni e di quelle leggi che riguardano un buon vicino può giustificare questa usurpazione. Non è essa che il risultato di una forza maggiore, diretta dallo spirito di conquista, e dall'ambizione d'ingrandirsi a danno altrui.

Vostra Santità non può vedero con occhio indifferente un tal fatto, che mentre si oppone ad ogni ragione o giustizia, apporta le più gravi irreparabili ferite alla cattolica religione ed alla Chiesa.

In qualità di re e di capo della nazione polonese sì costantemente addetta e dovuta alla santa Sede, imploro, santo Padre, tutti quei soccorsi che può suggerire alla Santità Vostra il suo paterno affetto.

Si degni riflettere alla debolezza della medesima tanto per la sua propria costituzione e per le turbolenze dalle quali è stata fino ad ora oppressa, quanto per la forza troppo superiore dei suoi vicini, e facilmente vedrà che va essa intieramente a perire, se l'Europa l'abbandona.

Si sa quanto possa la Santità Vostra sullo spirito di quei potentati che devono essere interessati al pari di Lei ad opporsi a tanta ingiustizia, ed ho motivo di sperare che v'impiegheranno tutte le loro forze tosto che ne abbiano da Vostra Beatitudine uno speciale stimolo ed impulso.

Il di più le sarà esposto a voce dal mio ministro il marchese Antici, e le potrà essere comunicato in iscritto dal reverendissimo sig. Garampi, veramente degno nunzio apostolico, a cui ho confidentemente aperto tutto l'animo mio: e pieno di fiducia nella pietà, magnanimità e zelo del supremo pastore, prostrato coi miei popoli alla sua benedizione, le bacio i santissimi piedi.

Di Vostra Beatitudine

Ubbidientissimo figlio,

STANISLAW AGOSTO, re di Polonia.

CCXCHL

SANCTISSIMO AC BEATISSIMO IN CHRISTO PATRI

DOMINO CLEMENTI

DIVINA PROVIDENTIA PAPÆ EJUS NOMINIS XIV,

SACRO SANCTÆ ROMANÆ AC UNIVERSALIS ECCLESİÆ

PONTIFICI MAXIMO, DOMINO CLEMENTISSIMO,

Varsaviae, 20 septembris 1772.

Sanctissime et beatissime in Christo pater, domine clementissime. Post oscula pedum Sanctitatis Vestrae, mei regnique ac dominiorum meorum humillimam commendationem. Statim ut reverendissimus in Christo pater Josephus Garampi archiepiscopus Beryti, Sanctitatis Vestrae ad me et regnum meum nuntius, feliciter in hanc civitatem pervenit, reddidit mihi suas in forma Brevis litteras, quas mira animi mei oblectatione recepi et perlegi. In gravissimis enimvero angustiis quibus res hujus reipublicae, praesertim nunc, sunt obnoxiae, non modicum solatium mihi obvenit, cum ex praefatis litteris, tum ex significatione

dicti praelati perbelle intelligerem de paternae luculentissimae caritatis in me et regnum meum Sanctitatis Vestrae sensibus, quorum continuam memoriam grato animo servabo et recolam. Pergat amabo Sanctitas Vestra in proseguendo me regnumque meum suavissimo suo amore, benevolentia et studiis; perarduis vero rebus mei regni potissimum ad praesens, pro summa qua pollet apud principes catholicos auctoritate, efficaciter assistat. Agitur nunc, beatissime pater, de avertendis malis, quae non huic dumtaxat regno, sed et religioni catholicae perquam essent perniciose; pront, nullus dubito, jam Sanctitati Vestrae apprime est notum.

De caetero maximas Sanctitati Vestrae refero gratias, quod ad obeundum munus ordinarii sui apud me et hanc rempublicam nuntii designaverit memoratum reverendissimum in Christo patrem archiepiscopum Beryti, qui pro singularibus animi sui virtutibus ac dotibus mihi nequit non esse acceptissimus. Pro eorum proinde consideratione, aequae ac pro summa mea in Sanctitatem Vestram et sanctam Sedem apostolicam pietate et devotione, nihil in cumulando dicto praelato humanitatis et benevolentiae meae officiis unquam intermittam.

Ne vero prolixior sim in hisce meis litteris et perinde Sanctitati Vestrae molestius, illustrissimo reverendissimo domino cardinali secretario status exponendum censi id quod promotionem reverendissimi Durini, immediati apud me et rempublicam nuntii, spectabat. Sanctitatem vero Vestram praesentibus duntaxat rogo ut eorundem expositorum aequam rationem habeat, et quo par est modo provideat ne secutus jam discessus dicti reverendissimi Durini ex Polonia absque eo, ut extemplo pro more praedecessorum suorum, pro dignitate coronae meae et promissis etiam S. M. beatissimi antecessoris Sanctitatis Vestrae per organum secretariae Status competenti promotione donaretur, in ullam imposterum sequelam trahatur. — Quod reliquum est, benedictionem apostolicam et continuam in me, et rempublicam hanc propensionem et studium, pronus a Sanctitate Vestra deponco, et plenissima cum veneratione profiteor me esse

Sanctitatis Vestrae

Obedientissimum filium,
STANISLAUS AUGUSTUS, rex Poloniae.

Dabantur Varsaviae die 26 mensis septembris anno Domini 1772.
regni vero mei IX anno.

CCXCIV.

SANCTISSIMO AC BEATISSIMO IN CHRISTO PATRI DOMINO

CLEMENTI DIVINA PROVIDENTIA

PAPÆ EJUS NOMINIS XIV,

SACROSANCTÆ ROMANÆ AC UNIVERSALIS ECCLESIAE

PONTIFICI MAXIMO, DOMINO CLEMENTISSIMO.

Varsaviae, 27 octobris 1772.

Sanctissime ac beatissime in Christo pater, domine clementissime. Post oscula pedum Sanctitatis Vestrae, mei regnique ac dominiorum meorum humillimam commendationem. Quo statu sint res polonicae, primum intestinis dissidiis per aliquot annos divexatae, tum demum principum exterorum armis oppressae ac pro cujusque libitu accisae, non est cur ob oculos Sanctitati Vestrae, omnia praeclare videnti, nunciis ipsis ac fama orbem complentibus, ponatur. Quod autem afflicto, dilacerato, amplissimisque terris imminuto regno orthodoxo, non aliud solatium et auxilium sit quam in sinu communis orbis christiani parentis collocatum, id ego rex, obsequens filius, id senatus religionis catholicae defensor strenuus, id universa Polonia, verae fidei propugnaculum, et summorum pontificum cultrix religiosa, paternae Sanctitati Vestrae exponimus.

Tres vicinae aulae, Viennensis, Petropolitana ac Berolinensis, nullâ laesi juris sui expositione, nedum ulla vindicatione saeculorum intervallis facta, opportunitate internorum reipublicae motuum usae, illius malis res suas augeri quam maxime decreverunt; immissis proinde exercitibus, ditiones Poloniae occupant, incolas et subditos ad fidem in verba sua jurejurando confirmandam vi et minis adigunt.

Hae sunt, beatissime pater, aedem aulae quibuscum olim auctoritate summorum pontificum, Pauli II cum Prussis, Gregorii XIII cum Moschis, Sixti V cum universa domo Austriaca, omni juri in Poloniae ditiones, interposito jurejurando perpetuo et in singula capita renuncianti, pax est constituta, cessatum pro parte Poloniae ab armis et victoriis.

Quare cum Poloniae regnum, sacrae pontificum auctoritati semper obsequens, ejus nutu, commodis amplissimis, sese animo libenti abdicans, nunc ab iisdem supradictis principibus, vi et

armis oppressum sit; ad Te patrem confugit, opem implorando, ut Vestra Sanctitas christianis principibus summam injuriam nostram ob oculos ponere, cohortationibus rationibusque accommodatis eosdem inducere quin Poloniae jura salva et integra, prout fuerunt hactenus, una cum ditionibus, restituantur, benigne dignetur.

Dederat id olim divae memoriae Sanctitatis Vestrae decessori Clementi XIII augustissima imperatrix regina apostolica, ut ea, quae comitiis, tum electionis, tum coronationis nostrae, acta fuerint, rata habuerit; concedet eadem auctoritati Sanctitatis Vestrae ut quae, ex infausto quodam rerum concursu potius quam ex proprio motu tam piaae principis a regno nostro avulsa credere lubet, eadem ipsa, legitimo restituendi Domino gloriosum prima dare velit exemplum. Et non despero equidem precibus tuis, Sancto Pater, exhortationibusque hoc tributuram, quam bene memorem censeo, quantum domus Austriaca debeat Sedi apostolicae, cujus ope (inter tot alia) sub Innocentio XI pontifice excitata haec eadem Polonia, proprii oblita periculi, ad salvandam obsidione Viennam consurrexit alacriter, fausteque dimicavit, non centum abhinc annis.

O utinam Polonia, ob receptas provincias, tuas in aevum possit docantare laudes! Tum vere hic ames dici pater. Deus te servet diu incolumem ecclesiae suae, regnique mei bono. Hoc vovet

Sanctitatis Vestrae

Obedientissimus filius,

STANISLAUS AUGUSTUS, *rex Poloniae.*

Dabantur Varsaviae die 27 mensis octobris anno Domini 1772. regni vero mei IX anno.

CCXCV.

Viennae, 25 aprilis 1773.

Beatissime in Christo pater, domine reverendissime. Post officiosissimam commendationem, filialis observantiae continuum incrementum. Digna omnino fuit Nobisque peraccepta Sanctitatis Vestrae in firmo nostro erga orthodoxam religionem studio fiducia, dum sibi persuasum habuit nova sua pro hujus incolumitate officia lubentissime a Nobis excepta, haecque illo quo ad Nos delata sunt animo consideratum iri. Nequaquam enim

dubitamus eidem jam per suum penes Nos nuntium apostolicum, venerabilem archiepiscopum Ephesium, compertum esse qua prona penitus mente tam Sanctitatis Vestrae litterae die vigesima mensis praeteriti ad Nos datee, quam illa a Nobis suscepta fuerint quae praefatus suus nuntius viva adhuc voce super praesentem religionis in Polonia statum exposuit; tam ad illa quae Sanctitas Vestra per priores suas litteras a Nobis expetiit, nihil in datis ad ministros nostros Petropolim, Berolinum et Varsaviam mandatis omissum fuit, ut orthodoxa in memorato regno fides hujusque sacra summo conatu sarta tectaque serventur, Sanctitasque Vestra penitus se certam tenebit, conatus hos omni quam gravissimae ibidem vicissitudines ferent ratione prosecuturos fore; peculiaris nostra pro re catholica sollicitudo perspectaque facile propriae Sanctitatis Vestrae sagacitati momenta nullum desuper eidem relinquent dubium; et quamvis anceps ac ardua rerum Polonicarum conditio asserere non sinant qualis esse queat curarum nostrarum eventus, tamen penes constantem operam nostram nunquam haerebit quin Sanctitatis Vestrae, nostraque communia vota exoptatam assequantur sortem. Hanc proinde, ut supremus rerum largiter contra adversa molimina potenti praesidio fovere, simulque Sanctitatem Vestram pro nostro sanctaeque Ecclesiae solatio seros in annos incolumem ac fortunatam servare velit, omni exoramus fervore. *Datum Vindobae, die vigesima quinta aprilis anno millesimo septingentesimo septuagesimo tertio, regni nostri decimo.*

Sanctitatis Vestrae

Obsequens filius
JOSEPHUS.

CCXCVI.

EPISCOPO VICARIO APOSTOLICO VRATISLAVIENSI

Romae, 15 januarii 1774.

Illustrissime et reverendissime domine. Quae dudum summi pontificis animo opinio insederat de virtute tua, pastoralis sollicitudine eximioque in apostolicam Sedem obsequio, ex humanissimis ad me nuperrime datis litteris mirifice apud eum contigit comprobari. Dum etenim gravi cordis moerore ipse intellexit molestias, fraudes ac parata isthic nefaria molimina a *diffidentiae*

filiis, ne apostolicum breve de jesuitarum societate delenda, quaeque ad servandam Ecclesiae pacem saluberrime constituta sunt, ullatenus exequerentur, non leve dolori suo solatium comparatum est, ex quo D. T. Illustriss. veluti gaudens a conspectu concilii, calamitatem hujusmodi impavido fortique animo exceperit, ac murum opponens pro domo Israel, universa pastoralis charitatis officia non praetermiserit exhibere. Hinc Sanctitas Sua uberes misericordiarum Patri gratias agens quod suscitare isthic dignatus sit sacerdotem fidelem qui non aestimet animam suam pretiosiores quam se, quique tanta cor suum constantia roboraverit ut laetari quodammodo videatur quod oblata ei tandem fuerit occasio exercendae virtutis suae, in mandatis mihi dedit, ut ejus nomine quae pie hactenus fortiterque gessisti uberi item meritaque laude prosequerer. Et quamvis Sanctitas Sua firmiter putet te non aliam tibi metipsi proposuisse mercedem, nisi eam magnam nimis quam repromisit Deus diligentibus se ac persecutionem patientibus propter justitiam, persuasum tamen habere te velim, Pontificem ipsum nullis unquam opportunitatibus defuturum ut testatam luculentissime faciat singularem ac vere paternam, qua te commissumque tibi gregem in Domino complectitur, caritatem.

Quod si magnae admodum difficultates, multique te undique circumstant labores, ut praepostera hominum deletae societatis desideria coërceas, et reducas aspera in viam planam, decet adhuc sapientiam, decet honorem suum, ut non convertaris in dio belli, sed induaris fortitudine tua, ac in illa statione constanter maneat in qua collocavit te Dominus. Jacta curam tuam in eo, qui non dabit fluctuationem justo, quique mittere tibi valet auxilium de sancto, quo labores sustineas, difficultates vincas, tuumque demum impleas ministerium, ut ampliora in dies merita valeas comparare.

Hinc igitur pontificis nomine te enixe hortor obtestorque ut sanctum tuoque zelo vere dignum consilium teneas, et *cunctando* tueri pergas, quo nullum ex deletae societatis viris ad sacros ordines promoveas, eosque ita arceas a scholis et dispensatione ministeriorum Dei, ut quae in apostolico brevi hac in re constituta sunt, immota continuo maneant, nullumque omnino detrimentum patiantur.

Interim Summus ipse Pontifex nedum Deum Optimum Maximum, a quo sancta desideria et justa sunt opera, humiliter obsecrare non destitit ut, sublati quae inimicus homo superseminavit zizaniis, evocet tandem diffidentiae filios, eorumque

dirigat cogitationes et opera ad justitiam faciendam; verum etiam cum potentissimi hujus regis egregias dotes perspectissimas habet, enixa apud illum jamdiu impendit studia, ut apostolico brevi liberae relinquantur aedes, ac deletae societatis homines juxta saluberrimas illius leges sua potissimum in ditione contineantur. Neve immo omnia quao vel ab hujus Sanctae Sedis auctoritate, vel a paterna ejusdem pontificis plane intima caritate suppeditari tibi possunt adjumenta desint, epistolas e vestigio dari jussit tum ad apostolicum Poloniae nuncium, tum ad archiepiscopum Pragensem, ut, collatis voluti consiliis, offensioni et scandalo queis commoveri fideles possent, summo studio occurrant, atque alter ad debitam Sedi apostolicae obedientiam eos flectat qui modo degunt in Glacensi Borussicae ditionis collegio, alter auxilium regis efflagitet, ne veritati silentium indicatur, alanturque ii qui ab audienda Petri voce se abducant, regale imperium cum Ecclesiae legibus immerito commiscentes.

To vero monitum obsequentissime facio ne quid deinceps committendum fidendumque *Ciofano* putes. Habes apostolicum Poloniae nuncium, aliosque apostolicae Sedis ministros, fide et zelo praestantissimos. His utere, eosque prudenter adeas, ut rerum ac temporum difficultati securius atque utilius studeas. Parcens tandem spectotum zelum tuum acrioribus stimulis pro ecclesia Dei incendere, Patrem luminum continenter orabo ut Nobilitatem Tuam diu incolumen tneatur, et per vias suas, quae sunt misericordia et veritas, quam felicissime dirigat. Et demum benedictionem apostolicam tibi impertiendo praecipuo Sanctitatis Suae nomine toto obsequio me tibi devoveo.

Dominationis tuae illustrissimae ac reverendissimae

Studiosissimus uti frater

A. CARDINALIS CORSINUS,

V. MACEDONIUS, *secretarius*.

Episcopo vicario apostolico Vratislaviensi.

CCXCVII.

ARCHIEPISCOPO PRAGENSI

Romae, 19 januarii 1774.

Illustrissime ac reverendissime domine D. P. C. Quam ingens fidei virtutisque tuae fama populorum ora compleverit, hinc

facile poteris existimare, quod ego te ante incipio rogare quam nosse, quodque libenti te animo amplexurum confido occasionem de re catholica atque apostolica hac Sede praeclare merendi. Perspectissimum jam esse tibi debet quod qualesque in dioecesi Vratislaviensi excitaverint turbas, quibusque machinationibus ut continuo fuerint malesuadi homines extinctae societatis Jesu, ut evulgato jamdiu de societate ipsa delenda apostolico brevi temere obsisterent, ac pontificiis utcumque confixi legibus nusquam tamen profligati viderentur.

Quasi etenim societas ipsa vel adhuc viveret, vel suis veluti e cineribus illic evocata consisteret, nemo unus illorum antiquis adhuc moribus legibusque temperavit. Scholas imo quisque exercet impavidus, publice versatur in ecclesiis, dispensatorem agit mysteriorum Dei, pluresque termatim scholastici urgent initiari sacris ad nefariam sacramentorum contumeliam. Dumque omnes clausam, mutilam et qualibet sorde maculatam offerunt hostiam, omni ope studioque nituntur, ut quem in apostolico Vratislaviensi vicario suscitavit sibi Deus sacerdotem fidelem, assiduis molestiis agitent, eosque qui fideles sunt et verbum Domini audiunt, diris vexationibus impudentissime jacent.

Teterrimae huic tempestati facem praetulit ac praeferre nondum desinit inimicus homo Carolus Reinock, qui dum Wartbergensi jesuitarum collegio fortunisque praeerat, eo scandali scelerisque conscendit, ut ab activa ac passiva voce, ab universis officiis, ab ipso demum agendo poenitentiae sacramento dejectus fuerit, ipsa olim societate plaudente; quodque gravius est, adeo serpit progrediturque sermo ejus loquens vanitatem, ut, commotis abductisque in sententiam suam provinciali Silesiae ac senioribus extincti ordinis, populus ille veluti fluctuans a voce Petri ac sanctae Matris Ecclesiae, novo jam incipiat vento in nequitia hominum circumferri.

Hinc porro facile quisque intelligit gravem acerbamque molestim quae pontificis animo insedit, ubi insperatus tanti facinoris rumor increbuit. Novit is periculi magnitudinem, eaque gravissima novit incommoda quibus ejusdem facinoris tolerantia, corrupta populorum conscientia, et suprema apostolicae Sedis auctoritas afficerentur. At oblinito parumper vulnere, non leve dolori suo solatium accessit, ubi in te virtutemque tuam oculos paternae suae caritatis iullexit, et ubi dum nox praecessit, diem ex fortitudine zeloque tuo appropinquasse praenovit.

Quamobrem Summus ipso Pontifex fidenti plane animo has ad te dari jussit, quibus virtutem zelumque tuum vehementissimo

ejus cordis affectu adprecari et obsecrare pergam, ut ad tuendam apostolicae Sedis auctoritatem, populorumque salutem in dioecesi Vratislaviensi asserendam, oblatamque de re catholica ac Petri cathedra benemerendi opportunitatem alacriter amplectaris. Ipsa siquidem propinquitas loci conferre videtur, ut, indutus fortitudine tua, armisque lucis deteriora destruas quae diffidentiae filii molinuntur consilia, et reducas aspera in viam planam.

Habes in collegio Glacensi Borussicae ditionis provincialem Silesiae extinctique ordinis seniores, quos doceas qua lege quave forma illorum nunc operam sancta mater Ecclesia requirit, et quo regentis voluntas duxerit, illic obsequentibus mentis gressibus ambulandum. Habes itidem cur commodius rationes et media inire possis quae ad apostolici brevis executionem, delendamque illic jesuitarum societatem pro singulari prudentia tua magis putaveris expedire. Age itaque, decus atquo ornamentum gratiae spiritualis; age, illustrior portio gregis Christi; ad gravem hanc causam invicta, qua soles, constantia propugnandam accurre, et novo huic oneri, ad quod vocavit te Dominus, humeros mentemque submitte. Interim vero suasum habeas velim, eo majorem nomini tuo gloriam, et apud Deum et homines meritum accessurum, quo ampliores graviioresque eximii tui pro orthodoxa religione ac pontificia auctoritate zeli significationes edideris. Dumque haec omnia de virtute et pietate tua summus ipse pontifex tutissime pollicetur, divinam assiduis precibus clementiam exorabit, ut conatibus consiliisque tuis jugiter adesse dignetur; quodque mihi superest, diuturnam ac veram tibi felicitatem ab ejus largitore Domino nunquam desinam adprecari.

Dominationis tuae illustrissimae ac reverendissimae

Studiosissimus uti frater
A. CARDINALIS CORSINUS.
V. MACEGONIUS, *secretarius*.

CCXCVIII.

Viennae, 22 februarii 1774.

Beatissime in Christo pater, domine reverendissimae. Post officiosissimam commendationem, filialis observantiae continuum incrementum. Cum pro sincero nostro erga Sanctitatem Vestram

animo omnia quae eidem grata ac prospera eveniunt simul nostra reputemus, peculiari percepimus laetitia quae de restituenda sanctae Sedis a serenissimis Galliarum et utriusque Siciliae regibus pristina Avenionis, Comitatus Venaesini, Beneventi et Pontis Corvi possessione per datas ad Nos die decima nona mensis nuper elapsi litteras Nobis significavit. Rite hae Nobis ab Antonio Eugenio cardinale Vicecomite, penes aulam nostram nuncio apostolico, una cum allocutionis in secreto consistorio habitae exemplis exhibitae fuerunt, faustumque hunc eventum Beatitudini Vestrae eo magis gratulamur, ac a majori semper sua cum regibus catholicis consensione optima quaevis pro totius Ecclesiae tranquillitate ac pro communibus commodis auspicanda sunt. Cum Nos sic in comprobanda filiali nostra erga Sanctitatem Vestram voluntate ac affectu nihil relicturi simus, concepta sua desuper fiducia desideratum assequetur complementum. Vellit proinde beneficium numen salutaribus Beatitudinis Vestrae consiliis semper magis favere, eidemque non minus longaevis quam fortunatissimum Ecclesiae regimen tam benigne impertiri, ac illud omnibus exoptamus votis. *Datum Vienna, die 22 februarii 1774, etc.*

Sanctitatis Vestrae obsequens filius

JOSEPHUS.

CCXCIX.

DÉPÊCHE DE M. LE DUC D'AIGUILLON,

A' M. LE CARDINAL DE BERNIS

Versailles, 5 mars 1774

Votre Éminence sait que les traités de Westphalie ont maintenu les luthériens établis en Alsace dans le libre exercice de leur religion. Par cette stipulation, que les circonstances rendaient nécessaire, le feu roi Louis XIV a été obligé d'admettre dans la société civile une commission que les lois du royaume en excluaient. Mais ce prince, constamment animé du zèle le plus pur pour la religion catholique, a cherché, par différentes voies, à ramener à son culte ceux de ses sujets d'Alsace qui en étaient séparés, et c'est dans cet esprit qu'il publia l'édit du mois d'août 1683, qui interdit le mariage entre les catholiques et les luthériens.

Cette interdiction, au lieu d'engager les luthériens à embras-

ser la religion catholique, n'a servi au contraire qu'à les affermir davantage dans leurs erreurs, et à établir une séparation totale entre eux et les catholiques.

Le roi, touché de cet état des choses et animé du même zèle que le feu roi son bisaïeul, a consulté les personnes les plus éclairées de son royaume, et nommément M. le cardinal de Rohan, sur les moyens d'atteindre le but qu'on s'était inutilement proposé jusqu'à présent. Et le résultat des avis donnés à Sa Majesté a été que la voie la plus sûre pour y parvenir, étoit de révoquer l'édit de 1683.

Il y a déjà plusieurs années que le roi adopta ce projet, et qu'il fit rédiger en conséquence un édit en forme de déclaration. Mais plusieurs raisons particulières en avaient jusqu'à présent fait suspendre l'exécution. Sa Majesté s'étant de nouveau fait représenter cette déclaration, vient de l'approuver dans son conseil et d'en ordonner l'exécution.

J'ai l'honneur d'en envoyer une copie à Votre Éminence. L'intention du roi est qu'elle la mette sous les yeux du pape. Sa Sainteté verra les précautions que Sa Majesté prend pour l'instruction et l'éducation des enfants qui naîtront de mariages contractés entre les catholiques et les luthériens, en ordonnant aux pères et mères de ces enfants, ou à leurs tuteurs et curateurs, de remettre au procureur général du conseil supérieur d'Alsace un certificat du curé catholique du lieu, portant que ces mêmes enfants sont instruits dans la religion catholique, et qu'ils ont fait leur première communion; en défendant d'envoyer les dits enfants hors du royaume durant le temps de leur éducation sans une permission expresse de Sa Majesté; en enjoignant aux évêques de veiller soigneusement à leur instruction et éducation; et aux officiers et autres personnes publiques de prêter, pour cet effet, aide et assistance; et en enjoignant spécialement au procureur général de se faire reporter exactement les certificats des père et mère, et en cas de négligence de leur part, de placer les dits enfants en telles maisons qu'il conviendra pour y être élevés et instruits, en suppléant sur les fonds destinés à cet objet à l'impuissance où seraient les parents d'y fournir par eux-mêmes, etc.

Toutes ces précautions assurent le succès de la déclaration dont il s'agit, et fondent l'espérance où est le roi qu'elle diminuera successivement le nombre des luthériens en Alsace, et que dans un certain nombre d'années il ne restera dans cette province presque aucune trace de cette communion.

Ces détails doivent convaincre Sa Sainteté du désir qu'e Sa Majesté de contribuer, autant qu'il est en son pouvoir, aux progrès de la religion catholique, et de l'étendre de plus en plus dans une de ses provinces, où, malgré les soins qu'on a pris jusqu'à présent, l'hérésie continue de dominer. Elle n'est pas moins convaincue de la justice que le Saint-Père lui rend à cet égard, et elle est persuadée qu'au fond de son cœur il approuvera l'ouvrage de Sa Majesté. Mais elle sent en même temps que Sa Sainteté ne saurait y applaudir publiquement. Ainsi l'intention du roi n'est nullement de l'y déterminer, et la communication qu'il charge Votre Éminence de lui faire de son plan n'e d'autre objet quo de lui donner une preuve particulière de sa déférence, de ses égards et de son affection filiale.

Votre Éminence connaît le sincère, etc.,

Le duc d'ANGUILLO.

CCC.

Louis, etc. Quoique l'église catholique, apostolique et romaine n'ait jamais approuvé les mariages de ses enfants avec des personnes malheureusement engagées dans les communions séparées d'elle, cependant elle n'e pas cru devoir en prononcer la nullité. Elle les a même tolérés en quelques occasions notables, et surtout dans les pays où les traités de paix les plus solennels, et que les circonstances rendaient nécessaires, avaient admis dans la société civile des communions séparées de l'église catholique. Tel a été le sort de presque toute l'Allemagne et en particulier de l'Alsace, qui en faisait partie avant que cette province eût été réunie à notre couronne. Ce fut cette différence essentielle entre l'Alsace et les autres peys de sa domination qui engagea le feu roi notre très-honoré seigneur et bisaïeul à y défendre par un édit du mois d'août 1683 ces sortes de mariages sous des peines sévères. Mais une résolution si digne de sa sagesse n'a pas eu les suites qu'on en devait attendre, et tous les inconvénients auxquels une longue expérience e fait voir que cet édit avait donné lieu, ont engagé depuis longtemps les personnes de notre dite province les plus attachées à la saine religion et à notre service, à nous représenter que ces défenses et la rigueur des peines qui y avait été ajoutée avaient produit, et produisaient encore entre les familles de ce pays une division

et même une séparation presque totale aussi nuisible à l'objet qu'on s'était proposé qu'au bien de la province et de notre service. C'est dans ces circonstances, qu'après avoir à ce sujet pris tous les éclaircissements nécessaires, et après avoir consulté les personnes les plus versées dans ces sortes de matières, enfin, après nous être pleinement instruit du tout, et y avoir mûrement délibéré, il nous a paru que, d'un côté, le danger de la séduction se trouvait presque entièrement écarté par les sages dispositions d'un édit donné pour cette même province au mois de juin 1683, et que, d'un autre côté, les précautions qui nous ont été proposées pour assurer l'éducation dans la religion catholique des enfants qui proviendraient de ces mariages pouvaient nous déterminer à nous relâcher des dispositions de l'édit du mois d'août 1683, et procurer, par ce moyen, à une province qui nous sera toujours chère, cette union si désirable entre tous nos sujets. À ces causes, etc. (Nous) avons ordonné et ordonnons que les défenses faites par l'édit du mois d'août 1683 à nos sujets de l'un et l'autre sexe de notre dite province d'Alsace faisant profession de la religion catholique, apostolique et romaine, de contracter des mariages avec ceux ou celles qui font profession de la religion luthérienne, demeureront révoquées, n'entendant empêcher qu'il en soit usé à cet égard comme avant ledit édit, lequel demeurera comme non avenu en ce qui concerne les mariages des catholiques et luthériens seulement, à condition toutes fois de garder et observer par rapport auxdits mariages les règles prescrites par les lois de notre royaume pour les mariages de nos autres sujets, et notamment à condition qu'ils ne pourront être valablement contractés que devant le propre curé de celui des conjoints qui professera la religion catholique, apostolique et romaine, ou autre prêtre ayant pouvoir dudit curé ou de l'ôvêque diocésain, comme aussi à la charge que les publications des bans, en tels cas requises, ne pourront être faites par lesdits curés qu'après en avoir obtenu la permission par écrit de l'ordinaire des lieux. Voulons pareillement que tous enfants nés du mariage d'un catholique avec une luthérienne ou d'un luthérien avec une catholique ne puissent être élevés que dans ladite religion catholique, apostolique et romaine. À l'effet de quoi les pères et mères desdits enfants ou leurs tuteurs et curateurs seront tenus de représenter à notre procureur général en notre conseil supérieur d'Alsace un certificat du curé catholique du lieu où lesdits enfants seront élevés, portant qu'ils sont élevés et instruits dans la dite religion, et, lorsqu'ils seront en âge,

qu'ils ont fait leur première communion dans la paroisse dudit lieu; faisons très-expresses défenses auxdits pères et mères, tuteurs et curateurs et à tous autres quelconques d'envoyer lesdits enfants hors de notre royaume pendant leurs éducations, ou de favoriser ou participer audit envoi sans une permission de nous par écrit, et ce, sous telle peine qu'il appartiendra suivant l'exigence des cas, même d'être poursuivis extraordinairement, s'il y échet. Exhortons les évêques diocésains de notredite province, et néanmoins leur enjoignons de veiller soigneusement à l'instruction et éducation desdits enfants, soit par eux, soit par ceux qu'ils jugeront à propos d'y employer. Enjoignons à nos officiers et autres personnes publiques, ayant caractère et pouvoir, de leur prêter toute aide et renfort qu'il appartiendra. Enjoignons spécialement à notre susdit procureur général de se faire rapporter exactement les certificats ci-dessus mentionnés, et en cas de refus ou négligence de père et de mère, tuteur ou curateur, de faire placer les dits enfants en telle maison qu'il appartiendra pour y recevoir ladite éducation et lesdites instructions jusqu'après leur première communion, auxquelles maisons les pères et mères, tuteurs ou curateurs seront tenus de payer pension pour lesdits enfants ainsi qu'elle sera réglée, nous réservant d'y suppléer sur les fonds qui seront par nous à ce destinés dans les cas où les parents ne seraient pas en état d'y pourvoir. Si donnons en maodement, etc.

Joint à la dépêche du duc d'Aiguillon au cardinal de Bernis, de Versailles, le 15 mars 1774.

CCCL

A MONSIGNOR GARAMPI,

NUNZIO APOSTOLICO DI POLONIA.

Romae, 24 maji 1774.

Perillustris, etc. Ex litteris Amplitudinis Tuae die XIII aprilis scriptis ad sacram congregationem particularem a Sanctissimo Domino nostro deputatam super negotiis suppressae societatis Jesu, cum foliis ad eandem congregationem transmissis ab eminentissimo domino cardinali secretario status, cognoverunt eminentissimi patres, quanto zelo quantaque prudentia rem agat

Amplitudo Tua in istis partibus, ut plenam habeant executionem litterae apostolicae suppressionis, utque pontificia auctoritas et jura Ecclesiae sarta tecta servontur. Quaecumque igitur per Amplitudinem Tuam gesta sunt, probant et laudant eminentissimi patres, ejusque fidei et solertiae commendant operis complementum. Sed hoc unum volunt, jubente etiam Sanctissimo Domino nostro, ne Amplitudo Tua acquiescat bonorum distractioni vel dissipationi. Viguit semper in Polonia et viget adhuc lex ecclesiastica de bonis Ecclesiae non alienandis sine assensu apostolico; hoc ipsum aperte declarandum erit in praesentibus regni comitiis, ut nuntii apostolici praesentia et acquiescentia quandoque non adducatur in argumentum abrogationis, vel desuetudinis legis. Poterit forsitan, ut A. T. veretur, sperni hujusmodi protestatio in praesentibus comitiis, sed valebit in futuris aequioribus, ut facilius retractentur quae contra protestationem et cum expresso dissensu gesta sunt, nec desumi poterit tacitus consensus ex acquiescentia. Quibus tamen cautelis et qua circumspeditione id perfici debeat, solertiae Amplitudinis Tuae relinquant eminentissimi patres. Ceterum, de individuis in convictu manentibus, quorum opera pro concionibus vel confessionibus aut scholis plures nationis episcopi uti peroptant, sanctiss. D. N. cui facta est relatio litterarum Amplitud. Tuae, eidem Amplitudini Tuae curam omnem relinquit, cui propterea facultates omnes necessarias et opportunas concedit ut in casuum contingentiis pro suo arbitrio et prudentia singulariter permittat episcopis Cracoviensi, Vilenſi, Luceoriensi, Kioviensi, Livoniensi et Posnaniensi aliquos ex individuis, quos aptiores judicaverint, et quorum nomina prius expresserint Amplitudini T., ad praedicta munia approbare pro modo necessitatis, et ad tempus A. T. benovissimum, quibuscumque in contrarium non obstantibus. Haec jussu EE. PP. rescribimus A. T., oique, etc.

Amplitudinis Tuae

Studiosissimus uti frater

A. CARDINALIS CORSINUS.

V. MACEDONIUS, *Secretarius.*

CCCL.

EXPOSÉ DE L'ÉTAT DE LA RELIGION EN UKRAINE

Varsavie, juin 1774.

On ne saurait se rappeler, sans faire frémir l'humanité, l'époque funeste de la dernière incursion des Haydamacs et autres brigands en Ukraine en 1768, et les suites déplorables qu'elle a eu, lorsque la révolte qui s'en est suivie a causé la perte de près de 40,000 hommes, massacrés avec tout l'acharnement dont la fureur la plus inouïe peut être susceptible. On ne vit, dans une étendue considérable de pays, que villes saccagées, villages devenus la proie des flammes, un vaste désert, qui ne laissait d'autres traces de ses habitants que le sang et la cendre confondus ensemble.

Il y avait alors dans cette vaste contrée près de 1900 églises paroissiales, qui relevaient et avaient relevé depuis très-longtemps du métropolite du rî grec uni, auquel on donne en Pologne le titre de métropolite de Russie. Toute l'Ukraine ne professant que l'union avec l'église catholique romaine, tous les pasteurs avec leurs troupeaux y étaient inviolablement attachés; à peine y voyait-on quinze ou vingt églises desservies par des grecs non-unis, qui dépendaient de la juridiction de l'évêque de Péréaslaw, dont le siège est au delà du Niéper dans les états soumis à la domination de la Russie.

La révolte de 1768, ayant entre autres funestes effets produit celui de priver nombre d'églises de leurs pasteurs, demeurés victimes de la cruauté des Haydamacs, ou contraints de traîner une malheureuse existence dans des pays éloignés, l'évêque de Péréaslaw crut avoir trouvé une occasion favorable d'étendre ses vues ambitieuses, en remplaçant par des prêtres de sa communion ceux qu'une mort cruelle avait enlevés, ou qu'une suite précipitée avait éloigné de leurs églises.

Le calme eut beau ramener les fugitifs, ceux-ci trouvaient dans leurs propres foyers des hôtes qui leur interdisaient l'entrée. Les troupes russes étant dans toute l'Ukraine à portée de soutenir les intrus, ôtaient aux anciens possesseurs toute espérance de rentrer dans leurs bénéfices. Un appui aussi puissant fit bientôt étendre ces violences jusqu'aux troupeaux soumis aux pasteurs expulsés. Tout grec-uni qui ne se soumettait pas à l'obéissance des intrus était regardé comme persécuteur de la

religion grecque, et traité en conséquence; à la faveur de ce spécieux prétexte on ne faisait pas difficulté de battre, garrotter, emprisonner, déponiller même de leurs biens et de leurs maisons ceux que leur constance avait fait mettre dans la liste des réfractaires.

Les premières tentatives ayant réussi au gré des non-unis, ils s'enhardirent à entreprendre une nouvelle démarche. Ils tentèrent de gagner quelques prêtres pour en faire de nouveaux prosélytes de la religion grecque orientale; mais comme la voie de la douceur et de la persuasion ne répondait pas, à beaucoup près, à l'étendue de leurs vues, ils reprirent bientôt leur ancien système. Les menaces, en grande partie réalisées avec la violence la plus marquée, remplacèrent la fausse douceur d'une feinte modération. Des convertisseurs armés se trouvaient toujours prêts pour enlever ceux qui faisaient le moindre difficulté; on masquait tout l'odieux d'une pareille conduite, en assurant qu'on ne leur faisait souffrir que la peine méritée pour les persécutions et les violences faites eux grecs non-unis. C'est ainsi qu'on croyait en pouvoir imposer au public, sans crainte de rougir du peu de vraisemblance qu'il y avait que des hommes opprimés devinssent persécuteurs dans le temps même de leur oppression.

Cependant l'évêque de Péréaslaw remettait en possession de leurs églises ceux des bénéficiers qui, après s'être rendus à Péréaslaw, y avaient abjuré l'union, tandis que leurs confrères, qui regardaient cette démarche comme une complaisance criminelle, gémissaient dans les cachots où ils se trouvaient enfermés. Il y en eut dont la constance, affaiblie par ces rigueurs, se démentit; un voyage à Péréaslaw leur parut préférable aux horreurs d'un cachot, prix de leur constance; quelques-uns trouvèrent les moyens de franchir les barrières qu'on leur opposait et se déroberent par la fuite à l'acharnement de leurs persécuteurs; d'autres terminèrent leurs jours dans ces mêmes prisons, de manière que, dans le mois d'août passé, il n'en restait plus qu'environ cinquante à Berdiczow, où on les avait rassemblés.

Les cris de ces malheureux retentirent jusqu'à Versovie, en sorte que la délégation refusa de se prêter aux traités à conclure avec la Russie, avant que le baron de Stackelberg ne promît l'élargissement de tous ces pauvres infortunés.

La délégation ne s'arrêta pas à cet objet; elle crut devoir remonter jusqu'à la source de ces maux, en faisant les plus fortes représentations contre le procédé de l'évêque de Pé-

résław et de ses prêtres, qui s'étaient emparés jusqu'à cette époque de douze cents églises appartenant aux grecs-unis, et cela sur la fausse et condamnable supposition que la protection de Sa Majesté Impériale accordée aux grecs non-unis avait pour objet non-seulement la conservation, mais aussi l'injuste agrandissement du même rit grec oriental, par tous les moyens imaginables, sans en excepter la force et la violence. Le séjour des troupes russes en Ukraine, l'éloignement de la cour, l'illusion que monseigneur l'évêque de Péréaslaw sut adroitement faire aux différents commandants des troupes impériales, tout cela ensemble a facilité l'abus des secours prêtés par lesdites troupes à la réquisition et par l'impulsion du susmentionné prélat, abus d'autant plus répréhensible qu'il est diamétralement opposé aux principes d'humanité la plus exacte et aux droites intentions de Sa Majesté l'Impératrice, qui n'a jamais prétendu accorder sa protection que pour le maintien de ceux de la religion grecque orientale dans leurs justes droits et possessions.

On est d'autant plus en droit d'assurer que la démarche de monseigneur l'évêque de Péréaslaw et de ses employés est contraire aux intentions de Sa Majesté l'Impératrice, que ce ministre de cette souveraine, interprète légitime de ses volontés, en a rendu un témoignage authentique dans sa réponse à la note de la délégation relative à cet objet, comme on le peut voir par les pièces annexées.

Après cela pouvait-on s'attendre à voir réduites presque à rien les conditions et les promesses, moyennant lesquelles la république de Pologne avait consenti à la stipulation du traité? Il est vrai qu'on remit en liberté les prêtres détenus prisonniers; mais au moment de leur élargissement on leur fit signer un écrit par lequel ils renonçaient à leurs églises; obligation nulle, et pour n'avoir pas été stipulée avec le ministre de Russie, et pour être manifestement contraire aux justes droits d'un tiers, c'est-à-dire de remettre des patrons et du métropolitain, auxquels seuls, à l'exclusion de tout autre, il appartient de nommer et d'installer les sujets propres à la régie des mêmes églises.

Mais ce qui a choqué le plus, et ce qui paraîtrait une énigme en toute autre occasion, c'est que le feld-maréchal monseigneur de Romanzow a refusé entièrement de se prêter aux insinuations que monseigneur de Stackelberg lui avait faites, en conséquence des arrangements pris avec la république, c'est-à-dire de remettre les grecs-unis en possession des églises dont ils avaient été dépouillés, dans les dernières années. Un équivoque a servi

d'échappatoire pour éluder une si juste demande. La lettre du susdit feld-maréchal en date de pour servir de réponse à la lettre de monseigneur de Stackelberg du communiquée à la délégation le en est un sûr garant.

Quelle est donc l'origine d'une contradiction si marquée? Comment a-t-il pu se faire que, malgré les insinuations de monseigneur de Stackelberg, aucune des 4200 églises enlevées aux grecs-unis ne leur ait été restituée? On devinera le mot de l'énigme si l'on suit pas à pas les démarches de monseigneur de Romanzow dans l'emploi qu'il a fait des troupes soumises à ses ordres en faveur des noa-unis de Péréaslaw. On verra que le zèle de religion ne lui a servi que de prétexte, et que des vues politiques et l'avantage temporel de sa cour étaient l'unique ressort qui réglait sa conduite.

Il n'a cependant pas réussi à faire prendre le change à messieurs les délégués de la république. Malgré tous les déguisements qu'on a employés, ils ont reconnu que cette affaire intéressait à la vérité la religion, mais en même temps servait de base aux entreprises de la politique la plus raffinée et la plus perçante dans l'aveair, et par là même avait un rapport essentiel au gouvernement de la république.

L'Ukraine est une des provinces de la Pologne dont la nombreuse population est peut-être la plus bornée dans ses lumières.

Un peuple ignorant et grossier, des hommes souvent matériels, quelques fois superstitieux, presque toujours stupides, ne sont certainement pas capables de distinguer l'obéissance civile de la religieuse. Dès qu'un peuple pareil sera gagné à la religion grecque-orientale, il confondra le centre de son état religieux, qui sera à S. Pétersbourg, avec celui de son existence politique, qui est la république de Pologne. Les pasteurs, qui devraient détromper les peuples de cette erreur, étant eux-mêmes soumis à la juridiction d'un évêque étranger, et accoutumés d'attendre tout, d'espérer tout de la cour de S. Pétersbourg, ne feront qu'augmenter l'illusion. Quelle est l'occasion à laquelle on ne puisse attacher un prétexte de religion? Et quo faut-il de plus pour remuer les esprits d'un peuple grossier et lui faire entreprendre une démarche contraire aux intérêts de ses maîtres légitimes?

Cette affaire ne saurait même être regardée avec indifférence par les cours limitrophes de la Pologne, nommément celles qui sont voisines de l'Ukraine. Les inimitiés assoupies peuvent être reveillées; l'amitié la plus ferme n'est pas à l'épreuve de toute

atteinte ; qui sait ce qui peut arriver dans la suite des temps, et si cette grande masse de peuple fomentée par les émissaires de la Russie, émissaires, pour lesquels ce pauple sera accoutumé d'avoir un respect aussi peu borné qu'il sera peu éclairé ; qui sait, dis-je, si cette grande masse de pauple ne sera pas tournée au désavantage de ceux qui par un excès de confiance dans l'état actuel des choses, semblent voir ces choses avec indifférence ?

C'est par ces considérations que la république prend si fort à cœur cette affaire, et croit devoir redoubler les soins pour la voir terminée à son avantage. Douze cents églises enlevées de force à ses sujets et conférées malgré ses réclamations à des personnes qui semblent méconnaître son autorité ; la restitution de ces églises différée, pour ne pas dire refusée, malgré les promesses réitérées de ceux qui pourraient la procurer ou l'effectuer, sont des objets capables d'alarmer sa délicatesse sur son indépendance.

Les circonstances actuelles ne sont certainement pas de nature à rassurer sur cet objet. On ne discontinue pas d'empiéter sur les droits du clergé du rit grec-uni, en lui enlevant les églises qu'il avait conservées, et les prêtres de ce rit ne cessent point d'être en butte à l'oppression et à la violence. Les derniers avis de ces contrées contiennent des détails bien affligeants et bien contraires à l'humanité dont se pique notre siècle, et dont la nation russe fait parade.

Des prêtres liés et garottés, des ministres arrachés à leurs autels et assommés de coups, des troupes de curés qui, refusant de trahir leur conscience, sont traînés dans les cachots de Bialacerkiew, voilà les objets journaliers qui se présentent aux yeux éplorés des habitants de l'Ukraine ; voilà ce qui cause l'effroi et la consternation de ceux qui restent jusqu'ici attachés à l'union. Enfin une pareille conduite rendra problématique pour les siècles à venir la tolérance tant prêchée dans ce siècle, tolérance qu'on ne craint pas de fouler aux pieds dans des pays sujets à une domination étrangère, au grand scandale des philosophes, et au mépris de ces lois sacrées qui réunissent les nations.

CCCIII.

NUNCIO APOSTOLICO POLONÆ

Romæ, 22 junii 1774.

Perillustris et reverendissime domine uti frater. Summo animi moerore Sanctissimus D. N. cognovit ex litteris Amplitudinis Tuæ, ad infrascriptum d. secretarium scriptis die XVIII præteriti mensis maji illiberalem agendi rationem quæ istic servatur circa res et personas suppressæ societatis Jesu, et maxime ab episcopis qui partem habent in regio ministerio, et pii muneris immemores potius favent quam resistant abominationibus. Dolet Sanctitas Sua vasa sacra indigne profanata fuisse, ut memorat Amplitudo Tua; dolet bona Deo dicata laicorum arbitrio dispersa fuisse; dolet scelus calumnia obtegi, quod similia perpetrata fuerint in urbe. Laudat tamen prudentiam et fortitudinem Amplitudinis Tuæ, quod justitiæ partes gravibus disertisque rationibus substinere non destitit, quodque calumniam huic sanctæ Sedi impactam refellere satagit. Verissimum quidem est quod Amplitudo Tua respondit, non lucri sed custodiæ causa ad S. Montem Pietatis translata hic fuisse ecclesiarum argenta, quæ nihilominus ecclesiis restituuntur in occurrentibus solemnitatibus, et bona suppressæ societatis non aerario pontificio, sed piis usibus ad utilitatem respectivorum locorum applicata hic fuisse vel ex adjuncta encyclica ad omnes episcopos Pontificiæ ditionis transmissa intelligere poterit Amplitudo Tua et aliis notum facere.

Dum ergo eminentissimi patres congregationis deputatæ super negotiis suppressæ societatis prædictæ, jussu Sanctitatis Suæ debitas rependunt Amplitudini Tuæ grates pro indefessis laboribus quos sustinet in hac re, et pro eximia diligentia, quæ singula opportune narrat suis litteris; eam enixe rogant ut Dei et Ecclesiæ causam tueri non cesset, et misericordiæ partes non deserat pro individuis ne priventur debitis alimentis. Et dum hæc scribimus, Amplitudini Tuæ omnia fausta ex corde precamur a Domino.

Amplitudinis Tuæ

Studiosissimus uti frater
A. CARDINALIS CONSINUS.
V. MACEDONIS, Secretarius.

CCCIV.

ASSERTIONES THEOLOGICO-JURIDICÆ.

Ex tractatibus de Jure, ^{Justitia} et Legibus, quas ad majorem Dei gloriam posuit et praeside Ignatio Hartung ss. Theologiae doctore ejusdemque in alma et antiquissima electorali palatina universitate Heidelbergensi professore publico et ordinario, sacro facultatis ex parte catholicorum h. t. Decano;

Pro baccalaureatu consequendo publice propugnabil Franciscus Xaverius Simo Wirceburgensis, serenissimi ac potentissimi Electoris Palatini titularis clericus; Heidelbergae in aula academica Novi Wilhelmiani, die XXIX augusti MDCLXXIV, horis ante meridiem consuetis. Finita disputatione baccalaureatus confertur. Typis Joannis Jacobi Haener typographi aulico-academici.

§ III. *Jus ecclesiasticum publicum.*

1. Datur in Ecclesia Christi potestas vera tam praeceptiva quam coactiva.

2. Haec potestas et jurisdictio est penes episcopos.

3. Illis *immediate* a Deo tradita est.

4. Potestas haec ecclesiastica a civili atque politica per se distincta est.

5. Episcopi nihilominus feudorum cum annexis regalibus capaces sunt.

6. *Quamquam rom. pontificis electio, si foret SIMONIACA, NULLAM ILLI POTESTATEM TRIBUERET; tamen ejus dispositiones, cum agitur de bono Ecclesiae, SECUS SI DE DETRIMENTO, valerent.*

7. Romanus pontifex nec directe nec indirecte reges jure imperii, possessionis, domini aut administrationis rerum temporarium potest privare.

8. *Interclusa Romam via episcopi valide et licite dispensationes papae reservatas concedunt.*

Animadversiones.

a) Potestas et jurisdictio est penes rom. pontificem singulosque episcopos non mere ministerialiter, sed proprie et formaliter. b) *Potestas rom. pontificis tanta non est, quantam illi plures vindicarunt tam in reges quam in episcopos.* c) Deus utramque potestatem, sacram videlicet et politicam, ita distinxit, ut quaevis suo in genere sit summa et ab altera independens. d) Ponti-

ficis jura quaedam essentialia sunt quibus praeeminet episcopis. c) Amplissima habet ex concordatis et reservatis.

§ IV. *Jus ecclesiasticum privatum.*

1. Jus ecclesiasticum continetur potissimum in decreto Gratiani (a) et decretalibus pontificum, quae usui et receptioni suam auctoritatem debent (b).

2. Clericos redditus omnino superfluos ad erogandum in causas pias justitia obligat (c).

§ V. *Jus publicum.*

1. Reges in administratione rerum temporalium et civilium nullum in hac terra, praeter solum Deum, agnoscunt superiorem.

2. Reges possunt et debent uti gladio non solum ad reipublicae conservationem, sed ad religionis etiam defensionem, quae tam in tutela et executione ss. canonum, quam in extirpandis et coercendis abusibus ipsorum etiam ecclesiasticorum, si in his eorum superiores deficerent, consistit.

3. Si judices ecclesiastici sua potestate contra aequitatem naturalem aut canones abutantur, integrum est vim aut damnum passis auxilium regis implorare (d).

4. Regiae potestati personae ecclesiasticae in temporalibus de se subjectae sunt.

5. Legibus divinis cautum est ne subditi quidpiam in reges etiam malos et impios sub colore quocumque attentent aut faciant.

6. Praescindendo a privilegiis principum, bona sacerdotum eodem modo subjecta sunt potestati civili ac bona laicorum in ordine ad pendenda tributa.

7. In publica et quasi extrema reipublicae necessitate aut calamitate, cui expediendo facultates laicorum pares non sunt, potest imperans etiam inconsulto rom. pontifice congrua subsidia a clericis exigere.

(a) Decreta complura spuria sunt inserta, quae auctoritate relativa non gaudent.

(b) Pleraque decretales pontificibus ante Siricium papam inscriptae, pseudepigraphae sunt.

(c) Unica tridentina sess. XXIV, cap. XII, vocula *suos* multum detorta nimis infirma est, ut dominium attribuat clericis in redditus superfluos, praesertim cum concilia plura ante illud habita contrarium aperte statuunt.

(d) Hoc remedium juris a primis jam saeculis fuit usitatum.

8. *Omnia bona temporalia quae ab Ecclesia possidentur sub-
jacent juri regio (a).*

CCCV.

A MONSIGNOR GARAMPI.

Romae, 17 septembris 1774.

Perillustris et reverendissime domine uti frater. Litterae Amplitudinis Tuae diei VIII praeteriti mensis julii pervenerunt ad sacram congregationem deputatam super negotiis suppressae societatis Jesu postquam Sanctissimus Dominus noster, curandae valetudinis causa, intermiserat consuetas audientias. Dilata idcirco est ad hanc usque diem responsio, ut ratio inveniretur prius consulendi Sanctitatem Suam. Venit tandem occasio, et Sanctissimus laudato prudenti consilio Amplitudinis Tuae, quinque expediri jussit requisitas litteras in forma Brevis, his nostris adjunctas; pleneque committit prudenti arbitrio Amplitudinis Tuae, ut possit illas statim praesentare, vel evulgata illarum notitia, praesentationem differre, quousque spem habere poterit, revocandi ad officia suavisibus hortationibus episcopos Posnaniensem et Vilonensem. Transmittimus etiam ad Amplitudinem Tuam epistolium infrascripti d. secretarii circa mentem Sanctissimi super juribus principum disponendi de bonis suppressae societatis; quod tamen pro ejus notitia deserviet, sed nulli pendendum erit minusque in propria tradendum. Etiam eminentissimi patres summopere commendant zelum et diligentiam Amplitudinis Tuae, et nos eidem omnia fausta ex corde precamur a Domino.

Amplitudinis Tuae

Studiosissimus uti frater

A. CARDINALIS CORSINUS.

V. MACEDONIUS, *Secretarius.*

(a) *Exemptio clericis a jure canonico concessa, quantum ad bona et delicta civilia attinet, originem suam non tam a pontifice rom. quam ex indulgentia et privilegio principum saecularium trahit. Haec tamen gratia et exemptio non impedit quominus iidem clerici sint et maneant subditi principum saecularium.*

CCCVI.

Romae, 17 septembris 1774.

Perillustris et reverendissime domine uti frater. Post acceptas litteras Amplitudini Tuae diei XX praeteritis mensis julii, earum relatio statim fieri non potuit Sanctissimo Domino nostro, qui valetudinis causa intermiserat consuetas audentias; sed, data opportunitate, ejus oraculum exquisitum fuit, et clementissime dignatus est Amplitudinis Tuae non minus, quam episcopi Varmiensis zelum et diligentiam commendare, quod et eidem episcopo notum fieri optat, ut gratum animum Sanctitatis suae cognoscat. Articulos etiam cum intelligentia Amplitudinis Tuae efformatos approbat et laudat, ut scilicet accersitis individuis per episcopum Varmiensem, publicatoque illis brevi suppressionis, omnes adigantur induere habitum presbyterorum saecularium, et singulis collegiis praeponatur sacerdos saecularis in dignitate Ecclesiae constitutus, pro illorum regimine et gubernio: hac tamen addita conditione, quod singuli formulam subscribant, quo acceptato pure et simpliciter Brevi suppressionis, plenam illi obedientiam promittant, declarantes insuper se plene solutos intelligere ab omni vinculo instituti quod professi erant, et velle in statu clericorum saecularium vitam ducere, salva substantia emissorum votorum, sub obedientia episcopi dioecessani ac immediata ejus potestate et jurisdictione, sine ulla subordinatione aut dependentia a suis antiquis superioribus regularibus, ita ut inter ipsos nullam amplius agnoscant differentiam superiorum et subditorum, sed omnes existiment se esse perfecte aequales. Sub hac conditione poterit episcopus Varmiensis senioribus et aptioribus individuis beneficia curata deinceps in mensibus ordinarii vacatura conferre, in praemium servitii in scholis praestiti ac publicum commodum, cum substitutione clericorum seminarii in locum exeuntium, ut paulatim exclusis individuis, et soluto illorum convictu, supersint idonei operarii pro scholis regendis; atque interea Sanctitas Sua benigne indulget ut etiam in convictu manentes, quoniam temperum et locorum conditio id exigit, possint litteras docere in publicis scholis et de licentia ordinarii confessiones excipere, et verbum Dei praedicare, aliasque peragere sacras functiones, quae ab episcopis eis permittantur. De indulgentiis vero quae plerisque hujusmodi functionibus addictae erant providebitur postquam Amplitudo Tua transmiserit illarum notulam; nec dilatio praejudicium afferet, quia, imminente anno

sancto, omnes indulgentiae extra urbem suspensae remanent. Amplitudini Tuae demum committit Sanctissimus Dominus noster, quod alios etiam episcopos dioecesium existentium in ditione Borussiana luminoso episcopi Varmiensis exemplo inducas ad similem executionem properandam in suis dioecesibus, cum iisdem conditionibus et facultatibus pro quibus Amplitudini Tuae amplam concedit potestatem. Atque interea nomine etiam EE. PP. eidem omnia fausta ex corde precamur a Domino.

Amplitudinis Tuae

Studiosissimus nri frater

A. CARDINALIS CORSINUS

V. MACEDONIUS, *Secretarius.*

CCCVII.

Nell' anno 1774, stando io in Macerata in casa del conte Antonio Asclepi, mi fu dal conte Paris Pallotta fatta leggere una lettera che mi disse aver lui ricevuta da Roma da mani sicurissime. Questa era una lettera scritta sul principio di maggio, se non m'inganno, al papa Clemente XIV da monsignor di Beaumont arcivescovo di Parigi.

Per intelligenza del contenuto di questa lettera, è da sapersi che, avendo il suddetto papa mandato per l'accettazione e pubblicazione al re di Francia Luigi XV il breve della soppressione de' gesuiti, il re fece adunare in assemblea tutti i vescovi allora dimoranti in Parigi, capo e presidente de' quali era il cardinal Luynes, e a questa assemblea trasmise il breve suddetto, consultandola se il breve dovesse publicarsi o no. Tutti i vescovi, che erano circa 40, furono di parere unanime affatto che quel breve fosse soppresso; e fra le altre ragioni che i vescovi addussero ci fu anche questa, che quel breve sarebbe stato di gravissimo scandalo agli eretici, e di scandalo e perturbazione gravissima ai cattolici. Quindi è che quel breve non fu mai pubblicato in veruna parte della Francia, per quante diligenze e premure si facessero perciò da Roma. È da notarsi che l'arcivescovo di Parigi, il quale non interveniva mai a tali assemblee per riguardi di cerimoniale, tuttavia in quella mattina, nolla quale si doveva dare il voto dall'assemblea su quel breve, comparve all'improvviso, dicendo che quando si trattava della causa di Dio e della Chiesa, non si doveva guardare a verun inte-

resse umano; volle sedere in ultimo luogo e diede il suo voto cogli altri.

Non riuscito a far accettare e pubblicare quel breve le altre diligenze usate da Roma, si stimò ben fatto di persuadere il papa di scrivere a parte un breve particolare all'arcivescovo Beaumont, perchè egli parlasse al re e lo persuadesse ad accettare e pubblicare quel breve, adducendo i motivi della pubblica pace, ecc. ecc.

A questo breve è risponsiva la lettera succennata dell'arcivescovo Beaumont.

Dice nella sua risposta l'arcivescovo d'aver ricevuto un breve di Sua Santità in data, ecc.: che quantunque l'affare del quale in esso si tratta fosse già deciso col voto unanime di assai vescovi di Francia adunati dal re in assemblea espressamente per questo affare, al qual voto aveva acceduto anch'egli arcivescovo, tuttavia per la differenza e rispetto inalterabile che egli sempre aveva portato alla santa Sede apostolica, aveva voluto sentire il parere del suo clero sopra il medesimo affare: che perciò aveva fatto chiamare a sè in una specie di sinodo i canonici della cattedrale, i curati della sua città e della sua diocesi, e altre persone più rispettabili del suo clero: aveva comunicato a loro il breve della soppressione de' gesuiti, il breve scritto a lui in particolare, ed altre forti premure fattegli da personaggi di Roma: aveva esposto le ragioni che potevano favorire la pubblicazione di quel breve, ecc., insinuando a tutti che dicessero il loro sentimento con piena libertà.

Il sentimento generale ed unanime del clero di Parigi fu conforme in tutto al sentimento già dato dall'assemblea de' vescovi. L'arcivescovo di Parigi nell' esporre al papa il voto del suo clero, espone anche le ragioni sulle quali tal voto era motivato, e fra queste nomina il gravissimo danno che sarebbe avvenuto alle missioni nei paesi degli infedeli, particolarmente dell'Asia e dell'America, per la mancanza di tanti operarii evangelici, che sarebbe stato difficilissimo il supplire: accenna i gravissimi disturbi; che sarebbero nati fra i cattolici; ma sopra tutto insiste sul trionfo che ne avrebbero menato i giansenisti, i quali avrebbero spacciato la soppressione de' gesuiti come un'approvazione della loro dottrina, e quindi la rovina del dogma e della disciplina ecclesiastica, ecc.

Dopo avere ben a lungo e con molta forza esposti tutti questi motivi di riprovare e sopprimere quel breve, passa l'arcivescovo ad un punto particolare, che certamente non era proposto

nel breve a parte scritto a lui arcivescovo. Dice essere stato di grande sorpresa e di scandalo a tutta la Francia l'aver il papa per sua prima creatura promosso al cardinalato monsignor Mario Marefoschi segretario di Propaganda Fede, del quale era noto a tutto il mondo cattolico essere un nemico dichiarato e furioso de' gesuiti, aver carteggio continuo con tutti i nemici della santa Sede e i ribelli alle costituzioni apostoliche, segnatamente alla bolla *Unigenitus*, essere finalmente un giansenista dichiarato e pubblico. Che egli arcivescovo si prendeva la libertà di esporre tal cosa alla Santità Sua con tutto il rispetto che un figlio deve al padre, che egli crede raggirato o ingannato dai perfidi amici che ha intorno. Supplica la Santità Sua a tenere sempre lontano dalle sue deliberazioni e consigli il cardinal Marefoschi, gli amici di lui, e tutti quelli che lo hanno consigliato e indotto a far costui cardinale, ecc.

So dal signor cardinal Archinto, stato maggiordomo di Clemente XIV, che il papa nel leggere la lettera di monsignor di Beaumont si sturbò fortissimamente, ci pianse, e per molto tempo patì di tanto in tanto delle alienazioni di mente. Tre o quattro anni dopo questo, trovandomi io in villeggiatura colla casa insieme con monsignor Sampieri, il quale era assai ben veduto da Clemente XIV, e che spesso andava da lui, domandai a monsignor Sampieri se era vera la lettera dell'arcivescovo di Parigi sopraesposta. Egli mi assicurò di averla letta, e che il papa si era fortemente sturbato e ci aveva pianto sopra. Interrogato ancora se fosse vera l'alienazione di mente del papa, mi rispose che essendo andato da lui dopo quella lettera molte volte e per varii affari importanti, egli veramente non si era mai accorto di mente alienata, ma sempre aveva trovato il papa colla testa appoggiata sulla mano e il gomito sul tavolino: che lo aveva veduto sempre in una profondissima melanconia, e che alla proposta degli affari rispondeva pochissime parole, e per lo più diceva *fate voi, fate voi*.

GIO. VINCENZO BOLGENI.

In un anno, non mi ricordo precisamente quale (ma fu quello nel quale il cardinale de Simone morì in Terni, mentre da Civitanova tornava a Roma sul fin di ottobre) in quell'anno dunque stando il detto cardinal de Simone a Civitanova in casa del marchese Roberti a villeggiare, fece invitare dal marchese ad un pranzo in Civitanova il conte e me nominatamente, i quali villeggiavamo alla marina circa quattro miglia lontano da Civita-

nova. Andati noi in casa Roberti, dopo i primi complimenti, il cardinal trasse me in disparte e mi disse che, essendo io stato gesuita, era bene che sapessi un fatto importante, il quale però mi raccomandava di tener segreto fino a che la prudenza mi avesse permesso di comunicarlo ad altri, perchè se ne conservasse sempre la memoria.

Mi disse dunque che, nel grande estate e nell'anno 1773, essendo egli uditor del papa Clemente XIV, era solito sulle ventidue ore e mezza circa d'andare in carrozza alla Madonna della Vittoria, e dopo visitato il Santissimo, proseguire a piedi camminando fino alla villa Patrizi a prender aria. Che nel giorno, nel quale il papa sottoscrisse un dopo pranzo il breve della soppressione de' gesuiti (se ben mi ricordo fu il giorno 22 di luglio), in quel giorno dunque appena il cardinale aveva fatto pochi passi a piedi dopo la visita della Vittoria, fu arrestato da una carrozza a cavallo del papa, la quale con fortissime istanze lo pregò a nome di fra Francesco (era il laico conventuale che serviva il papa attualmente, e lo aveva servito anche da religioso), lo pregò, dico, a tornar subito a palazzo, dove succedeva dello scompiglio nelle camere del papa. Io (mi disse il cardinale) m'immaginai subito che il papa avesse sottoscritto il breve della soppressione dei gesuiti, poichè sapevo che per non pochi giorni avanti si erano fatte al papa dai ministri, e da F. Bontempi, continue e gagliardissime istanze per aver quel breve.

Arrivato io a palazzo (continuò il cardinale), trovai fra Francesco nella sala del mio appartamento, il quale mi disse di venir seco subito dal papa; e volendo io prima vestirmi di lungo, fra Francesco mi fece forza, e così come stavo vestito mi condusse dal papa, e senza passar ambasciata m'introdusse nella camera da letto dove il papa stava.

Trovai il papa sul letto in camicia e mutande, il quale piangeva dirottamente, e urlava divincolandosi pel letto, e diceva *ah? Dio! sono dannato: Infernus domus mea est: non c'è più rimedio. . .* Fra Francesco allora mi stimolò di accostarmi al papa e di parlargli: lo feci, ma il papa non mi dava retta, e altro non diceva che *infernus domus mea est*. Io cercai di confortare il papa come potevo, ma egli non mi rispondeva niente. Passato così circa un quarto d'ora, finalmente il papa, guardandomi, mi disse piangendo, *ah cardinale, ho sottoscritto il breve. non v'è più rimedio*. E dicendogli io che il rimedio ci era e che si poteva ritrattare quel breve, *Ah*, mi rispose, *non si può; l'ho già consegnato a Mognino, e forse a quest'ora è già par-*

tito il corriere che lo porta in Ispagna. Ebbene, santo padre, si rinvoca quel breve con un altro breve, replicai io. *Oh Dio, non si può,* soggiunse il papa: sono dannato: *infernus domus mea est: non c'è più rimedio.*

Questa scena durò una buona mezz'ora, ed oltre fra Francesco erano presenti due o tre della famiglia del papa, i quali piangevano ancor essi; e, confesso la verità, pianai ancor io. Finalmente il papa cominciò ad acquietarsi un poco; non si agitava più pel letto, e borbottava tra' denti alcune cose che io non potei mai capire. Finalmente rivolto verso di me, *Ah cardinale,* mi disse, *andate al vostro appartamento, chè qui starete incomodo pel gran caldo.* E seguitando io a star lì, il papa una e due volte mi replicò che partissi.

Nel partire mi accompagnò frate Francesco, e dicendogli io che non abbandonasse il papa in quelle circostanze, mi rispose che si erano inchiodate le finestre della sua camera, perchè poco dopo partito Mognino dalla sua udienza, entrato un cameriere trovò il papa che, come matto, si era accostato alla finestra con far cenno di volersi buttar giù, ed ebbe a faticare assai per trattenerlo, chiamando gente. Verso le ore due della notte salii nell'appartamento del papa (seguitò il cardinale) per informarmi dello stato di lui, e fra Francesco mi disse che il papa s'era alzato dal letto e stava quieto, ma che non parlava con nessuno, nè voleva veruno, dando segni di grandissima melanconia.

In quale stato si trovasse il papa dopo quell'epoca, ne diede una prova convincentissima anche a me, benchè allora io stessi a Macerata. Erano miei penitenti il marchese Domenico Ricci, il quale era ammalato d'una idropisia di petto, della quale poi morì nella vigilia di Natale di quell'anno 1773, ed anche il marchese Antonio Ricci nipote del suddetto marchese Domenico. Dopo pubblicato in Macerata il breve della soppressione, il marchese Antonio, temendo che io partissi, volle far meco una confessione generale di tutta la sua vita e la cominciò: quand' ecco due giorni appresso arrivò in Macerata la famosa enciclica, la quale toglieva agli ex-gesuiti ogni facoltà di confessare, predicare, ecc. Il marchese Antonio, sturbato per questo accidente, non s'acchetò al mio sentimento, che il giudizio cominciato non poteva sospendersi; e neppure s'acchetò al sentimento del vescovo monsignor . . . barnabita, il quale gli confermò il sentimento mio. Siccome il marchese Antonio suddetto era amico di monsignor Macedonio segretario dei memoriali del papa, col quale aveva anche carteggiato di tanto in tanto, scrisse una lettera a questo

prelato, esponendogli il fatto della sua confessione cominciata e l'infermità incurabile nella quale stava il marchese Domenico suo zio e mio penitente, e pregò il prelato ad esporre al papa le istanze premurose di tutti due per confessarsi da me, con tutta la segretezza per altro, ecc.

Monsignor Macedonio rescrisse al marchese Antonio Ricci lettera di suo pugno da me veduta più volte e considerata bene con mia sorpresa estrema. Scriveva dunque il prelato di aver letta al papa la lettera del marchese Ricci per estensione, e che il papa aveva risposto subito di sì, che dava ogni facoltà, ecc.; poi, fermandosi un poco sopra pensiero, rievocò il detto e negò la facoltà domandata. Insistendo monsignor Macedonio sulla particolarità delle circostanze e che la cosa si sarebbe fatta privatamente e con ogni segretezza, il papa rispose: *Se, Dio guardi, arrivano a saperlo questi ministri e il re di Spagna, chi vorrà sentir le grida che ne faranno; chi potrà soffrire le molestie che ne daranno a Noi? No, dunque, no.* Monsignor Macedonio replicò: come potranno risaperla, una cosa così lontana? *Se non altri*, disse il papa, *il d. . . dell' inferno glielo farà sapere: No, dunque, no.*

Tutte queste particolarità in dettaglio le scrisse monsignor Macedonio in risposta al marchese Ricci, per fargli vedere che aveva fatto tutto il possibile e non aveva potuto ottenere la grazia.

GIO. FRANCESCO BOLGENI

CCCVIII.

AGL' ILL. E REV. SGG. I SIGNORI

CARDINALI DELLA SANTA ROMANA CHIESA,

RADUNATI IN CONCLAVE. ROMA.

Moncalieri, li 5 ottobre 1774.

Illustrissimi e reverendissimi signori. È un giusto tributo che deve il mondo cattolico alla santa memoria di Clemente XIV, l'intendere con un vivo rammarico la dura perdita che viene di farne quando mena se lo aspettava, e quando così utili alla pace della Chiesa erano le amorose pastorali sue sollecitudini. All' invito che col triste annunzio è piaciuto a VV. SS. Ill. di

farcene, non saremo noi gli ultimi certamente a pagarlo, animati non meno da questi troppo convenienti principii, quanto dalle prove dateci in ogni occasione dal degno pontefico della paterna sua amorevolezza, che ci avevano per inclinazione e per riconoscenza alla sacra sua persona in particolar modo legati. Questi sentimenti per altro siccome traggono la principal loro origine dall' ereditario ed inviolabile nostro attaccamento alla santa Sede, così essenzialmente c' interessano a desiderare di vederci a nascere un motivo di conforto dalla degna scelta di un ottimo successore, il quale, nel portare sulla cattedra di Pietro le savie massime de' gloriosi suoi predecessori a vantaggio del cattolico gregge, prenda nella sua assunzione al supremo pontificato una vera idea delle nostre premure a far sempre tutto ciò che può ridondare al maggior bene della incontaminata Sposa di Cristo, e provare al visibile suo capo l' ossequio nostro pien di rispetto. Tanto può aspettarsi la Chiesa dal savio discernimento di VV. SS. Ill., nel di cui ragguardevole ceto deve cadere la scelta. E mentre coi voti nostri a Dio O. M. contribuiremo noi ad un oggetto così salutare ed importante, nell' assicurarle della distinta stima che facciamo di tutti i meritevoli individui che lo compongono, preghiamo loro dal Signore ogni vero bene.

V. AMEDEO.

V. AIGBLANCHE.

CCCIX.

REVERENDISSIMIS IN CHRISTO PATRIBUS

D. DECANO ET COLLEGIO

S. R. E. CARDINALIBUS, AMICIS NOSTRIS CARISSIMIS.

Herculano, 11 octobris 1774.

Ferdinandus Dei gratia rex Siciliarum, Hierusalem etc., Infans Hispaniarum etc., etc., reverendissimis in Christo patribus d. decano et collegio S. R. E. cardinalibus, amicis nostris carissimis, salutem cum incremento omnis boni. Reverendissimi in Christo petres, amici carissimi. Maximum sane animo dolorem cepimus ex litteris quibus Nos certiores esse voluerunt Reverendissimae Paternitates Vestrae de obitu luctuosissimo Clemen-

tis XIV pontificis maximi Romanorum. Acerbus semper tristisque erit Nobis bonisque omnibus dies ille decimus ante kalendas octobris, qui christiano nomini parentem optimum eripuit, in quo quum nemo unquam humanitatem, doctrinam, prudentiam desideravit, tum vel maxime singularem in subita fortuna abstinentioniam, egregiam in promissis fidem, in deliberando maturitatem judicii, in exequendo fortitudinem, constantiam invictumque animi robur suspexerunt universi. Qualem igitur, quantamque virtutum in uno Clemente extincto jacturam fecimus! Porro autem, ut christiani orbis, quoad fieri possit, desiderium leniatur, Vestrum est, patres reverendissimi, dignum Clemente XIV successorem dare. Quod aane futurum speramus, tum prudentiæ vestrae perspectissimæ confisi, tum Divini Numinis praesentiae, quae vobis in re maximi momenti deliberantibus ne desit communibus, enixisque votis adprecamur. *Datum Herculano, V idus octobris 1774.*

FERDINANDUS.

BERNARDUS TANUSIUS.

CCCX.

SANCTÆ ROMANÆ ECCLESIAE CARDINALIUM COLLEGIO

REVERENDISSIMIS IN CHRISTO PATRIBUS, DOMINIS,

AMICIS NOSTRIS CARISSIMIS.

Viennae, 17 octobris 1774.

Nos Maria Theresia, Dei gratia Romanorum imperatrix vidua, regina Hungariae, Bohemiae, Dalmatiae, Croatiae, Slavoniae, Galiciae et Lodomeriae, arcidux Austriae, dux Burgundiae, magna princeps Transylvaniae, dux Mediolani, Mantuae, Parmae, etc., comes Habsburgi, Flandriae, Tyroli, etc., Lotharingiae et Barri dux, magna dux Hetruriae, etc., etc. Reverendissimis in Christo dominis N. S. R. E. episcopis, presbyteris et diaconis ac universo collegio cardinalium, amicis nostris charissimis, salutem et benevolentiae nostrae affectum. Reverendissimi in Christo patres, amici charissimi. Gravem sane concepimus moeroris sensum ex Clementis XIV Pont. Max. obitu, quem nuntiarunt Nobis vestrae litterae die XXIII superioris mensis datae: commovit animum nostrum cum ipsa praematuri fati acerbitas, tum reipu-

blicae christianae non levis, quam in vigilantissimi pastoris morte fecit jactura. Perpetua tamen erit Patris optimi apud bonos omnes recordatio, qui difficillimo tempore sanetae Sedis romanae gubernaculo admotus, pro Ecclesiae tranquillitate, solo quinquennii spatio, tantum in se suscepit laboris quantum vix alius fuisset ausus. Neque defuit ipsi in aggrediendo opère animi fortitudo, nec in perficiendo constantia. Jam vero vestram, reverendissimi patres, fidem, prudentiam, religionem exhortamur ut, conjunctis pari studio animis, successorem eligatis qualem Ecclesiae incolumitas ac temporis ratio postulat: hoc omnium vota expectant, utque fiat, cujusque vestrum vel maxime interest. Deum interea supplices precamur, ut vos et collegas vestros suo in re tanti momenti numine adjuvet atque confirmet; utpote cujus tutelae reverendissimas Paternitates Vestras pro nostro in easdem sincero et propenso affectu summopore volumus commendatas. *Datum in civitate nostra Viennae, die 17 octobris anno 1774, regnorum nostrorum trigesimo quarto.*

Reverendissimarum Paternitatum Vestrarum
benevola

MARIA THERESIA.

V. KAUNITZ RITBERG.

HENRICUS GABR. A COLLENBACH.

CCCXI.

À NOS TRÈS-CHERS ET TRÈS-AIMÉS COUSINS

LES CARDINAUX DE LA SAINTE ÉGLISE ROMAINE,

ASSEMBLÉS DANS LE CONCLAVE.

Fontainebleau, le 17 octobre 1774.

Très-chers et très-aimés cousins. Nous partageons bien sincèrement les justes regrets que nous cause la mort de notre saint-père le pape Clément quatorze, dont vous nous avez fait part par la lettre que vous nous avez écrite le 23 du mois dernier. Ce triste événement nous a onlevé un pontife que ses lumières supérieures, ses rares talents, les connaissances très-étendues qu'il avait et ses vertus peu communes rendaient digne à tous égards d'être le successeur de saint Pierre. Nous avons surtout admiré en lui la modération et la sagesse avec laquelle il s'est

constamment occupé de tous les objets confiés à sa sollicitude pastorale, et les soins particuliers qu'il a donnés à ceux qui concernaient notre royaume. Vous pouvez juger par là combien sa perte doit nous être sensible. Cependant nous trouvons un grand motif de consolation dans la résolution où vous êtes de donner au pape défunt un successeur qui marche sur ses traces et qui à son exemple gouverne l'Eglise avec l'esprit de conciliation, de justice et de charité qui doit être le principal apannage du père commun des fidèles. Nous espérons que Dieu fortifiera et qu'il couronnera des dispositions si heureuses en dirigeant votre choix sur celui d'entre vous qu'il jugera le plus digne de remplir le plus sublime et le plus saint des ministères. Nos vœux à cet égard sont analogues à notre attachement pour la foi catholique et pour le saint-siège, à notre désir de voir la paix et la concorde si heureusement établies se perpétuer dans l'Eglise, et à notre estime et affection pour le sacré collège en général et pour chacun de vous en particulier. Sur ce nous prions Dieu qu'il vous ait, très-chers et très-aimés cousins, en sa sainte et digne garde. Écrit à Fontainebleau, le 17 octobre 1774.

LOUIS.

GRAVIER DE VERGENNES.

CCCXII.

SANCTÆ ROMANÆ ECCLESIAE CARDINALIUM COLLEGIO,

REVERENDISSIMIS IN CHRISTO PATRIBUS, DOMINIS,

AMICIS NOSTRIS CARISSIMIS.

Viennae, 19 octobris 1774.

Josephus secundus divina fovente clementia electus Romanorum imperator semper augustus, Germaniae et Hierosolymarum rex, corregens et haeres regnorum Hungariae, Bohemiae, Dalmatiae, Croatiae et Slavoniae, archidux Austriae, dux Burgundiae et Lotharingiae, magnus dux Hetruriae, magnus princeps Transilvaniae, dux Mediolani, Barri, etc., comes Habsburgi, Flandriae et Tyrolis, etc. etc., reverendissimis in Christo patribus dominis N. S. R. E. episcopis, presbyteris et diaconis ac universo collegio cardinalium, amicis nostris carissimis, salutem ac benevo-

lentiae affectum. Reverendissimi in Christo patres, amici charissimi. Ex datis ad Nos a reverendissimis paternitatibus vestris die vigesima tertia mensis nuper elapsi litteris, gravi percepimus moerore, summum Ecclesiae pontificem Clementem decimum quantum gravissimo implicitum morbo e vivis excessisse; plurimam enim cum ipsis ac cum universa Ecclesia jacturam dignissimi ejusdem capitis dolemus, qui de christiani populi pace ac tranquillitate firmanda servandaque se perquam commendatum reddidit, sicque propriis Ecclesiae commodis non minus quam communi saluti consuluerit.

Vestri nunc erit, reverendissimi patres, Spiritus Sancti ductu talem in ejus locum deligere pontificem qui, dignus illius successor, pari concordia pacisque studio elucescat.

Hanc peculiarem fore praesentis conclavis curam, enixa vestra de Ecclesiae bono et de christianae reipublicae rationibus sollicitudo indubiam praebet fiduciam: quaeque nostrarum sunt partium nihil in iis praetermittimus quae ad primi ecclesiae catholicae filii, ejusdemquo ac Sedis apostolicae advocati et defensoris munus pertinent; sicque non minor nostra erit cura in fulciendo semper inter sacerdotium et imperium constanti felicique nexu.

De sinceris his animi nostri sensibus constitutus hucusque penes Nos Sedis apostolicae nuntius reverendissimus cardinalis Eugenius e Vicecomitibus, pro spectata sua integritate ac insigni perspicacia, vobis fidem haud dubie reddet documentum; hosque insuper confirmabit tam reverendissimus cardinalis Alexander Albanus, quam designandus ad conclave caesareus noster orator. Et quod superest, reverendissimis paternitatibus vestris omnibus et singulis benevolentiae et gratiae nostrae caesariae affectum hisce perpropense impertire et confirmare volumus. *Datum Viennae, die 19 octobris, anno millesimo septingentesimo septuagesimo quarto, regni nostri undecimo.*

JOSEPHUS.

PAULUS ANTONIUS GUNDEL.
V. CA. PRINCEPS COLLOREDO.

CCCXIII.

CARISSIMO IN CHRISTO FILIO NOSTRO

LUDOVICO AUGUSTO FRANCORUM

REGI CHRISTIANISSIMO,

PIUS PAPA VI.

Romae, 29 januarii 1783.

Carissime, etc. Cum primum nunciata Nobis erant ea quae in Alba Russia episcopus Mallensis agere coeperat ex facultatibus (ut ipse in edicto suo die 30 junii 1779 dato vulgaverat) sibi ut vicario apostolico per Nos concessis, perperam tamen ab illo interpretatis, et ultra veros consuetae formulae limites extensis, statim, quao nostrae partes erant, hanc ejusdem licentiam arguere et coercere, exposita ipsi nostra voluntate et praefixis facultatum finibus, curavimus. Ut ea et tuae et Catholicae Majestati referri possent, ac item cetera quae deinceps coeque sunt, omnium certiores fieri voluimus tam venerabilem fratrem nostrum cardinalem de Bernis tuum plenipotentiarum apud Nos administrum, quam dilectum filium nobilem virum ducem Hieronymum Grimaldi Hispaniarum oratorem, *perspicueque ipsius sensus nostros aperuimus, plane abnuentes improbantisque illa Mallensis acta, quae apostolicis fel. rec. Clementis XIV praedecessoris nostri in forma Brevis litteris die 24 julii 1773 datis adversarentur.* Cum deinceps admonitiones nostras nihil proficere apud eum episcopum videremus, excusantem nimirum se quod ad retractationem illam, quam ab ipso exigebamus, devenire non posset, quoniam a sua impediabatur domina universae Russiae autocratrice, in se suscipiente quidquid a vero nostri illius rescripti sensu desciverat; ad eam ipsam conversi tum sumus, illique, ut in superioribus cum ipsa egimus litteris, ita et in postremis nostris, die scilicet undecima hujus mensis datis, omni studio patefacere contendimus nulla ratione potuisse episcopum Mallensem sensus illos Nobis, qui nostri non erant, affingere. Sed ad Nos porro delatae graves sunt ejusdem minae, quibus privaturam se esse universos Russiae catholicos regio patrocínio suo denunciabat, si Nos Mallensem episcopum archiepiscopatus titulo et pallii honore decorare distulissemus, nisi

prius ille Nobis, prout postulaveramus, satisfecisset. Hinc necessario inducti religionis ipsius causa ac tam certo animarum periculo, quibus facilis esset in apostasiam prolapsio, remittere prorsus tam ipsam satisfactionem, quam a Mallensi petebamus, quamque ille dare prohibebatur, debuimus; in quod illud existimavimus, satis remissionem hanc Nobis pensari conscientia nostra, bonaque fide, quam coram omnibus ad hujus cathedrae tuendum decus, ejusque decretorum auctoritatem sustinendam probare Nos posse eidem imperatrici in iis litteris nostris aperte declaravimus. Ex quibus certe dubitare non possumus quin persuasum vobis planeque perspectum sit, quam invitis quamque ipsa necessitato obstrictis devonendum Nobis etiam sit ad memoratos et archiepiscopatus et palli honores Mallensi conferendos. Nihilo tamen minus, ut pristinos Majestati Tuae sensus nostros adhuc magis confirmemus, praesertim cum videamus te valde cupere ut hunc in modum omnis sinistra suspicio, si qua inde in ignarum vulgus prodierit, ita disjici valeat ut nullam possit erroris turbationisque causam tuis populis inducere, libenter ad Regiam Majestatem Tuam has damus litteras, iisque expresse profitemur haberi a Nobis tanquam abusum, atque illegitima ac nulla prorsus reputari quaecumque vel in Alba Russia vel alibi acta esse feruntur illis contraria, quas superius memoravimus, Clementis XIV litteris. De quo ipso, ut tuam, ita et catholici regis Majestatem per similes nostras hoc eodem tempore datas certiore reddimus. Demum tibi, carissime in Christo fili noster, ac universae christianissimae domui apostolicam benedictionem, in verae felicitatis et gloriae incrementum, ex intimo planeque paterno animo amantissime impertimur. *Datum Romae, etc., die 29 januarii 1783, pontificatus nostri anno octavo.*

Eodem exemplo: Regi Catholico.

CCCXIV.

CARISSIMÆ IN CHRISTO FILIÆ NOSTRÆ

MARIÆ FRANCISCÆ PORTUGALLIÆ ET ALGARBIORUM,

REGINÆ FIDELISSIMÆ,

PIUS PAPA VI.

Romae, 20 februarli 1783.

Carissima, etc. Cum primum nunciata Nobis erant ea quae in Alba Russia episcopus Mallensis agere coeperat ex facultatibus (ut ipse in edicto suo die 20 junii 1779 dato vulgaverat) sibi ut vicario apostolico per nos concessis, perperam tamen ab illo interpretatis et ultra veros consuetae formulae limites extensis, statim, quae nostrae partes erant, hanc ejusdem licentiam arguere et coërcere, exposita ipsi nostra voluntate et praefixis facultatum finibus, curavimus, plane abnuentes improbantisque illa Mallensis acta, quae apostolicis fel. rec. Clementis XIV praedecessoris nostri in forma brevis litteris die 21 julii 1773 datis adversarentur. Cum deinceps admonitiones nostras nihil proficere apud eum episcopum videremus, excusantem nimirum se quod ad retractationem illam, quam ab ipso exigebamus, devenire non posset, quoniam a sua impediabatur domina universae Russiae auctocratrice in se suscipiente quidquid a vero nostri illius rescripti sensu desciverat; ad eam ipsam conversi sumus, illique ut in superioribus cum ipsa egimus litteris, ita et in postremis nostris, die scilicet 11 januarii datis, omni studio patefacere contendimus nulla ratione potuisse episcopum Mallensem sensus illos Nobis, qui nostri non erant, affingere. Sed ad Nos porro delatae graves sunt ejusdem minae, quibus privaturam se esse universos Russiae catholicos regio patrocinio suo denunciabat, si Nos Mallensem episcopum archiepiscopatus titulo, et pallii honore decorare distulissemus, nisi prius ille Nobis, prout postulaveramus satisfacisset. Hinc necessario inducti religionis ipsius causa ac tam certo animarum periculo, quibus facilis esset in apostasiam prolapsio, remittere prorsus eam ipsam satisfactionem quam a Mallensi petebamus, quamque ille dare prohibebatur, debuimus; in quo illud existimavimus, satis remissionem hanc Nobis pensari conscientia nostra, bonaque

tide, quam coram omnibus ad hujus cathedrae tuendum decus, ejusque decretorum auctoritatem sustinendam probare Nos posse eidem imperatrici in tuis litteris nostris aperte declaravimus. Ex quibus certe dubitare non possumus, quin persuasum Tibi planeque perspectum sit quam invilis quamque ipsa necessitate obstrictis deveniendum Nobis etiam sit ad memoratos et archiepiscopatus et pallii honores Mallensi conferendos. Quo ipso per te intelligas, qui nostri sensus sint, quos nunc *Majestati Tuae* adhuc magis confirmare suscipimus, cum a dilecto filio nobili viro *Didaco de Noronha* ministro tuo plenipotentuario cognoverimus Te valde cupere, ut hunc in modum omnis sinistra suspicio, si qua inde in ignarum vulgus prodierit, ita disjici valeat, ut nullam possit errorisurbationisque causam tuis populis inducere. Itaque ad *Fidelissimam Majestatem Tuam* has damus litteras, iisque expresse profiteamur, haberi a Nobis tanquam abusus, atque illegitima ac nulla prorsus reputari quaecumque vel in *Alba Russia* vel ALIBI acta esse feruntur illis contraria, quas superius memoravimus, *Clementis XIV* litteris. De quo, ut *Tuam* nunc, ita et *Christianissimi et Catholici Regis Majestates* per alias nostras in eandem sententiam nuper datas litteras certiores reddidimus. Demum tibi, carissima in Christo filia nostra, ac universae *Fidelissimae Domui* apostolicam benedictionem, in verae felicitatis et gloriae incrementum, ex intimo planeque paterno animo amantissime imperimus. Datum *Romae, etc., die 20 februarii 1783, pontificatus nostri anno IX.*

Eodem exemplo: — Mutatis mutandis — Regi utraque Siciliae — Die 11 aprilis 1783 — Pro lineato verbo Tibi scribatur *Regiae Majestati Tuae* — Pro aliis verbis *Majestati Tuae* scribatur Tibi — Ante verbum lineatum *Majestatis* addatur ac *Fidelissimae Reginae* — Pro verbo lineato *Fidelissimae* scribatur *Regias* — Et demptis illis verbis lineatis a dilecto filio etc.

CCCXV.

SERENISSIMO AC POTENTISSIMO
GUSTAVO SUECIÆ REGI ILLUSTRİ,
PIUS PAPA VI.

Romæ, 22 martii 1763.

Tribus abhinc annis ad regiam Majestatem Tuam nostras dedimus litteras, quibus maximo, quo por Nos fieri poterat, studio commendebamus tibi; potentissime rex, catholicos omnes, qui in tuis ditionibus commorantur. Id quidem tum fecimus ipsa tuæ humanitatis clementiæque fama commoti; ac valde postmodum gavisi sumus, cum inde auctum in eos esse perciperemus præstantis animi tui patrociniū, eximio illo edicto tuo, quod Nobiscum antea communicaro per Nobilem virum principem de Hessenstein voluisti. Illi tum non solum exempti a pristina in se legum severitate fuerunt, sed etiam libere sub tua tutela religionis suæ cultum exercere, aliisque sibi concessis ex tua magnanimitate privilegiis secure perfrui potuerunt. Quantopere gratos idcirco Majestati Tuæ Nos esse profiteamur, nulla potiori ratione testari nunc possumus, quam adhuc majorem in Nobis exhibendo benignitatis tuæ fiduciam, ac in ipsa quam debemus gratiarum actione novam tibi benefaciendi Nosque magis devinciendi causam afferendo. Itaque regiae jam in Nos tuæ voluntatis, ac in Nostros beneficentiæ experientia freti, cum in regnum tuum hæc nostra propagandæ fidei congregatio, Nobis approbantibus, mittat dilectum filium Oster sacerdotem gallum, qui catholicorum omnium et Stokolmiae et in locis regni Sueciæ ultra mare balticum positis degentium curam suscipiat, eosque in religionis exercendæ rationibus dirigat ac moderetur, illum sine nostris hisce litteris ad te accedere nolimus, ex quibus intelligeres, maxime Nostra interesse, ut eundem tua peculiari gratia in fungendo præsertim imposito sibi munere prosequaris. Nosque Nobis ipsis idcirco collatum existimaturos, quidquid in eum clementer, honorifice, beneficeque feceris. Dum hunc eidem ad Majestatem Tuam aditum per nostram officium aperimus, minime dubii sumus quin idem porro suorum meritorum propriæque virtutis commendatione tibi futurus sit peracceptus. Nos certe tua humanitate jam devinctos tanto adhuc magis novis ejusmodi

beneficiis obstrinxis, ut nullam unquam opportunitatem praetermissuri simus, hujus gratissimi in te animi nostri declarandi. Interim vota nostra ad Deum Opt. Max. effundero non intermitimus, ut coelestibus te, potentissime rex, regiam familiam regnumque tuum suae benignitatis donis uberrime muneretur. *Datum Romae, etc., die 22 martii 1783, pontificatus nostri anno nono.*

CCCXVI.

A. S. EM. DEV. IL SIGNOR

CARDINAL PALLAVICINI

SEGRETARIO DI STATO DI SUA SANTITÀ'.

San-Pietroburgo, $\frac{15}{26}$ marzo 1784.

Em. e Rev. Sig. Avendo io palesata nelle precedenti lettere la mia speranza che questi *soidisant* gesuiti verranno tenuti lontani dallo spirituale governo delle parrocchie, e dalla cura delle anime, mi figuro che V. E. aspetti da me di sentire se altro mi sia occorso sopra tale notissimo e disgraziato affare. Benchè il sig. vicedancelliere tutte le volte che è accaduto incidentemente di nominargli m'abbia sempre dato a conoscere non essere in suo arbitrio e potere l'ammettere neppur discorso in questa materia, ciò non ostante mi è riuscito di tenerne ragionamento ex professo col sig. principe Potemkin. Ho veduta la necessità di rivolgermi a lui, poichè se egli era in realtà lor protettore d'animo e di mente, bisognava cercare di disingannarlo; se poi era che meglio degli altri conoscesse in questo affare i sentimenti e la volontà dell'imperatrice, avrei potuto in tal caso dalle sue risposte ricevere qualche lume interno la possibilità o impossibilità di questa negoziazione. Gli domandai dunque se io potevo proporre qualche temperamento con cui da una parte venisse sollevata Sua Santità da gravissimi o continui travagli, e dall'altra restasse soddisfatta l'imperatrice ed intatto il servizio delle pubbliche scuole: non esser difficile a ritrovarsi un tal temperamento, perchè nulla aveano di comune i voti solenni monastici e religiosi con l'applicazione ad insegnar le arti e le scienze alla gioventù: parer contrario al buon senso permettersi a costoro di preferire l'usata loro formola di voto d'ubbidienza al suo pre-

teso vicario, mentrechè l'imperatrice vuole che ubbidiscano al solo arcivescovo di Mohilovia, lasciandosi così in balia di tal fanatico o ambizioso superiore il sedurre le altrui coscienze per porle in contradizione coi loro doveri. Oltre di che è evidente la nullità ed innegabile la profanazione di somiglianti voti religiosi. Vi è ancora di più. Siccome ogni istituto regolare nella chiesa cattolica si contraddistingue dagli altri per qualche voto proprio e particolare, esempi gratia, quello di assistere gl' infermi, questo di redimere gli schiavi, quello di predicare, quest' altro di attendere alla contemplazione, e così il voto speciale e distintivo della soppressa società era l'ubbidienza per le missioni al sommo pontefice. Or mentre gli ex-gesuiti di Bianca Russia spacciano per tutte le provincie cattoliche che sussiste tuttavia in quella provincia l'istituto loro tal quale altrove era prima della soppressione, con si può dare maggior assurdo e scandalo maggiore di questo a fronte della loro disubbidienza alla Sede apostolica. L'imperatrice, mi dirà, vuole che si conservino nel loro antico stato. L'imperatrice (posso io con verità rispondere) ha essa medesima dichiarato la loro volontaria e spontanea disubbidienza al sommo pontefice nel suo ukaso de' 4 luglio 1782, che tradotto in latino incomincia *Clementissime concedimus societati jesuiticae*: un sovrano, allorchè dice di concedere, dice di far cosa o richiesta, o certamente grata e desiderata dalle persone alle quali la concede. Ciò supposto, la conseguenza non può essere più concludente. Parmi pertanto che si debba proibire ai medesimi il proferir colla bocca dei voti che contemporaneamente smentiscono coll' opere, niente più bramando essi, quanto d'esser sostenuti e protetti affine di trasgredire. L'imperatrice ha stabilita una saggia commissione, ed ha alla medesima dato l'incarico di fondar pubbliche scuole per tutto l'impero. Dopo proibita agli ex-gesuiti ogni sorta di voti monastici e religiosi, si potria fare che quegl' individui civilmente si dedicassero alle letterarie incombenze, cotanto proprie del loro stato di semplici ecclesiastici e sacerdoti, a vantaggio delle città e luoghi di Bianca Russia. M' interrompe il principe dicendo, che io era stato bene accolto da Sua Maestà imperiale e felicemente avea compito le mie commissioni, ma che sarebbe lo stesso che guastare ogni cosa mettendo in campo questo affare, e l'imperatrice ne proveria gravissimo disgusto. L'imperatrice, replicai io, forse non è pienamente intesa degl'intrighi che si fanno, e delle false disseminazioni che si spargono persino in Roma a cagione degli ex-gesuiti di Bianca Russia. Ogni momento il santo padre ne ha a

provare dispiaceri, od a temere di veder turbata la buona armonia collo corti cattoliche. Se fa istanza a Sua Maestà imperiale per terminar questo affare, va incontro a dispiacerle, dal che è sommamente lontano: se poi tace, vede compromessa la sua buona fede e dar luogo a sospetti della medesima. Riprese il principe: alcune cose da lei dette furono già rappresentate all'imperatrice, e quantunque forse potrebbero più acconciamente rappresentarsi ora da lei, nulladimeno non si farebbe che irritarla, essendosi proposta di non parlar più nè che più se le parli di questo affare: perciò mi consigliava a passarlo interamente sotto silenzio, protestandosi che si spiegava meco in tal guisa, non per alcuna prevenzione in favore degli ex-gesuiti, ma perchè parevagli, per quanto poteva conoscere lo intenzioni dell'imperatrice, di cooperare con ciò al bene e vero interesse della mia corte. Non ho creduto tralasciar di riferire a V. E. distintamente tutta la serie di questa familiar conversazione che ho avuta col sopradetto principe, il quale ne' passati giorni è partito da Pietroburgo per la via di Mosca alla volta delle sue terre di Bianca Russia e poscia della Taurica Chersoneso, o almeno de' luoghi vicini a quella nuova conquista. Ritournerà egli in questa capitale fra due o tre mesi.

Sono eziandio partiti in sua compagnia monsignor arcivescovo di Mohilovia e il nuovo vescovo Gadarense Benislawski, giacchè si lusingano che la strada di Mosca sia per riuscir loro meno disastrosa e malagevole nella presente prossima stagione, in cui qui o fa un freddo di venti gradi sotto il gelo, o se il freddo rallenta, cade la neve in tanta copia che di già è giunta da per tutto ad una straordinaria altezza. E per fino all'E. V. mi raccomando, e con profundissimo ossequio mi rassegno,

Di Vostra Eminenza

Umilissimo, divotissimo e obbidientissimo servo vero
G. A. ARCIVESCOVO DI CALCEDONIA.

CCCXVII.

CLEMENS PAPA XIV.

AD PERPETUAM REI MEMORIAM

1. Dominus ac redemptor noster, Jesu Christus, Princeps pacis a propheta praenuntiatus, quod hunc in mundum veniens per angelos primum pastoribus significavit, ac demum per se ipsum, antequam in caelos ascenderet, semel et iterum suis reliquit discipulis, ubi omnia Deo Patri reconciliavisset, pacificans per sanguinem crucis suae, sive quae in terris, sive quae in caelis sunt, apostolis etiam reconciliationis tradidit ministerium, posuitque in eis verbum reconciliationis, ut legatione fungentes pro Christo, qui non est discessionis Deus, sed pacis et dilectionis, universo orbi pacem annuntiarent, et ad id potissimum sua studia conferrent ac labores ut omnes in Christo geniti solliciti essent servare unitatem spiritus in vinculo pacis, unum corpus et unus spiritus, sicut vocati sunt in una spe vocationis, ad quam nequaquam pertingitur, ut inquit s. Gregorius Magnus, si non ad eam unita cum proximis mente curratur.

2. Hoc ipsum potiori quadam ratione Nobis divinitus traditum reconciliationis verbum et ministerium, ubi primum, meritis prorsus imparibus, evecti fuimus ad hanc Petri Sedem, in memoriam revocavimus, die noctuque prae oculis habuimus, cordique altissime inscriptum gerentes, et pro viribus satisfacere contendimus, divinam ad id opem assiduo implorantes, ut cogitationes et consilia pacis Nobis et universo dominico gregi Deus infundere dignaretur, ad eamque consequendam tutissimum Nobis firmissimumque aditum reserare. Quinimo probo scientes divino Nos consilio constitutos fuisse super gentes et super regna, ut in excolenda vinea Sabaoth, conservandoque christianae religionis aedificio, cujus Christus est angularis lapis, evellamus et destruamus et disperdamus et dissipemus, et aedificemus et plantemus, eo semper fuimus animo constantique voluntate, ut quemadmodum pro christianae reipublicae quiete et tranquillitate nihil a Nobis praetermittendum esse censuimus, quod plantando aedificandoque esset quovis modo accommodatum; ita, eodem mutuae charitatis vinculo expostulante, ad evellendum destruendumque quidquid jucundissimum etiam Nobis esset atque gra-

tissimum, et quo carere minime possepis sine maxima animi molestia et dolore, prompti aequae essemus atque parati.

3. Non est sane ambigendum, ea inter quae ad catholicae reipublicae bonum felicitatemque comparandam plurimum conferunt, principem fere locum tribuendum esse regularibus ordinibus, ex quibus amplissimum in universam Christi ecclesiam quavis aetate dimanavit ornamentum, praesidium et utilitas. Hos ideo apostolica haec Sedes approbavit non modo, suisque fulcita est auspiciis, verum etiam pluribus auxit beneficiis, exemptionibus, privilegiis et facultatibus, ut ex his ad pietatem excolendam et Religionem, ad populorum mores verbo et exemplo rite informandos, ad fidei unitatem intor fideles servandam confirmandamque, magis magisque excitarentur atque inflammarentur. Ast ubi eo res devenit ut ex aliquo regulari ordine, vel non amplius uberrimi ii fructus atque optatissima emolumenta a christiano populo perciperentur, ad quae afferenda fuerant primitus instituti, vel detrimento potius esse visi fuerint ac perturbandae magis populorum tranquillitati quam eidem procurandae accommodati; haec eadem apostolica Sedes, quae eisdem plantandis operam impenderat suam, suamque interposuerat auctoritatem, eos vel novis communire legibus, vel ad pristina vivendi severitatem revocare, vel penitus etiam evellere ac dissipare minime dubitavit.

4. Haec sane de causa Innocentius papa III praedecessor noster cum comperisset nimiam regularium ordinum diversitatem gravem in ecclesiam Dei confusionem inducere, in concilio generali Lateranensi IV Ermiter prohibuit ne quis de cetero novam religionem inveniat, sed quicumque ad religionem converti voluerit, unam de approbatis assumat; decrevitque insuper ut qui voluerit religiosas domum de novo fundare, regulam et institutionem accipiat de approbatis. Unde consequens fuit ut non liceret omnino novam religionem instituere sine speciali romani pontificis licentia, et merito quidem; nam cum novae congregationes majoris perfectionis gratia instituuntur, prius ab hac sancta apostolica Sede ipsa vitae futurae forma examinari et perpendi debet diligenter, ne sub specie majoris boni et sanctoris vitae plurima in ecclesia Dei incommoda et fortasse etiam mala exoriantur.

5. Quamvis vero providentissime haec fuerint ab Innocentio III praedecessore nostro constituta, tamen postmodum non solum ab apostolica Sede importuna potentium inhiatio aliquorum ordinum regularium approbationem extorsit, verum etiam

nonnullorum praesumptuosa temeritas diversorum ordinum praecipue mendicantium nondum approbatorum effrenatam quasi multitudinem adinvenit. Quibus plene cognitis, ut malo statim occurreret, Gregorius papa X pariter praedecessor noster in generali concilio Lugdunensi, renovata constitutione ipsius Innocentii III praedecessoris, districtius inhibuit ne aliquis de cetero novum ordinem aut religionem adinveniat, vel habitum novae religionis assumat. Cunctas vero generaliter religiones et ordines mendicantes post concilium Lateranense IV adinventos, qui nullam confirmationem Sedis apostolicae meruerant, perpetuo prohibuit, confirmatos autem ab apostolica Sede modo decrevit subsistere infrascripto: ut videlicet professoribus eorundem ordinum ita liceret in illis remanere, si voluerint, quod nullum deinceps ad eorum professionem admitterent, nec de novo domum vel aliquem locum acquirerent, nec domos seu loca quae habebant, alienare valerent sine ejusdem sanctae Sedis licentia specialia. Ea enim omnia dispositioni Sedis apostolicae reservavit in Terrae sanctae subsidium, vel pauperum, vel alios pios usus per locorum ordinarios, vel eos quibus sancta Sedes ipsa commiserit, convertenda. Personis quoque ipsorum ordinum omnino interdixit, quoad extraneos, praedicationis, et audiendi confessiones officium, aut etiam sepulturam. Declaravit tamen in hac constitutione minime comprehensos esse Praedicatorum et Minorum ordines, quos evidens ex eis utilitas Ecclesiae universali proveniens perhibuerat approbatos. Voluitque insuper Eremitarum s. Augustini et Carmelitarum ordines in solido statu permanere, ex eo quod istorum institutio praedictum generale concilium Lateranense praecesserat. Demum singularibus personis ordinum, ad quos haec constitutio extendebatur, transcendendi ad reliquos ordines approbatos licentiam concessit generalem; ita tamen, ut nullus ordo ad alium, vel conventus ad conventum se ac loca sua totaliter transferret, non obtenta prius speciali Sedis apostolicae licentia.

6. Hiscemet vestigiis secundum temporum circumstantias inhaeserunt alii romani pontifices praedecessores nostri, quorum omnium decreta longum esset referre. Inter caeteros vero Clemens papa V pariter praedecessor noster per suas sub plumbo VI nonas maji anno Incarnationis dominicae MCCCXII expeditas litteras ordinem militarem Templariorum nuncupatorum, quamvis legitime confirmatum et alias de christiana republica adeo praeclare meritum, ut a Sede apostolica insignibus beneficiis, privilegiis, facultatibus, exemptionibus, licentius cumulatus

fuerit, ob universalem diffamationem suppressit et totaliter extinxit, etiamsi concilium generale Viennense, cui negotium examinandum commiserat, a formali et definitiva ferenda sententia censuerit se abstinere.

7. Sanctus Pius V, similiter praedecessor noster, cujus insignem sanctitatem pie colit et veneratur ecclesia catholica, ordinem regularem fratrum Humiliatorum concilio Lateranensi anteriorem, approbatumque a felicitis recordationis Innocentio III, Honorio III, Gregorio IX et Nicolao V, romanis pontificibus praedecessoribus itidem nostris, ob inobedientiam decretis apostolicis, discordias domesticas et externas exortas, nullum omnino futurae virtutis specimen ostendentem, et ex eo quia aliqui ejusdem ordinis in necem s. Caroli S. R. E. cardinalis Borromei protectoris ac visitoris apostolici dicti ordinis scelerate conspiraverint, extinxit ac penitus abolevit.

8. Recolendae memoriae Urbanus papa VIII, etiam praedecessor noster, per suas in simili forma Brevis die VI februarii MDCXXVI expeditas litteras, congregationem fratrum Conventualium reformatorum a felicitis memoriae Sixto papa V itidem praedecessore nostro solemniter approbatam, et pluribus beneficiis ac favoribus auctam, ex eo quia ex praedictis fratribus in ecclesia Dei spirituales fructus non prodierint, imo quamplures differentiae inter eosdem fratres Conventuales reformatos ac fratres Conventuales non reformatos ortae fuerint, perpetuo suppressit ac extinxit; domus, conventus, loca, suppellectilem, bona, res, actiones et jura ad praedictam congregationem spectantia, ordini fratrum minorum s. Francisci Conventualium concessit et assignavit, exceptis tantum domo Neapolitana et domo sancti Antonii de Padua nuncupata de Urbe, quam postremam Camerae Apostolicae applicavit, et incorporavit, suaeque suorumque successorum dispositioni reservavit: fratribus denique praedictae suppressae congregationis ad fratres sancti Francisci Cappuccinos, seu de Observantia nuncupatos, transitum permisit.

9. Idem Urbanus papa VIII, per alias suas in pari forma Brevis die II decembris MDCXLIII expeditas litteras, ordinem regularem sanctorum Ambrosii et Barnabae ad Nemus perpetuo suppressit, extinxit et abolevit, subiecitque regulares praedicti suppressi ordinis jurisdictioni et correctioni ordinariorum locorum, praedictisque regularibus licentiam concessit se transferendi ad alios ordines regulares ab apostolica Sede approbatos. Quam suppressionem rec. memoriae Innocentius papa X praedecessor quoque noster solemniter, per suas sub plumbo kal. apri-

lis anno incarnationis dominicae MDCXLV expeditas litteras, confirmavit; et insuper beneficia, domos et monasteria praedicti ordinis, quae antea regularia erant, ad saecularitatem reduxit, ac imposterum saecularia fore et esse declaravit.

10. Idemque Innocentius X praedecessor noster, per suas in simili forma Brevis die XVI martii MDCXLV, ob graves perturbationes excitatas inter regulares ordinis pauperum Matris Dei Scholarum Piarum, etsi Ordo ille praevio maturo examine a Gregorio papa XV praedecessore nostro solemniter approbatus fuerit, praefatum regularem ordinem in simplicem congregationem, absque ullorum votorum emissionem, ad instar instituti congregationis presbyterorum saecularium Oratorii in Ecclesia s. Mariae in Vallicella de urbe s. Philippi Neri nuncupatae, reduxit; regularibus praedicti ordinis sic reducti transitum ad quamcumque religionem approbatam concessit; admissionem novitiorum et admissorum professionem interdixit: superioritatem denique et jurisdictionem, quae penes ministrum generalem, visitatores, aliosque superiores residebat, in ordinarios locorum totaliter transtulit: quae omnia per aliquot annos consecuta sunt effectum, donec tandem Sedes haec apostolica, cognita praedicti instituti utilitate, illum ad pristinam votorum solemnium formam revocavit ac in perfectum regularem ordinem redegit.

11. Per similes suas in pari forma Brevis die XXIX octobris MDCL expeditas litteras, idem Innocentius X praedecessor noster, ob discordias quoque et dissensiones exortas, suppressit totaliter ordinem s. Basilii de Armenis; regulares praedicti suppressi ordinis omnimode jurisdictioni et obedientiae ordinariorum locorum subiecit in habitu clericorum saecularium, assignata iisdem congrua sustentatione ex redditibus conventuum suppressorum; illisque etiam facultatem transeundi ad quamcumque religionem approbatam concessit.

12. Pariter ipse Innocentius X praedecessor noster, per alias suas in dicta forma Brevis die XXII junii MDCLI expeditas litteras, attendens nullos spirituales fructus ex regulari congregatione presbyterorum Boni Jesus in Ecclesia sperari posse, praefatam congregationem perpetuo extinxit; regulares praedictos jurisdictioni ordinariorum locorum subiecit, assignata eisdem congrua sustentatione ex redditibus suppressae congregationis, et cum facultate transeundi ad quemlibet ordinem regularem approbatum a Sede apostolica; suoque arbitrio reservavit applicationem bonorum praedictae congregationis in alios pios usus.

13. Denique felicis recordationis Clemens papa IX praede-

cessor itidem noster, cum animadverteret tres regulares ordines. Canonicorum videlicet regularium sancti Georgii in Alga nuncupatorum, Hieronymianorum de Fesulis, ac tandem Jesuatorum a sancto Johanne Columbano institutorum parum vel nihil utilitatis et commodi christiano populo afferre, aut sperare posse eos esse aliquando allaturos, de his suppressendis extinguendisque consilium cepit; idque perfecit suis litteris in simili forma Brevis die VI decembris MDCLXVIII expeditis, eorumque bona et redditus satis conspicuos, Venetorum republica postulante, in eos sumptus impendi voluit qui ad Cretense bellum adversus Turcas sustinendum erant necessario subeundi.

14. In his vero omnibus decernendis perficiendisque satius semper duxerunt praedecessores nostri ea uti consultissima agendi ratione, quam ad intercludendum penitus aditum animorum contentionibus et ad quaelibet amovenda dissidia vel partium studia magis conferre existimarunt. Hinc, molesta illa ac plena negotii praetermissa methodo quae in forensibus instituendis judiciis adhiberi consuevit, prudentiae legibus unice inhaerentes, ea potestatis plenitudine qua tamquam Christi in terris vicarii, ac supremi christianae reipublicae moderatores amplissime donati sunt, rem omnem absolvendam curarunt, quin regularibus ordinibus suppressioni destinatis veniam facerent et facultatem sua experiendi jura, et gravissimas illas vel propulsandi criminationes, vel causas amoliendi, ob quas ad illud consilii genus suscipiendum adducebantur.

15. His igitur aliisque maximi apud omnes ponderis et auctoritatis exemplis Nobis ante oculos propositis, vehementique simul flagrantibus cupiditate ut in ea, quam infra aperiemus, deliberatione fidenti animo tutoquo pede incedamus, nihil diligentiae omisimus et inquisitionis ut quidquid ad regularis ordinis qui societatis Jesu vulgo dicitur, originem pertinet, progressum hodiernumque statum perscrutaremur; et compertum inde habuimus, eum ad animarum salutem, ad haereticorum et maxime infidelium conversionem, ad majus denique pietatis et religionis incrementum a sancto suo conditore fuisse institutum; atque ad optatissimum finem facilius feliciusque consequendum, arctissimo evangelicae paupertatis voto tam in communi quam in particulari fuisse Deo consecratum, exceptis tantum modo studiorum seu litterarum collegiis, quibus possidendi redditus ita facta est vis et potestas, ut nihil tamen ex iis redditibus in ipsius societatis commodum, utilitatem ac usum impendi unquam possit atque converti.

46. His aliisque sanctissimis legibus probata primum fuit eadem societas Jesu a rec. memoriae Paulo papa III praedecessore nostro per suas sub plumbo V kal. octobris anno Incarnationis dominicae MDXL expeditas litteras, ab eodemque concessa ei fuit facultas condendi jura atque statuta quibus societatis praesidio, incolnmitati atque regimini firmissima consulereetur. Et quamvis idem Paulus praedecessor societatem ipsam angustissimis sexaginta dumtaxat alumnorum limitibus ab initio circumscripsisset, per alias tamen suas itidem sub plumbo pridie kal. martii anno Incarnationis dominicae MDXLIII expeditas litteras locum dedit eadem in societate iis omnibus quos in eam excipere illius moderatoribus visum fuisset opportunum aut necessarium. Anno deinde MDXLIX, suis in simili forma Brevis die XV novembris expeditis litteris, idem Paulus praedecessor pluribus atque amplissimis privilegiis eandem societatem donavit, ac in his indultum alias per eandem praepositis generalibus dictae societatis concessum admittendi viginti presbyteros coadjutores spirituales, eisque impertiendi easdem facultates, gratiam et auctoritatem, quibus socii ipsi professi donantur, ad alios quoscumque, quos idoneos fore iidem praepositi generales censerint, ullo absque limite et numero extendendum voluit atque mandavit; ac praeterea societatem ipsam et universos illius socios et personas, illorumque bona quaecumque ab omni superioritate, jurisdictione, correctione quorumcumque ordinariorum exemit et vindicavit, ac sub sua et apostolicae Sedis protectione suscepit.

47. Haud minor fuit reliquorum praedecessorum nostrorum eandem erga societatem liberalitas ac munificentia. Constat enim a rec. memoriae Julio III, Paulo IV, Pio IV et V, Gregorio XIII, Sixto V, Gregorio XIV, Clemente VIII, Paulo V, Leone XI, Gregorio XV, Urbano VIII aliisque romanis pontificibus privilegia eidem societati jam antea tributa vel confirmata fuisse, vel novis aucta accessionibus, vel apertissime declarata. Ex ipso tamen apostolicarum constitutionum tenore et verbis palam colligitur eadem in societate suo fera ab initio varia dissidiorum ac emulationum semina pullulasse, ipsos non modo inter socios, verum etiam cum aliis regularibus ordinibus, clero saeculari, academiis, universitatibus, publicis litterarum gymnasiis, et cum ipsis etiam principibus quorum in ditionibus societas fuerat excepta; easdemque contentiones et dissidia excitata modo fuisse de votorum indole et natura, de tempore admittendorum sociorum ad vota, de facultate socios expellendi, de iisdem sociis ad sacros ordines

promovendis sine congrua ac sine votis solemnibus, contra concilii Tridentini ac sanctae memoriae Pii papae V praedecessoris nostri decreta; modo de absoluta potestate quam praepositus generalis ejusdem societatis sibi vindicabat, ac de aliis rebus ipsius societatis regimen spectantibus modo de variis doctrinae capitibus, de scholis, de exemptionibus, et privilegiis, quae locorum ordinarii aliaeque personae in ecclesiastica vel saeculari dignitate constitutae suae noxia esse jurisdictioni ac juribus contendebant; ac demum minime defuerunt gravissimae accusationes eisdem sociis objectae, quae christianae reipublicae pacem ac tranquillitatem non parum perturbarunt.

18. Multae hinc ortae adversus societatem querimoniae, quae nonnullorum etiam principum auctoritate munitae ac relationibus ad recol. memoriae Paulum IV, Pium V et Sixtum V, praedecessores nostros delatae fuerunt. In his fuit clarae memoriae Philippus II, Hispaniarum Rex Catholicus, qui tum gravissimas, quibus ille vehementer impellobatur rationes, tum etiam eos, quos ab Hispaniarum inquisitoribus adversus immoderata societatis privilegia ac regiminis formam acceperat clamores et contentionum capita, a nonnullis ejusdem etiam societatis viris doctrina et pietate spectatissimis confirmata, eidem Sixto V praedecessori exponenda curavit, apud eundemque egit ut apostolicam societatis visitationem decerneret atque committeret.

19. Ipsius Philippi regis petitionibus et studiis, quae summa inniti aequitate animadverterat, annuit idem Sixtus praedecessor, delegitque ad apostolici visitoris munus episcopum prudentia, virtute et doctrina omnibus commendatissimum, ac praeterea congregationem designavit nonnullorum S. R. E. cardinalium, qui ei rei perficiendae sedulam navarent operam. Verum, dicto Sixto V praedecessore immatura morte praerepto, saluberrimum ab eo susceptum consilium evanuit, omniique caruit effectu. Ad supremum autem apostolatus apicem assumptus felicitis recordationis Gregorius pp. XIV, per suas litteras sub plumbo IV kal. julii anno dominicae Incarnationibus MDXCI expeditas, societatis institutum amplissime iterum approbavit, rataque haberi jussit ac firma privilegia quaecumque eidem societati a suis praedecessoribus collata; et illud prae ceteris quo cautum fuerat ut a societate expelli dimittique possent socii, forma judiciaria minime adhibita, nulla scilicet praemissa inquisitione, nullis confectis actis, nullo ordine judiciario servato, nullisque terminis etiam substantialibus servatis, sola facti veritate inspecta, culpae vel rationabilis causae tantum ratione habita, ac personarum

aliarumque circumstantiarum. Altissimum insuper silentium imposuit, vetuitque sub poena potissimum excommunicationis latae sententiae, ne quis dictae societatis institutum, constitutiones, aut decreta directe vel indirecte impugnare auderet, vel aliquid de iis quovis modo immutari curaret. Jus tamen cuilibet reliquit ut quidquid addendum, minuendum aut immutandum censeret, sibi tantummodo, et romanis solum pontificibus pro tempore existentibus, vel immediate vel per apostolicae Sedis legatos seu nuncios significare posset atque proponere.

20. Tantum vero abest ut haec omnia satis fuerint compe-scendis adversus societatem clamoribus et querelis, quin potius magis magisque universum fere orbem pervaserunt molestissimae contentiones de societatis doctrina, quam fidei veluti orthodoxae bonisque moribus repugnantem plurimi traduxerunt; domesticae etiam externaque efferbuerunt dissensiones, et frequentiores factae sunt in eam de nimia potissimum terrenorum bonorum cupiditate accusationes: ex quibus omnibus suam hauserunt originem tum perturbationes illae omnibus satis cognitae, quae Sedem apostolicam ingenti moerore affecerunt ac molestia; tum capta a principibus nonnullis in societatem consilia. Quo factum est ut eadem societas novam instituti sui ac privilegiorum confirmationem a felicitis recordationis Paulo papa V praedecessore nostro impetratura, coacta fuerit ab eo petere ut rata habere vellet, suaeque confirmare auctoritate decreta quaedam in quinta generali congregatione edita, atque ad verbum exscripta in suis sub plumbo pridie non. septembris anno Incarnationis dominicae MDCVI desuper expeditis litteris, quibus in decretis discretissime legitur tam internas sociorum similitates ac turbas, quam exterorum in societatem querelas ac postulationes socios in comitiis congregatos impulsisse ad sequens condendum statutum: « Quoniam societas nostra, quae ad fidei propagationem et animarum lucra a Domino excitata est, sicut per propria instituti ministeria, quae spiritalia arma sunt, cum Ecclesiae utilitate ac proximorum aedificatione sub crucis vexillo finem feliciter consequi potest, quem intendit; ita et haec bona impediret et se maximis periculis exponeret, si ea tractaret quae secularia sunt, et ad res politicas atque status gubernationem pertinent: idcirco sapientissime a nostris majoribus statutum est ut militantes Deo aliis quae a nostra professione abhorrent non implicemur. Cum autem his praesertim temporibus valde periculosus, pluribus locis et apud varios principes (quorum tamen amorem et charitatem sanctae memoriae pater Ignatius conservandam ad divinum

obsequium pertinere putavit) aliquorum fortasse culpa, et vel ambitione vel indiscreto zelo religio nostra male audiat; et alioquin bonus Christi odor necessarius sit ad fructificandum; censuit congregatio ab omni specie mali abstinendum esse, et querelis, quoad fieri poterit, etiam ex falsis suspicionibus provenientibus, occurrendum. Quare praesenti decreto graviter et severe nostris omnibus interdicit ne in hujusmodi publicis negotiis, etiam invitati aut allecti, ulla ratione se immisceant, nec ullis precibus aut suasionibus ab instituto deflectant. Et praeterea quibus efficacioribus remediis omnino huic morbo, sicubi opus sit, medicina adhibeatur, patribus definitioribus accurate decernendum et definiendum commendavit ».

24. Maximo sane animi nostri dolore observavimus tam praedicta quam alia complura deinceps adhibita remedia nihil ferme virtutis prae se tulisse et auctoritatis ad tot ac tantas evellendas dissipandasque turbas, accusationes et querimonias in saepe dictam societatem, frustra quoque ad id laborasse caeteros praedecessores nostros Urbanum VIII, Clementem IX, X, XI et XII, Alexandrum VII et VIII, Innocentium X, XI, XII et XIII, et Benedictum XIV, qui optatissimam conati sunt Ecclesiae restituere tranquillitatem plurimis saluberrimis editis constitutionibus, tam circa saecularia negotia, sive extra sacras Missiones, sive earum occasione minime exercenda, quam circa dissidia gravissima ac jurgia adversus locorum ordinarios, regulares ordines, loca pia, atque communitates cujusvis generis in Europa, Asia et America, non sine ingenti animarum ruina ac populorum admiratione a societate acriter excitata; tum etiam super interpretatione et praxi ethnicorum quorundam, rituum aliquibus in locis passim adhibita, omissis iis qui ab universali Ecclesia sunt rito probati; vel super earum sententiarum usu et interpretatione quas apostolica Sedes tanquam scandalosas optimaque morum disciplinae manifeste noxias merito proscripsit; vel aliis demum super rebus maximi equidem momenti et ad christianorum dogmatum puritatem sartam tectam servandam apprimo necessariis, et ex quibus nostra hac non minus quam superiori aetate plurima dimanarunt detrimenta et incommoda: perturbationes nimirum ac tumultus in nonnullis catholicis regionibus; Ecclesiae persecutiones in quibusdam Asiae et Europae provinciis; ingens denique allatus est moeror praedecessoribus nostris, et in his piae memoriae Innocentio papae XI, qui necessitate compulsus eo devenit ut societati interdixerit novitios ad habitum admittere; tum Innocentio pa-

pae XIII, qui eandem poenam coactus fuit eidem comminari; ac tandem recol. memoriae Benedicto papae XIV, qui visitationem domorum collegiorumque in ditione charissimi in Christo filii nostri Lusitaniae et Algarbiorum Regis Fidelissimi existentium censuit decernendam; quin ullum subinde vel Sedi apostolicae solamen, vel societati auxilium, vel christianae reipublicae bonum accesserit ex novissimis apostolicis litteris a felicitis recordationis Clemente papa XII, immediato praedecessore nostro, extortis potius, ut verbo utamur a praedecessore nostro Gregorio X in supracitato Lugdunensi oecumenico concilio adhibito, quam impetratis, quibus societatis Jesu institutum magnopere commendatur ac rursus approbatur.

22. Post tot, tantasque procellas ac tempestates acerbissimas, futurum optimus quisque sperabat ut optatissima illa tandem aliquando illucesceret dies quae tranquillitatem et pacem esset cumulatissime allatura. At Petri cathedram gubernante eodem Clemente XIII praedecessore, longe difficiliora ac turbulentiora accesserunt tempora. Auctis enim quotidie magis in praedictam societatem clamoribus et querelis, quinimo periculosissimis alicubi exortis seditionibus, tumultibus, dissidiis et scandalis, quae, christianae charitatis vinculo labefactato ac penitus disrupto, fidelium animos ad partium studia, odia et inimicitias vehementer inflammaverunt, eo discriminis ac periculi res perducta visa est ut ii ipsi, quorum avita pietas ac in societatem liberalitas haereditario quodam veluti jure a majoribus accepta omnium fere linguis summopere commendatur, charissimi nempe in Christo filii nostri reges Francorum, Hispaniarum, Lusitaniae ac utriusque Siciliae, suis ex regnis, ditionibus atque provinciis socios dimittere coacti omnino fuerint et expellere; hoc unum putantes extremum tot malis superesse remedium, et penitus necessarium ad impediendum quominus christiani populi in ipso sanctae matris Ecclesiae sinu sese invicem lacerarent, provocarent.

23. Ratum vero habentes praedicti charissimi in Christo filii nostri remedium hoc firmum esse non posse ac universo christiano orbi reconciliando accommodatum, nisi societas ipsa prorsus extingueretur ac ex integro supprimeretur, sua idcirco apud praefatum Clementem papam XIII praedecessorem exposuerunt studia ac voluntatem, et qua valebant auctoritate et precibus, conjunctis simul votis, expostularunt ut efficacissima ea ratione perpetuae suorum subditorum securitati, universaeque Christi ecclesiae bono providentissime consulere. Qui tamen praeter

omnium expectationem contigit ejusdem pontificis obitus, rei cursum exitumque prorsus impedit. Hinc Nobis in eadem Petri cathedra, divina disponente clementia, constitutis eadem statim oblatae sunt preces, petitiones et vota, quibus sua quoque addiderunt studia animique sententiam episcopi complures, alii-que viri dignitate, doctrina, religione plurimum conspicui.

24. Ut autem in re tam gravi tantique momenti tutissimum caperemus consilium, diuturno Nobis temporis spatio opus esse judicavimus, non modo ut diligenter inquirere, maturius expendere et consultissime deliberare possemus, verum etiam ut multis gemitibus et continuis precibus singulare a Patro luminum exposceremus auxilium et praesidium; qua etiam in re fidelium omnium precibus pietatisque operibus Nos saepius apud Deum juvari curavimus. Perscrutari inter caetera volumus quo innitatur fundamento pervagata illa apud plurimos opinio, religionem scilicet clericorum societatis Jesu fuisse n. concilio Tridentino solemni quadam ratione approbatam et confirmatam; nihil-que aliud de ea actum fuisse comperimus in citato concilio, quam ut a generali illo exciperetur decreto, quo de reliquis regularibus ordinibus cautum fuit ut, finito tempore novitiatus, novitii qui idonei inventi fuerint ad profitendum admittantur, aut a monasterio ejiciantur. Quamobrem eadem sancta synodus (sess. 25, c. 16, de regular.) declaravit se nolle aliquid innovare aut prohibere, quin praedicta religio clericorum societatis Jesu, juxta pium eorum institutum a sancta Sede apostolica approbatum, Domino et ejus ecclesiae inservire possit.

25. Tot itaque ac tam necessariis adhibitis mediis, Divini Spiritus, ut confidimus, adjuti praesentia et afflato, necnon muneris nostri compulsi necessitate, quo et ad cristianae reipublicae quietem et tranquillitatem conciliandam, fovendam, roborandam, et ad illa omnia penitus de medio tollenda quae eidem detrimento vel minimo esse possunt, quantum vires sinunt, arctissime adigimur; cumque praeterea animadverteremus praedictam societatem Jesu uberrimos illos amplissimosque fructus et utilitates afferre amplius non posse, ad quod instituta fuit, a tot praedecessoribus nostris approbata ac plurimis ornata privilegiis, imo fieri aut vix aut nullo modo posse, ut ea incolumi manente vera pax ac diuturna Ecclesiae restituatur; his propterea gravissimis adducti causis, aliisque pressi rationibus, quas et prudentiae leges et optimum universalis Ecclesiae regimen Nobis suppeditant, altaque mente repositas servamus, vestigiis inhaerentes eorundem praedecessorum nostrorum, et praesertim

memorati Gregorii X praedecessoris nostri in generali concilio Lugdunensi, cum et nunc de societate agatur, tum instituti sui, tum privilegiorum etiam suorum ratione, mendicantium ordinum numero adscripta, maturo consilio, ex certa scientia et plenitudine potestatis apostolicae, saepedictam societatem extinguimus et supprimimus; tollimus, et abrogamus omnia et singula ejus officia, ministeria et administrationes, domus, scholas, collegia, hospitia, gymnasia et loca quaecumque quavis in provincia, regno et ditione existentia et modo quolibet ad eam pertinentia; ejus statuta, mores, consuetudines, decreta, constitutiones, etiam juramento, confirmatione apostolica aut alias roboratas; omnia item et singula privilegia et indulta generalia vel specialia; quorum tenores praesentibus ac si de verbo ad verbum essent inserta, ac etiamsi quibusvis formulis, clausulis irritantibus, et quibuscumque vinculis et decretis sint concepta, pro plene et sufficienter expressis haberi volumus. Ideoque declaramus cassatam perpetuo manere ac penitus extinctam omnem et quamcumque auctoritatem praepositi generalis, provincialium, visitorum, aliorumque quorumlibet dictae societatis superiorum tam in spiritualibus quam in temporalibus; eandemque jurisdictionem et auctoritatem in locorum ordinarios totaliter et omnimode transformamus, juxta modum, casus et personas, et iis sub conditionibus quae infra explicabimus; prohibentes, quemadmodum per praesentes prohibemus, ne ullus amplius in dictam societatem excipiat et ad habitum ac novitiatum admittatur; qui vero hactenus fuerunt excepti, ad professionem votorum simplicium, vel solemnium, sub poena nullitatis admissionis et professionis, aliisque arbitrio nostro, nullo modo admitti possint et valeant. Quinimo volumus, praecipimus et mandamus, ut qui nunc tyrocinio actu vacant, statim, illico, immediate et cum effectu dimittantur; ac similiter vetamus ne qui votorum simplicium professionem emiserunt, nulloque sacro ordine sunt usque adhuc initiati, possint ad majores ipsos ordines promoveri praetextu aut titulo vel jam emissae in societate professionis, vel privilegiorum contra concilii Tridentini decreta eidem societati collatorum.

26. Quoniam vero eo nostra tendunt studia, ut quemadmodum Ecclesiae utilitatibus ac populorum tranquillitati consulere cupimus, ita singulis ejusdem religionis individuis seu sociis, quorum singulares personas paterne in Domino diligimus, solamen aliquod et auxilium afferre studeamus, ut ab omnibus, quibus hactenus vexati fuerunt, contentionibus, dissidiis et angoribus li-

beri, fructuosius vineam Domini possint excolere et animarum saluti uberius prodesse; ideo decernimus et constituimus ut socii professi votorum duntaxat simplicium et sacris ordinibus nondum initiati, intra spatium temporis a locorum ordinariis definiendum, satis congruum ad munus aliquod vel officium, vel benevolum receptorem inveniendum, non tamen uno anno longius a data praesentium nostrarum litterarum inchoandum, domibus et collegiis ejusdem societatis omni votorum simplicium vinculo soluti, egredi omnino debeant, eam vivendi rationem suscepturi quam singulorum vocationi, viribus et conscientiae magis aptam in Domino judicaverint, cum et juxta societatis privilegia dimitti ab ea hi poterant non alia de causa, praeter eam quam superiores prudentiae et circumstantiis magis conformem putarent, nulla praemissa citatione, nullis confectis actis, nulloque judiciario ordine servato.

27. Omnibus autem sociis ad sacros ordines promotis veniam facimus ac potestatem easdem domos, aut collegia societatis deserendi, vel ut ad aliquem ex regularibus ordinibus a Sede apostolica approbatis se conferant, ubi probationis tempus a concilio Tridentino praescriptum debebunt explere, si votorum simplicium professionem in societate emisierint; si vero solemnum etiam votorum, per sex tantum integros menses in probatione stabunt: super quo benigne cum eis dispensamus, vel ut in saeculo mancant tamquam presbyteri et clerici saeculares sub omni moda ac totali obedientia et subjectione ordinariorum, in quorum dioecesi domicilium figant; decernentes insuper ut his qui hac ratione in saeculo manebant congruum aliquod, donec provisi aliunde non fuerint, assignetur stipendium ex redditibus domus seu collegii ubi morabantur, habito tamen respectu tum reddituum, tum onerum eidem annexorum.

28. Professi vero in sacris ordinibus jam constituti, qui vel timore ducti non satis honestae sustentationis ex defectu vel inopia congruae, vel quia loco carent ubi domicilium sibi comparerent, vel ob provectam aetatem, infirmam valetudinem aliamque justam gravemque causam, domus societatis seu collegia derelinquere opportunum minime existimaverint, ibidem manere poterunt; ea tamen lege ut nullam praedictae domus, seu collegii administrationem habeant, clericorum saecularium veste tantummodo utantur, vivantque ordinario ejusdem loci plenissime subjecti. Prohibemus autem omnino quominus in eorum qui deficient locum, alios sufficiant; domum de novo juxta concilii Lugdunensis decreta seu aliquem locum acquirant; domos insuper,

res et loca, quae nunc habent, alienare valeant; quovis in unam tantum domum, seu plures, habita ratione sociorum qui remanebunt, poterunt congregari, ita ut domus quae vacuae relinquuntur possint in pios usus converti juxta id quod sacris canonibus, voluntati fundatorum, divini cultus incremento, animarum saluti ac publicae utilitati videbitur suis loco et tempore recte riteque accommodatum. Interim vero vir aliquis ex clero saeculari, prudentia probisque moribus praeditus designabitur, qui dictarum domorum praesit regimini, deletis penitus et suppresso nomine societatis.

29. Declaramus individuos etiam praedictae societatis ex omnibus provinciis a quibus jam reperiuntur expulsi comprehensos esse in hac generali societatis suppressione: ac proinde volumus quod supradicti expulsi, etiamsi ad majores ordines sint et existant promoti, nisi ad alium regularem ordinem transierint, ad statum clericorum et presbyterorum saecularium ipso facto redigantur, et locorum ordinariis totaliter subiciantur.

30. Locorum ordinarii, si eam, qua opus est, deprehenderit virtutem, doctrinam, morumque integritatem in iis qui e regulari societatis Jesu instituto ad presbyterorum saecularium statum in vim praesentium nostrarum litterarum transierint, poterunt eis pro suo arbitrio facultatem largiri aut denegare exsuepiendi sacramentales confessiones Christifidelium, aut publicas ad populum habendi sacras conciones; sine qua licentia in scriptis nemo illorum iis fungi muneribus audebit. Hanc tamen facultatem iidem episcopi vel locorum ordinarii nunquam quoad extraneos iis concedent qui in collegiis aut domibus antea ad societatem pertinentibus vitam ducent; quibus proinde perpetuo interdiciamus sacramentum Poenitentiae extraneis administrare, vel praedicare, quemadmodum ipse etiam Gregorius X praedecessor in citato generali concilio simili modo prohibuit. Qua de re ipsorum episcoporum oneramus conscientiam, quos minores copimus severissimae illius rationis quam de ovibus eorum curae commissis Deo sunt reddituri, et durissimi etiam illius judicii quod iis qui praesunt vivorum et mortuorum Judex minatur.

34. Volumus praeterea quod si quis eorum qui societatis institutum profitebantur munus exerceat erudiendi in litteris juventutem, aut magistrum agat in aliquo collegio aut schola, remotis penitus a regimine, administratione et gubernio, iis tantum in docendi munere locus fiat perseverandi et potestas, qui ad bene de suis laboribus sperandum signum aliquod praeseferant, et dummodo ab illis alienos se praebeant disputationibus et doctri-

nae capitibus quae sua vel laxitate vel inanitate gravissimas contentiones et incommoda parere solent et procreare; nec ullo unquam tempore ad hujusmodi docendi munus ii admittantur, vel in eo, si nunc actu versantur, suam sinantur praestare operam, qui scholarum quietem ac publicam tranquillitatem non sunt pro viribus conservaturi.

32. Quod vero ad sacras attinet missiones, quarum etiam ratione intelligenda volumus quaecumque de societatis suppressione disposuimus, nobis reservamus ea media constituere quibus et infidelium conversio, et dissidiorum sedatio facilius et firmius obtineri possit et comparari.

33. Cassatis autem et penitus abrogatis, ut supra, privilegiis quibuscumque et statutis saepedictae societatis, declaramus ejus socios, ubi a domibus et collegiis societatis egressi et ad statum clericorum saecularium redacti fuerint, habiles esse et idoneos ad obtinenda juxta sacrorum canonum et constitutionum apostolicarum decreta, beneficia quaecumque tam sine cura quam cum cura, officia, dignitates, personatus et id genus alia, ad quae omnia eis in societate manentibus aditus fuerat penitus interclusus a felicis recordationis Gregorio papa XIII per suas in simili forma Brevis die X septembris MDLXXXIV expeditas litteras; quarum initium est: Satis superque. Item iisdem permittimus, quod pariter vetitum eis erat, ut eleemosynam pro missae celebratione valeant percipere; possintque iis omnibus frui gratiis et favoribus quibus tamquam clerici regulares societatis Jesu perpetuo caruissent. Derogamus pariter omnibus et singulis facultatibus, quibus a praeposito generali, aliisque superioribus vi privilegiorum a summis pontificibus obtentorum, donati fuerint: legendi videlicet haereticorum libros et alios ab apostolica Sede praescriptos et damnatos; non servandi jejuniorum dies, aut esurialibus cibis in iis non utendi; anteponendi postponendique horarum canonicarum recitationem, aliisque id genus quibus in posterum eos uti posse severissime prohibemus; cum mens nobis, animusque sit ut itidem tamquam saeculares presbyteri ad juris communis tramites suam accommodent vivendi rationem.

34. Vetamus ne, postquam praesentes nostrae litterae promulgatae fuerint ac notae redditae, ullus audeat earum executionem suspendere etiam colore, titulo, praetextu cujusvis petitionis, appellationis, recursus, declarationis, aut consultationis dubiorum quae forte oriri possent, alioque quovis praetextu praevisto vel non praevisto. Volumus enim ex nunc et immediate suppressionem et cassationem universae praedictae societatis et

omnium ejus officiorum suum effectum sortiri, forma et modo a Nobis supra expressis, sub poena majoris excommunicationis ipso facto incurrendae, Nobis nostrisque successoribus romanis pontificibus pro tempore reservatae, adversus quemcumque qui nostris hisce litteris adimplendis impedimentum, obicem aut moram apponere praesumpserit.

35. Mandamus insuper ac in virtute sanctae obedientiae praecipimus omnibus et singulis personis ecclesiasticis, regularibus, saecularibus, cujuscumque gradus, dignitatis, qualitatis et conditionis, et iis signanter qui usque adhuc societati fuerunt adscripti et inter socios habiti, ne defendere audeant, impugnare, scribere, vel etiam loqui de hujusmodi suppressione, deque ejus causis et motivis, quemadmodum nec de societatis instituto, regulis, constitutionibus, regiminis forma, aliave de re quae ad hujusmodi pertinet argumentum, absque expressa romani pontificis licentia; ac simili modo sub poena excommunicationis Nobis ac nostris pro tempore successoribus reservatae, prohibemus omnibus et singulis ne hujus suppressionis occasione ullum audeant, multoque minus eos qui socii fuerunt, injuriis, jurgiis, contumeliis, aliove contemptus genere, voce aut scripto, clam aut palam, afficere ac lacerare.

36. Hortamur omnes christianos principes ut ea qua pollent vi, auctoritate et potentia, quam pro sanctae romanae Ecclesiae defensione et patrocinio a Deo acceperunt, tam etiam eo quo in hanc apostolicam Sedem ducuntur obsequio et cultu, suam praestent operam ac studia ut hae nostrae litterae suum plenissime consequantur effectum; quinimo singulis in iisdem litteris contentis inhaerentes similia constituent et promulgent decreta, per quae omnino caveant ne, dum haec nostra voluntas executioni tradetur, ulla inter fideles excitentur jurgia, contentiones et dissidia.

37. Hortamur denique christianos omnes, ac per Domini nostri Jesu Christi viscera obsecramus ut memores sint, omnes eundem habere Magistrum, qui in coelis est; eundem omnes Reparatorem, a quo empti sumus pretio magno; eodem omnes lavacro aquae in verbo vitae regeneratos esse, et filios Dei, cohaereditas autem Christi constitutos; eodem catholicae doctrinae, verbique divini pabulo nutritos; omnes demum unum corpus esse in Christo, singulos autem alterum alterius membra; atque idcirco necesse omnino esse ut omnes communi charitatis vinculo simul colligati cum omnibus hominibus pacem habeant, ac nemini debeant quidquam, nisi ut invicem diligant; nam qui diligit proximum, legem implevit: summo prosequentes odio

offensiones, simultates, jurgia, insidias aliaque hujusmodi ab antiquo humani generis boste excogitata, inventa et excitata ad ecclesiam Dei perturbandam, impediendamque aeternam fideliū felicitatem sub fallacissimo scholarum, opinionum, vel etiam christianae perfectionis titulo ac praetextu. Omnos tandem totis viribus contendant veram germanamque sibi sapientiam comparare, do qua scriptum est per sanctum Jacobum, cap. III epist. canon. vers. XIII: « Quis sapiens et disciplinatus inter vos? Ostendat ex bona conversatione operationem suam in mansuetudine sapientiae. Quod si zelum animarum habetis, et contentiones sint in cordibus vestris, nolite gloriari et mendaces esse adversus veritatem. Non est enim ista sapientia desursum descendens; sed terrena, animalis, diabolica. Ubi enim zelus et contentio, ibi inconstantia et omne opus pravam. Quae autem desursum est sapientia, primum quidem pudica est, deinde pacifica, modesta, suadibilis, bonis consentiens, plena misericordia et fructibus bonis, non judicans, sine aemulatione. Fructus autem justitiae in pace seminatur facientibus pecem. »

38. Praesentes quoque litteras etiam ex eo quod superiores et alii religiosi saepedictae societatis, et ceteri quicumque in praemissis interesse habentes, seu habere quomodolibet praetendentes illis non consenserint, nec ad ea vocati et auditi fuerint, nullo unquam tempore de subreptionis, obreptionis, nullitatis aut invaliditatis vitio, seu intentionis nostrae, aut alio quovis defectu etiam quantumvis magno, inexcogitato et substantiali, sive etiam ex eo quod in praemissis seu eorum aliquo solemnitates et quaevis alia servanda et adimplenda servata non fuerint; aut ex quocumque alio capite a jure vel consuetudine aliqua resultante etiam in corpore juris clauso, seu etiam enormis, enormissimae et totalis laesionis, et quovis alio praetextu, occasione vel causa, etiam quantumvis justa, rationabili et privilegiata, etiam tali quae ad effectum validitatis praemissorum necessario exprimenda foret; notari, impugnari, invalidari, retractari, in jus vel controversiam revocari, aut ad terminos juris reduci, vel adversus illas restitutionis in integrum, apertionis oris, reductionis ad viam et terminos juris, aut aliud quodcumque juris, facti, gratiae vel justitiae remedium impetrari, seu quomodolibet concessio aut impetrato quempiam uti, seu se juvari in iudicio, vel extra illud posse; sed easdem praesentes semper perpetuoque validas, firmas et efficaces existere et fore, suosque plenarios et integros effectus sortiri et obtinere, ac per omnes et singulos ad quos spectat et quomodolibet spectabit in futurum inviolabiliter observari.

39. Sicque et non aliter in praemissis omnibus et singulis per quoscumque iudices ordinarios et delegatos, etiam causarum Palatii Apostolici auditores, ac S. R. E. cardinales, etiam de laere legatos, et Sedis apostolicae nuncios, et alios quavis auctoritate et potestate fungentes et functuros in quavis causa et instantia, sublata eis et eorum cuilibet quavis aliter iudicandi seu interpretandi facultate et auctoritate, iudicari ac definiri debere, ac irritum et inane, si secus super his à quoquam quavis auctoritate, scienter vel ignoranter contigerit attentari, decernimus.

40. Non obstantibus constitutionibus et ordinationibus apostolicis, etiam in conciliis generalibus editis, et quatenus opus sit regula nostra de non tollendo jure quaesito, nec non saepedictae societatis, illiusque domorum, collegiorum ac ecclesiarum etiam juramento, confirmatione apostolica, vel quavis firmitate alias roboratis statutis et consuetudinibus, privilegiis quoque, indultis et litteris apostolicis eidem societati, illiusque superioribus, religiosis et personis quibuscumque sub quibusvis tenoribus et formis, ac cum quibusvis etiam derogatoriis derogatoriis, aliisque decretis etiam irritantibus, etiam motu simili, etiam consistorialiter, ac alias quomodolibet concessis, confirmatis et innovatis. Quibus omnibus et singulis, etiamsi pro illorum sufficienti derogatione de illis eorumque totis tenoribus specialis expressa et individua, ac de verbo ad verbum, non autem per clausulas generales idem importantes mentio, seu quacvis alia expressio habenda, aut aliqua alia exquisita forma ad hoc servanda foret, illorum omnium et singulorum tenores, ac si de verbo ad verbum nihil penitus omissis, et forma in illis tradita observata exprimerentur et insererentur, praesentibus pro plene et sufficienter expressis et insertis habentes, illis alias in suo robore permansuris ad praemissorum effectum specialiter et expresse derogamus, caeterisque contrariis quibuscumque.

41. Volumus autem ut praesentium litterarum transumptis, etiam impressis, et manu alicujus notarii publici subscriptis, et sigillo alicujus personae in dignitate ecclesiastica constitutae munitis, eadem prorsus fides in iudicio et extra adhibeatur, quae praesentibus ipsis adhiberetur, si forent exhibitae vel ostensae.

Datum Romae, apud Sanctam Mariam Majorem, sub annulo Piscatoris, die 24 julii 1773, pontificatus nostri anno quinto.

A. CARD. NIGRONUS.

FINIS.

INDEX

| | |
|----------------------------|--------|
| <i>Praefatio</i> | Pag. 4 |
|----------------------------|--------|

CLEMENTIS XIV EPISTOLAE ET BREVIA SELECTIORA

| | |
|--|-----|
| I. <i>Regi Christianissimo.</i> | 3 |
| II. <i>Romanorum Imperatori.</i> | 4 |
| III. <i>Eidem</i> | 5 |
| IV. <i>Reginae Hungariae et Bohemiae</i> | 6 |
| V. <i>Communitati Urbini.</i> | 7 |
| VI. <i>Societati Alborum de Spiritu Sancto civitatis Neapolitanae.</i> | 8 |
| VII. <i>Duci Wirtembergensi.</i> | 9 |
| VIII. <i>Cardinali de Gesures.</i> | 10 |
| IX. <i>Bergierio, theologo.</i> | 11 |
| X. <i>Marchioni Badensi.</i> | 12 |
| XI. <i>Episcopo Leodiensi</i> | 13 |
| XII. <i>Communitati Sancti Archangeli</i> | 14 |
| XIII. <i>Communitati Sancti Angeli in Vado.</i> | 15 |
| XIV. <i>Principi ab Hohenlohe.</i> | ib. |
| XV. <i>Rectoribus Universitatis studii civitatis Urbini.</i> | 16 |
| XVI. <i>Reginae Hungariae et Bohemiae</i> | 18 |
| XVII. <i>Petro Busenello, ex-generali Cler. Regularium.</i> | 19 |
| XVIII. <i>Petro Francisco Boudier, generali Benedictinorum.</i> | 20 |

| | | | |
|-----------|---|------|-----|
| XIX. | <i>Rectori studii oppidi Lovaniensis.</i> | Pag. | 20 |
| XX. | <i>Boddaert, priori generali Guillelmitarum</i> | | 21 |
| XXI. | <i>Reginae Hungariae et Bohemiae</i> | | 22 |
| XXII. | <i>Rectori et Universitati Salamantinae.</i> | | 23 |
| XXIII. | <i>Decano Studii oppidi Lovaniensis</i> | | 24 |
| XXIV. | <i>Magno Duci Etruriae.</i> | | 25 |
| XXV. | <i>Reipublicae Venetiarum.</i> | | 26 |
| XXVI. | <i>Principi Georgiae.</i> | | ib. |
| XXVII. | <i>Principi Palatino.</i> | | 27 |
| XXVIII. | <i>Duci Sultzbacensi.</i> | | 29 |
| XXIX. | <i>Regi Catholico.</i> | | 30 |
| XXX. | <i>Lantgravio Hassiae-Cassel.</i> | | 31 |
| XXXI. | <i>Reginae Hungariae et Bohemiae</i> | | 32 |
| XXXII. | <i>Regi Sardiniae.</i> | | 33 |
| XXXIII. | <i>Abbatissae de Fonterault.</i> | | 34 |
| XXXIV. | <i>Archiepiscopo Caesareae.</i> | | 35 |
| XXXV. | <i>Regi Francorum</i> | | 36 |
| XXXVI. | <i>Archiepiscopo Trevirensi.</i> | | 37 |
| XXXVII. | <i>Magno Magistro Ordinis Hierosolymitani.</i> | | 38 |
| XXXVIII. | <i>Reipublicae Lucensi</i> | | 40 |
| XXXIX. | <i>Regi Sardiniae</i> | | 41 |
| XL. | <i>Regi Catholico.</i> | | 42 |
| XLI. | <i>Principi Drusiorum</i> | | 43 |
| XLII. | <i>Patriarchis, Primatibus, Archiepiscopis et Episcopis universae Ecclesiae Catholicae.</i> | | 44 |
| XLIII. | <i>Archiepiscopo designato Thebarum</i> | | 51 |
| XLIV. | <i>Gabrieli Gauchar, Canonico Lingiensi</i> | | 52 |
| XLV. | <i>Archiepiscopo Ancyrano.</i> | | 53 |
| XLVI. | <i>Regi Poloniae.</i> | | 54 |
| XLVII. | <i>Gubernatori et Confratribus Congregationis Delli Bianchi.</i> | | 55 |
| XLVIII. | <i>Regi Christianissimo.</i> | | 56 |
| XLIX. | <i>Antonio Valsecchio</i> | | 57 |
| XLIX bis. | <i>Abbati Sancti Blasii in Silva Nigra.</i> | | 58 |
| I. | <i>Benedicto Bonelli a Cavalesio.</i> | | 59 |
| LI. | <i>Regi Fidelissimo.</i> | | 60 |
| LII. | <i>Comiti De Oeyras.</i> | | 61 |
| LIII. | <i>Patriarchae Antioceno Maronitarum</i> | | 62 |
| LIV. | <i>Mariae Catharinae Archambault</i> | | 63 |
| LV. | <i>Regi Sardiniae.</i> | | 64 |
| LVI. | <i>Istruzione in aggiunta a quella di Benedetto XIV sopra l'immunità locale.</i> | | 65 |

| | | | |
|-----------|---|------|-----|
| LVII. | <i>Archiepiscopo Moguntino.</i> | Pag. | 69 |
| LVIII. | <i>Episcopo Bambergensi.</i> | | 72 |
| LIX. | <i>Archiepiscopo Coloniensi.</i> | | 73 |
| LX. | <i>Episcopo Paderbonensi.</i> | | 74 |
| LXI. | <i>Duci Aurelianensi.</i> | | 75 |
| LXII. | <i>Archiepiscopo Pragensi</i> | | ib. |
| LXIII. | <i>Magno Magistro Ordinis Hierosolymitani.</i> | | 77 |
| LXIV. | <i>Duci Bavariae</i> | | 78 |
| LXV. | <i>Regi Christianissimo.</i> | | 80 |
| LXVI. | <i>Episcopo Vlnensi</i> | | 82 |
| LXVII. | <i>Comiti De Oeyras</i> | | 83 |
| LXVIII. | <i>Regi Fidelissimo.</i> | | 84 |
| LXIX. | <i>Regi Catholico</i> | | 85 |
| LXX. | <i>Magno Magistro Ordinis Hierosolymitani.</i> | | 87 |
| LXXI. | <i>Archiepiscopo Salisburgensi</i> | | 88 |
| LXXII. | <i>Generali Congregationis Passionis Christi</i> | | 90 |
| LXXIII. | <i>Regi Christianissimo</i> | | 94 |
| LXXIV. | <i>Aloysiae Mariae Galliarum Principissae.</i> | | 93 |
| LXXV. | <i>Reginae Hungariae et Bohemiae.</i> | | 95 |
| LXXVI. | <i>Episcopo Frisingensi</i> | | 96 |
| LXXVII. | <i>Archiepiscopo Trevirensi.</i> | | 97 |
| LXXVIII. | <i>Archiepiscopo Maguntino.</i> | | 98 |
| LXXIX. | <i>Joanni Chrysostomo Trombellio.</i> | | 99 |
| LXXX. | <i>Archiepiscopo Aquensi.</i> | | ib. |
| LXXXI. | <i>Galliarum Delphino.</i> | | 100 |
| LXXXII. | <i>Regi Christianissimo</i> | | 104 |
| LXXXIII. | <i>Archiepiscopo Salisburgensi.</i> | | 102 |
| LXXXIV. | <i>Episcopo Bambergensi.</i> | | 103 |
| LXXXV. | <i>Archiepiscopo Manillae in insulis Philippinis.</i> | | 104 |
| LXXXVI. | <i>Regi Sardiniae.</i> | | 105 |
| LXXXVII. | <i>Episcopo Angelopolitano</i> | | 107 |
| LXXXVIII. | <i>Regi Christianissimo</i> | | 108 |
| LXXXIX. | <i>Archiepiscopo Damasceno.</i> | | 109 |
| XC. | <i>Episcopo Veronensi</i> | | 110 |
| XCI. | <i>Angelo Mariae Bandinio.</i> | | 112 |
| XCII. | <i>Allocutio habita in Consistorio secreto, die 6 augusti 1770.</i> | | 113 |
| XCIII. | <i>Regi Fidelissimo</i> | | 114 |
| XCIV. | <i>Comiti De Oeyras</i> | | 115 |
| XCV. | <i>Capitulo Cathedralis Ecclesiae Kioviensis.</i> | | 116 |
| XCVI. | <i>Commendatori De Almada</i> | | 117 |
| XCVII. | <i>Regi Fidelissimo</i> | | 118 |

| | | | |
|----------|--|------|-----|
| XCVIII. | <i>Cardinali De Rohan.</i> | Pag. | 119 |
| XCIX. | <i>Regi Fidelissimo.</i> | | 120 |
| | <i>C. Comiti De Oeyras.</i> | | 121 |
| | <i>Cl. Allocutio habita in Consistorio secreto, die 24 septembris 1779</i> | | 123 |
| CII. | <i>Regi Christianissimo.</i> | | 126 |
| CIII. | <i>Archiepiscopo Rhemensi.</i> | | 127 |
| CIV. | <i>Regi Fidelissimo.</i> | | 129 |
| CV. | <i>Reginae Hungariae et Bohemiae</i> | | 130 |
| CVI. | <i>Patriarchae Antiocheno Maronitarum</i> | | 133 |
| CVII. | <i>Praeposito generali Congregationis Doctrinae christianae</i> | | 134 |
| CVIII. | <i>Theologis et Magistris societatis Sorbonicae</i> | | 135 |
| CIX. | <i>Archiepiscopo Salisburgensi</i> | | 136 |
| CX. | <i>Episcopo Ruremundensi.</i> | | 138 |
| CXI. | <i>Archiepiscopo Salisburgensi</i> | | 139 |
| CXII. | <i>Breve indulgentiarum pro ecclesia in Ellend sita</i> | | 140 |
| CXIII. | <i>Archiepiscopo Ephesino.</i> | | 141 |
| CXIV. | <i>Archiepiscopo Thebarum.</i> | | 143 |
| CXV. | <i>Reginae Hungariae et Bohemiae</i> | | 144 |
| CXVI. | <i>Eidem</i> | | 146 |
| CXVII. | <i>Ignatio Muller, abbati Sanctae Doroteae</i> | | 147 |
| CXVIII. | <i>Duci Wirtembergensi</i> | | 148 |
| CXIX. | <i>Cardinali Episcopo Constantiensi.</i> | | 149 |
| CXX. | <i>Reipublicae Lucensi</i> | | 150 |
| CXXI. | <i>Abbati Sancti Galli</i> | | 151 |
| CXXII. | <i>Joanni Baptistae Martini</i> | | 152 |
| CXXIII. | <i>Duci Bavariae.</i> | | 153 |
| CXXIV. | <i>Regi Poloniae.</i> | | ib. |
| CXXV. | <i>Communitati Sancti Angeli in Vado.</i> | | 154 |
| CXXVI. | <i>Ducissae Sfortiae Caesarini, viduae</i> | | 155 |
| CXXVII. | <i>Regi Christianissimo.</i> | | 158 |
| CXXVIII. | <i>Magno Duci Etruriae</i> | | 159 |
| CXXIX. | <i>Regi Catholico.</i> | | 160 |
| CXXX. | <i>Regi Fidelissimo</i> | | 162 |
| CXXXI. | <i>Episcopis Beryti, Heliopolis, Constantiae, Tri- polis, Aleppi, Caesareae, Arcae Lustrae et Cypri.</i> | | 163 |
| CXXXII. | <i>Episcopo Malacitano.</i> | | 164 |
| CXXXIII. | <i>Principi Asturiarum.</i> | | 165 |
| CXXXIV. | <i>Duci Bavariae.</i> | | 167 |

| | | |
|-----------|---|----------|
| CXXXV. | <i>Praesidenti Congregationis Benedictino-Bavaricae.</i> | Pag. 468 |
| CXXXVI. | <i>Abbati Ordinis Camaldulensium.</i> | 470 |
| CXXXVII. | <i>Allocutio ad Patres Minores Conventuales, in comitiis generalibus congregatos.</i> | 474 |
| CXXXVIII. | <i>Ducissae Sfortiae Caesarini viduae.</i> | 473 |
| CXXXIX. | <i>Patriarchae Ciliciae et Syriae.</i> | 474 |
| CXL. | <i>Regi Christianissimo.</i> | 475 |
| CXLI. | <i>Allocutio habita in Consistorio secreto, die 17 junii 1774.</i> | 476 |
| CXLII. | <i>Regi Catholico.</i> | 477 |
| CXLIII. | <i>Archiepiscopo Ephesino.</i> | 479 |
| CXLIV. | <i>Archiepiscopo Colocensi, et aliis episcopis.</i> | 480 |
| CXLV. | <i>Archiepiscopo Damasceno.</i> | 484 |
| CXLVI. | <i>Eidem.</i> | 486 |
| CXLVII. | <i>Archiepiscopo Maronitarum Aleppo.</i> | 487 |
| CXLVIII. | <i>Imperatori Romanorum electo.</i> | 488 |
| CXLIX. | <i>Regi Catholico.</i> | 489 |
| CL. | <i>Canonico Desmarais.</i> | 491 |
| CLI. | <i>Aloysiae Mariae Galliarum Principissae.</i> | 492 |
| CLII. | <i>Regi Christianissimo.</i> | 494 |
| CLIII. | <i>Joanni Godefredo Kaufmann.</i> | 496 |
| CLIV. | <i>Patriarchae Chaldaeorum.</i> | 497 |
| CLV. | <i>Regi Christianissimo.</i> | 498 |
| CLVI. | <i>Breve indulgentiarum pro capella in feudo de Oeyras.</i> | 499 |
| CLVII. | <i>Marchioni De Pombal.</i> | 500 |
| CLVIII. | <i>Regi Catholico.</i> | 501 |
| CLIX. | <i>Breve concessionum atque indulgentiarum pro equestri ordine sub Caroli III nomine noviter instituto.</i> | 502 |
| CLX. | <i>Episcopo Graeco Melchitae de Gibel.</i> | 504 |
| CLXI. | <i>Magno Duci Etruriae.</i> | 505 |
| CLXII. | <i>Duci Wirtembergensi.</i> | 506 |
| CLXIII. | <i>Capitulo Ecclesiae Cathedralis Arimini.</i> | 509 |
| CLXIV. | <i>Joanni Principi Lambertinio.</i> | 512 |
| CLXV. | <i>Allocutio habita in Consistorio secreto, die 11 novembris 1774.</i> | ib. |
| CLXVI. | <i>Regi Catholico.</i> | 513 |
| CLXVII. | <i>Episcopo Silvanectensi.</i> | 516 |
| CLXVIII. | <i>Joanni Josepho ab Havern.</i> | 517 |
| CLXIX. | <i>Landgravi Hassiae.</i> | ib. |

| | | |
|------------|--|----------|
| CLXX. | <i>Ladislao Sappel, Ordinis Recollectorum.</i> | Pag. 218 |
| CLXXI. | <i>Malachiae Jeniserchis, Sacerdoti Armeno.</i> | 219 |
| CLXXII. | <i>Cardinali Archiepiscopo Bisuntino.</i> | 220 |
| CLXXIII. | <i>Archiepiscopo Mexicano.</i> | 221 |
| CLXXIV. | <i>Regi Poloniae.</i> | 222 |
| CLXXV. | <i>Capitulo Ecclesiae Salisburgensis.</i> | 224 |
| CLXXVI. | <i>Duci Wirtembergensi.</i> | 225 |
| CLXXVII. | <i>Capitulo Ecclesiae Salisburgensis.</i> | 227 |
| CLXXVIII. | <i>Abbatissae Pragensi.</i> | 228 |
| CLXXIX. | <i>Episcopo Cerameno, Coadiutori Tunkini occidentalis.</i> | 230 |
| CLXXX. | <i>Patriarchae Antiocheno.</i> | 231 |
| CLXXXI. | <i>Abbati generali Monachorum Basiliensium Graeco-Melchitarum.</i> | ib. |
| CLXXXII. | <i>Principi ab Hohenlohe.</i> | 232 |
| CLXXXIII. | <i>Episcopo Senogalliensi.</i> | 233 |
| CLXXXIV. | <i>Viatori de Coccaleo.</i> | 235 |
| CLXXXV. | <i>Landgravio Hassiae.</i> | ib. |
| CLXXXVI. | <i>Aloysiae Mariae Galliarum Principissae.</i> | 236 |
| CLXXXVII. | <i>Episcopo Paderbornensi.</i> | 237 |
| CLXXXVIII. | <i>Reginae Hungariae et Bohemiae.</i> | 238 |
| CLXXXIX. | <i>Duci de Aiguillon.</i> | 240 |
| CXC. | <i>Cardinali de Bernis.</i> | 241 |
| CXCI. | <i>Congregationi nuncupatae Regii Cleri Neapolitani.</i> | 243 |
| CXCII. | <i>Electo Archiepiscopo Salisburgensi.</i> | 244 |
| CXCIII. | <i>Hannibali ex Abbatibus Olivieriis.</i> | 245 |
| CXCIV. | <i>Aloysiae Mariae Galliarum Principissae.</i> | 246 |
| CXCV. | <i>Regi Poloniae.</i> | 247 |
| CXCVI. | <i>Archiepiscopo Gnesnensi.</i> | 248 |
| CXCVII. | <i>Archiepiscopo Kioviensi.</i> | 249 |
| CXCVIII. | <i>Archiepiscopo Posnaniensi.</i> | 250 |
| CXCIX. | <i>Imperatori Romanorum electo.</i> | 251 |
| CC. | <i>Reginae Hungariae et Bohemiae.</i> | 253 |
| CCI. | <i>Saxoniae Electrici viduae.</i> | 254 |
| CCII. | <i>Reipublicae Ragusinae.</i> | 256 |
| CCIII. | <i>Archiepiscopo Goano.</i> | 257 |
| CCIV. | <i>Allocutio habita in Consistorio secreto, die 22 junii 1772.</i> | 258 |
| CCV. | <i>Regi Sardiniae.</i> | 259 |
| CCVI. | <i>Archiepiscopo Salisburgensi.</i> | 260 |
| CCVII. | <i>Archiepiscopo Ephesino.</i> | 261 |

| | | |
|------------|---|-----------|
| CCVIII. | <i>Reginae Hungariae et Bohemiae . . .</i> | Pag. 262. |
| CCIX. | <i>Imperatori Romanorum electo.</i> | 264 |
| CCX. | <i>Episcopo Basileensi</i> | 266 |
| CCXI. | <i>Archiepiscopo Arelatensi et Episcopo Mel-</i> <i>densi</i> | 267 |
| CCXII. | <i>Regi Poloniae.</i> | 274 |
| CCXIII. | <i>Archiepiscopo Gnesnensi, Episcopo Posna-</i> <i>niensi, aliisque sex Episcopis</i> | 272 |
| CCXIV. | <i>Ordini senatorio Regni Poloniae et Magni</i> <i>Ducatus Lithuaniae</i> | 274 |
| CCXV. | <i>Ordini equestri Regni Poloniae et Magni</i> <i>Ducatus Lithuaniae</i> | 275 |
| CCXVI. | <i>Episcopo Cracoviensi.</i> | 276 |
| CCXVII. | <i>Palatino Cracoviae</i> | 277 |
| CCXVIII. | <i>Episcopo Berytensi</i> | 278 |
| CCXIX. | <i>Imperatori Romanorum electo.</i> | 279 |
| CCXX. | <i>Reginae Hungariae et Bohemiae</i> | 282 |
| CCXXI. | <i>Regi Sardiniae</i> | 284 |
| CCXXII. | <i>Imperatrici.</i> | 285 |
| CCXXIII. | <i>Saxoniae Electrici viduae</i> | 286 |
| CCXXIV. | <i>Abbati Monasterii Ordinis S. Benedicti in</i> <i>civitate Salisburgensi.</i> | 287 |
| CCXXV. | <i>Superiori Monialium Capuccinarum Sa-</i> <i>lisburgi</i> | 288 |
| CCXXVI. | <i>Archiepiscopo Trevirensi</i> | 289 |
| CCXXVII. | <i>Regi Poloniae</i> | 294 |
| CCXXVIII. | <i>Patriarchae Antiocheno Maronitarum</i> | 293 |
| CCXXIX. | <i>Breve pro institutione Congregationis ad</i> <i>exequenda quae in Breve suppressionis</i> <i>Societatis Jesu continentur</i> | 294 |
| CCXXX. | <i>Reginae Hungariae et Bohemiae</i> | 297 |
| CCXXXI. | <i>Cardinali Vicecomiti:</i> | 298 |
| CCXXXII. | <i>Regi Catholico.</i> | 299 |
| CCXXXIII. | <i>Regi Sardiniae</i> | 300 |
| CCXXXIV. | <i>Reginae Sardiniae</i> | 304 |
| CCXXXV. | <i>Duci Sulzbacensi</i> | 302 |
| CCXXXVI. | <i>Regi Christianissimo.</i> | 303 |
| CCXXXVII. | <i>Eidem</i> | 304 |
| CCXXXVIII. | <i>Saxoniae Electrici viduae</i> | 305 |
| CCXXXIX. | <i>Regi Fidelissimo</i> | 306 |
| CCXL. | <i>Regio Hispaniarum Infanti.</i> | 307 |
| CCXLI. | <i>Romanorum Imperatori electo</i> | 309 |

| | | |
|-----------|--|----------|
| CCXLII. | <i>Archiepiscopo Thebarum.</i> | Pag. 310 |
| CCXLIII. | <i>Regi Poloniae</i> | 312 |
| CCXLIV. | <i>Episcopo Vîlensi</i> | 313 |
| CCXLV. | <i>Regi utriusque Siciliae</i> | 314 |
| CCXLVI. | <i>Abbati ad S. Petrum Salisburgi</i> | 316 |
| CCXLVII. | <i>Regi Christianissimo</i> | 317 |
| CCXLVIII. | <i>Regi Catholico</i> | 318 |
| CCXLIX. | <i>Mignonneau.</i> | 320 |
| CCL. | <i>Allocutio habita in Consistorio secreto, die 17 januarii 1774</i> | 324 |
| CCLI. | <i>Romanorum Imperatori electo</i> | 325 |
| CCLII. | <i>Reginae Hungariae et Bohemiae</i> | 326 |
| CCLIII. | <i>Regi Poloniae.</i> | 327 |
| CCLIV. | <i>Duci Saxoniae</i> | 328 |
| CCLV. | <i>Duci Wurtembergensi.</i> | 329 |
| CCLVI. | <i>Archiepiscopo Moguntino.</i> | 330 |
| CCLVII. | <i>Archiepiscopo Berytensi</i> | 331 |
| CCLVIII. | <i>Reginae Hungariae et Bohemiae</i> | 335 |
| CCLIX. | <i>Cardinali de Bernis</i> | 336 |
| CCLX. | <i>Duci Bavariae</i> | 338 |
| CCLXI. | <i>Eidem.</i> | 339 |
| CCLXII. | <i>Episcopo Vîlensi</i> | ib. |
| CCLXIII. | <i>Duci Saxoniae</i> | 344 |
| CCLXIV. | <i>Allocutio habita in Consistorio secreto, die 18 aprilis 1774.</i> | 342 |
| CCLXV. | <i>Duci de Aiguillon</i> | 343 |
| CCLXVI. | <i>Regi Christianissimo</i> | 344 |
| CCLXVII. | <i>Allocutio habita in Consistorio secreto, die 9 maii 1774.</i> | 345 |
| CCLXVIII. | <i>Magno Magistro Hospitalis S. Joannis Hierosolimitani</i> | 346 |
| CCLXIX. | <i>Reginae Hungariae et Bohemiae</i> | 347 |
| CCLXX. | <i>Reipublicae Lucernensi</i> | 349 |
| CCLXXI. | <i>Regi Christianissimo</i> | 350 |
| CCLXXII. | <i>Reginae Christianissimae.</i> | 352 |
| CCLXXIII. | <i>Regi Christianissimo</i> | 353 |
| CCLXXIV. | <i>Capitulo ecclesiae metropolitanae Moguntinae</i> | 354 |
| CCLXXV. | <i>Aloysiae Mariae Galliarum Principissae.</i> | 355 |
| CCLXXVI. | <i>Allocutio habita in Consistorio secreto, die 6 junii 1774.</i> | 356 |
| CCLXXVII. | <i>Romanorum Imperatori electo</i> | 358 |

| | | |
|------------|--|----------|
| CCLXXVIII. | <i>Regi de Travancor.</i> | Pag. 360 |
| CCLXXIX. | <i>Duci Bavariae</i> | 364 |
| CCLXXX. | <i>Eidem.</i> | 363 |
| CCLXXXI. | <i>Electo Archiepiscopo Moguntino.</i> | 364 |
| CCLXXXII. | <i>Aloysiae Mariae Galliarum Principissae.</i> | 366 |
| CCLXXXIII. | <i>Regi Catholico</i> | 367 |

DOCUMENTA VARIA HISTORIAM PONTIFICATUS

CLEMENTIS PP. XIV ILLUSTRANTIA

| | | |
|-------------|--|-----|
| CCLXXXIV. | <i>Cardinali Malvezzi, nuncupato Archiepiscopo Bononiensi, Benedictus XIV.</i> | 374 |
| CCLXXXV. | <i>Le cardinal de Bernis au pape Clement XIII.</i> | 373 |
| CCLXXXVI. | <i>Cardinali de Bernis Clemens pp. XIII.</i> | 376 |
| CCLXXXVII. | <i>Le duc de Praslin au marquis d'Aubeterre.</i> | 378 |
| CCLXXXVIII. | <i>Le même au cardinal de Rochecouart.</i> | ib. |
| CCLXXXIX. | <i>Instrumentum de introitu in Conclavi Josephi Romanorum Imperatoris electi, et Petri Leopoldi Magni Ducis Etruriae, die 6 martii 1769.</i> | 383 |
| CCXC. | <i>Romanorum Imperatrix vidua, S. R. E. Cardinalibus in Conclavi cohadunatis.</i> | 385 |
| CCXCI. | <i>Raiberti, ministre de la Cour de Turin, au cardinal des Lances.</i> | 387 |
| CCXCII. | <i>Il re di Polonia al pontefice Clemente XIV.</i> | 388 |
| CCXCIII. | <i>Idem eidem</i> | 389 |
| CCXCIV. | <i>Idem eidem</i> | 394 |
| CCXCV. | <i>Josephus Romanorum Imperator Clementi pontifici XIV.</i> | 392 |
| CCXCVI. | <i>Cardinalis Carinus Episcopo vicario apostolico Vratislaviensi</i> | 393 |
| CCXCVII. | <i>Idem Archiepiscopo Pragensi</i> | 395 |
| CCXCVIII. | <i>Josephus Imperator Clementi pp. XIV.</i> | 397 |
| CCXCIX. | <i>Le duc d'Aiguillon au cardinal de Bernis.</i> | 398 |
| CCC. | <i>Édit du roi de France sur les mariages entre les catholiques et les luthériens.</i> | 400 |
| CCCI. | <i>Cardinalis Corsinus Nuncio apostolico Poloniae</i> | 403 |
| CCCII. | <i>Exposé de l'état de la religion en Ukraine.</i> | 404 |
| CCCIII. | <i>Cardinalis Corsinus Nuncio apostolico Poloniae</i> | 409 |

| | | |
|----------|---|----------|
| CCCIV. | <i>Assertiones theologico-juridicae pro baccalau- reatu Heidelbergae consequendo . . .</i> | Pag. 410 |
| CCCV. | <i>Cardinalis Corsinus Nuncio apostolico Polo- niae</i> | 412 |
| CCCVI. | <i>Idem eidem.</i> | 413 |
| CCCVII. | <i>Relazioni di Giovan Vincenzo e di Giovan Francesco Bolgeni delle cose accadute nella Corte del papa dopo che questi ebbe sotto- scritto il breve della soppressione dei gesuiti.</i> | 414 |
| CCCVIII. | <i>Il re di Sardegna ai Cardinali adunati in Con- clave.</i> | 419 |
| CCCIX. | <i>Rex Siciliarum S. R. E. Cardinalibus . . .</i> | 420 |
| CCCX. | <i>Romanorum Imperatrix vidua eisdem . . .</i> | 421 |
| CCCXI. | <i>Le roi de France aux mêmes</i> | 422 |
| CCCXII. | <i>Romanorum Imperator electus eisdem . . .</i> | 423 |
| CCCXIII. | <i>Pius papa VI Regi Christianissimo</i> | 425 |
| CCCXIV. | <i>Idem Reginae Fidelissimae.</i> | 427 |
| CCCXV. | <i>Idem Regi Sueciae</i> | 429 |
| CCCXVI. | <i>L' arcivescovo di Calcedonia al cardinale Pal- lavicino</i> | 430 |
| CCCXVII. | <i>Clementis pp. XIV, Breve pro extinctione So- cietatis Jesu.</i> | 433 |

5680706



PREZZO DELL' OPERA

| | |
|---|-----------------|
| <i>Per gli Associati al netto . . .</i> | <i>Paoli 32</i> |
| <i>Per i non Associati . . .</i> | <i>» 50</i> |

Gli editori intendono di valersi dei diritti concessi dalle leggi sulla proprietà letteraria.



